



~~B III L 45-46~~

19-1-23-24



~~B 111 L 45-46~~

12-19-1-23-24

114
P
3
324 DE
MAGNETE.

THE 13th

DE
MAGNETE

LIBRI QUATUOR
IN DUOS TOMOS DISTRIBUTI
TOMUS I.

CONTINENS LIBRUM PRIMUM ET SECUNDUM
AUCTORE
JOANNE BAPTISTA SCARELLA
CLERICO REGULARI.



BRIXIÆ ANNO MDCCCLIX.

Excudebat JOANNES-MARIA RIZZARDI.

SUPERIORUM PERMISSU.

ILLUSTRISSIMO AC REVERENDISSIMO DOMINO
MICHAELI CASATO
EPISCOPO MONTIS REGALIS

JOANNES BAPTISTA SCARELLA CL. REG.
F.



*Um duodeviginti ab hinc annis hoc
meum de Magnete opus, quod nunc
in lucem emitto, conscriberem, be-
ne memini me tempore autumnalium Feriarum iter
aggressum, Tibi, ILLUSTRISSIME AC REVERENDIS-
SIME PRÆSUL, in Regio Taurinenſi Lyceo Moralem*

Philosophiam maximo omnium plausu tunc temporis explicanti, Taurini obtulisse examinanda quæ jam tum composueram, Teque iisdem ad examen vocatis, & multis eorum, quæ desiderabantur, singulari humanitate & magno ingenii acumine declaratis, auctorem fuisse, ut inchoata perficerem & publica luce donarem. Quo factum est, ut ex eo tempore & majori alacritate cœptam operam urgerem, & ad ea quæ præceperas, animum diligenter attendens, valde minori absolverem difficultate. Nam cum ab omnibus magni fiebas in Physicis disciplinis, quas summa cum laude plures annos exposueras nostræ Congregationis alumni, tum vero maxime a me, qui Tuam in sublimiori Physica reconditiorem doctrinam ex privatis domesticisque colloquiis satis perspectam habebam. Id est mihi causæ, cur hoc Opus, quod tunc absolutum quidem, sed longo annorum spatio intermissum, & præterito anno limatum publici juris nunc facio, in Tuo nomine appareat; præsertim cum hoc pacto me assecuturum sperem, ut si maximum in eo contexendo

do fructum ex Tuis admonitionibus cepi , non minorem apud doctos viros in eodem edendo Tuis commendationibus capiam.. Quamquam unum Tuum in fronte libri apparens celeberrimum Nomen satis superque esse potest ad favorem doctorum hominum eidem conciliandum . Quis enim est tam peregrinus & hospes , qui Te Tuaque in omni scientiarum & virtutum genere eximia merita ignoret , posteaquam sapientissimus ille & justus sapientum virorum æstimator & Judex Sardiniae Rex tot tamque præclara de Te judicii sui testimonia dedit? Is Te ad Moralem primo Philosophiam & deinceps Theologiam in suo Regio Studio explicandam Mediolano accersivit ; is Tibi adolescentes ad illud ex toto Regno & ex nationibus exteris frequenter concurrentes , in officio continendos & piis monitis & exhortationibus ad christianam pietatem informandos commisit ; is Te in gravissimis ecclesiasticis controversiis in consilium sæpius adhibuit ; cumque in omnibus hisce muneribus eidem plurimum annorum spatio cumulate satisfacisses eidem Tibi omnium gravissimum onus imposuit ; & cla-

ro quidem sanguine ortum, sed exterum tamen hominem amplissimæ Ecclesiæ Antislitem designavit. Quo in munere non solum tanti Regis & ceterorum qui Te norant, studia movere, sed etiam retinere potuisti. Nam simulac ad Pastoris dignitatem evectus es, Tuam Ecclesiam & omnes ejus partes magna sollicitudine & cura es complexus, sed in eam maxime rem totis viribus incubuisti, ut Ecclesiasticam Tui Cleri disciplinam restaurares, & in eum finem in Monte Regali Seminarium ita amplificasti, ut quod antea solum viginti alumnos contineret, nunc centum ipsos sanctissimis moribus & omni litterarum genere excolendos complectatur; & Cunei, quæ est altera Tibi subiecta Urbs, alterum a fundamentis erexisti, in quo fere quinquaginta Clerici hoc ipsomet anno commode versantur, illudque emptione, quam urges, vicinæ domus dilatare statuisti, quo idoneos ad munia sacra ministros in majori copia ubique aleres atque educares. Nec minori sedulitate commodis & utilitatibus studes aliorum, qui Tuæ curæ commissi sunt, quos ad vera cœlestis-vitæ


tæ pascua non ministerio tantum aliorum, sed Tute ipse ducis, cum & in Cathedrali Ecclesia, & in aliis etiam, nunc maxime tempore visitationis totius Diæcesis, quam alacriter aggressus es, ac summo animi & corporis labore & subjecti Gregis emolumento peragere & ad umbilicum perducere contendis, in ipsorum aures eos frequenter infundis uberrimos Tuæ sacræ eloquentiæ rivos, quibus nobilium virorum atque Matronarum Congregationes Mediolani per multos annos magno cum fructu irrigaveras, hauritos ex purissimis fontibus dogmaticæ Theologiæ & sanioris Moralis, quarum primam Tuis contubernalibus, alteram exteris etiam Clericis in Taurinensi publico Gymnasio explicasti, SS. Patrum, quos diurna nocturnaue manu semper versasti & etiamnum versas, & SS. utriusque Testamenti Litterarum, quas ita memoriæ tenens insculptas, ut quemadmodum variorum Tuæ typis editæ elegantissimæ orationes earum locutionibus refertæ, & quasi ex ipsis contextæ declarant, illas in Tuum veluti succum ac sanguinem converteris. Longum mihi foret & ab hoc loco alienum,

num, si vellem omnes hic referre ingenii & animi
dotes atque præclara in Ecclesiæ administratione fa-
cinora, quæ omnibus perspicuum faciunt Te dignissi-
mum esse, qui Magni Regis judicio & omnium bono-
rum consensu ad tanti sublimem honoris gradum pro-
vehereris. Quamobrem ea tacitus præteribo, præfer-
tim cum ex altera parte hoc Tuæ singulari modestiæ
nimis grave esset futurum, & ex altera, quæ signi-
ficata fuerunt, satis sint ad id efficiendum quorsum
spectabam, tanti Viri Nomen meo præfixum Operi,
summo eidem honori & loco maximæ apud doctos
commendationi esse futurum. Quod si foret adeo exi-
gui pretii, ut nec tanta munitum commendatione ad
litteratorum favorem, & laudem aspirare posset, il-
lud tamen consequar, quod in eodem Tibi inscri-
bendo vebementer optabam, ut aliquod publicum
atque perpetuum mei singularis erga Te obsequii,
& de Tuis virtutibus existimationis constet monu-
mentum.

M O N I T U M.

CUM impressio Operis jam fuisset absoluta, Illū. ac Excellē. PETRUS ANDREAS CAPELLUS EQUES, Vir polioribus litteris & vario eruditionis genere epprime excultus, & quatuor Regiis Legationibus, Hispanica, Anglica, Germanica, & Romana clarissimus, summa humanitate me certiorum reddidit de novo artificialium Magnetum genere omnibus aliis anteposendo, quod quidam medicus anno 1747. Consilio Præsectorum Navium, celato artificio, obtulit Londini, ubi tunc is munere Legatiungebatur. Est instar magnetis artificialis Knighrii §. 311, quia constat ex duabus laminis chalybeis 1, 2 [fig. 27] aliquanto plus longioribus pede parisiensi, latitudinis & altitudinis unius circiter pollicis, quæ, licet norma lignea 6 inter eas non intercipiatur, tamen sunt inter ipsas discretæ ob unum contactum frustorum ferri 5, 5, quæ ad extrema opponuntur. Maxima vero est ipsius virtus in transponendis magnetum naturalium polis, & in eorum vi intendenda. Unde magno esse potest usui in maritimis itineribus, in quibus non raro contingit, ut acum & ipsorum quoque naturalium magnetum vis multum imminuat. Suspicor autem auctorem simul esse consecutum, quod in aliis artificialibus magnetibus desideratur, cuique malo medicinam afferre conatus sum §. 318, ut ipsius magnetes longum tempus incorrupti perstent, quia Cl. Eques antequam Veneriis se conferret Brixiam, cujus provincia habenas nunc sapientissime moderatur, uno ex iis magnetibus plura cepit experimenta hoc ipsomet anno 1759, ejusdemque prorsus virtutis, ac ante duodecim annos comperit.

PRÆ.





PRÆFATIO.



Uanti sit ad rerum omnium naturalium cognitionem Magnetis vim, & ejus effecta, quammaxime fieri potest, in lucem proferre, ut quisque in iis contemplandis diutissime versatus est, ita potissimum novit. Hujus enim admirandi Corporis tot, ac tam variae, tamque abditæ, atque inaccessibleæ proprietates in oculos curiosi spectatoris incurrunt, ut si ad earum causam, & originem pervenire, ac e naturæ latebris educere possit, nihil deinceps in Physicis, quod in eo vastissimo campo se currentem, atque exsultantem remoretur, futurum esse confidat. Cum vero inter cetera magnetem inter, atque Tellurem tantum necessitudinis intercedere potissimum videt, ut magnes instar parvæ Telluris, ac Tellus instar magni magnetis haberi possint; illud saltem concludit ad cognitionem ejus, quam incolimus, Terræ acquirendam in explicatione proprietatum Magnetis multum esse momenti. Quamobrem summis laudibus efferendum est consilium Illustrissimæ Regiæ Parisiensis Academiæ Scientiarum, quæ superioribus annis hanc potissimum materiam elegit, circa quam Physicorum & Matheseos professoribus problema solvendum proponeretur. Quod ut ad meas aures pervenit, non mediocri gaudio sum affectus, quia fore sperabam, ut doctissimi quique nationum omnium Philosophi ad hanc rem ex professo tractandam incitarentur, & sapientissimo illius judicio, quæ optimum eligere solet, unus, aut alter commentarius, qui circumfusus huic quæstioni tenebras disjiceret, in lucem emitteretur. Hæc dum animo evolverem, multorum, ut in rebus dubiis, mihi veniebat in mentem, quæ ad rem explicandam conducere, & eaque paulatim tantam in molem crevere, ut

quamvis initio conscius imbecillitatis virium ingenii nihil magnum auderem, deinceps tamen ingentes spiritus sumferim, & dum alii suas meditationes proferrent, mihi non esse expectandum, sed meas a me producendas putaverim. Si enim tam præclare mecum actum fuisset, ut illæ operæ pretium essent futuræ, duo me consecuturum videbam, ut primum ipse mihi, tum etiam aliis prodessem. Sin autem minus, quod ad verum magis accedit, eum saltem fructum me capturum sciebam, ut ex lectione librorum, quos in hanc materiem alii fecissent, maiorem, ut in re, de qua mecum antea diu fuisset commentatus, fructum perciperem. Ut vero his adductus rationibus me ad scribendum appuli, vastiorem esse intellexi hanc quæstionem, quam antea cogitaram, & quatuor illa de ferri attractione, de acus ad telluris polum directione, & inclinatione, deque ejusdem a polo declinatione ab Academicis proposita capita satis explicari, ac definiri non posse, quin alia multa, quæ cum ad alias Physicæ partes, tum ad intimam ferri ac magnetis naturam pertinerent, simul explanarentur. Nam in quaque parte Philosophiæ res ita sunt inter se aptæ, atque connexæ, ut altera alterius explicatione opus habeat, & verissima sit illa Ciceronis sententia, qua utebatur in eos, qui paucis esse philosophandum volebant. (1. 2. *Tusc. Disp.* cap. 1.) *Difficile est in Philosophia paucis esse si nota, cui non sint aut pleraque, aut omnia.* Quapropter mihi necessarium esse prospexi rem paulo altius repetere, & quam absolutissimum magnetis systema proponere, ut si fieri potest, quæ in multa obscuritate latent, sic aperirem, ut ea cernere oculis sibi lectores videantur. Ceterum mirabilium vis magneticæ effectorum causam investigaturus bene sentio me valde laboriosam provinciam suscipere, & conari medicinam afferre desperatæ ac prope depositæ parti Philosophiæ. Cum enim duo sint fontes, unde omnes omnium hujus mundanæ molis corporum motus existunt, vires attractrices, quæ per totum mundum longe lateque manant, & numquam cessantes alterius in alterum impulsiones, in reddenda ratione mutui magnetis ad alterum magnetem & ad ferrum accessus utrumque mihi esse præclusum cognosco. Nam quod attinet ad primum, rationum momenta, quæ protulit Musschenbroechius ad illud suadendum attractioni magneticæ cum Nevvtoniana nihil esse commune, tanti sunt ponderis, ut omnes persuadere & cogere posse mihi videantur. Alioquin autem a vera Philosophandi methodo, quæ in scholis & Academicis nunc obinet, nimis alienum est in gratiam effectorum magnetis & ferri particularem quamdam comminisci inter hæc corpora legem attractionis, quæ maximo Physicæ damno viam muniret ad introducendas innumerabiles alias quibuscumque

na-

naturæ phænomenis explicandis pro cuiusque libito accommodatas. Quod vero pertinet ad alterum, eidem Musschenbroechio, Kraftio aliisque doctissimis viris ea insedit opinio generatim adversus eos, qui in magnetis negotio confugiunt ad effluvia corporea, a quibus magnes versus alterum magnetem aut versus ferrum impellatur, duas esse gravissimas easque inenodabiles difficultates, ut etiamsi ope effluviiorum quamplura hujus lapidis phænomena bene explicentur, id pro nihilo habendum sit, eo quod quemcumque effluviiorum vorticem respuunt alia, ex quibus eæ difficultates ducuntur. Illud enim phænomenon magneticæ vis, quæ per omnia vel solidissima atque crassissima corpora inter magnetem & ferrum interposita sine ullo prorsus impedimento suæque intensiõis aut diffusiõis diminutione transmittit, nullo pacto conciliari posse videtur cum altero, quod in eo possum est, ut ingentes plurium ferri librarum massæ eadem vi moveantur. Quam enim maximam & incredibilem in effluviis subtilitatem primum postulat, eam respuit alterum, præsertim cum eodem tempore hæc effluvia experimentis comperta sint minime idonea aliorum præter ferrum atque magnetem corporum quantumcumque exilibus frustis trahendis, aut vel aliquantisper e suo loco depellendis. Hæc me ab hujusmodi obscurissimo loco tractando prorsus deterruissent, nisi in illa mea theoria actionis corporum aliorum in alia, quam tomo I. *Physica Gen.* §. 201. & aliis etiam duobus sequentibus luculenter exposui, facilem simul & veram, ut quidem mihi videtur, hujus tam intricatissimi nodi solvendi rationem vidissem. Quæ perspecta cum ad innumerabilium experimentorum, quæ ab aliis in hac materia instituta sunt, lectionem me contulissem, & ad alia quamplurima de novo instituenda manus admovissem, comperi systema iis innixum principiis multo magis, quam a primo sperabam, esse accommodatum omnibus vis magneticæ mysteriis in quamclarissima luce ponendis. Id me impulit, ut quamvis ab anno 1742, quo jam hoc opus magna ex parte contexueram, ad præsentem usque multi de hac re prodierint doctissimi commentarii, & ille præsertim Cl. Euleri, qui a Regia Parisiensi Academia præmium retulit, tamen me nihil inepte facere arbitrarer, si post exanthlatos a summis viris labores meas commentationes in lucem emitterem. Quod commode cecidit, quia cum duobus fere ab hinc annis hanc disputationem in manus denuo sumserim, multa mihi licuit corrigere ex iis, quæ ante conscripseram, novisque luminibus partim depromtis ex meo penu, quod eo temporis intervallò collegi, partim ex libris, qui interea typis excusi sunt, aut meas ad manus pervenerunt, operam illustrare, atque præsertim ad experimenta certiora efficienda, & ad eadem

dem magis in ordinem atque ad certam legem redigenda, fere omnia quæ a primo institueram, summa diligentia repetere. Cum enim ex altera parte multa magneticæ attractionis experimenta in Physicorum libris nullam certam ac ratam legem sequi videantur, & ex altera, quæ nunc hoc, nunc illo modo contingunt, parvi sine usus in Physicis, utpote minime circumscripta omnibus adjunctis iis, quorum ratio foret habenda; totus hic sum in eadem investiganda lege, atque in hunc finem ad omnia diligenter attendo, rem in omnes partes non levi sollicitudine verso, atque omnium, quæ varietatem inducunt in magnetis negotio, rationem habere procuro. Quid tot tantisque curis fuerim consecutus, aliorum erit iudicium. Nimis enim arroganter facerem, si mihi videri dicerem id præstârîsse, ut experimenta magneticæ vis alia cum aliis optime consentire docerem, atque hoc pacto rem eo deduxissem, ut fere omnia cum systemate a me constituto congruere, nullum vero esse, quod cum eo manifeste pugnet, ostendere possem. In explicandis autem experimentorum rationibus a calculis sublimioris Analysis prorsus mihi esse abstinendum sum arbitratus. Cum enim rationes in quibus magneticæ vires decrescunt, & alia plura, quæ rationibus subducendis necessaria sunt, satis accurate observationibus definiri non queant; supervacaneum censui tam molestum laborem sibi scipere in eo investigando, quod etiam si ex principiis Matheos bene definiretur, tamen a naturali rerum statu foret abhorreret, propterea quod iis, quæ in hac universitate rerum non obrinent, inniteretur; & bene memini Cl. Wolphium in epistola ad Italum Matheos Professore meumque amicum data olim scripsisse M. Eulerum prius laboriosissimo calculo definisse quid in magneticis attractionibus repulsionibusque deberet usuenire, & deinceps cum ad experimenta accessisset, deprehendisse problematum ita constitutorum solutionem ab eo, quod revera contingit, toto cælo aberrare.

Atque hæc univèrse præfanda esse duxi; quid vero in singulis magneticæ vis proprietatibus explicandis præstiterim, nunc exponere aggredior. Totam hanc disputationem quatuor libris completor, in quorum primo dissero de vorticibus magneticis, deque natura magnetis & ferri, eorumque differentia; in secundo de effectibus & phænomenis magnetis, & præsertim de attractione & directione; in tertio de Acus Nauticæ declinatione & inclinatione; in quarto denique plura explico omnium magnetis virium effecta & phænomena, ea præsertim, quæ capite quarto disputationis Musschenbroechii fuerunt exposita. Primus ex duobus tomis, in quos opus distribuo, continet primum librum atque secundum; alter vero tertium & quartum.

Ma-

Materiam libri prioris ipsis octo capitibus persequor. Primo, quod est de effluviis a magnete erumpentibus, viam mihi munio ad systema effluviarum, docendo magnetis ad ferrum, & ferri ad magnetem accessum perfici non posse nec universali Nevvtoniana attractione, nec externi aeris saltem crassioris impulsu. Cum vero in majori facilitate, qua profluvia magnetica ferrum atque magnetim percurrunt, quam alia corpora, vertatur cardo totius de magnetis disputationis; adversus Reaumurium, qui primum de illa subdubitare cœpit, atque Monnerium, qui corpuscula magnetica per ferri meatus ægrius, quam per aliorum corporum interstitia transmitti aliquibus in eam rem factis experimentis sibi visus est confecisse, id certis experimentis a me institutis cap. 2. ostendo, & rationem a Cl. Viro ductam ex suis perspicue diluo pluribus aliis, & eo præsertim, quod idem ille magnetis polus, qui medio laminæ valde subeillis, sed longæ, impositus scobem ferream in altera superficie ad centrum positam, & unam tantum lineam a polo distantem nullo modo ciebat, angulis laminæ in scobem immersis eandem scobem, tametsi tres pollices & amplius disjunctam fortiter attraheret.

Quamvis autem in tanta rerum obscuritate Physici præclare secum actum putare debeant, si rem aliquam a posteriori, ut ajunt, & experientis compertam habere possint; tamen capite tertio rem altius peto, & hujus majoris facilitatis indeque genitæ refractionis ac majoris velocitatis rationes & causas investigo. Qua in re articulo primo sententiam expono Cl. Euleri, qui cartesiano more attractionem magneticam indeque profectas directionem atque inolationem ab æthere subtilissimo reperit; secundo vero iis, quæ adversus Molierium, atque eundemmet Eulerum tomo II. *Phys. Gen.* §. 512. & seq. disputavi, conficio tam gravia corpora, qualia sunt magnes & ferrum, materiæ adeo subtilis & nulla fere resistentia præditæ actione commoveri non posse; tertio denique meam exponens sententiam primum statuo duo esse debere in effluviis, quibus attractiones magneticæ perficiantur, primum idoneam massam ad corpora tam magna trahenda, ne videlicet sint ejus raritatis, quam esse in æthere rationibus subductis collegit Eulerus; secundo maximam facilitatem trajiciendi vel solidissima atque crassissima corpora, adeo ut hæc, quemadmodum certis experimentis efficitur, nullam prorsus, quæ in sensu cadat, iidem resistentiam objiciant: tum ex his experimentis, & ex iis, quæ §. 20. tom. I, & §. 502. secundi *Phys. Gen.* enucleare disserui, colligo effluvia magnetica donata quidem esse vi attractrice mutua ratione habita magnetis & ferri, ex quo fit ut hæc corpora majori cele-

celeritate, quam alia quæcumque, & refractionem sebeundo permeent; nulla vero nec attractrice, nec expultrice ratione habita aliorum corporum quorumcumque; ex quo fit ut propter rationes citato loco tractatas sine ulla prorſus aut acceſſione velocitatis, aut deceſſione non per meatus tantum, ſed per ipſam interiorem eorum ſubſtantiam tranſmittant.

Ex quibus mira facilitate capite quarto duco rationem enuntiationis omnium demonſtratu difficillimæ, cur ſi magneti ferreum inſtrumentum oblongum admoveatur, fiat circa illud magneticus vortex, iſque ſecundum longitudinem, ita ſcilicet, ut in partibus ejuſdem extremis, ſive in angulis poli eſſuiviorum exiſtant, alter exitus, a quo magna vis eorundem erumpit, alter ingreſſus, in quem intrat magna vis illorum, quæ a polo exitus eruperunt.

Sequitur caput V. omnium huius libri longiſſimum, in quo examinandum ſuſcipio quid cauſæ ſit, cur ferrum magnetica imbutum virtute a magnete differat cum in aliis, tum maxime in eo, quod poli magnetis ut plurimum immutabiles ſunt, & quæ illius pars boream verſus ſemel dirigitur, eodem ſemper ſpectat, nec alterius admotione magnetis virtutem ſe convertendi ad alterum telluris polum ordinarie acquirit; at poli ferri identidem mutantur, & quod acus magneticæ extremum, ad alterum magnetis polum aſſectum, ad boream antea ſe dirigebat, illud ſi altero ejuſdem magnetis polo tetigeris, ad austrum convertitur. Qua in re explicanda ab hypotheſibus abſtineo, & diſcriminis explicationem non peto, niſi ab iis, quæ ratione & experimentis nituntur. In hunc finem primum articulo primo inveſtigo ferri naturam, & experimentis clariffimorum virorum Lemeryi natu minoris, Hombergii, Galeatii in Comment. Bonon., auctoris eximii libri *Nuovo Corſo di Chimia* &c. & Muſſchenbrochii, ſed alibi, doceo duas eſſe præcipuas ferri partes, alteram terreſtrem & ſiccā, alteram oleoſam & craſſam; oleoſas autem moleculas in ferri meatibus eſſe, & eorum parietibus adhærere, eaſque facilius aliis a tota ferri ſubſtantia diſjungi & abradi, quod connexio molecularum olei cum terreſtribus atque ſiccioribus minor eſt connexione, qua terreſtres ipſæ inter ſe copulantur; acidorum vero ſpirituum particulas eſſe eas, quæ ferri meatus pervadentes moleculas olei ab aliis ferri partibus decidunt, cum iis concreſcunt in unum ſulphuris corpus; eaſdemque accedente calore ſecum foras abripiunt: ac demum has oleoſas moleculas, ex quibus pendet ferri mollities, humiditas ac ductabilitas præ iis maſſis, quæ oleo excutæ, duriores ſunt, ſicciores atque friabiles, totam ferri ſubſtantiam pervadere, & omnes occupare meatus, & anguſtiores efficere, atque ſub
pro-

propria quasi mollis forma materiæ cum terrestribus siccisque particulis ita parum tenaciter esse conglutinas, ut acidorum partiæ, quæ ferri meatus subierint, eas facile ab aliis excidant, eædemque oleosæ moleculæ ab aliis tenuissimis effluviis saltem ultro citroque versari, & eam versus plagam, quam effluvia petierint, inflecti ac dirigi possint.

Porro ex his & ex iis, quæ in Actis Acad. Parisiensis in conversione ferri in verum & constantem magnetem contigisse narrantur, secundo articulo plane colligo discrimen ferrum inter atque magnetem in eo positum esse, ut cum ferrum virtute magnetica imbutum terrestri solidiorique materia magneti simile ac idem sit, corpusculis crassis oleosis ac mollibus discrepet ab eodem, & eo quod aliqua ex ipsis, dum rubigine ferrum in magnetem convertitur, educta fuerunt, alia vero, quæ restant, duriora & inflexilia evasere, utpote quæ cum acidis particulis in durius sulphuris corpus concreverunt.

Atque hujusmodi oleosæ mollesque partiæ, quæ ad ferri meatuum parietes adhærescunt, ita mihi naturam mobilium Cartesii villorum præferre videntur, ut a cognitione unius in alterius cognitionem manu quasi duci me putem, & satis mirari non desinam ex tot præstantissimis Philosophis, qui ab hujus sæculi anno sexto, cum Lemeryi commentarium lucem vidit, ad hanc usque diem in examinandis magnetis phænomenis diligentissime versati sunt, neminem, quod sciam, ad eadem explicanda, & maxime ad rationem afferendam discriminis polorum ferri & magnetis oleosa ferri portione etiamnum usum fuisse. Præsertim cum hoc ipso tempore Cartesiana hypothesis mobilium in ferro villorum in omnium ore fuerit, eamque plures licet rationibus destitutam, tamen ut ferri magnetica phænomena commode explicantem amplexati sint, aliqui vero adoptatam illustrarint & experimentis firmaverint. Id vero est, in quo versatur caput sextum, in cujus prior articulo doceo in hac oleosa mollique portione olei, quo ferri parietes oblitati sunt, positos esse villos ejusdem flexiles & in omnem partem versatiles, atque ab eadem proficisci mutabilitatem polorum ferri, quod magnetica virtute imbuatur. Cum vero ad eandem versatiles villos confirmandos utar etiam argumento, quod olim usurpavit Fayus, virgæ, quæ aut extremo inferiori contra solum concusso, aut superiori contra lacunare, aut alio modo percusso polos atque trahendi virtutem in extremis acquirit, diversis autem hinc inde succussionibus virtutem omnem amittit, veram mihi videor §. 100. attigisse rationem, cur vis magnetica generetur percussione, quæcumque tandem ea sit, & in quamcumque plagam incli-

inclinata, si modo commodus sit virgæ, quæ percutitur, situs, eamque certissimis experimentis in posterum confirmo, & hoc ipso loco ex eo colligo, quod etiam si ignis has ferri moleculas quoque versus disjiciat, tamen ad polos in ferrea virga commodum situm habente generandos, eosque fortiores atque magis constantis valde conducit. Secundo vero pluribus efficio in magnetibus, qui et ferro facti fuerunt, quibusque omnes alii, de quorum generatione nobis non liquet, prorsus similes sunt, villos & fibrillas haberi, illud versus extremum, e quo magnetica erumpunt corpuscula, eo tempore, quo propter calorem etiamnum molles erant atque versatiles, depressas atque conversas, ut iisdem corpusculis secundum suam feriem, ingressum & transitum permittant, sed deinceps ob eam causam, quod cum particulis acidis in unum sulphuris corpus coaluerunt, duriores factas ac solidiores, quo cum erigi, & multo minus in contrariam partem ordinarie inflecti non possint, iisdem corpusculis regressu interdican. Ex quibus apparet discrimen inter magnetem & ferrum, interque illorum magneticas vires & polos, ex ipsamet utriusque natura & modo, quo magnes ex ferro generatur, petitum, idemque phaenomenis utriusque corporis explicandis accommodatissimum.

Hinc transeo ad caput septimum, in quo certis rationibus efficio esse in telluris visceribus substantiam quamdam magneticam ab altero ad alterum polum pertinentem, quæ magnetici nucleus appelletur, & ex hypothesi, quam infra pluribus rationibus suadeo, illud assumo duplicis generis esse corpuscula circa magnetem terræ inclusum rotantia, quorum alia e polo boreali exeant, & circa tellurem conversa in meridionalem ingrediantur, alia vero e polo meridionali egressa se intrudent in borealem.

Librum concludo capite octavo in duos articulos distributo, in quorum altero primum ex eo, quod ferrum & magnes, non vero alia corpora ad se trahunt magnetica effluvia, rationem colligo, cur circa magnetem & ferrum vortex gignatur, & conservetur, deinde polorum naturam accuratius declaro, doceoque positam esse in eo, quod ex apicibus & angulis hujusmodi corporum aut solum exeunt unius generis corpuscula, aut solum in eos ingrediuntur, cum ex aliis inter polos interceptis magnetis & ferri partibus indiscriminatim tum egrediantur, tum in easdem se insinuant, in altero vero cursum corpusculorum circa magnetem & ferrum & lineas ab iisdem peragratas accuratius describo, & idoneis declaro exemplis, itaque viam mihi munio ad reddendam multorum phaenomenorum rationem.

Materiam secundi libri novem ipsis capitibus persequor. Primum

munum

num sibi vindicat celebris ille & in universa Physica maxime necessarius locus de motu solidi intra fluidum; ad quem declarandum quatenus facit ad rem præsentem, paucis ostendo illam enunciationem, quæ hac in re familiam ducit, si fluidum ab aliqua circumferentia in centrum nitatur, solidum, cujus particulæ eum nîsum non habent, in contrariam partem a centro circumferentiam versus propellis; sin autem fluidum ab aliquo centro circumferentiam perat, idem solidum a circumferentia in centrum urgeri; atque utrumque usuenire, non modo cum solidum a fluido tantum circumambitur, verum etiam cum minimæ fluidi partes solidi meatus undique permeant. Verum ne quid offendamus in usu motus vorticosi, quod attinet ad rationem afferendam phænomenorum naturæ, & præsertim Magnæ, de quo hic disputamus, ibidem noto discrimen inter plagam, quorsum dirigitur solidum a vi centrifuga fluidi in gyrum conversi, interque illam, quorsum a vi rotationis, sive ab illa ejus parte, cujus directio linearum directionis centrum versus insistat ad perpendicularum. Prima enim dirigit corpus plagam versus illi contrariam, quorsum fluidum tendit, scilicet centrum versus, cum fluidum a centro discedere conetur; secunda vero in eam plagam, secundum quam idem convertitur. Cum autem ex altera parte hisce duabus viribus motus in solido non rectus, sed curvilineus efficiatur, & ex altera in attractione magnetica corpora attracta multis in eventibus per lineas rectas ad se vicissim accedant; inde primam duplicis vorticis rationem colligi significo.

Sequitur caput secundum, in quo explicandum assumo præcipuum attractionis magneticæ phænomenon, quod est attractio; illudque in quatuor articulos dispesco. In primo ex vorticibus jam constitutis atque ex eorum viribus rationem peto, cur duo magnetes, si eorum poli binomines sint obversi, se mutuo trahant; si ejusdem nominis, se vicissim repellant. Dum vero meam demonstrationem a pluribus vindico difficultatibus, multa declaro, quæ ad hanc rem illustrandam quammaxime faciunt; illudque præsertim, cur attractio sit fortior repulsionem, sed ad minus intervallum pertineat. In secundo eundem tracto locum, sed quod attinet ad ferri accessum ad magnetem. Quod dum explico, sub oculos pono rem magni momenti & ad multa magnetis phænomena intelligenda maxime necessariam, scilicet inter ferrum virtute trahendi carens interque illud, quod eadem prædictum est, discrimen, & doceo, si quod ferrum oblongum sensili vi trahendi non pollet, non inde oriri, quia nulla sunt in ejusdem meatibus magnetis corpuscula, nullaque circa idem convertantur; id enim est contrarium

rium & iis experimentis, quibus compertum sit ex solo situ, aut ex concussione sine ullo magnete vim attracticem a ferro comparari, & rationi, qua constat non posse in ferro esse majorem illam præ aliis corporibus recipiendorum magnetis corpusculorum ortam a vi attractrice facilitatem, quin corpusculorum circa terrestrem magnetem rotantium non exigua copia in ejus innumerabiles poros se insinuet, & circa idem utcumque in gyrum torqueatur; sed illud est causa, quod cum ex. g. virga est parallela horizonti, & propter diversas huc illuc succussiones mobilium olei molecularum ordo perturbatus est, corpuscula terrestris magnetis potius non sunt, unum tantum versus extremum illas inflectere atque deprimere, & acervatim ab uno extremo exeuntia, ac regredientia communem quemdam totius materiæ vorticem constituere, sed tantummodo possunt indiscriminatim hac illac exire, & huc illuc se intrudere. Quod ad ferrum aliud trahendum aut repellendum satis non est, quia cum rotatio alia in aliis particulis, & omnes versus partes tunc sit, ferrum in aliquam certam ac definitam partem impelli non potest. Hoc eodem articulo etiam affero rationes illius miri phaenomeni, quod magnes ferro armatus majori pollet trahendi vi & e majori distantia, easque duco ex illa magna olei copia, quo illius meatus obliti sunt, & insuper doceo, cur quod ferrum mollius majori præ duro chalybe utitur vi, quamdiu cum magnete copulatum manet, idem a magnete disjunctum valde minus virtutis præ chalybe exerceat. Hactenus vero exposita de majori vi, quam corpuscula magnetis in ferri interstitiis adipiscuntur, viam mihi muniunt articulo tertio ad explicationem celeberrimi experimenti de filo ferri, quod vel inter magnetem ac alterum ferrum collocatum, itaut unum extremum polo magnetis, alterum autem ferro adhærescat, vel inter duos magnetes, quorum alter debilior, alter vegetior sit, debilior magnes interdum, ut plurimum vero ferreum instrumentum a fortiori magnete disjungunt, & secum trahunt. Ex meis autem experimentis colligo id bona ex parte pendere ex longitudine fili, quod interponitur, ut si valde longum sit, semper aut fere semper sequatur magnetem fortiozem, debiliori aut ferro relicto; si valde breve, aliud ferrum; si mediæ sit longitudinis, modo pluries cum magnete, modo sæpius cum ferro cohæreat, prout ad alterutrum ex duobus extremis propius accedit, & pro ratione contactus cum magnete aut cum altero ferro. Huic capiti finem imponit articulus quartus, in quo duas efficacissimas Musschenbroechii & Krafftii adversus systema effluviourum rationes in superioribus commemoratas refuto, & solutionem peto ex principiis capite tertio libri primi constitutis.

Suc-

Succedit caput III., in quo tractaturus de vi directrice magnetis, & acus magneticæ, quæ ex affricu ad magnetem eam virtutem acquirit, ordior ab ea, qua eadem acus ad polos parvorum magnetum, qui veniunt in manus, se dirigit, & inde gradum facio ad illam, qua se vertit ad polos magni terrestris magnetis. Quamobrem pariter hoc caput in septem articulos, in quibus & alia magnetis inde profecta phænomena examino, & præsertim totus sum in expendendis experimentis partim ab aliis, partim a me institutis circa modum, quo instrumenta ferrea virtute magnetica imbuuntur. Articulo primo & secundo examinandam aggredior vim directricem acus ad polos magnetis & inde profectam inclinationem, atque in illo, cum polis insistit ad perpendicularum, in hoc autem, cum ad æquatorem magnetis transferrur, & initium duco ab iis, quæ contingere debent, dum acus circa parvum rotundum, aut ellipticum magnetem convertitur, atque ad rem sub oculos ponendam, & ad omnes præoccupandas difficultates aduerto duos esse distinguendos eventus, alterum acus, cujus longitudo ad longitudinem axis magnetis rationem habet finitam, ut contingit, cum acus unius aut paucorum pollicum ad parvos magnetes applicatur, alterum illius, cujus longitudo sit instar puncti ratione habita axis ejusdem, cujusmodi est acus unius aut paucorum pollicum, si cum terrestri magnete conferatur. Porro ex his peto non levis momenti rationem pro duplici vortice, atque ab objectis vindico Cl. Fayi. Articulo tertio tractare pergo de directione & inclinatione acus versus polos parvi magnetis, sed eam considero positam extra magneticum æquatorem, & ex constitutis vorticibus, ac ex lineis, quas corpuscula magnetis peragere in superioribus statuta sunt hinc inde aut ab axe polos conjungente, aut ab æquatore, claram peto rationem plurium experimentorum, quæ a me instituta sunt, acus magneticæ, quæ aliter aliterque inclinatur, dum per lineas axi ad perpendicularum insistentes, & ab æquatore æquidistantes retrahitur in diversis a polo magnetis, aut ab æquatore intervallis. Quæ vero hisce articulis disputata sunt de magneticæ acus ad magnetis polos directione & inclinatione, facillime ad terrestris magnetici nuclei polos transferuntur. Id quod tracto articulo quarto, in quo, uti & in quinto examino, cujus poli virtutem quodque acus aut oblongi ferrei instrumenti extremum ad polum magnetis affricum acquirat. Qua in re primum in quolibet magnete aut acu magnetica voco polum S, sive septentrionalem, qui ad septentrionem dirigitur; M, sive meridiāalem, qui ad meridiem. Cum vero ad septentrionem vertatur polus ille magnetis, aut magneticæ acus, qui admittit corpuscula, quæ a polo boreo

terrestris magnetis effluunt, & per lineas curvas se conferunt versus meridianalem, & contra ad meridiem se vertat, qui corpuscula a polo meridionali ejusdem magnetici nuclei profecta & ad boream tendentia; inde concludo extremum acus tactum polo M parvi magnetis acquirere polum S, quia se vertit ad septentrionem, & alterum extremum non tactum comparare vim poli M, quia se ad meridiem convertit; & extremum fili affricum ad S magnetis trahere polum S acus & repellere M, alterum autem non affricum allicere M acus, & fugare S. Ex quibus efficio borealem magnetici nuclei terrestris polum & meridianalem aliorum magnetum emittere corpuscula ejusdem generis, quemadmodum & meridianalem illius atque horum borealem. Quod si polo S aut M magnetis medium acus imponitur, ex constituto systemate colligo utrumque extremum adipisci vim trahendi eundem acus polum, aut M, si acus medium imponatur polo S; aut S, si contra; medium autem comparare vim contrarii poli magnetis. Id quod experimentis confirmo admovendo filum ad polos acus, & acum ita affricum imponendo stylos; nam hæc non cum meridiano magnetico versus boream & meridiem, sed cum æquatore orientem versus atque occidentem congruere observata est. Tandem articulum concludo illo, quod in posterum est maximo usui ad reddendam rationem alterius celeberrimi, experimento fili magneti inter æquatorem & polum ad lineam insistentis, cujus imum extremum & magneti propius virtutem acquirit alliciendi poli acus, qui a polo remotiore magnetis attrahitur; summum autem trahendi ejusdem poli, quem allicit propius magnetis, perinde ac si filum magnetis polo ad perpendicularum imponeretur. Inde progredior ad articulum sextum, in quo rationem explico, qua alia ferri instrumenta præter acus & fila oblonga virtute magnetica inficiuntur, & in qua quique parte poli excitantur. Qua in re tria præsertim sunt dignæ quæ animadvertantur. Primum est instrumentorum, quæ pluribus angulis constant, ut sunt laminæ quadratæ aut rectangulæ, eosdem singulos angulos virtute poli donat; alterum in annulis circularibus partem polo tactam virtutem acquirere trahendi polum acus, qui a tacto polo magnetis repellitur; alteram autem e diametro oppositam virtutem comparare alliciendi polum acus, qui allicitur a polo magnetis; cujus simile in electricis effluviis contingere ex Grahio & ex Musschenbroechio notamus. Tertium est in globis ferreis virtutem magneticam & polos excitari, cum adhuc magnetico conjuncti sunt; interire autem simul ac disjunguntur; cujus rationem dum expono, ea, quæ de genio effluviis magnetis tendendi ad cuspidem atque ad extrema in superioribus disputata sunt,

sunt, luculentius confirmo. Plura complectitur articulus septimus, in quo dissero de tempore infumto in imbuendis virtute magnetica ferreis instrumentis, & de differentia inter attractionem & directionem acus in plano positæ, & acus supra stylum æquilibratæ. Primum assero experimenta a me instituta, ex quibus colligitur nec quancumque distantiam, nec quodcumque tempus, quæ ad polis induendum filum nondum polis instructum satis sunt, ad eum finem sufficere, ut in filo, quod in uno extremo polum habet borealem, in altero meridionalem, poli jam excitati corrumpantur, & alii denuo generentur. Tum ex ratione, quam ad hæc explicanda produco, rationem colligo, cur si polo magnetis recta obijciatur ille, qui repellitur polus acus super planum jacentis, aliquando statim repellatur, aliquando vero, sed post aliquod temporis intervallum, alliciatur; acus autem stylo impositæ semper fugetur, si polus magnetis in ea sit ab acus polo distantia, in qua possit eum corrumpere, & in illo extremo novum genera ei non vero id semper accidat, si idem polus magnetis in eo sit intervallo, in quo possit quidem polum inimicum objectum repellere, & alterum amicum ad se convertere, non autem in illo extremo polum destruere jam generatum, & alterum de novo excitare. Id quod pluribus experimentis ope magnetum, & instrumentorum ferri, quæ virtute magnetica sunt instructa, confirmo, illustroque rationibus petitis ex Elementis Matheos.

Articulus primus capituli quarti, quod accuratius agit de directionis acus ad terrestres magnetis polos, initium ducit ab illo meo experimento, cujus ratio jam constat ex dictis, quodque in eo positum est, ut si pyxidem ita collocabam, ut acus magnetica, extremis ad suum quibusque terrestres magnetici vorticis polum conversis, axi pyxididis insisteret, seu cum ea congrueret; & deinceps invertēbam extrema, ut nihilominus acus cum axe congrueret; hæc in eo situ quæta manebat: ac si vel hilum retrahēbatur ab axi, continuo extrema ad suum quæque polum telluris convertebantur. Deinde progreditur ad illud phænomenon acus, quæ eo majori vi resistit, quo a meridiano magnetico longius recedit, & propius accedit ad æquatorem. Ex his rationem elicio experimentorum, quæ duabus acubus a Cl. Hirio factæ fuerunt, illius præsertim, in quo cum uteretur pyxide, cujus peripheria in 360 gradus more vulgari divisa erat, advertit polum borealem acus supra stylum positæ & cum gradu 360 congruentis versus occidentem 41 gradus repulsum fuisse a polo boreali acus æqualis supra vitrum jacentis secundum longitudinem inferioris acus, ita ut polus borealis unius propior foret boreali alterius, & australis au-

australi, & altior solum tres lineas; cum vero etiam superior acus imposita fuit supra suum stylum, qui stylo inferioris insisteret, & cum illo unam rectam ad basim perpendicularem faceret, post aliquot oscillationes ambas observavit quiescere in eo loco, in quo boreales utriusque ad borealem telluris spectarent, sed 46 gradus a se invicem, & æqualiter utrimque a meridiano, idest 23 gradus distarent. Quod enim pertinet ad diversitatem anguli, 41 graduum, quem faciunt acus, quando superior est imposita alteri non supra stylum, sed supra vitrum, & 46, quem faciunt, cum utraque supra stylum rotatur, rem ab homine acu tactam non fuisse puto, quod causa etiam pendet ab augmento virium corpusculorum telluris in situ magis desectente ab axe, ad quod is minime attendit. Antequam vero ab hoc loco discedam, articulo tertio rationem reddo celeberrimi illius experimenti vectis ferrei, qui ob unum perpendicularem situm vim in extremis acquirit in summo trahendi borealem acus, in imo australem, sed in hisce hemisphærii borealis regionibus, propterea quod in plaga australi contrarium usuvenit. Experimenta quæ hoc vecte sunt instituta a Fayo, iis declaro & confirmo quæ a me circa parvos magnetes instituantur. Sed de virtute, quam instrumenta ferrea ob unum situm adipiscuntur, hic obiter dissero, alibi & præsertim libro quarto de eadem luculentissime disputaturus. Argumentum articuli quarti est de situ polorum magnetis in telluris visceribus; in quo definiendo etsi auctores fere omnes, qui de magnete scripserunt, in eam sententiam convenerint in telluris visceribus australem ad boream, borealem ad austrum esse conversos, tamen ajo communem hanc opinionem esse quidem veram, si magnes ad superficiem deferendus ex ipso nucleo decerperetur, sed aliter sæpenumero rem se habere in iis magnetibus, qui e fodinis quotidie eruuntur, quique, ut constat, cum nucleo magnetico copulati non sunt. Ad eum vero situm exactius definiendum plura hic ex ratione atque experimentis depromo, sed huic quæstioni solum libro quarto ultimam manum impono. Restat quintus hujus capitis articulus, in quo pluribus experimentis doceo fieri posse, ut idem ferri extremum vi attractrice & directrice utriusque poli donetur. Magna vero diligentia in iisdem instituendis uror. Quod opus quantæ patientiæ sit ii norunt, qui in hujusmodi experimentis sunt versati diutius. Sciunt enim in quam valde lubrico difficileque loco versamur; quod cum nimis exilibus nimiaque celeritate se se moventibus, coecosque ferri meatus, & alia corpora omnia mirifica quadam ratione, nullam experiendo resistentiam, perinde ac si vacuum interpositum foret, pervadentibus corpusculis res est.

Quam-

Quamquam ut verum simpliciter ac candide farē; posteaquam mei systematis corpus a me satis clare conceptum & constitutum est, in posterum experimenta e voto plus, quam sperare potueram, successerunt. Tunc enim non amplius ad ea facienda coeca me fortuna ducebat; sed ratio, quæ quid usuvenire oporteret, ex systemate jam constituto significans ad experiendum accedenti faciem quodammodo præferebat.

De virtute ferreæ scobis trahendæ ac dirigendæ adhuc a mō disputatum non est, nec disputandi animus erat, quod ea quæ de ferreis frustis dicta sunt, ad illam quoque pertinent, nisi Cl. Monnerius ab illius attractione quidquam adversus magneticos vortices, & facilitatem, qua corpusculum ferri meatus transmittunt, eliciisset. Quo enim corpusculorum systema nulla ex parte nutare videatur, de attractione ejusdem ac directione separatim edisserere necessarium ducō, & perspicuum facere nihil inde concludi, quod nostram effluviū hypothesis labefaceret. Quem locum tracto duobus articulis capitis quinti, in quorum altero persequor experimenta a me capta, ponendo subtus papyrum, supra quam scobs erat sparsa, magnetem inermem, cujus poli e regione positi erant, idque alio atque alio modo. Primo enim recta supposui polum aliquem; tum eum semper ad perpendicularum subjectum ab altero ad alterum latus duxi; deinde æquatorem magnetis ad centrum paginæ admovi, polis in situ horizontali locatis, & præter propter a pagina æqualiter distantibus: postea magnetem subtus paginam converti, idque duobus modis. Primo polum australem ad rectos angulos subtus paginam ad ejusdem centrum a primo locatum ita verti, ut meridiani, qui esset ad æquatorem rectus, nova semper puncta ad æquatorem usque, & deinceps ad alterum usque polum centrum ejusdem contingeret. Iterum posui magnetis æquatorem subtus paginam, & polos situm horizontalem semper tenentes a læva in dexteram verti, ut dimidium fieret conversionis. Tandem postquam æquator centrum paginæ tetigit, deorsum ad perpendicularum retraxi per aliquod spatium, & repente mutato situ polorum, conversione magnetis australi ad locum borealis, & boreali ad locum australis translato, iterum ad paginam æquatorem admovi. In omnibus autem hisce diversis magnetis positionibus diligentissime noto quæcumque in scobe ferrea & in villis ex ea compositis usuveniebant. Horum omnium articulo secundum reddo perspicuam rationem ex constituto systemate elicitam, & inde solutionem difficultatum, quæ a Monnerio objectæ fuerunt, elicio.

Ad hunc usque locum hujus de magnete tractatus pervenire
ram

ram, cum occasione autumnalium vacationum iter aggressus, longam atque eruditam Cl. Musschenbroechii de Magnete disquisitionem jamdiu a me expetitam inveni. Cumque in ea perlegendam multa mihi occurrerent, quæ in hanc disputationem conferenda esse viderentur, anceps aliquando fui, utrum suis quæque dispo-nerem locis, an vero hic unam in summam redigerem. Sed quia laboris jam exanthlati pertæsus; novum in retexenda, ne propter nimiam rerum copiam opus erat, disputatione suscipere nolui, idcirco hic de iis acervatim agere institui, & simul ostendere, quantum constituti magnetici vortices iisdem explicandis idonei sint. Id quod exsequor duobus capitibus, sexto, & septimo. Sextum autem longissimum omnium, quæ hoc secundo libro continentur, in novem partior articulos. In primo refero auctoris experimenta circa attractionem & repulsionem magnetum, & ad explicandam illam tantam, quam is admiratur, in repulsionibus quorundam magnetum anomaliæ, qua sit ut repulsiones in distantia 14 pollicum sint notabiles, in minori æquali 10 pollicibus nullæ, tum iterum in propiori intervallo usque ad quatuor pollices increvant, deinde in minori decrevant & tandem in attractiones vertantur, aliqua expono a me facta experimenta, ex quibus colligitur, alium aliquando in extremo formari polum, alium in parvo ab eodem intervallo, & inde rationem miri phænomeni duco, una tamen cum principio supra constituto, quod attractio est fortior repulsione, sed ad minus spatium diffunditur. His addo explicationem causæ, cur trium Musschenbroechii magnetum attractiones in contactu æquales fuerint, quamquam sit in æqualibus ab alio magnete distantis ponerentur, attractio secundi & multo magis tertii minor foret attractione primi; & satisfacio difficultati, quam inde colligit auctor contra systema effluvi-orum. Articulo secundo, qui est de experimentis Musschenbroechii circa attractionem magnetis & ferri, tria potissimum præsto. Primo rationem affero non solum cur ferrum majori vi, quam magnes ab alio magnete attrahatur, sed etiam cur in hisce attractionibus ferri ad magnetem detur maximum & minimum, & ferri massa definitæ magnitudinis ac formæ maxime attrahatur a magne- te definitæ vis, adeout ferri massa major vel minor minus alliciat, & eo quidem minus, quo vel deficiendo, vel excedendo a certa & rata massa plus abest. Deinde nego ex experimentis aut ab aliis factis, aut ab ipsomet Musschenbroechio aliquid effici posse pro definienda lege, qua in minoribus intervallis attractiones augentur, si discedamus ab attractione sphaerarum æqualium, quam sequi constantem legem Musschenbroechius primum obser-
vavit

vavit in alio opere, & deinde Gellertus in Commentariis Aca-
demiae Petropolitanae confirmavit. Tum pluribus doceo contra sy-
stema effluviarum nihil effici nec ex iis experimentis, quibus cy-
lindros ferreos, aut ferreas virgas ejusdem omnino ponderis, tum
antequam affricarentur, tum posteaquam affricatae fuerunt, Musschen-
broechius observavit, nec ex aliis Wiltthoni contrariis, quibus fer-
rum ex affricatu ad magnetem fieri levius ostenditur, eaque experi-
menta, plura distinguendo, & inter ipsa & cum systemate concilio.
Articulus tertius est continuatio ejusdem materiae experimentorum
auctoris circa attractiones ferri & magnetis; ex iis vero, quae hic dis-
feruntur, elicio contemnendum non esse nostrum systema, in quo per-
spicuum rationem proferre possumus experimentorum tam difficultium,
ut summum in Physicis virum causas indagantem in desperationem
adduxerint, & simul tantae utilitatis, ut uno eorum solum intellectu
omnia magnetis effecta & operationes iri cognitum idem vir fuerit
arbitratus. Venio ad chymicas Musschenbroechii circa magnetem &
ferrum operationes, ex quibus duo noto articulo quarto. Primum est
aliud nihil virtuti magneticae officere, quam alchalicos & acidos
sales, qui cum ferro, aut cum magnete in pulverem comminuto
& ad vehementissimum ignem applicato arctissime commisceantur.
Cujus rationem jam dederam articulo tertio §. 290. num. 4. & 5.
ita expositam. Acidorum spirituum motus in omnes partes est, ut
per se constat, & concluditur ex iis experimentis, quibus globos
metallicos excavatos, aqua intus plenos, si nive sale commixta
cooperiantur, aut dissilire, aut dilatari Academici Florentini experti
sunt. Quamobrem dum in ferri & magnetis se intrudunt meatus,
& cum particulis oleosis conjunguntur, eas a recto situ & dispo-
sitione, qua ab uno polo alterum versus diriguntur, ac deprimun-
tur, deturbant; & pro natura sui motus quoquoque indiscrimi-
natim impellunt ac dirigunt. Ergo sicuti hac de causa magneti-
cae virtuti corpuscula ignis officiunt, & etiam percussio magneti-
cae ferreae virgae, quae dum percutitur, eum situm non habeat,
ob quam a corpusculis terrestribus magnetis suam vim recuperare
possit; ita etiam spiritus acidi obesse debent. Ex quo & ex
iis, quae de villis ferri ac magnetis supra disputavi, rationem du-
co illius discriminis quod docent experimenta, cur ferrum quod
ignitione virtutem attractricem amiserit, refrigeratum facile recu-
peret, & ab alio magnete adhuc facile trahi possit; non autem
ferrum, quod propter acidum atque salinum spiritum illius jacturam
fecerit, aut magnes, qui ab igneis particulis ipsum pervadentibus
fuerit ea virtute spoliatus. Quo loco me continere non possum,
quin adversus Musschenbroechium aliosque Nevvtonianos exclamem

mem, fieri ne posse, ut hoc systema effluviolorum villorumque magnetis ac ferri tam mire cum tot minutissimis magneticorum corporum effectibus cohaereat, quin tamen ab iisdem effluviis ea proficiantur? Alterum est, cum auctor in hisce operationibus sibi propositum haberet partem inertem, siqua foret, separare ab illa, in qua vis resideret attractrix, nullam ab homine in magnetis analysi ab aliis actuosis separatam fuisse partem ita inertem, ut salibus spoliata a magnete non attraheretur.

Sequitur articulus quintus, in quo experimentis Musschenbroechii & meis in eo positis, quod ejusdem ferrei instrumenti plana superficies præ angulis & apicibus ejusdem valde minus trahit alia ferri instrumenta, & ab iisdem attrahitur, confirmo quæ alibi statuta sunt de proprietate corpusculorum magnetis, qua in extremis colliguntur. Articulo sexto explicare aggredior difficillimam illam quæstionem, an decrescant vires magnetis, ad quem plura ferri frustra affricta fuerint. Cum Musschenbroechius observasset suos magnetes nihil ex affrictu ad plura instrumenta ferrea detrimenti cepisse, quamquam ob aliorum experimenta, quibus contrarium suaderetur, aliter in aliis magnetibus fieri posse nequaquam negavit, adverto primum sapissime usum venire debere; secundum autem solum aliquando, & primi rationem ex eo peto, quod cum ex altera parte etiam circa ferrum nulla imbutum magnetica vi suis corpusculorum, tamen non ordinatus, vortex convertatur, ex altera vero magnetis villi duri & inflexiles sint, ferri autem molles atque versatiles, facilius est ut dum magnes a ferro avellitur, magneticus vortex mobiles ferri villos versus semetipsum dirigat, & aliquam ferrei vorticis portionem secum trahat, quam ut ferreus simile quidpiam in magnetico efficiat. Quia vero ob minus inflexiles quorundam magnetum villos, & magis duros chalybis præsertim temperati contrarium aliquando fieri potest, inde constat ratio secundi. Verum hanc rem enucleatius tracto in disputatione de magnetibus artificialibus §. 217. num. 6. & in hac villorum & vorticum doctrina doceo positum esse commodum duplicis contactus Michellianæ methodi in affricandis chalybeis laminis. Hæc autem, quæ de corpusculis ferri vi attractrice poli magnetis, dum ab eo removetur, attractis differui, hoc eodem articulo num. 5. doceo suppeditare causam aliquam illius miri phenomenoni, quod ad experimentum XXXIV. Musschenbroechius proponit, minoris virtutis cum ferro communicatæ a magnete fortiori, quam a debiliore, quod tamen §. cit. 217. numquam contingere observo in methodo duplicis contactus virtute æquilibrii inter magneticas vires, quod eadem obtinetur.

Aliam

Aliam quæstionem iam ante tractatam accuratius tracto articulo septimo, dum experimentis Musschenbroechii & meis definire contendendo, quem magnetem, aut ferri frustum, ferrum inter duos magnetes, fortiolem & debiliolem, seu inter magnetem & ferrum positum sequi debeat, si magnes ab altero magnete, aut a ferro avellatur. Cum vero ex quibusdam constet ferream acum: altero extremo in exilissimam cuspidem, altero in crunam obtusiolem definentem manere copulatam cum eo magnete aut ferro, quæ a cruna continguntur, num. 6. §. 298, doceo hæc non esse contraria iis aliis, quæ alibi & paulo ante disputavimus de majori copia effluviolorum, quæ ad angulos & apices ferri, quam eorum, quæ ad partes magis complanatas se conferunt, propterea quod est modus hac in re, & sunt certi fines, quos ultra citraque vis magnetica minor fit, estque duorum habenda ratio, primum massæ ferri, quæ majorem effluviolorum copiam ob majorem, qua pollet, vim attracticem cohibet, & etiam in majus spatium dispergit, quorum altero major fit, altero minus intensa; secundo subtilitatis & acuminis angulorum, qui ob allatas in superioribus rationes majorem colligunt vim effluviolorum, non absolute, sed ratione habitæ singularum æqualium ferri portionum, adeout apex habeat majorem vim attracticem, quam quodlibet aliud æquale ferri punctum, non vero, quam omnia simul. Ex hoc autem & ex singulari experimento Jallaberti colligo aliam præter eas, quæ supra explicatæ sunt, similitudinem attractiones electricas inter atque magneticas.

Aliam quoque adverto similitudinem articulo sequenti, in quem plura congero Musschenbroechii experimenta, quæ adversus eundem auctorem componere nitor cum effluviolorum systemate, illud præsertim quod series ferreæ scobis circa magnetem sparsæ ita ordinentur, ut inter unam & aliam sit aliquod intervallum, & quidem eo minus, quo series magneti propiores sunt; intervalla autem non sint omnino sine pulvere intersperso, qui series alicui adhæret, & sine ordine certo excurrit usque ad seriem vicinam; idque in majori a magnete distantia magis obtineat. Quod tantum abest ut clara non possit huius phænomeni causa, produci ab Astipulatoribus profluvii corporei, ut minimorum quorumlibet adjunctorum, quæ a Musschenbroechio observata sunt, nedum phænomeni generatim inspecti perspicuam afferam & evidentem rationem: quo scilicet tandem suis ipse oculis videat Cl. Auctor systema effluviolorum phænomenis explicandis magnetis accommodatissimum esse.

Concludo hoc caput articulo nono, in quo similiter versor in

reddenda ratione eorum omnium, quæ in declaranda optima methodo armandi magnetes in nuperrimo opere *Essai de Physique* Musschenbroechius præscribit.

Caput VII. plura complectitur experimenta Musschenbroechii circa magnetis & magneticæ acus directionem; atque inter alia hæc duo, primum fili oblongi, quod plures per totam longitudinem polos acquirit, si ejus extremum imponatur magnetis polo, statimque avellatur, cujus rationem sub oculos pono ductam ex spinis, quæ sunt partes ferri duriores, & minori donatæ vi trahendorum magnetis corpusculorum; alterum acus nauticæ super aquam scyphi innatantis, quæ describit curvam similem illius, quam ferrea scobs circa magnetem sparsa facit, si acui a primo polus aliquis obijciatur magnetis, & deinde magnes circa centrum in gyrum vertatur; quod quamvis mirum videatur Musschenbroechio, quia videretur potius se debere convertere circa gravitatis centrum, veluti acus nautica circa stylum rotatur: tamen facillime explico, & explicationem peto ex iis legibus, quas circa motum corporum, quæ extra centrum gravitatis impelluntur, tom. III. *Phys. Gen.* §. 193. & 238. cum Bernoullio constitui.

Serie atque ordine experimentorum Musschenbroechii, quem superioribus capitibus sum secutus, demum invitatus trahor ad acus nauticæ declinationem ab orbis terræque polis; invitatus, inquam, quod nec eo sum ingenio, ut in re tam difficili quidquam sperem afferre, quod operæ præcium futurum sit, nec tot observationes etiamnum litteris consignatæ fuerunt, quæ certo alicui systemati stabiliendo sint satis. Sed quoniam in aliis fere omnibus magnetis proprietatibus versor, ne hanc, quæ aliis dignitate non concedit, utilitate præstat, intactam relinquam, in ea quoque vires ingenii contendo. Verum editus recenti memoria liber de *Artificialibus Magnetibus* meas ad manus pervenit, postquam superiora & multa ex iis, quæ sequuntur, scripseram, qui me aliquantum moratur & cogit, ut antequam propius accedam ad acus declinationem, paulisper hoc verfer in loco, qui cum iis, qui hactenus tractati sunt, magis aptus est atque connexus. Hic autem liber inscriptus *Traité sur les aimans artificiels*. . . . *Traduits de deux ouvrages Anglois de J. Michell. & J. Canton par le P. Rivoire*, multa continet nova, eaque maximi usus, facilem rationem tum construendi magnetes artificiales, quorum vis longo intervallo vim naturalium superet, tum intendendi naturalium virtutem, eorumque polos mutandi, tum facilem modum cudenti nauticas acus præstantiores iis, quæ vulgo usurpantur, & cum iisdem vim majorem diuturnioremque communicandi. Itaque puto me facere ope-

ra pretium, dum ea refero, quæ hic liber complectitur, meas ad illud observationes adjungo, & ex constituto systemate eorumdem explicationem elicio. Quorum alterum præsto capite octavo, alterum vero sequenti. Interpres in longa præfatione prius explicat artificiales magnetes Knithii, Duhamelii & Antheaumi, quam ad alios Michellii & Cantoni se conferat. Quo illius vestigia sequamur, articulo primo excribimus ea, quæ de horum auctorum magnetibus narrat, quæque ad eosdem observat. Suam vero præfationem concludit iis, quæ methodo Michellii ad eam perficiendam addidit Duhamelius & Antheaumus; de quibus aliquid dicimus, posteaquam eam methodum exposuimus. Id quod articulo secundo præstamus, initium ducentes ab illa observatione, quod cum durissimus chalybis, ex quo fiunt artificiales magnetes, magnam progressu temporis suæ vis partem amittat, ratio Michellii valde commoda est ad eandem vim restaurandam.

Cum in libro Michellii præter regulas formandi ex chalybe artificiales magnetes, & experimenta, quibus eandem confirmantur, sint alia multa, quæ ad magnetis & chalybis virtute magnetica inbuti pertinent proprietates, de iis dissero articulo tertio.

Ad finem autem operis Michellii est opusculum Joannis Cantoni ab anglica lingua pariter translatum in gallicam, in quo suam is exponit methodum sex chalybis temperati laminas virtute magnetica, quam maximam suscipere possunt, tempore solius horæ dimidiæ imbrendi, idque sine ope ullius artificialis magnetis, refertque unam ex duabus hisce laminis longit. 10 pollicum cum dimidio, crassitiei & latitudinis unius dimidii pollicis, ponderis circiter 10 unciarum, uno extremo sustinuisse pondus 79 unciarum, præsentè Ellicotio: alteram laminam semicircularem adminiculo ferri ex extremis appensi elevasse pondus 90 unciarum, & eodem præsentè mutasse polos naturalis magnetis, collocando eundem magnetem in directione inversa inter polos contrarios duarum laminarum, quæ ad aliquam inter ipsas distantiam in eadem linea fuerunt collocatæ; idque etiam in distantia unius quartæ partis pollicis laminarum a magnete. Hæc autem methodus est argumentum articuli quarti, qui est ultimus capitis octavi.

Restat hujus libri caput novum idemque ultimum, in quo explicantur phænomena, quæ in conficiendis artificialibus magnetibus observata sunt, & quædam ad eorum perfectionem adjiciuntur. Quoniam vero Michellius in operis Introductione quoddam theoriz specimen exhibet, de hac aliquid dissero in antecessum articulo primo; eo quod continet quidquam contrarium tum magneticis virtutibus, tum iis, quæ alibi a nobis statuta sunt. Nam quod Michel-

chellius putat illam ab ipso animadversam proprietatem in eo positam, quod quilibet polus trahit, aut repellit accurate in distantius aequalibus in qualibet directione, iis adversari, qui ad fluidum quoddam subtile in magnetis negotio confugiunt, id mihi certe nihil negotii facessere ostendo, ut ut res se habeat de aliis, qui magneticos vortices defenderunt, quosque auctor impugnatur. Quod vero pertinet ad illam alteram proprietatem, quod attractio est aequalis repulsioni, & ad aequalia pertinet intervalla, ipsius sententiam cum Musschenbroechiana, quam ego quoque defendi, conciliare nitor ea distinctione duplicis status, in quo magnetes considerari possunt, primi, antequam ad se invicem ita accedant, ut vortex unius in alterius vorticem incurrat, alterius posteaquam accesserunt. Nam in illo magnetici vortices eorumque vires centripetæ atque centrifugæ in æquilibrio esse debent, ex quo sequitur virium tum attrahentium, tum repellentium æqualitas, & ad aequalia spatia diffusio. Id tamen non obstat conficio, quominus si magnetes in hoc altero statu considerentur, attractio fortior appareat repulsionem, sed ad minus spatium se extendat. Hinc gradum facio ad aliam proprietatem, quam apud alium neminem invenio in eo positam, quod magnetes suos habent polos non in extremis, sed in exigua ab extremis distantia, ut plurimum majori in chalybe molli, minori in duro ac temperato, & cum auctor sua non retulerit experimenta, ex quibus illam collegit, mea refero, ex quibus nescio an potius id colligi possit, quod & experimentis & rationibus in superioribus statui de polis ferri & chalybis, qui in ipsis extremis, tamquam in parte ferri ad eos formandos maxime apta, resideant. Ad illud vero theoriæ Michellianæ caput, quod major est in chalybe facultas, suscipiendæ virtutis magneticæ, quam illius retinendæ facultas, postquam a magnete avulsus est, orta a resistantia, quam chalybs obijcit viribus contrariis polorum, qui sibi vicissim nocent, plauum facio, cur ferrum & chalybs partem aliquam, dum a magnete separantur, illius virtutis amittant, quam ab eodem acceperant, & quamdiu erant conjuncta, explicabant, & perspicuam duco rationem ex mobilitate villorum, qui & dum magnes avellitur, a vi attractrice magnetis, & postquam separatus est, aut ab effluviis per ferrum & chalybem hac illac discurruntibus, aut variis succussionibus diriguntur in plagas illi contrarias, secundum quam dirigi debent ad effluvia ab altero ad alterum extremum recta transmittenda, quo polos exitus & ingressus forment; & ideo in vorticem circa ferrum rotantem vique attractrice & expultrici exerendæ idoneum disponantur, ex quibus plane

con-

conficio, in quo positus sit Michellianus ille nifus vi magneticæ contrarius, & resistentia, quæ huic nifum sustinet, profecta a duritie chalybis & ab iis villis, qui ut minus mobiles, ob huiusmodi causas minus etiam deflectuntur ab illa in rectum æquabili positione, quæ polis & vortici formandis & virtuti magneticæ inde profectæ necessaria est. Deinde a villis & ab oleosa ferri portione etiam duco rationem, cur quod attinet ad plus virtutis suscipiendum ferrum molle præ chalybe temperato & recocto, & chalybs temperatus & recoctus præ chalybe durissimo & solum temperato magis idonea sint; quod vero pertinet ad retinendum, res e contrario succedat.

Tum venio ad explicandas causas, cur usurpatis auctorum, quos supra commemoravimus, methodis, tanta cum laminis ex chalybe temperato communicetur magnetica vis. Cum autem duo præcipue sint, quibus id assequimur, alterum commune omnibus enarratis methodis, & positum in ferreis fulcris, inter quæ laminas virtute magnetica imbuendas interponere oportet, alterum vero proprium Michellianæ, quod in duplici contactu positum est, rationem reddo utriusque articulo secundo. Primam oriri doceo ex illo alibi observato phænomeno, quod cum ferrum ob villorum mobilitatem minorem habeat præ magnete virtutem sui vorticis conservandi, a magnete, qui ab ipso disjungitur, vortex circa ferrum in gyrum actus versus eundem magnetem in partem directioni villorum contrariam attrahitur, atque hoc pacto cogitur villorum ordinem perturbare; ex quo fit ut idem vortex imminuatur. Nam si lamina affricanda inter duas alias similes, sive inter duo æqualia frusta ferri ponatur, dum magnes ab illius medio separatur, non potest tantum vorticis & corpusculorum, quæ eidem impertit, secum in contrariam plagam abripere, eo quod extrinseca laminae sua quoque vi attractrice corpusculorum & quidem æquali donatæ, & aliunde a magnete magis distantes versus se ipsas secundum alteram plagam, directioni villorum quæ favet, alliciunt & pertrahunt, & hoc pacto vim contrariam magnetis sustentant & cohibent. Cum vero duplicis contactus ratio in eo sit posita, ut eodem tempore lamina affricetur duobus fasciculis singulis ex æquali laminarum ex chalybe magneticarum numero compositis, quorum unus in imo extremo habeat polos septentrionales, sive N, alter meridionalis sive S, quique vel summis extremis vel ope interpositæ acus conjuncti sint; ex eodem principio rationem peto maximæ utilitatis, quæ in vi communicanda ex hoc duplici contactu colligitur, propterea quod imi binomines poli se vicissim sustinent, atque impedimento sunt, quominus in laminis virtute magne-

gnetis percitis a lamina subjecta affricanda separandis magna virtutis in affricatu communicandæ portio ob supra allatam rationem corrumpatur. Atque hinc puto rationem esse petendam illius miri phænomeni; de quo plures auctores faciunt mentionem, & nos §. 296. num. 2 edisseruimus, cur aliquando usuveniat, ut qui magnetes majori vi pollent in ferro trahendo ac sustinendo, in minorem præ debilioribus cum data ferri massa communicent.

Ex quibus univærse liquidæ sunt rationes, cur hisce methodis tanta laminis ex chalybe temperato vis magnetica tribuatur. Nihilominus ad rem magis sub oculos ponendam, idque magis magisque confirmandum magnetis phænomena ex notis Mechanicæ principii posse explicari, articulo tertio & quarto singulas percurro methodos, & eorum etiam assero causas, quæ in superiore articulo tacta non sunt. Quod dum exsequor, inde sumo occasionem differendi de duobus, quæ non levis esse momenti arbitror. Primum enim cum laminis tali virtute magnetica imbutis directio polorum naturalis magnetis mutari possit, immo eorum vis mirifice augeri, & magna cum aliis ex chalybe durissimo & temperato virtus communicari, quæ omnia a magnete naturali aut nullo pacto, aut vix præstari possunt, rationes expendo, propter quas sit ut in chalybe temperato sit vis adeo major ea, quæ in veris observatur magnetibus, & nihilominus vis naturalium sit constantior vi artificialium, & longius tempus incorrupta permanear. Quæ hujus phænomeni causæ a me hic asseruntur deprimæ ex ipsamet chalybis, atque magnetis natura, & ex modo, quo hæc corpora magnetica vi inficiuntur; illæ viam mihi muniunt ad alterum, in quo paucis expono, qua ratione artificiales magnetes perfici queant. Hoc autem in eo positum esse doceo, ut villi chalybis magis indurentur, quam simplex temperatura facit, quin tamen ita duri evadant, ut a corpusculis magnetis facile dirigi ac inflecti non possint. Quorum altero artificiales magnetes ejusdem virtutis & fortasse intensioris, altero autem magis constantes habebimus. Quæ vero ratione id obtineri queat, articulo tertio declaro.

Atque his secundo libro, & primo tomo finem imponimus, & transimus ad secundum tomum, & ad librum tertium, in quo agredimur explicationem earum admirandi lapidis proprietatum, quæ omnium difficillimæ sunt, declinationis scilicet magneticæ, acus ab orbis terræquei polis, & inclinationis ad eodem. Difficultatem vero in eo maxime positam esse moræo, quod cum hæc sint aliæ in aliis terræ locis tempore eodem, & aliæ aliis temporibus in eodem loco, nondum tot observationes sunt factæ, quæ ad aliquod systema constituendum sint satis; præsertim quod attinet

net

net ad inolationes, quibus accurate capiendis etiam diligentissimi & acutissimi viri fere usque ad præsentem ætatem idoneis instrumentis caruerunt; & quamvis nunc maxime apto instructi fuerint, tamen illud adeo paucis abhinc annis excogitatum est, ut sufficientem observationum numerum illius ope colligere industriis viris nondum licuerit. Quamobrem ea quæ hic disputo, ipse præ meo fieri oportere loco non explicationis & theoriæ, sed tentaminis earundem in eum finem suscepti, ut acutiores doctioresque ad certiora inveniendâ incenduntur. Quamquam si mea opinio prorsus non fallit, in aliquibus generalibus variationum huiusmodi legibus veram mihi videar generalem causam invenisse. Ceterum hunc tertium librum duas in partes dispesco, in quarum prima de acus nauticæ declinatione, in secunda de ejusdem inclinatione differitur. Prima vero pars septem ipsa capita complectitur. Capite primo generales expendo causas declinationis acus magneticæ, & numerum atque situm polorum magnetis investigo. Quæ in re amplector Halleyanam hypothesim terrestris magnetici nuclei & quatuor polorum, tamen ex aliqua parte interpolatam, prætereaque pro uno magnetico nucleo, qui conversione telluris abripitur in gyrum, sed ita ut majori temporis intervallo suum orbem conficiat, ob rationes alibi ex phenomenis eruendas, duos esse volo, quorum alter præ altero majori velocitate citatur.

Hac hypothesi quatuor polorum, quorum duo boreales sint, duo meridionales, constituta, primum capite primo differo de declinatione, quæ a duobus polis septentrionalibus debet oriri, & posita 16 graduum distantia unius magnetici poli borealis ab æquinoctiali telluris, & 12 distantia alterius, varias articulo priori subduco rationes pro determinanda directione magneticæ acus. Primum enim in superficie telluris sumo duo puncta in eodem meridiano, alterum in majori, alterum in minori a polo ejusdem telluris distantia, & in diversis utriusque magnetici poli positionibus, ex quibus fit, ut circuli maximi per magneticos & per æquinoctialem polum ducti cum meridiano, in quo duo illa puncta sumuntur, ad angulos diversos concurrant, ex tabulis sinuum rationes ideo inter distantias eorumdem punctorum a magneticis polis, & inter sinus angulorum, quos cum meridiano faciunt maximi inter illa puncta & magneticos polos ducti circuli; in quibus distantia punctorum ab iisdem polis accipiuntur. Tum ex his calculis plura colligo pro definienda directione magneticæ acus, quæ in dictis punctis fuerit collocata, ac primo attendendam esse tum magnitudinem vis pendentem a majori vel minori distantia ejusdem acus a quolibet polo, tum sinuum angulorum, quos cum eadem dicti arcus maxi-

morum circularum faciunt, eo quod acus est instar vectis, cujus extremum a duobus polis magneticis hinc inde attrahitur: deinde plus esse declinationem acum in puncto minus a polo telluris distant, quam in eo, quod longius abest in eodem meridiano: deinde lineam declinationis expertem, quæ inter utrumque polum interponitur, non congruere cum meridiano, sed eum ad angulos acutos secare. Quo vero magnitudinem declinationis ex calculis pressius definiam, articulo secundo, in quo alia quædam ex dictis calculis colliguntur pro definienda qualitate declinationis, & alii instituuntur ad maximam a polo arctico declinationem definiendam in hypothesi, quod acus sit in distantia 30 graduum a polo telluris, pono vires polorum crescere in ratione inversa duplicata arcuum terrestrium in superficie terræ sumtorum, qui inter polum magneticum & acum in aliquo ex dictis punctis collocatam intercipiuntur. Ex quibus deinde colligo talem esse debere situm acus ratione habita meridiani, ut sinus angulorum, quos arcus intercepti inter acum, & polos magneticos hinc inde a meridiano positos cum eadem acu faciunt, sint in ratione inversa duplicata arcuum, sive intervallorum, quæ sunt inter dictos polos & eandem magneticam acum. Tum ponendo P polum telluris (fig. 19) HP meridianum, & acum in H, B. & S magneticos polos, BP, SP arcus maximorum circularum inter polos magneticos & polum telluris interceptos, HB, HS similes arcus inter acum positam in H, & polos B & S ultro citroque positos, sub finem deinceps, ubi rotatione polorum angulus BPH sit minor angulo circiter 40 grad., in quo maximam declinationem invenio, declinationem versus polum magneticum a polo P telluris minus distantem ita imminui, ut ejus ad polum P regressio sub sensu cadere debeat: ubi vero poli B, & S rotando ad planum meridiani HP pervenerunt, alter B ad punctum R summum, alter S ad punctum imum E, omnem declinationem cessare: at cum denuo poli ab eo meridiano digredi incipiunt, & B versus locum L, & S versus M se conferre, tunc acum rursus declinare, sed aliam in partem, scilicet versus L, quorum polus B a meridiani superiori parte R discedens tendit; ejusque declinationem tandem augeri, quamdiu angulus SPH major circiter 40 gradibus non fiat: cum denique poli ab hoc angulo discedunt, de angulo declinationis decessionem aliquam fieri, eamque tandem continuari, quamdiu polus S versus M adhuc infra horizontem sit, & paucos ab eo gradus abest: ab eo denique puncto, ubi nullam iterum esse declinationem ostendo, versorium versus M iterum declinare, & in accessu poli S ad M declinationi novos usque ad certum aliquem angulum gradus acce-

accedere, a quo angulo decrefcens declinatio tandem evanefcet, cum poli denuo ad meridianum deducuntur.

Ex his autem articulo terrio plura colligo; ac primo acum pyxididis in integra polorum converfione quater recta ad polum P dirigi (fig. 19.) bis cum eft interjefta inter utrumque polum S & B, id eft poli funt utrimque prope horizontem, femel cum B eft in orientali plaga & S in occidentali, iterum cum e contrario; bis vero cum poli funt in meridiano HP, alter in inferiori, alter in fuperiori parte; femel cum B eft in puncto R fummo, & S in puncto E imo, iterum cum e contrario B eft in R imo, & S in E fummo; deinde quater acum declinare, bis verfus orientem, & bis verfus occidentem, eafque fingulas declinationes interpoſitas eſſe inter duos ſitus, in quibus acus recta dirigitur ad polum P, & in iisdem primo acceſſionem animadverti, & deinceps deceſſionem: poſtea diſcrimen obſervari inter duas declinationes, quæ fieri incipiunt, cum poli in meridiano poſiti ab eodem digredi incipiunt, interque alias duas, quæ accidunt, poſtquam acus facta eſt expers declinationis, eo quod inter utrumque polum interpoſita erat, quod in prima poſitura acus ſequitur curſum polorum; ſive poſtius poli ſuperioris, & illorſum declinat, quorſum ille polus tendit, ſive occaſum verſus; in altera autem in contrariam partem, ſive orientem verſus dirigitur. Qua in re parum momenti non eſt, eo quod inde una cum obſervationibus declinationum in confequentibus colligimus magneticum nucleum ejuſque polos occaſum verſus converti: tandem aliud etiam magni in explicatione phaenomenorum momenti obſervari diſcrimen, quod cum polus remotior a polo P Telluris a parte orientali M emergit, & ſettur verſus meridianum HP, acus magis declinat, quam cum polus B propior eandem plagam orientalem, ſed in ſuo parallelo, percurrit. Cum enim in prima hypotheſi maximæ declinationis, quæ eſt ad angulum BPH 40 graduum, angulum eſſe 14 circiter ſecundo articulo eliciſſem, hic in ſecunda ad eundem angulum eſſe circiter 22 variis ſubductis rationibus elicio.

Ut vero aliquem calculorum, qui ad hæc oftendenda inſtituuntur, fructum præcipere poſſim, articulo quarto examino, quantum eſſe oporteat ſecundum conſtitutam hypotheſim maximam Pariſienſem declinationem, & ſubductis rationibus colligo hanc maximam declinationem ibi eſſe ad angulum circiter non 40, ut ante, ſed 45; eamque ſolum eſſe 12 grad. cum dimidio & quidem virtute poli magnetici a polo telluris longius diſtantis. Ex quo confirmo quod antea monſtratum eſt, ut maxime acus a polo telluris abeſt, ita illam in eodem tamen circiter meridiano miſiſſime declinare;

quia cum Parisiis sit altitudo poli 48, 50, 10, sive 48, 50 (nam decem secunda negligi possunt hac in re, in qua non est opus tanta subtilitate) erit distantia Parisiorum a polo septentrionali 41, 10. Immo aliud etiam eruo non minoris momenti, quod quemadmodum alibi ostendimus, si talis sit polorum situs, ut in puncto H (fig. 19.) versorium non declinet, a meridiano tamen declinaturum, si ad punctum N remotius a polo P telluris transferatur, ita hic demonstro non eodem tempore, scilicet cum poli S & B eodem angulo cum meridiano HP faciat, in omnibus ejusdem locis maximam declinationem existere, sed in puncto propiori H, cujus distantia HP est 30 grad. fieri ad angulum HPB minorem, scilicet 40 circiter grad. in puncto autem remotiori N, cujus distantia est 41, 10, fieri ad angulum HPB majorem, scilicet 45 grad. Unde si versorium recta ad polum P convertatur, eo quod polus orientalis B & occidentalis S iusta proportionem acum incipiant, doceo versorium in puncto remotiori N citius pervenire ad maximam ejus loci declinationem, propterea quod angulus major 45 grad. citius fit a polo B, qui ab oriente in occidentem rotatur, quam minor 40: at si non declinet eam ob causam, quod uterque polus B & S in meridiano NP, alter supra horizontem, alter infra reperitur, tunc e contrario cum B a parte superiori meridiani ad occidentem contendens citius faciat angulum NPS minorem 40 graduum, quam majorem 45 cum meridiano NP, in loco propiori H, quam in remotiori N, citius summam declinationis augmentum versorium acquirere. Cum vero aliquis exoriri possit, qui neget quidpiam ex his effici posse, & molestum eundemque supervacaneum laborem a nobis suscipi dicat in tot rationibus subducendis, propterea quod principia, quibus innituntur, nimis incerta sunt, & aliqua etiam falsa videntur, in hujus solutione difficultatis planius facio, quid in tot computationibus spectem, & quem ex iisdem fructum colligere mihi proponam. Ex principiis enim adeo incertis certum est quidem non posse accurate definire, saltem quod attinet ad omnia telluris loca, questionem hanc de acus magneticæ declinationibus, deque earumdem variatione, neque id mihi propositum esse ajo: sed aliqua tamen magis generalia ex iis, quæ constituta sunt, non minus certo colligi posse ostendo, quod unum specto, quam si polorum situs, eorum vires & lineæ, per quas se exerunt, & ratio, secundum quam respectu distantiarum decrescunt, aliaque hujusmodi prorsus enucleata & definita fuissent.

Sic explicata mei consilii ratione, articulo quinto inquirere pergo in ea, quæ in integra polorum conversione in motu & in de-

declinationē versorii usuvenire oportere ex hypothesi jam constituta consequitur. In primis autem declaro, quemadmodum virtute poli (fig. 19.) a polo telluris P remotioris sit, ut major haberi debeat declinatio in versorio, ita virtute ejusdem fieri debere, ut eadem declinatio longiori tempore duret, tametsi poli eadem semper celeritate vertantur. Cum enim polus reperitur supra horizontem, scilicet ab orientali plaga M ad occidentalem S percurrit, duæ sunt declinationes, altera orientalis, altera occidentalis, quæ per portionem circuli majorem duobus quadrantibus sunt, ideoque in æquabili motu longiori tempore durant; cum vero polus B propior eadem peragrat partem superiorem, duæ pariter alteram altera consequuntur, prima orientalis, secunda occidentalis, quæ per minorem circuli portionem; atque ideo per brevius temporis sparium perseverant. Ex quibus infra elicio, quam quoque tempore plagam polus propior aut remotior obtineant, & animadversa differentia inter tempus, quo durant hæ declinationes, certius aliquid fortasse colligo circa diversitatem distantiarum polorum a polo telluris. Quæ vero hæcenus constituta sunt de versorio, quod in eodem permaneat loco, quoad suas poli magnetici orbitas conficiant, ea doceo pertinere ad acum magneticam, quæ cum poli in iisdem fere locis manent, circa telluris parallelum, in quo est, convertatur. Illud potissimum noto, quod etiam in superioribus monui, aliorum declinare acum, cum transfertur ab eo loco, in quo declinationis est expers, propterea quod poli utrique sunt in æus meridiano, aliorum, cum discedit ab illo, in quo non deflectit, eo quia polum inter utrumque ea distantiarum proportionem, quæ necessaria est, intercipitur. In prima enim translatione acus deflectet in plagam aliam, atque ea est, quorsum tendit; in secunda vero in eandem. Hoc autem una cum eo, quod supra dixi, & una cum observationibus, quas alii fecerunt, mihi infra suppeditat rationem, qua magneticum nœleum ab oriente occidentem versus rotari, sive in hypothesi diurni motus telluris minori velocitate, quam faciat tellus, versus orientem converti possim conficere. Atque iis expensis, quæ contingunt, cum acus in eodem parallelo ab altero ad alterum locum transfertur, deinde considero quid usuveniat, cum ad alia telluris loca paulatim deferretur. Cum autem hoc motu plura contingere possint, quia vel acus discedit a polo hemisphærii telluris, in quo est, vel ad illum accedit, idque vel per eundem meridianum, vel declinando ad dexteram, aut ad lævam; vel quando discedere incipit, est expers declinationis, vel alterutro versus declinat; si primum, vel id accidir ex eo, quod inter utrumque polum convenienti proportionem in-

interposita est, vel eo quod in eodem, in quo poli, circiter meridiano jacet; in has omnes partes rem verso, propterea quod alia in aliis horum eventuum oportet usuvenerit, & revera usuvenerint, ut experimentis atque observationibus suo loco comprobamus.

Quibus omnibus accurate tractatis venio ad caput tertium, in quo disputo de acus declinatione orta a duobus meridionalibus polis terrestribus magnetis. Quia vero multa ex his, quæ confecta sunt de borealibus polis, in meridionales etiam convenire possunt, non tamen omnia, quod & magis ipsi inter se, & a polo distant antarctico, in eam potissimum rem, ut quid sit discriminis eruum, vires contendo articulo primo, in quo positus primum 45, & deinde 24. distantia unius poli meridionalis a polo telluris, & 16 distantia alterius, investigo declinationem acus in diversis positionibus respectu eorundem polorum, & positionem maximæ in distantia 41 grad. & 10 min. Invenio autem in secunda distantia 24 hypothesei maximam declinationem 16 grad. 39 min., eamque, cum arcus inter polum 24 gradibus distantem a polo telluris interceptus cum meridiano ad angulum circiter 40 graduum concurrat. Articulo vero secundo declinationes superiori capite expositas, quæ sunt virtute polorum borealium, confero cum iis antegresso articulo elicitis, quæ virtute meridionalium, & differentias primarum, quæ habentur in angulis HPB 35, 40, 45, 50, minores differentias secundarum, quæ in similibus angulis obtinentur, observo. Quia vero hæcenus consideravimus acum perinde ac si ab uno genere polorum, scilicet aut solum borealium in hoc hemisphærio, aut solum meridionalium in australi dirigeretur, quod tamen est falsum, quia alterum extremum a corpusculis borealibus, alterum a corpusculis meridionalibus dirigitur, & ab utrorumque vi pender linea directionis, quam acus insitit; ideo hic de acus declinationibus, quæ a viribus quatuor polorum ita conjunctis proficiuntur, edisserendum restaret. Sed calculus adeo plenus est radio, ut operæ pretium non videatur tam molestum laborem suscipere in re, quam hæcenus disputata satis facere perspicuam. Ceterum ne hanc rem omnino intactam relinquam, ex hypothesei pono, qualis esse debeat situs septentrionalium polorum ratione habita meridionalium, quam tamen nonnullis confirmatam observationibus ob alias, quæ in posterum afferuntur, aliqua ex parte in consequentibus muto. Hic unum addo rationes, quæ in antecessum subductæ sunt pro definienda maxima acus Parisiis positæ declinatione, non parum abesse ab ea, quæ ibidem nunc observatur, & annis superioribus observata est. Nam & anno 1757, & præsentis 1759 graduum 18 deprehensa est; quæ aliquot gradus disce-

discedit ab ea, quam ex nostris calculis postulant duo poli boreales, quæ est tantum 12 circiter graduum §. 326. num. 3. Ad hoc autem adverte ex altera parte multo maiorem ex nostris rationibus fieri virtute duorum meridionalium, qui ad lat. 48, 50 eam efficiunt 26 grad. & amplius §. 329. num. 5. & ex altera ob continuatum inter unum & alterum polum telluris vorticem, eumque duplicem & ex duplici genere corpusculorum constantem fieri posse, ut declinatio Parisiensis sit aliquod medium inter maximam, quæ virtute polorum septentrionalium, interque maximam, quæ virtute australium esse debet.

Quibus omnibus subjicitur caput quartum, in quo tandem venio ad observationes declinationum, quarum maiorem numerum utinam haberemus. Certius enim iudicium profecti posset de multis, quæ propter observationum defectum satis definiri non possunt. Tabulas vero declinationum, quæ hic eduntur, partim describo ex Musschenbroechio de Magnete, ex P. Amont in Philosophia Pollingana de falsitate Systematis Copernicani, ex Commentariis Acad. Parisiensis & Londinensis, & ex Observationibus Mathem. & Astron. collectis a P. Soucieto, partim de novo contexto ex observationibus plurium auctorum, qui recenti memoria de hac materie scripserunt, & ex iis, quas Cl. Viri in pluribus Italix civitatibus a me rogati nuperrime instituerunt. Ut mittam eas, quæ oculis subjiciuntur in tabula Halleyi pro declinationibus anni 1700 in omnibus fere maribus, atque in altera pro declinationibus anni 1744, quæ ob multo maiorem numerum observationum, quibus innititur, ad omnia fere pertinet maris loca, quam unam incidi curavi, eo quod etiam declinationes continet Halleyana. Quod vero attinet ad hujusmodi tabulas, duo tantum moneo, alterum Tabulam Parisiensem declinationum, quæ apud Musschenbroechium solum pervinet usque ad annum 1728, a me continuari usque ad præsentem annum 1759 aut ex Actis Acad. Parisiensis, aut ex libro, qui inscribitur *Connaissance des Temps*, aut ex observationibus ad me inde missis; atque ex illa a me in posterum elici plura, quæ totum hunc locum mirifice illustrent: alterum autem in fine operis prostrare tabulas declinationum, quas summa humanitate mecum communicavit Cl. Matheseos Professor P. Panigai S. J., confectas ex observationibus, quas annis 1749, 1751, 1752 una cum P. Stephano Brancieri nunc Matheseos Professore in Collegio Reg. Matriti instituit in suo itinere Brasiliam versus, quorum utrique jussu Fidelissimi Lusitanæ Regis profecti sunt.

Hæc declinationum tabulis ante oculos positis, non adeo difficile est examinare, an cum systemate jam confixato eadem conveniant, nec ne. Id est, in quo versatur caput quintum, in cuius

jus articulo priori quædam faciliora ex allatis tabulis eruo, & præsertim illa duo, quæ cum superioribus calculis consentiunt, tum ex tabula Halleyi, tum ex aliis observo, primum, quod in locis alterutri polo propioribus major declinatio reperitur, & ut quæque in ea tabula curvæ majorem indicant declinationem, eo minus a polaribus plagis æquatorem versus se porrigunt; alterum vero, ceteris paribus, in hemisphærio australi ad certam aliquam latitudinem majorem haberi declinationem, quam ad similem latitudinem in boreali. Quia vero positis 16 distantia unius poli borealis magnetici ab arctico, & 12 distantia alterius, maxima declinatio, quam articulo secundo hinc eruo pro Sinu Hudsoni, nimis aberrat ab ea, quæ supra allatis observationibus deprehensa est, ideo poli unius distantiam pono 20 & alterius 12, & ejusdem loci maximam declinationem variis calculis ex hac altera hypothesei elicita cum iisdem observationibus congruere ibidem comperio. Quam maximam declinationem in Sinu Hudsoni, cujus distantia a polo terrestri est 26 graduum, reperio ad angulum HPB (fig. 19.) solum 30 graduum. Articulo tertio in eadem hypothesei secundi investigo differentiam declinationis inter singulos quosque quinque gradus, & locum, in quo nulla sit declinatio, atque rationibus in eum finem subductis rem conficio non levis momenti in hoc de magnetica declinatione negotio, quo ab angulo 30 maximæ declinationis polus magneticus magis discedit, ut minorem cum meridiano angulum faciat, eo decessiones graduum declinationis majores fieri, tamen si spatia peragrata eadem sint. Idem conringere observo, cum in alteram partem discedit ab eodem angulo 30, ut semper ad majorem concurrat angulum cum meridiano, sed solum usque ad angulum 75 graduum. Nam differentia declinationum paulisper minuitur ab hoc angulo 75 usque ad angulum interpositum inter 92 & 93, in quo nulla declinatio reperitur. Articulo quarto eadem & in eadem hypothesei inquiri, cum acus ponitur in æquatore, & ideo 90 gradibus distat a polo telluris. Quo in evenru quod pertinet ad declinationum differentiam, valde minorem invenio differentia, quam in eventu distantia 26 a polo superiore articulo inveni; quod vero attiner ad lineam declinatione carentem, eam deprehendo ad angulum NPB 140 graduum. Ex quo colligo primum differentiam 48 circiter graduum esse inter angulum NPB 140 graduum nullius declinationis in eventu puncti N positi in æquatore & ideo in distantia NP 90 graduum a polo P, interque angulum HPB 92 circiter in eventu puncti H positi in distantia HP=26: secundo cum polos ab oriente in occidentem rotari ponamus, multo prius in puncto N æquatoris celsa-

faturam declinationem acus, quam in H, si polus a polo telluris remotior B plagam teneat orientalem; proptereaquod ab angulo 140 graduum, in quo desinet declinatio acus in N versus S, transire debet ad angulum 92, & sui paralleli circiter 48 gradus ante percurrere, quam cesset declinatio in H versus idem S; e contrario autem, si polus remotior in occidua plaga reperitur, ut in S, citius toto illo tempore, quod in percurrentis 48 gradibus impenditur, ad polum P telluris versorium in H locatum dirigi, quam si in N poneretur: tertio ob easdem causas inter loca tam diversa a polo telluris distantia, in quibus eodem tempore nulla declinatio est, 48 graduum discrimen ob easdem causas reperiri, & si polus remotior sit in plaga orientali, punctum N nullius declinationis in æquatore esse puncto H nullius pariter in distantia HP 26 grad. occidentalius longitudine 48 graduum: sin autem polus remotior versetur in occidentali, contrarium usuenire: tandem lineam variationis expertem esse curvam circulos meridianos secantem, ab H in N productam; atque hanc esse unam ex causis, eo quod aliam infra damus, cur linea variationis expers, quæ in tabula Halleyi apud Musschenbroechium incipit a Carolina sive ab Anglia Nova, tot in longitudinem gradus excurrat.

Quoniam vero constituta hypothæsis distantia polorum borealium ab arctico parum abest a vera, cum agitur de declinatione ad latitudinem 26 graduum, videndum est, an pariter congruat cum maxima declinatione parisiensi, quæ anno 1757 erat grad. 18, & talis quoque inventa est hoc anno 1759. Id quod exsequor articulo quinto, in quo ad angulum HPB 45 grad. eam invenio grad. 19, solum uno gradu maiorem observata. Ibidem multa observo circa tabulam Parisiensem declinationum, & inter alia hæc duo, primum quod maxima declinatio ad ortum circa annum 1580, quæ fuit 11. 30, notata est valde minor maxima ad occasum, quæ nunc ascendit saltem ad 18 gradus: secundum quod aliquanto minoris temporis intervallo acus magnetica a maxima declinatione orientali ad nullam transivit, quam eadem a nulla ad maximam orientalem migraverit. Cum vero anno 1666, in quo acus Parisiis non declinavit, doceam boreales polos reperiri debuisse in meridiano parisiensi, alterum in summa parte, alterum autem in ima, id conciliari non posse conficio cum eo, quod declinatio orientalis multo minor fuerit occidentali, si quatuor sint immobiles & fixi in uno eodemque magnetico nucleo poli. Ex quo colligo id, quod in posterum etiam eruo ex aliis observationibus, duos esse oportere huiusmodi nucleos, quorum alter velocius præ altero vertatur in orbem, & quorum adminiculo tam intricata

phænomena explico. Aliquibus aliis animadversis circa differentiam parisiensium declinationum inter singulos 10 annos, & altaris eorum caussis, quemadmodum & quietis acus per aliquot annos, aut etiam regressus, venio ad caput VI., quod est continuatio ejusdem argumenti de comparatione observationum cum systemate & de iis, quæ inde deducuntur. His autem quæ hætenus statuta sunt, articulo primo utimur ad illam quæstionem verisimiliter solvendam, quot annis opus sit ad integram polorum conversionem. Nam quod Musschenbroechius & alii argumentum attulere petunt a motu medio declinationis singulis annis, nullum prorsus est, eo quia pro majori, vel minori locorum a polo telluris intervallo, eo plus vel minus, ceteris paribus, acum a meridiano deflectere & calculo supra confecimus, & observationibus infra comprobabimus. Non tamen nostram methodum pro certa venditare possumus, quod & sufficientibus adhuc caremus observationibus, & incertum est, utrum hypothesis a nobis statuta cum definita ratione virium polorum terrestris magnetis & intervallo a polo telluris obtineat. Ut ut vero hæc se habeant, hæc nostra methodo eruimus tempus integræ revolutionis esse annorum 728, ad quod proxime omnium accessit Halleyus, qui intra 700 circiter annos conversionem polorum absolvi conjecit. Cum vero supra duplicem magneticum nucleum cum differenti velocitate posuerimus, methodum indicamus veniendi in cognitionem differentię inter celeritates tardioris ac velocioris. Post hæc ostendimus, quod toties polliciti sumus, polos nuclei terrestris occidentem versus converti. Id quod hoc pacto exsequimur articulo secundo. Cum in mappa Halleyana duæ sint lineæ declinatione carentes, altera incipiens a Carolina & ad longit. occidentalem 80 a meridiano Londinensi, æquatores secans ad longitudinem occidentalem 15 ab eodem meridiano, & perveniens usque ad meridianum Londinensem ad latit. borealem 55; altera incipiens a gradu 60 lat. merid., & a gradu 139 longit. orientalis ab eodem meridiano, & in gradu 119 interfecans æquatorem, & parum variata longitudine usque ad Regnum Sinarum perveniens; inter declinationes, quæ ad harum linearum utramque partem notantur, hoc observamus discrimen: quod ad partem occidentalem primæ declinationes sunt orientales in utroque hemisphærio, & inde ad certum usque gradum augentur; ad partem autem orientalem declinationes occidentales ad certum usque limitem auctæ comperiuntur: at in altera ad latus occidentale declinatio occidentalis, ad latus vero orientale declinatio pariter orientalis animadversæ fuerunt. Hinc autem & ex §. 327. num. 3. colligimus in prima magneticam acum idcirco non de-

declinasse, quia poli in ejus circiter meridiano existerant; in secunda vero, quod inter utrumque polum cum proportione necessaria virium, distantiarum & angulorum intercepta reperiebatur. His constitutis si in locis curvæ per Insulam Carolinam transeuntis acus occidentem versus ab anno 1700 declinavit, id argumento esse doceo polos magneticos, qui ex modo allatis in eodem circiter meridiano tum jacebant, occasum versus abripi, & ad se verforum convertere §. 325. Sin autem contra fiat, e contrario dico polos orientem versus in orbem converti. Re autem vera primum accidit. Ad quod ostendendum hic congero multas observationes, quæ circa declinationes in multis itineribus animadversæ ab Academicis Parisiensibus & ab aliis post illum annum factæ fuerunt, & infra alias assero recentiores, & præsertim eas, quæ ex tabula declinationum pro anno 1744 apparent, ex quibus id quod propositum est, luculentissime comprobatur adversus nonnullas difficultates, quæ ab aliquibus observationibus ducuntur.

Duobus itaque statutis nucleum polosque magneticos occidentem versus converti, & lineam declinationis expertem, quæ incipit a Carolina, originem ducere ex eo, quod uterque polus tum boreales, tum meridionales iis locis subjecti sint; alteram vero per Hollandiam Novam & Sinas transeuntem oriri ex eo, quod inter utrumque genus polorum ea telluris loca anno 1700 jacebant, articulo tertio enucleatius examino tabulam Halleyi; & in curvas declinationem exprimentes diligentius inquirō. Quia vero hic in rationibus afferendis eorum, quæ in superioribus observata fuerunt, nimis multa complector, quam ut in summam redigi possint, illud unum adverto, ex iis unis, quæ hoc loco a me disputantur, satis constare fructum superiorum computationum. Unde venio ad articulum quartum, in quo speciatim dissero de lineis variationis expertibus, deque earum motu. In primis autem observo aliquid miri latere in motu lineæ variationis expertis, quæ incipit a Carolina, proptereaquod ex observationibus colligitur ab anno 1700 partem australem tardius moveri occidentem versus, borealem autem citius. Ex quo fit ut cum eo tempore cum meridiano ad magnum concurreret angulum, & multos in longitudinem gradus percurreret, nunc redire videatur ad eam formam, quam habebat anno 1600 §. 371. num. 3., in quo instar cujusdam meridiani per Promontorium Acuum, Pelopponesum, & Promontorium Septentrionale transibat. Inde autem aliam duco rationem, ut §. 362. num. 5. pollicitus sum, duplicis magnetici nuclei & diversæ velocitatis in conversione utriusque.

Quod attinet ad alteram lineam declinatione carentem, cum ex

e. 2.

ali-

aliquibus observationibus collegerit Cl. Delisle eam versus orientem ab anno 1700 notam fuisse, quod cum aliis observationibus & cum systemate nequaquam consentit, solutionem tam intricati nodi rejicimus in sequens caput nonum, in quo de novis differimus quibusdam observationibus, & præsertim de nova tabula Mourainii & Dodsoni pro declinatione anni 1744. Cum enim hunc de magnetæ librum jam duodeviginti abhinc annis, scilicet ab anno hujus sæculi 41, magna ex parte conscripserim, non potui in illum includere plurimas recentiores declinationum observationes, quæ in operibus, quæ post illud tempus aut edita sunt, aut ad meas manus pervenire, litteris consignatæ fuerunt, nec in eodem nunc limando omnes suis identidem interponere locis duxi e re mea, ne cogeret integrum opus retexere. Unde operæ pretium, arbitror hic nunc easdem referre, ut animadvertere possim quænam ex iis, quæ in superioribus statuta sunt, confirmantur, quænam evitantur, & quænam majorem inde lucem accipiant. Præsertim vero digna est, quæ animadvertatur Tabula declinationum, quam ad normam Halleyanæ pro anno 1700 constructæ Mourainius atque Dodsonus pro anno 1744 confecerunt, quæque prostat in excellenti libro Cl. Bouguerii inscripto *Nouveau Traité de Navigation*, signata Numero XII. In ea sunt tum lineæ declinationum quæ ad annum 1700 pertinent, rubro tinctæ colore, tum lineæ quæ ad annum 1744, nigro depictæ, prout a duobus citatis Mathematicis designatæ sunt, cum aliquibus tamen mutationibus a tercio factis, qui etiam adverteit primos, ut potè instructos majori numero observationum, potuisse, quod Halleyus non fecit, delineare magneticas curvas undequaque circa tellurem, quamquam in aliis quibus aliquantum systemati dedisse sibi videantur. Nos vero in tabula II., qua Bouguerii tabulam exprimimus, pro lineis rubris lineas punctis notatas excudi fecimus. Ad hanc vero tabulam primum advertimus ea confirmari, quæ supra statuimus de motu hujus lineæ versus occasum, deque reditu ejusdem ad situm rectum & cum meridiano congruentem. Quod attinet ad alteram declinatione carentem, mirum esse adverteo illius cursum, & cum aliqua theoria non ita facile conciliandum. Cum vero hæc in duos dispescat ramos per aliquem tractum valde vicinos, & deinceps alterum versus meridiem, alterum versus occasum excurrentem, vires ingenii contendo in conciliandis omnibus circa eisdem contrariis observationibus, & in danda difficultatum, quas supra proposui, solutione, quam repeto ex generali quadam circa hujusmodi rem theoria, & ex aliqua systematis in superioribus constituti mutatione. Siquidem adverteo me jam initio hujusce libri monuisse illa, quæ

de.

de hac re à me disputantur, loco tentaminis offerri ad id ostendendum, utrum constitutum systema cum phænomenis congruat, nec ne. Quare cum non phænomena systemati, sed systema phænomenis accommodandum sit, mihi esse ajo liberam facultatem in eodem ea corrigendi & mutandi, quæ cum iisdem non congruunt. Idque semel & iterum feci, cum pro uno magnete duos posui, pro quatuor polis, qui semper eundem inter ipsos situm, dum in gyrum vertuntur, servarent, quatuor alios, quorum singuli bini alii ratione habita aliorum semper eundem mutarent. Itaque hic etiam aliquid aliud adjungo, quod ad aliquam pertinet systematis mutationem.

His addo me jam norasse §. 331. Num. XI. declinationem Mantuæ pro anno 1758 esse fere grad. 13 versus occasum, quinque circiter gradibus minorem, quam eodem fere tempore Brixia & Bononiæ, tametsi inter Mantuam & Brixiam fere nullum sit in longitudine discrimen, & valde exiguum in latitudine, & inter Mantuam atque Bononiam exigua sit longitudinum differentia, & fere nulla altitudinum. Quam singularem observationem credo accipere posse lucem aliquam tum ex ea, quam apud Musschenbroechium refert Mullerus ex suo fratre, qui majorem 10, 20, 50, immo & 90 grad. declinationem animadvertit in montium verticibus, quam ad eorum radices, tum ex eo, quod infra statuimus circa inclinationem magneticæ acus, ad quam nunc accedimus.

Multa enim alia mihi succurrunt circa declinationem versorii; sed cum in animo sit ea silentio nunc præterite, quod in re tam difficili, quæque plures adhuc observationes desiderat, satis superque indulsumus conjecturis, quas posterius suis observationibus fortasse infirmabunt, gradum facio ad partem secundam hujus tertii libri, & ad inclinationem versorii, in qua totis viribus in id incumbo, ut aliquid asseram, quod operæ pretium futurum sit. Quamquam vereor ne quemadmodum circa declinationem, ita circa hujusmodi alteram proprietatem ab iisdem causis profectam, quidquam proferre possim, quod Philosophis & maxime Physicis Recentioribus probem. Nam ad ingenii imbecillitatem & rei, de qua differendum est, difficultatem accedit observationum, quas fieri oportuisset, caritas, & earum ipsarum, quæ institutæ sunt, incertitudo, & etiam aliquando pugna. Verum enimvero aliquid porius audendum esse reor, quam hujusmodi rem prorsus intactam relinquere. Itaque capite primo disputo de inclinationum mutatione, quam adversus Musschenbroechium acriter defendo tum observationibus & experimentis, tum etiam rationibus ductis ex constituto systemate, quo sit ut dum poli convertuntur in orbem, minus incli-

clinetur acus, dum polus est in superiore meridiani parte, magis dum in ima. Sed aliquid magis reconditum esse doceo cum Musschenbroechio, qui hoc cepit experimentum. Cum acus inclinatoria quatuor pedum oscillaret in plano ad angulos rectos magneticum meridianum secante, cuspis acus deorsum spectans & ad orientem conversa in gradu 84 quievit, cum antea illam eadem in meridiano magnetico solum in 67 stetit. Quo confici Musschenbroechio videtur potentiam deorsum trahentem in illo plano majorem esse, quam in ipsomet meridiano. Verum ex hoc aliter inferre potentiam tum moventem imbecilliorē fuisse, quam in linea meridiana. Acus deturbata a priore situ, cum oscillando decem graduum arcum describeret, primas decem oscillationes tempore 41 43¹/₂, alias decem tempore 9 minutorum confecit, ac propterea multo lentius, quam in meridiano magnetico eandem oscillare prius compererat. Quæ res una cum eo, quod ad eandem tamen singularem observationem nihil auctor animadvertit, mihi suspicionem ingessisset errorē aliquem in numeros irrepsisse, nisi hoc idem experimentum confirmatum vidissem ab aliis & præsertim a P. Amont in Philosophia Pollingana ex epistola Gasparis Castneri e S. J. Cantone scripta 6. Sept. an. 1707, cujus verba exscribo, propterea quod multis experimentis eandem confirmant sententiam, imo aliquid etiam simile statuunt circa declinationem, quæ sit eo major, quo acus a debita inclinatione plus distat, quomodo modum inclinationi eo plures gradus accedunt, quo acus a plano debite declinationis longiori abest intervallo. Horum omnium & generales afferro causas, & particulares etiam ad illa explicanda, quæ a Castnero in suis experimentis Cantone institutis observantur.

Verum hunc eundem locum accuratius tracto paulo post. Quamvis enim in animo foret colligere vela hac in re, quæ nimis undequaque difficultatibus circumdatur; tamen a poru in alrum me quodammodo revocar elegantissimus commentarius de hac materie recenti memoria conscriptus a Cl. nostræ ætatis Philosopho ac Mathematico Daniele Bernoullio, & editus in Diario Sapientum an. 1748, ni fallor; siquidem illum a Cl. Viro & de utroque Diario Bernensi optime merito Bernardo Tscharnerio manu descriptum accepi. Operæ vero pretium existimo eundem latine versum in hoc meum de Magnete opus includere, eidemque attribuire caput secundum, propterea quod multa continet scitu dignissima, & præsertim docet veram construendi acus inclinatorias rationem, quæ si multo ante perspecta fuisset, nunc valde plures haberemus observationes, ex quibus multa non solum eorum, quæ ad inclinationem pertinent acus, verum etiam, quæ ad declinationem, pos-

sent.

sent definiri. Principium autem, quo hæc ratio innitur, excogitatum ab auctore commentarii, cui Regia Parisiensis Academia primas detulit in solutione problematis ab ipsa propositi circa perficiendas acus inclinatorias, & a Bernoullio ad usum cum felici eventu deductum, in eo positum est, ut cum gravitas acus impedimento sit, ne ad eum, quem postulat magnetica vis, gradum inclinationis perveniat, eo quod eadem pro situ horizontali æqualibus atque contrariis librata momentis, in alio quocumque situ æquilibrium amittit, constructionem comminiscamur, cujus virtute actio gravitatis & vis magneticæ concurrant, singula; seorsim, ad eandem in acu afficta efficiendam inclinationem. Methodum vero, qua Bernoullius id est consecutus, pluribus docet, refertque se, cum plures inclinatorias acus ad eandem exegisset, in omnibus æqualem prorsus inclinationem deprehendisse; id quod argumento est methodum esse accuratam, eo quia vulgares acus alix ad alios & quidem valde discrepantes angulos infra horizontem eodem in loco & eodem tempore deprimuntur. His auctor adjungit quasdam observationes, quarum prima in eo posita est, quod ut supra docemus cum Castnero, acus eo magis infra horizontem deprimitur, quo a meridiano magnetico plus retrahitur, & si usque ad magneticum æquatorem trahatur, tunc ad horizontem fit perpendicularis; si vero ultra, ad eosdem angulos inclinatur, ad quos in simili ab æquatore distantia citra æquatorem inclinabatur, sed alio extremo, cum pars borea septentrionem respicit; alio, cum meridiem. Altera vero ex prima consequitur, estque in eo posita, quod hujusmodi acus inclinatoriæ etiam munere acuum declinationis funguntur, propterea quod alio non est opus, quam ut instrumentum tamdiu vertamus, quoad acus 90 gradus infra horizontem inclinetur. Tunc enim erit in æquatore magnetico, sive in distantia quadrantis a magnetico meridiano.

Hactenus Cl. Auctor, qui hujusmodi observationibus aliisque non paucis, quas nunc omitto, mihi videtur huic desperatæ ac prope depositæ parti magneticæ Philosophiæ medicinam attulisse. Ad ea vero, quæ ab auctore disputata sunt, magis magisque declaranda operæ pretium arbitror capite tertio quasdam animadversiones adungere. Primum ex Mechanicæ principiis definitio, ad quem angulum acus posita in plano, in quo corpuscula magnetica convertuntur, deprimi debeat, idque in triplici eventu, primo cum ad eundem angulum sunt inclinata corpuscula tum borealia, tum meridionalia, secundo cum borealia ad majorem, quam australia, inclinata sunt; tertio cum e contrario. Tum doceo acum ab hoc plano per circuli quadrantem retractam, non posse quiescere, nisi

in situ ad horizontem perpendiculari, per arcum vero quadrantē minorem, inclinatum iri ad majorem quidem angulum, quam in plano conversionis, sed ad minorem, quam in distantia quadrantis ab eodem; tandem etiam retractam ab æquatore magnetico versus alteram partem, illa usuvenire debere, quæ supra ex Bernulio notavimus. Deinde ex his colligo acum quoque declinatoriam horizontalem eo plus declinare, quo a plano declinationis magis deflectit, & ad majorem angulum cum eodem concurrit. Quod hic confirmo hac a me sæpius repetita observatione simili alterius, quam Castnerus supra citato loco produxit. Pyxidem mobilissimæ acus declinatoriæ parte boreali ita sublevavi, ut ipsius planum cum horizontali ad angulum circiter 30 & amplius graduum concurreret, observavique boreale acus extremum a suo magnetico meridiano occasum versus per 40 circiter gradus declinare; cumque digitis ad meridianum retraherem, nihilominus acum sua sponte ad eam declinationem semper animadverti redire, tametsi in ea positione non valde mobilis foret. Ex quo colligo, si acus sit in plano horizontali, quod a plano inclinationis magis deflectat, multo magis ob majorem ad motum facilitatem esse declinaturam, & inde peto rationem illius quinque graduum differentię inter declinationem Mantuanam ex altera parte, & inter Bononiensem atque Brixianam ex altera, de qua §. 379. num. 21. disseruimus, quæ certe a diversa polorum magneticorum, ratione habita harum trium urbium, positura oriri non potest; oritur autem ex eo, quod cum Brixia & Bononia sint valde altiores, quam Mantua, in iis inclinatio major esse debet ratione habita borealis poli, qui relatus ad loca altiora est humilior, atque idcirco horizontale planum ad majorem cum plano inclinationis angulum concurrit. Quare ad hunc locum in bona luce ponendum addo excogitari oportere acum, quæ simul viribus declinatoriis & inclinatoriis obtemperet. Nam hujusmodi acus talem cum plano horizontali angulum faciet, quem solæ vires inclinatoriæ desiderant; & talem cum meridiano, qualem solæ declinatoriæ; proptereaquod cum eodem tempore in gyrum libere torqueri possit tum sursum atque deorsum, tum dextra atque sinistra; nihil virium inclinationis impendetur in acu a meridiano retrahenda ea ratione, quam supra explicamus, & pariter nihil virium declinationis in eadem a plano horizontali depellenda, eo quod singulæ vires nullam in partem impeditæ secundum suam quæque directionem se omnino explicabunt. Hanc vero declinationem sive meridianum magneticum voco absolutum, eo quod a solis viribus declinatoriis pender, & hanc inclinationem pariter absolutam, eo quod a solis inclina-

toris, ut utramque distinguam a relativis, quæ reperiuntur in acu, quæ aut solum in plano horizontali, aut solum in verticali in orbem torqueri potest, eo quod in illius declinatione suam sibi vindicant partem etiam vires inclinatoriæ, & in hujus inclinatione etiam declinatoriæ. Qui vero hæc acus obtineri queat, hoc loco nequaquam significo, proptereaquod nondum incideram in Commentarium Cl. Buachi in Actis Acad. R. Paris. ad annum 1732, quem sub finem libri quarti §. 403. cum necessariis schematibus refero ad ultimam huic rei manum imponendam, ubi etiam Castneri & meam supra expositam sententiam confirmo ex singulari experimento Buachi, qui in sua acu declinatoria simul & inclinatoria minorem, quam in ordinariis declinatoriis, declinationem observavit. Quapropter cum hæc inclinatoria simul & declinatoria magnetica acus sub oculos ponat absolutum magneticum meridianum deflectere ab eo, quicum congruit solum declinatoria in plano horizontali, inde concludo ad hunc potius absolutum meridianum, quam ad alierum respectivum, esse attendendum in omnibus his calculis, quos in antecessum institui ad *eruendam* magnetici meridiani a terrestri declinationem.

Quantum in eam materiam, de qua hoc tertio libro disserui, invito animo sum ingressus, tanto libentius in quarto, qui sequitur, a loco tam difficili egredior, ut res faciliores meoque captui magis accommodatas aggrediar. Multa vero, quæ ad omnes hæcenus explicatas magnetis proprietates attinent, alibi omissa hoc loco expendenda suscipio, & præsertim ad reliquorum Musschenbroechii experimentorum seriem orationem denique exigo, quo magis id quod mihi propositum est, perspicuum fiat, systema corpusculorum etiam cum experimentis ab homine allatis & factis, contraquam is sentit, congruere. Quatuor autem capita hic liber complectitur. Caput primum, in quo explicantur experimenta capituli IV. dissertationis Musschenbroechii, in tres articulos dispesco. Articulo primo, in quo disputo de annulis & de eorum vi attractrice & directrice scobis ferreæ, hanc singularem profero Derhami observationem. Si horis diurnis filum in orbem inflexum fuerit, & deinceps rursus directum, tota vis directrix corrumpitur; sin autem sub vesperam, eadem, quæ ante flexionem, ab eodem polo magnetis extremitates filii attrahuntur, quod indicio est vim directricem non penitus interiisse. Quod dum explico, rationem depromens a diversâ aeris temperatura, qua sit ut villi ferri aliter alia tempestate dispositi sint, occasionem arripio proponendi difficillimam etiam Grahami observationem de acu nautica, cujus declinatio occidentalis matutino tempore per plures dies erat duobus gradibus

f

ma-

major declinatione ferotino, cujus rationem peto ex iis, quæ ad illam Michellii proprietatem poli, qui est non in extremo acus, sed in aliqua ab eodem distantia, & quidem majori in ferro molliori, quam in magis duro, disserui. Huic etiam causæ, sive interioris ferri structuræ mutationi saltem magna ex parte suspicor acceptam ferri oportere perpetuam illam singulis diebus, immo pluries in die ejusdem acus, & eodem in loco declinationis mutationem, quam experimentis P. Gui Tachard, Grahami, & suis Musschenbroechius confirmat. In illum quoque celebrem excurreo locum de acubus aliisque ferreis instrumentis, quæ de cælo tacta aut virtute magnetis spoliata sunt, aut cum antea carerent, imbuta, & tanti discriminis causam ex multis, quæ sunt attendenda, repeto. Sed ab his, quæ occasione primi experimenti filii in orbem inflexi tractata sunt, in viam redeo, & expositis Musschenbroechii experimentis circa annulos affrictos, & modum, quo scobem ferream circa ipsos sparsam disponunt, eorundem rationes ex constituto systemate eruo. Ex eodem quoque colligo rationes illorum experimentorum, quæ refero articulo secundo, quæque in eam posita sunt, ut ferrea instrumenta virtute magnetica imbuta cum magnete conjuncta, aut magnetes debiliores cum fortioribus copulati eam in suis extremis explicent vim directricem, quam aut magnes in primo eventu, aut in altero magnes fortior desiderat, tametsi contraria sit illi, quam antea habebant; si vero ab iisdem disjungantur, aut statim, aut post aliquod tempus priorem directionem recuperent. Sequitur articulus tertius, in quo disseritur præsertim de filis, & aliis oblongis instrumentis ferreis, fissione, contorsione, & aliis variis percussionibus virtute magnetica donatis. Cum autem ad illa Derhami experimenta, quibus compertum sit contorsione filorum, aut mallei percussione vires polorum imminui, perimi, augeri, & in alias diversas converti, Musschenbroechius neget mutationi situs partium interiorum ferri causam hujusmodi mutationum ascribi oportere, idque confirmet experimento filii, cujus per plura laminæ ferreæ foramina alia aliis angustiora gradatim magna vi trajecti, & multum hac ratione in longum producti magnetica vis non solum attractrix, verum etiam directrix eadem mansit, immo non parum aucta est; pluribus experimentis a me institutis, & rationibus, quæ ex constituto systemate colliguntur, doceo duo postulari ad eum finem, ut oblongum ferrum virtute magnetica inficiatur, primo commotionem & agitationem villorum, quædemumcumque ea sit, & a quademumcumque causa profecta; secundo idoneum situm ratione habita corpusculorum terrestri magnetis. Prima enim sit ut villi quoquo versus ciantur,

&

& hoc pacto superata vi, qua & inter se & cum aliis ferri partibus cohærent, facilius a corpusculis magnetis extrema versus dirigi possint; altero autem, ut quod ad tribuendam ferro virtutem attractricem ac directricem necessarium est, a corpusculis ab uno telluris polo erumpentibus versus unum extremum, a corpusculis vero ab altero effluentibus versus alterum dirigantur. Quo constituto difficultates diluo Musschenbroechii, & omnium Derhami experimentorum etiam eorum, quæ contraria videntur, rationes produco.

De situ vero, in quo virgæ & alia oblonga instrumenta percutienda sunt, ut vim acquirant magneticam, accurate disputo capite secundo, in quo plura omnium magnetis proprietatum phænomena, sumta præsertim ex capite quinto dissertationis Musschenbroechii explicantur. Siquidem articulo secundo tracto de polis magneticis, quos virgæ ferreæ, aut alia frustra ignita acquirunt, & multo magis articulo secundo, in quo agitur de polis, quos eadem adipiscuntur virgæ, si in diversis ad horizontem inclinationibus percutiuntur in eodem telluris loco. Multis enim experimentis partim a Musschenbroechio, partim a me institutis, & rationibus, quæ ex notis Mechanicæ principiis ducuntur, definire conor, qualis sit maxime idoneus situs, in quo aut virga candens refrigerare debet, aut frigida percuti ad eum finem, ut quammximis viribus attractricibus & directricibus instruatur. Sed præsertim digna sunt, quæ attendantur, illa secundi articuli experimenta, quæ anno 1742 primum & pluries in eodem anno a me instituta sunt, & deinceps anno 1759 pariter sæpius a me repetita, ex quibus compertum sit, si virga perpendicularis summò extremo versus boream paulatim inclinetur & in diversis inclinationibus a situ perpendiculari usque ad horizontalem valide percutiatur, citius perveniri ad eam inclinationem, in qua prius debilitatur, aut corrumpitur, aut etiam in aliam vertitur vis poli in imo extremo positi, quam vis alterius positi in summo. Ex his enim efficio corpuscula borealis poli terrestris magnetis sursum tendentia ad majorem angulum cum linea, seu virga horizontali & magneticum meridianum occupante concurrere, quam corpuscula meridionalis deorsum tendentia. Ex quo & ex iis, quæ §. 385. num. 1. & 384. num. 3. differuimus, planum facio acum inclinatorium cum horizontalis plani portione boream spectante aliquanto minorem angulum facere, quam cum eadem faciant corpuscula borealia sursum tendentia. Hujus vero a me detectæ proprietatis adminiculo facillime explico quamplura alia ratione inexplicabilia Musschenbroechii, & plurium auctorum in Philoso-

phicis Transactionibus experimenta. Cum vero Nauta quidam Briannus æquatorem anno 1684 transnavigans in virga perpendicularem situm semper habente easdem observasset mutationes, quas in virga in diversis inclinationibus percussa nos observavimus, articulo tertio iisdem utor principiis ad eadem explicanda, & in antecessum adverto nostris experimentis articulo secundo descriptis, cum his, quæ tertio referimus, maxime convenire. Nam utrobique primum poli in extremis vegeti sunt, deinde alter eorum citius imminuitur præ altero, tum etiam alterius vires debilitantur, postea primus perimitur, cui succedit etiam secundi corruptio, demum in extremo, in quo ille corruptus est, novus existit, & denique in extremo alterius, atque ita poli situm alternis mutasse observantur. Nec immerito hanc tantam esse convenientiam adverto. Diversitatem enim inclinationis corpusculorum terrestribus magnetis, quæ est effectorum huiusmodi causa, utrobique obtinemus, ibi mutatione situs virgæ ad horizontem, dum circa extremum inferius, tamquam circa centrum, superiori boream versus eadem rotatur, & a perpendiculari transfertur ad finitorem, hic autem mutatione situs virgæ ad terræ loca, dum a locis, in quibus corpuscula borealia sursum, & meridionalia deorsum tendunt, ad loca, in quibus aliter se res habet, virga perpendicularis transfertur. Tandem ex hisce experimentis & ex iis, quæ inde collecta fuere, articulo quarto efficacissimum, ut mihi quidem videtur, duco argumentum pro confirmatione illius, quam etiam aliis rationibus effeci, Cartesii & meæ sententiæ de duplici magnetico vortice, & ex duplici genere corpusculorum constante, quorum alia a boreali polo, alia ab australi egrediantur.

Succedit caput tertium, in quo duobus articulis solvo quædam alia præter ea, quæ alibi soluta sunt, Musschenbroechii & Monnerii objecta, quibus ut luculentius satisfaciam, & generatim ostendo, considerata sola corporum essentia & natura sine accidentalibus viribus, quæ ad eadem jam constituta extrinsecus accedunt, fieri posse, ut corpus aliud cum alio compenetraretur, ne lectorem prorsus rejiciam ad meam Physicam Generalem, in qua id accurate conficio, & speciatim ex nonnullis experimentis colligo id cadere quoque in electrica effluvia ratione habita corporum aliorum, quæ ab iisdem sine ullo prorsus impedimento, aut ipsorum vis diminutione trahuntur.

Ræstat caput IV. idemque ultimum huius operis, in quod plura congero experimenta & observationes. Primum refero experimenta Cl. Fayi, ex quibus tamen captis ea summa diligentia & dextérité, quæ sunt ejusdem propriæ, tamen universe confici nequit uter

uter polus sit altero vegetior. Deinde ad examen voco acum inclinatoria Buachi, de qua jam memini in superioribus. Tum narro experimenta Krafftii circa attractiones sphaerarum magneticarum aut æqualium aut inæqualium, quibus similia Musschenbroechii confirmantur, atque ostenditur in æqualibus attractiones duarum sphaerarum magneticæ, & ferreæ esse in ratione inversa quadruplicata spatiorum cavorum, quæ inter duas sphaeras in diversis distantis interponuntur. Postea venio ad omnium maxime mirum idemque explicatu difficillimum Cl. Gellerti phænomenon in eo posuit, quod magnes minor plus agit in mixta ferri cum metallis & semimetallis præ magnete majore, qui ferri pondus attrahit duplo majus, quam minor. Qua in re primum oculis subijcio auctoris tabulam attractionum, quæ sunt octo magnetibus in quinque diversis mixtis. Secundo ex Actis Lipsiensibus refero rationem, qua id explicavit Cl. Eulerus; eamque refello. Tertio aliam subijcio ex aliis experimentis depromptam explicationem, quæ mihi ad verum magis videtur accedere. Tandem alias describo P. Panigai tabulas declinationum, de quibus supra mentionem feci. Denique examino librum, quo Cl. Joannes Rinaldus Carli Publicus Nauticæ & Geographicæ in studio Patavino Professor declinationem acus magneticæ singulis diebus a Nautis posse cognosci docet. Quo loco nonnullis satisfacio difficultatibus ab homine propositis adversus Halleyanum systema, quod a nobis ex parte adoptatum est, & inde sumta occasione planum facio veras polorum magneticorum a polis telluris distantias non esse colligendas ex iis calculis, quos supra inivimus, eo quod magna declinationis ex. g. parisiensis portio ex illo proficiscitur uno, quod acus declinatoria multum abest a plano debite inclinationis; easdemque distantias ad maximas declinationes, quæ aut in locis æquatori propioribus observatæ sunt, aut in remotioribus pyxide Buachi in posterum observabuntur, esse exigendas ostendo.

I N D E X

D E M A G N E T E

L I B E R P R I M U S

De vorticibus magneticis, deque natura magnetis, & ferri,
eorumque differentia.

<p>CAPUT I. DE effluviis a magnete erumpentibus. Pag. 1</p> <p>CAPUT II. De facilitate, qua magnetica corpuscula ferrum pervadunt. 6</p> <p>CAPUT III. De causa cur effluvia magnetica facile se per poros magnetis, & ferri insinuant, deque inde genitis majore velocitate, & refractione. 14</p> <p>ARTICULUS I. Systema Euleri. 14</p> <p>ARTICULUS II. Cen tra Systematis Euleriani. 17</p> <p>ARTICULUS III. Explicatur nostra sententia. 25</p> <p>CAPUT IV. De polis ferri magnetica virtute imbuti, deque vorticibus magneticis. 30</p> <p>CAPUT V. De magnetis, ac ferri discrimine. 35</p> <p>ARTICULUS I. De natura ferri. ibid.</p>	<p>ARTICULUS II. De natura magnetis, & de ferri in magnetem conversione, unde utriusque discrimen eruitur. 42</p> <p>CAPUT VI. De discrimine polorum magnetis, ac ferri. 50</p> <p>ARTICULUS I. De polis ferri vi magnetica imbuti, & de flexibilibus ejusdem villis. 52</p> <p>ARTICULUS II. De polis magnetis & de inflexibilibus ejusdem villis. 59</p> <p>CAPUT VII. De tellure, & de polis magneticis telluris. 64</p> <p>CAPUT VIII. Enucleatius tractatur de polis, atque vorticibus magneticis ac ferri.</p> <p>ARTICULUS I. De polis magnetis ac ferri. 69</p> <p>ARTICULUS II. De vorticibus magnetis ac ferri. 77</p>
--	---

L I B E R S E C U N D U S

De effectis, ac de phaenomenis magnetis & praesertim
de attractione & directione.

<p>CAPUT I. DE motu solidi intra fluidum. 87</p> <p>CAPUT II. De virtute, qua unus Magnes alterum trahit, aut ferrum. 92</p>	<p>ARTICULUS I. De attractione, & repulsione duorum magnetum. ibid.</p> <p>ARTICULUS II. De attractione magnetis & ferri. 106</p>
---	---

ARTI-

ARTICULUS III.

De quibusdam attractionis inter magnetem, & ferrum phenomenis. 108

ARTICULUS IV.

De duabus efficacissimis adversus systema effluviuorum difficultatibus. 122

CAPUT III.

De vi directione magnetis, & de vi imbuendi ferrum simili virtute deque aliis inde profectis magnetis phenomenis. 126

ARTICULUS I.

De vi directrice acus ad polos magnetis & inde profecta acus inclinatione. ibid.

ARTICULUS II.

Sequitur de eadem vi directrice, praesertim acu posita in aequatore magnetis, & de ratione hinc ducta pro duplici vortice. 135

ARTICULUS III.

De directionis acus posita extra aequatorem magnetis. 141

ARTICULUS IV.

De directione & inclinatione acus ad Telluris polos, & de modo, quo acus ad magnetem applicandae sunt, quo datum extremum respiciat polum borealem Telluris, alterum australem. 148

ARTICULUS V.

Continuatio ejusdem argumenti, & de variis modis applicandi acus ad magnetem, & de pluribus experimentis in eam rem factis. 153

ARTICULUS VI.

Explicatur ratio, qua alia ferri instrumenta praeter acus & fila oblonga virtute magnetica inficiuntur, & in qua quique parte poli reperiuntur. 159

ARTICULUS VII.

De tempore infusio in imbuendis virtute magnetica ferreis instrumentis, & de differentia inter attractionem, & directionem acus in plano posita, & acus supra stylum aequilibrata. 163

CAPUT IV.

Aceuratius tractatur de directione acus ad magnetis terrestres polos, deque

majori vi, qua duo acus brachia a magnetis effluviis trahuntur, ex quo plurimum reconditorum effectuum explicatio mira facilitate deducitur.

ARTICULUS I.

De directione unius acus ad magnetis terrestres polos. 172

ARTICULUS II.

De ratione, qua duo acus magneticæ se trahunt aut repellunt. 181

ARTICULUS III.

De virtute magnetica & polis, quæ vestes ferrei ex solo situ acquirunt a magnete terrestri, & de explicatione phenomenorum ex pluribus experimentis circa polos magnetis institutis. 185

ARTICULUS IV.

De situ polorum magnetis in telluris visceribus. 192

ARTICULUS V.

An idem ferri extremum possit vi attractrice & directrice utriusque poli donari. 195

CAPUT V.

De attractione, & directione ferrea scobis. 202

ARTICULUS I.

Experimenta circa attractionem, & directionem scobis ferrea. ibid.

ARTICULUS II.

Explicantur experimenta circa attractionem, & directionem ferrea scobis. 205

CAPUT VI.

Referuntur experimenta Musschenbroeckii sumpta ex dissertatione de magnete, ope effluviuorum explicantur, & difficultatibus inde crucis ab auctore satisfi. 213

ARTICULUS I.

Referuntur & explicantur experimenta capituli I. (pag. 28.) ibid.

ARTICULUS II.

Referuntur & explicantur experimenta Capituli II. Dissertationis Musschenbroeckii. 223

ARTICULUS III.

Continuatio argumenti de experimentis Musschen.

- Musſchenbroechii circa ferri & magnetis attractiones.* 234
- ARTICULUS IV.
- Ex eodem capite 11. referuntur, & explicantur quadam chymica operationes circa magnetem, & ferrum.* 241
- ARTICULUS V.
- Continuatio argumenti experimentorum Musſchenbroechii circa attractionem inter magnetem & ferrum.* 244
- ARTICULUS VI.
- Continuatio ejuſdem argumenti, præſertim in definienda quaſtione an decreſcant vires magnetis, ad quem plura ferri fruſta attriſta ſucrint.* 249
- ARTICULUS VII.
- Continuatio ejuſdem argumenti, præſertim in definienda quaſtione quem magnetem aut ferri fruſtum ferrum inter duos magnetes, ſeu inter magnetem & ferrum poſitum ſequi debeat, ſi alter magnes ab altero avellatur.* 252
- ARTICULUS VIII.
- Continuatio ejuſdem argumenti, varia afferuntur, & explicantur experimenta.* 259
- ARTICULUS IX.
- Continuatio ejuſdem argumenti. Referuntur, & explicantur experimenta de optima methodo armandi magnetes.* 265
- CAPUT VII.
- Referuntur & explicantur experimenta Musſchenbroechii ſumta ex capite 3. diſſertationis de magnete circa acus magnetica & magnetis directionem.* 271
- CAPUT VIII.
- De Magnetibus Artificialibus.* 278
- ARTICULUS I.
- De magnetibus artificialibus Knightii, Dubamelii & Antheaumi.* 279
- ARTICULUS II.
- De methodo Michellii in conſciendis magnetibus artificialibus.* 289
- ARTICULUS III.
- De aliis, quæ a Michellio in præſatione & alibi ſparſim traduntur.* 295
- ARTICULUS IV.
- De methodo Cantoni in conſciendis magnetibus.* 298
- CAPUT IX.
- Explicantur phaenomena, quæ in conſciendis artificialibus magnetibus obſervata ſunt, & quadam ad eorum perfectionem adiſciuntur.* 300
- ARTICULUS I.
- De nonnullis Michellii principiis circa virtutem magnetis.* 301
- ARTICULUS II.
- De ratione cur lamina intercepta inter alias laminas, ſive inter fulcra majori donantur magnetica vi, quam ſi ſolæ affricantur, & etiam quæ extima* 306
- ARTICULUS III.
- Speciatim diſſeritur de magnetibus Knightii, Dubamelii, & Antheaumi, de vi majori chalybis, quam magnetis, deque ratione magis perficiendi artificiales magnetes.* 312
- ARTICULUS IV.
- Speciatim diſſeritur de Magnetibus Michellii, & Cantoni.* 318



D: ANTONIUS FRANCISCUS VEZZOSI

PRÆPOSITUS GENERALIS CLERIC. REGULAR.

Hoc Opus inscriptum: *De Magnete* libri IV. a P. D. Jo: Bapt. Scarella Nostræ Congregationis Philosphiz, ac Theologiæ Professore compositum, & juxta assertionem Patrum, quibus id commissum, adprobatur, ut Typis mandetur, quoad Nos spectat, facultatem concedimus. In quorum fidem præsentibus nostris manu propria subscripsimus, & solito Nostro Sigillo firmavimus Romæ in Nostris Ædibus S. Sylvestri Montis Quirinalis die 23. Septembris anno 1758.

D. Antonius Franciscus Vezzosi Præpos. Gen. C. R.

D. Raph. Venturini C. R. Secret.

NOI RIFORMATORI DELLO STUDIO DI PADOVA.

AVendo veduto per la Fede di Revisione, ed Approvazione del P. F. Andrea Bonfabio Inquisitor Generale del Sant' Ufficio di Venezia nel Libro intitolato: *De Magnete &c. Autore Joanne Baptista Scarella Cleric. Regul. MS.* non v' esser cosa alcuna contro la Santa Fede Cattolica, e parimente per Attestato del Segretario Nostro, niente contro Principi, e buoni costumi, concediamo Licenza a' Giammaria Rizzardi Stampator di Brescia, che possi essere stampato, osservando gli ordini in materia di Stampe, e presentando le solite Copie alle Pubbliche Librerie di Venezia, e di Padova.

Dat. il 5. Luglio 1758.

[*Gio: Emò Proc. Rif.*

[*Z. Aloise Mocenigo 2. Proc. Rif.*

Registrato in Libro a carte 42. al num. 348.

Gio: Girolamo Zuccato Segr.

Adi 12. Luglio 1758.

Registrato nel Magistrato Ecclesiastico degli Esecutori contro la Bestemmia.

Francesco Bianchi Segret.

		<i>Errata</i>	<i>in Praefatione</i>	<i>Corrige</i>
Pag.	lin.			
v	6	magnetism		magnetem
viii	5	constantis		constantes
xiii	24	directionis		directione
xv	39	secundum		secundo
xxiv	20	fit		fit
xxx	33	facere		fecere
xxx	42	praesenti 1759		praeterito 1758
xxxiii	25	hoc anno 1759		praeterito anno 1758

		<i>Errata</i>	<i>in Opere</i>	<i>Corrige</i>
Pag.	lin.			
2	19	vini		vini
8	33	medium		dimidium
16	26	propelletur		propelletur
28	25	distanti		distantis
43	40	sed		is
49	5	sin minus		si minus
50	14	tus in inflammatus		inflammatus
55	7	sin minus		si minus
59	23	venietur		veniretur
	32	Articulus III.		Articulus II.
65	40	Nunc		Hunc
72	26	destruitur		destruatur
75	40	desinunt		desinunt
81	5	introducunt. Nam		introducunt, differimus. Nam
97	37	quae ha		qua ha
100	8	obit		obit
107	33	eundem		idem
	35	compertum fit		compertum fit
	41	utrumque		utrumque
108	30	in nulla		in nullam
111	34	quoverfus		quoquoque
116	3	ferrum		ferrum
124	30	Summopere		4. Summopere
135	13	trahitur		trahuntur
141	33	r P		» P
153	4	§. 343.		§. 243.
158	28	insistentes		insistens
161	21	phenomenas		phenomenis

Pag.	lin.		
172	33	secundam	secundum
178	16	furere	facere
	17	faccinula	furcinula
184	6	41 gradum	41 graduum
	10	ob augmento	ab augmento
195	11	concuciat	concutiat
197	17	Cæpi	Cæpi
199	5	cum satis constat	cum satis constet
201	13	8. Ad	9. Ad
204	30	subtus iis	subtus eos
223	34	magnæta	magnete
229	28	quadrupla	quadruplicata
239	32	igne denuo	igne abeunte denuo
240	41	quoddam	quodam
241	36	lique	liqua
242	15	impedire	impediri
243	25	qui . . . applicatus	quod . . . applicatum
244	9	apta fieri	apta fieri
278	13	b 3 a 3	A 3 a 3
287	4	magnetibus	magnetibus
291	33	sustentandas	sustentandas
294	38	§. 310	§. 311
298	3	§. 313	§. 314
298	41	§. 312	§. 313
301	32	§. 312	§. 313
305	30	8. 312	§. 313
307	14	§. 310	§. 311
308	1	§. 311	§. 312
311	13	auctores	auctores

trabucchi	milano	58	271
trabucchi	trabucchi	61	271
trabucchi	trabucchi	71	271
trabucchi	trabucchi	8	271
trabucchi	trabucchi	11	271
trabucchi	trabucchi	17	271
trabucchi	trabucchi	2	271
trabucchi	trabucchi	13	271
trabucchi	trabucchi	14	271
trabucchi	trabucchi	15	271
trabucchi	trabucchi	16	271
trabucchi	trabucchi	17	271
trabucchi	trabucchi	18	271
trabucchi	trabucchi	19	271
trabucchi	trabucchi	20	271
trabucchi	trabucchi	21	271
trabucchi	trabucchi	22	271
trabucchi	trabucchi	23	271
trabucchi	trabucchi	24	271
trabucchi	trabucchi	25	271
trabucchi	trabucchi	26	271
trabucchi	trabucchi	27	271
trabucchi	trabucchi	28	271
trabucchi	trabucchi	29	271
trabucchi	trabucchi	30	271

AVVISO AL LEGATORE.

Se i due tomi si legano in un solo volume, i due rami si metteranno al fine di tutta l'opera; se in due, il ramo grande si porrà al fine del secondo tomo, ed il piccolo o al fine del primo tomo, o al fine del secondo, come piace, essendovi bisogno di esso nell'uno e nell'altro.

trabucchi	milano	58	271
trabucchi	trabucchi	61	271
trabucchi	trabucchi	71	271
trabucchi	trabucchi	8	271
trabucchi	trabucchi	11	271
trabucchi	trabucchi	17	271
trabucchi	trabucchi	2	271
trabucchi	trabucchi	13	271
trabucchi	trabucchi	14	271
trabucchi	trabucchi	15	271
trabucchi	trabucchi	16	271
trabucchi	trabucchi	17	271
trabucchi	trabucchi	18	271
trabucchi	trabucchi	19	271
trabucchi	trabucchi	20	271
trabucchi	trabucchi	21	271
trabucchi	trabucchi	22	271
trabucchi	trabucchi	23	271
trabucchi	trabucchi	24	271
trabucchi	trabucchi	25	271
trabucchi	trabucchi	26	271
trabucchi	trabucchi	27	271
trabucchi	trabucchi	28	271
trabucchi	trabucchi	29	271
trabucchi	trabucchi	30	271



DE MAGNETE

LIBER PRIMUS.

De vorticibus magneticis, deque natura magnetis,
& ferri, eorumque differentia.

CAPUT I.

De effluviis a magnete erumpentibus.

§. 1.



N celebri illa ac summi momenti attractionis corporum aut repulsionis questione, de qua Philosophi Recentiores tantopere digladiantur, duo investigari posse jam monui Tom. II. *Physic. Gen.* §. 563., alterum, utrum omnia primitiva materiae corpuscula, si nullus sit obex, revera ad se vicissim accedant, aut se invicem fugiant, alterum vero quænam sit huius corporum accessus atque recessus causa & origo. Quod attinet ad primum, *Nevvtonus* in *Optices* l. 3. quæst. 31. *Musschenbroechius* *Essai de Physiq.* tom. 1. cap. 18. & in *Disputatione de coherencia Corporum Firmorum*, & recens eruditus Auctor *Notarum* ad editionem *Neapolitanam Elem. Physic.* ejusdem Batavi Professoris, alique permulti *Nevvtonianæ* scholæ Sectatores tot horum accessuum atque recessuum observationes & exempla ex omni corporum genere congesse-
runt, ut habita solum experientiæ ratione id in dubium vocari non
posse videatur. Sed quod attinet ad alteram partem, hujusmodi cor-

A

porum

porum motus videntur quidem non exiguam conciliare veri speciem sententiæ multorum ex Nevvtoni astipulatoribus, qui vis attractricis & expultricis originem ab aliquo corpore fluido in gyrum actō & sensus fugiente non esse petendam arbitrantur. Verum tanti non sunt, ut ex iis unis tamquam certum effici possit in omnibus corporibus esse hujusmodi vires, quæ a fluidi cujusdam impulsu non proficiuntur, propterea quod id unum sub oculos ponunt corpora ad se vicissim accedere, aut a se vicissim discedere, non vero cujuscumque fluidi absentiā, unde originem ducere queant. Inde fit, ut etiamnum plures iidemque doctissimi Philosophi easdem vires cane pejus & angue fugiant, & inter alios Eulerus in *Inquisitione Phys. Fluxus & Refluxus Maris*, quæ exstat Tom. III. *Princ. Phil. Nat.* Nevvtoni cum Comment. Le Seur & Jacquier Genevæ an. 1742. impressæ, attractionem cum occultis qualitatibus explodat his verbis §. 12. *Explois hoc saltem tempore qualitatibus occultis, missaque Anglorum quorundam renovata attractione, qua cum saniori philosophandi methodo nullatenus consistere potest, & duos tantum fontes motuum, idest corporum collisionem, & fluidi in orbem se contorquentis centrifugam vini, sive unam externi corporis impressionem his duobus modis perfectam agnoscat.*

§. 2.

Quocirca ad hanc rem extra omne dubium ponendam necesse fuit, ut ratio in subsidium vocaretur: quas Tomo primo §. 201. produxi, nec non secundi Tomi altera parte luculenter confirmavi, eas ad certitudinem efficiendam idoneas si credo & affirmo, nolim putent me arroganter facere, qui mihi persuadeam mihi tam esse beato licuisse, ut in re adeo salebrosa ac difficili atque in parte Philosophiæ prope desperata ac deposita ad ipsamet veritatis cubilia pervenirem. Cum enim ex altera parte major & minor densitas, quam in corpusculis omnino continuis esse posse monstravi (Tom. I. §. 32.) me certum faceret eadem ipsa per se & ex sui natura & essentia alia ab aliis penetrari posse, & ex altera vim aliquam corpusculis essentialem non esse idoneam ad motum in iisdem gignendum certis rationibus mihi persuasissem (Tom. I. §. 120.) nec non vim accidentalem ab altero in alterum corpus migrare non posse (Ibid. §. 201), mihi integrum amplius non erat ad explicanda tum impenetrabilitatem, quæ in omnibus sub sensum cadentibus corporibus semper observata est, tum leges motuum, quæ in collisione corporum deprehenduntur, non arcescere vires attractrices, quæ ob rationem dicto loco expositam in contactu in expultrices converterent, easque minime essentielles, sed extrinsecus accedentes, atque ab ipsomet Deo proxime genitas, a quo uno vim motricem, utpote aliquid absolutum & per-

permanens, posse creari & in nihilum redigi jam demonstraveram (Tom. I. §. 120. 124. 125.) Quibus positis eundem apud me certitudinis gradum obrinere debent hujuscemodi vires, ac ipsamet corporum impenetrabilitas, quæ sine iisdem consistere nequit. Quare si nulla ex parte nutat constitutum systema, de quo Philosophorum esto iudicium, ex his efficitur tam late patere vires attractrices a Deo proxime genitas, quam corporum impenetrabilitatem, sive omnia illa corpora, quæ penetrari ab aliis non possunt, qualia sunt ea, quæ adhuc sub sensus ceciderunt, hisce viribus esse donata.

§. 3.

Verum in mutuis ferri & magnetis accessibus atque recessibus ad solam attractionem haud posse confugi constat ex iis regulis, quas Tom. II. §. 568. in eum tradidimus finem, ut definiremus, quandam in explicandis naturæ phænomenis sit confugiendum ad puram quaquaversus diffusam Nevvtonianam attractionem, & quando in subsidium vocanda sit etiam impulsio, quæ operatur quidem virium attractricium & expultricium adminiculo, sed contactum corporum, immo conatum ad penetrationem requirit, ut hæ vires se exserant (Tom. I. §. 201.) cum vis attractrix etiam in distantia operetur. Siquidem una ex his regulis vult, cum generalis attractio cuiusdam motus causa sufficiens esse non potest, tunc ab impulsu confugere oportere. Nam pro generali attractione Nevvtoniana, quæ massæ directæ & quadrato distantie inversa proportionem respondeat, in Physicam inducenda, præsto sunt efficacissimæ, ut mihi quidem videtur, rationes, quas iisdem locis & alibi exposui, ut contra ipsummet Nevvtonum, Keilium, Maupertisium, aliosque omnes ejusdem discipulos eam unam in hac rerum universitate tenere, & esse idoneam omnibus naturæ phænomenis, quæ attractioni accepta feruntur, explicandis §. 605. & §. 607. Tom. II. docuerim. At particulares attractiones solum aptas aliquibus corporum motibus efficiendis nimium pro libito Nevvtoniani comminiscuntur. Quod est causa, cur attractio apud multos eosque gravissimos Philosophos etiamnum male audiat. Nam omnes sanæ mentis Philosophi dant quidem esse proxime confugiendum ad Deum in quibusdam primis & generalibus motuum legibus, quæ primam ab illo solo originem ducere poterant; sed ægerrime ferunt, si quis tamquam malus poeta iis obrudat Deum pro explanatione particularium naturæ phænomenorum, quæ præter causam remotam aliam proximam & naturalem desiderant. In hoc autem offenderemus, si præter generalem induceremus etiam particulares easque inter se discrepantes attractiones, propterea quod ut sæpius citato loco (Tom. I. §. 120.) confecimus, vis attractrix

aliud non est, quam vis proxime a Deo generata in corpusculis primitivis. Jam vero generalis attractio, quæ massæ directæ, & quadrato distantie inverse proportionem respondeat, idonea causa non est efficiendis inter magnetem & ferrum accessuum atque recessuum moribus. Primo enim in tanto intervallo, quale est illud, quod inter parvum magnetem & ferrum ab eodem attractum intercedere experimenta demonstrant, a maxima vi attractrice telluris vicinæ obscurari deberet, quemadmodum in altera parte Tonni secundi experientia & ratione docuimus attractionem inter duo aut plura corpora terrestria ita a vi attrahente telluris infringi, ut neque in valde exiguis intervallis explicare se possit. Deinde generalis attractio talis non est, ut cum corporibus ea carentibus identidem communicetur, aut a corporibus illa donatis sola concussione auferatur. Siquidem oblongum ferri frustum nulla vi trahendi alia ferrea frustra præditum si magnetem attigerit, eam vim sibi comparat, & per longum tempus tuetur, etiam si magnes fuerit de medio sublatus; sin autem certa ratione, quam infra explicabimus, concutiat, eandem continuo amittit. Multa sunt alia, ex quibus erui potest attractioni ferri & magnetis nihil esse cum Nevvtoniana. Verum ab iis referendis nunc superfedeo, propterea quod & ea, quæ retulimus, satis superque sunt ad id efficiendum quod volumus, & posteaquam expositæ fuerint mirificæ ac singulares in trahendo ferro proprietates, magis magisque apparebit attractrices Nevvtoni vires iisdem explicandis accommodatas non esse. Quare si nullius sub sensu minime cadentis corporis impulsu hi motus perficiuntur, sit quædam specialis attractio necesse est, quæ proinde ob allatas rationes est repudianda.

§. 4.

Ex quibus efficitur quod in his explicandis spectabam, attractionem ferri & magnetis subtilissimis quibusdam omnemque effugientibus sensum corpusculis fieri, sive corpuscula a magnete prodire atque in ferrum se infinuare, eo quod corpusculorum origo est ab illo perenda corpore, quod ipsum per se est actuosum, eandemque cum altero quod ante accessum magnetis est iners, communicat.

§. 5.

Verum oculis subicere modum, quo ferrum trahant, hoc opus, hic labor est; in eoque inter ipsos Recentiores non convenit. Alii enim solis magnetis corpusculis id fieri volunt, alii aerem interceptum etiam in subsidium vocant, perinde ac si corpuscula per se apta non forent. Idque explicant hac ratione. Effluvia a magnete erumpentia aerem inter magnetem, ac ferrum interjectum disjiciunt, atque ab eo loco propellant. Aer interea, qui est ad fer-

ri

ri tergum, sua vi elastica interjectum versus locum, in quo propter aerem expulsum ei non resistitur, se se exerit, & magnetem versus ferrum propellit.

§. 6.

Sed crassioris saltem aeris, qualis est ille, qui insigni vi elastica præditus est, rationem hoc in negotio habendam non esse inter cetera conficiunt hæc duo; primum quod in recipiente machinæ pneumaticæ, e quo aer crassioreductus est, & in quo proinde cessant, aut saltem imminuuntur alii effectus, qui ab ejus gravitate & vi elastica pendent, uti respiratio, mercurii in tubis suspensio, & laminarum adhæsiō, in recipiente, inquam, magnes ferrum nihilo secius trahit; uti se expertum esse fateatur Musschenbroechius, & ego quoque expertus sum. frustillo fili ferrei intra vacuum aere spatium concluso, quod meus magnes extra vitrum admotus ex æquali distantia, atque eadem vi, ac si utrumque in aere foret, trahebat: deinde si tam magnetem, quam acum ferream in aquam immerferis, in qua vis elastica aeris se se non potest multum exferere, nihilominus eadem vi acus ad magnetem abripitur. Et profecto si acus ab aere pelleretur, impulsionem in aqua fieri saltem minorem oporteret, quemadmodum soni, quod in tremulo aeris motu positi sunt, ad eum, qui aliquantum sub aqua est, fracti debilioresque perveniunt, quam si spatium idem ab origine soni in aere distaret.

§. 7.

Quare prorsus necesse est, ut si in scopum collimare velimus, ad priorem sententiam adhærescamus. Nec tamen sum nescius, in quas illa quoque non continendas difficultates incurrat. Legi enim tum Caput de attractione *Essai de Physiq.* Musschenbroechii, tum id, quod in *Hist. Acad. Paris.* an. 1733. pag. 13. edit. Paris. adversus eandem refertur. Verum suo loco difficultatibus omnibus satisfacere pro virili parte contendam.

§. 8.

Dum autem hac in re vires omnes ingenii contendo, nollem iisdem tui tam morosis ac difficilibus, ut nisi oculis, aut alteri ex sensibus hæc effluvia subjiciam, hæc meæ lucubratiunculæ omnino ab iis repudiantur. Nec, ut reor, immerito. Neque enim in aliorum corporum, uti electricorum effluviis tantam sensuum evidentiam ipsi quoque Nevvtoniani requirunt. Quis enim electricorum corpuscula aut vidit unquam, aut tetigit; aut alio quopiam sensu percepit? Nam quod asseri potest de soni ventilatione, quæ sentitur, si tubum vitreum valde calidum ori admovemus, aut de luce, quæ ex naribus hominis suspensâ in situ; qui sit horizonti

pa-

parallelus, erumpit, si propter pedes tubum vitreum quammaxime perfricatum susdeque ducamus, id profecto cogere aut persuadere cum non possit, qui particulas aeris, atque lucis a vitreo tubo perfricato attrahi, aut repelli, aut primum attrahi, indeque repelli sine adminiculo corpusculorum assereret.

§. 9.

Quid igitur causæ fuit, ut a corporeis effluviis virium electricarum originem etiam hi Philosophi ducerent? Quia scilicet electrica effluvia leges subtilium corpusculorum sequuntur, iisque commodè redditur ratio effectuum electrici corporis; eo ferme pacto, quo Recentiores omnes ad unum luci naturam corporis restituere, quod in spatii peragratione, refractione, & reflexione aliisque proprietatibus corporum indolem habet, ac tenuissimis corpusculis effectus lucis explicari possunt.

§. 10.

Quare meo munere me defunctum esse arbitror, cum vires attractrices magnetis, & earum effectus naturam, leges & indolem sequi docuero virium, quæ in tenuissimis corpusculis a magnete diffusis insiderent, hæcque profusum vorticesque magneticos magnetis phænomenis explicandis esse quammaxime accomodata. Quod suo loco, atque adeo ubique præstare connitur.

CAPUT II.

De facilitate, qua magnetica corpuscula ferrum pervadunt.

§. 11.

INter ea vero, quæ nobis enucleatius tractanda sunt, primum sibi vindicat locum celebris illa quæstio de facilitate, qua magnetica corpuscula ferrum pervadunt. Ut enim ex dicendis constabit, in ea vertitur summa totius de Magnete disputationis; quod magnetici vortices, in quibus omnino vis trahendi sita est (Cap. I.) inde potissimum suam originem ducunt. Ceterum ex eo tempore, cum hæc sententia de effluviis a magnete erumpentibus in Scholis, & in Academiis obtinuit, in eo fere omnes Philosophi consenserunt hæc eadem corpuscula ferrum atque magnetem facilius, quam alia vel solida, vel fluida corpora, & aerem ipsum trajicere.

§. 12.

Verum propterea quod nullis id argumentis docuere, sed tamquam rem, quam ad explicanda magnetis phænomena videbant sibi commodè cadere, dari postulaverunt, qua facilitate ab illis affirmatum fuit, eadem negatum est, aut saltem revocatum in dubium a Reaumu-

murio primum, & a Monnerio deinceps, qui corpuscula magnetica per ferri poros ægrius, quam per aliorum meatus transmitti aliquibus in eam rem factis experimentis, & ab Academia Parisiensi relatis (*Hist. de l'Acad.* 1733. pag. 13.) sibi visus est confecisse. Verumtamen hic pro humanitate, qua est erga omnes, pro studio & amore, quibus veritatem prosequitur, dabit mihi veniam, opinor, ut quam facultatem a communi aliorum sententia discedendi sibi jure tributam arbitratus est; eam in deferenda opinatione sibi communi cum paucis mihi tribui putem. Quamquam is non tam aliquam sententiam se profiteretur complecti, quam Philosophis circa vulgarem scrupulos & dubitationem injicere. Quos si exinam, spero fore, ut in posterum ab aliis hac in re non dissentiat.

§. 14.

Verum antequam ejus dubitandi momenta proponam & elevem, meas rationes producere necesse est. Ordior autem ab experimentis, in quibus sumendis magnetem inermem adhibui ponderis octo & decem unciarum, irregularis figuræ, & mediocris vis attractricis. Nam alterutro polorum, qui erant ferme e regione & contrariis partibus positi, circiter tres tantum ferri uncias sustinebat, ferream scobem vix e distantia dimidii parisiensis ciebat, & in aliquos valde paucos villos dirigebat; alterutrum vero magneticæ acus extremum e majori unius & dimidii circiter pedis intervallo ad se non convertebat, si dum acus cum axe pyxidis congruit, polus magnetis in aliquo diametri productæ æquatoris ejusdem pyxidis, & ad eandem, atque acus, altitudinem collocaretur. Hoc vero semel animadvertere volui, non in gratiam tantum experimentorum, quæ mox referenda sunt, sed aliorum etiam, quæ duobus his libris referentur. Quoties enim in exponendis a me factis experimentis nihil speciatim admonebo, toties dicto magnete, qui mihi potissimum erat ad manus, facta fuisse concludendum erit.

§. 15.

Quæ vero nunc feci, sunt hæc. Primo si corpora cujuscunque massæ, densitatis, atque figuræ sumebam, & impositis superiori plano scobis ferreæ ramentis polum magnetis inferiori subiciebam, numquam mihi videre contigit ramenta commota, & percita ad majorem, aut minorem, quam in aere, poli ab illis distantiam. Immo quantum oculis discerni poterat, sive inter polum & scobem hæc solida corpora interposita forent, sive aer solum interesset, scobs in æqualibus intervallis æqualiter commovebatur. De quo certiore me reddebam duobus his modis, vel polo magnetis ad parvam a scobe distantiam collocato, ut solus aer intercederet, aliquod corpus solidum imponebam, vel si ita impositum foret, ut

in-

inter polum, & scobem esset, retrahebam; & horum neutro modorum factum est, ut aut villus aliquis recideret, aut novus erigeretur. Pariter corpora fluida nec augere, nec imminuere videntur vim attractricem corpusculorum magnetis. Quæ omnia Musschenbroechius a se factis experimentis confirmavit, & aliquid inde adversus magnetica corpuscula argumentum conclusit (*Essai de Phys. cap. de attractione*). Quod quale sit, videbimus postea.

§. 16.

Advertendum præterea similia uluvenire etiam in applicatione magnetis ad acum. Nam sive solus aer, sive paties, sive massa argenti, sive lignum, sive lapis, sive vas terra plenum, sive quodcumque aliud corpus, & cuiuscumque magnitudinis præter ferrum acum inter, & polum interesset, numquam in majori distantia, aut minori acus extrema polus trahebat, & in distantis æqualibus æqualiter, idest totidem semper ab axe gradus retrahebat.

§. 17.

Deinde quamplura instrumenta ferrea altera parte longiora, quæ nullam haberent vim magneticam acum trahendi, cœpi adhibere, iisque inter polum, ac ferream scobem positis virtutem magnetis ad valde maiorem, quam cum alia corpora interponuntur, propagari distantiam animadverti. Ex his experimentis aliqua referre juvat. Cylindri ferrei, cuius diameter erat longitudinis duarum linearum paris. altitudo unius pollicis, extremo superiori impositam scobem polus ad inferius admotus eam non parum excivit, & in plures villos erexit; quamvis distantia poli a scobe tum foret duplo major illa, ultra quam polus in scobe vim suam non potest exere, cum aut aer, aut aliud quodcumque præter ferrum corpus interjacet. In extremo vero superiori alterius ferri valde exilioris, cuius longitudo quatuor pollices superabat, simul ac magnes ad inferius extremum applicabatur, nonnulli scobis ferreæ villi exsistebant, qui remoto magnete continuo subsidere conspiciebantur. Eadem tentavi in ferrea norma quinque, & amplius pollices alta, medium lata, lineam crassa, & simul ac extremum inferius polo fuit impositum, in summo plures sese erigere villos animadverti. Quodque fidem omnem excedit, & nisi hoc, aliisque similibus certissimis experimentis constaret, haud crederetur, idem ille polus, qui mediæ normæ, sive illius centro subjectus, scobem super extrema positam, etsi tres fere pollices distantem valde ciebat, eam, quæ ad idem centrum, sed e regione ponebatur, tametsi unam tantum lineam distaret, aut prope nihil, aut valde parum commovebat. Quæ res non contemnenda, suppeditabit enim rationem solvendi contraria argumenta Monnerii.

Ce-

§. 18.

Ceterum si cylindrum ferreum sumas, cujus altitudo sit æqualis; aut parum major illo intervallo, quo polus distans a scobe hanc parum movet §. 14., cum aer, aut aliud corpus interpositum est, & polo ad extremum inferius applicato scobem superiori imposueris, eam vehementer commoveri, & in quampures erigi villos videbis.

§. 19.

Simile potes experiri in trahendis acus magneticæ extremis. Si etenim polo magnetis ad eam ab acu distantiam collocato, in quæ alterutrum acus extremum parumper ab axe retrahit, virgam, quæ nullam vim magneticam habeat, in situ horizontali interposueris, ita ut altero extremo polum tangat, altero acui proxima sit, acum ab axe magis removeri videbis. Similia fere experimenta sumsi alio armato magnete, quæ referre necesse non est.

§. 20.

Jam vero his experimentis res, qua de agitur, propemodum consici mihi videtur. Si enim cum inter magnetem, & pulverem ferreum ferrum aliud interest, pulvis & e longiori spatio, & in æqualibus vehementius a magnete trahitur, quam cum aut aer ipse, aut aliud quodcumque corpus interpositum est; nemo non videt id ex eo petendum esse, quod effluvia magnetica, in quibus vis attractrix est posita (cap. 1.) facilius ferrum, quam quodcumque aliud corpus trajiciunt. Cum enim vis, cui minus resistitur, se magis exferat, & corpora, quibus inest, majori velocitate, & in majus spatium secum abripiat; id argumento est ferrum esse medium, quod vi corpusculorum e magnete erumpentium minus præ omnibus aliis corporibus sive fluidis, sive solidis atque compactis obstitit. Et profecto recentiores Physici omnes in omnibus inde concludunt majorem alterius supra alterum medii facilitatem; nec immerito; si enim corpora, quæ semper eadem insita vi ferantur, & in minus spatium diffundi, cum aliquod medium percurrunt; in majus, cum aliud, & in æqualibus utriusque intervallis, in altero spatiorum æqualium termino majorem effectum, in altero minorem gignere videamus; alterum medium singulis motus momentis de vi corporum minus detrahare, in quo major facilitas medii posita est, alterum vero majus aliquid, in quo minor facilitas medii consistit, concludamus oportet. Sed corpuscula e polo magnetis eadem vi percita erumpunt, sive ferrum objeceris, sive aliud quodcumque corpus; non enim hæc se in magnetis poros insinuant, quo vim corpusculorum in iisdem, & in illo instanti, quod exitum præcedit, impediunt. Dicendum est igitur magnetica effluvia multo facilius per ferri meatus, quam per aliorum corporum poros transmitti,

B

quod

quod per ferrum & in multo majus spatium diffunduntur, & post æquales a polo distantias valde majorem adhuc habere vim observantur.

§. 21.

Cum vero ferrum inter, atque magnetem tanta similitudo intercedat, ut ferrum tamquam imperfectus magnes haberi possit, & ex affricu magnetis proprietates ejusdem licet debiliores acquirat immo si longum tempus in situ ad horizontem perpendiculari maneat, nonnullis accedentibus, de quibus, suo loco, in verum ac perfectum magnetem convertatur: consequens est etiam magnetem esse medium, per cujus poros facilius effluvia magnetica transeunt. Quænam vero sit causa majoris hujusce facilitatis, quam magnes, & ferrum in transmittendis corpusculis habent, & in quo præcise facilitas posita sit, infra conabimur investigare.

§. 22.

Nunc mihi vires in eo contendendæ sunt, ut experimenta Monnerii cum meis cumque mea sententia componam. Quem ad finem primum animadvertenda est quædam insignis in communicanda cum ferro magnetica virtute proprietas. Est autem hujusmodi. Si ad alterutrum polum, aut ad quamcumque aliam magnetis partem ferrum oblongum qualicumque modo affricueris, poli effluviolum non secundum ferri crassitiem, tametsi ferri tereris & subtilioris medium polo magnetis imposueris, sed secundum longitudinem; scilicet in extremis existunt. Cujus rei, quam certissima experimenta tum ab aliis, tum a me facta confirmant, rationem ab hac eadem majori facilitate, quam ostendimus, & ab oblonga figura deductam infra sum petiturus. Hinc fit, ut si virgæ, aut laminæ subtilis & prælongæ medium supra polum sursum respicientem posueris, effluvia, quæ a polo erumpentia in directum sublime ferrentur, ad latera virgæ, aut laminæ hinc inde divertant, & ad extrema se conferant. Quod tamen suo loco plane constabit. Alia vero corpora ita effluviis magneticis aditum præbent, ut cujuscumque demum figuræ sint, a recto tramite, atque ab eo cursu, quem ante tenebant, egredientes a Magnete particulas nequaquam desistant. Quod pariter experimentis fit certum §. 15.

§. 23.

Illud præterea notandum est in ferri attractione; quemadmodum si magnetem inter, ac ferreum instrumentum posueris scobem, vel acum, cujus unum extremum a polo magnetis, alterum ab instrumento tangatur, ac deinde instrumentum a magnete, vel magnetem ab instrumento, quod manu teneatur, retraxeris, acus ferro tenacius adhæret, & una cum ferro a Magnete divellitur (quod sibi

sibi semper contigisse faretur Cl. Hirius Junior, mihi vero sæpe contigit) ita ob eandem rationem, quam postea dabimus, si inter magnetem, & acum, sive scobem aliquod frustrum ferreum interponatur, magnetis effluvia has particulas non libere movent, & quolibet trahunt, sed ferri interjecti extremitati sursum erectas immobiliter infigunt; & si huc illuc magnes subjectus transferatur, acus, & villi scobis inclinantur quidem extremo superiori, aut, nimium recedente polo, etiam recidunt, atque omnino procumbunt, sed motum magnetis nequaquam sequuntur.

§. 24.

Contra vero in aliis corporibus evenit; nam cum illa non modo majorem vi attractrice magnetis, sed ne ullam quidem magneticam virtutem acquirant, qua scobem ferream secum conglutinent; hinc si inter polum, & scobem paginæ, vel alterius corporis lamina intersit, polus magnetis ab uno ad alterum ductus extremum, ramenta scobis, quæ retro manent, a laminæ superiori libramento facilius avulsa secum abripit.

§. 25.

His porro satisfieri potest Monnerio. Si enim cum paginæ, aut tenuis alterius corporis lamina inter polum magnetis, & scobem interponitur, hæc ferrea scobs magis ab effluviis magneticis agitur, commoveretur, & accedente exigua paginæ succussione in vortices, qui magis sub sensu cadant, disponitur, quam cum magnetem inter, atque scobem laminam e ferro interjicimus, id non originem ducit ex eo, quod effluvia magnetica facilius alia corpora, quam ferrum pervadant, sed quia dum per cetera corpora propagantur, a recto tramite ad latera non divertunt; dum vero per latam ferri laminam transeunt, ad extremas ejusdem partes confluunt & dissipantur, & eo quidem magis, quo hæc latior est, polosque revolutionum, in quibus potissimum vis attractrix sita est, ad extrema hinc inde posita faciunt.

§. 26.

Quod inde confirmatur, quia si alterum ferri oblongi extremum polo magnetis ad rectos angulos imponamus, ad multo majorem distantiam, quam in aere, ac in aliorum corporum poris, corpuscula vi attractrice sensibili ferreæ scobis instructa ad alterum propagantur §. 17. Hoc enim argumento est, non difficultati penetrandorum ferri meatuum, verum soli figuræ latioris laminæ, & modo, quo polum tangit, esse ascribendum, si ramenta scobis plano laminæ imposita a polo subiecto parum commoveri videamus. Præsertim cum, polo magnetis ad subtilis & longæ normæ centrum infra applicato, ramenta scobis ad idem centrum supra po-

sita parum, aut nihil cieri notaverim, §. 18., quamvis inter polum, & scobem solum dimidiæ lineæ spatium interesset; dum interea, quæ forent ad extrema tres fere pollices a centro normæ & a polo distantia, non niediocriter commoverentur.

§. 27.

Atqui si verum id esset, suscipit Monnerius, materia subtilis magnetica etiam e laminæ extremitatibus efflueret, & ideo saltem eo loci ferream scobem magis percelleret attraheretque. Sed minime id præstat; nam ait se ferreæ laminæ folium imposuisse, quod eam non solum omnino operiebat, sed etiam ultra eandem tres, aut quatuor lineas undequaque se porrigebat, & super hujusmodi folium scobem ferream dispersisse. Nihilo tamen minus pars illa scobis, quæ ad extrema laminæ erat, plus aliis commota non fuit. Igitur materia magnetica ex iisdem extremis potissimum non effluit.

§. 28.

Verum si quæ est de naturæ effectibus disputatio, in qua uni, aut alteri experimento fidem habere non debemus, ea profecto est, in qua magnetis effecta expenduntur. Præter alia plura, quæ in hujus rei argumentum producere possem, quæque mihi causa fuerunt, ut omnia circumspiciens non semel & iterum, sed sæpius, atque diverso modo in iisdem aliisque tum similis, tum diversæ figuræ ferreis instrumentis experimenta sumerem, hoc unum Monnerii experimentum testimonio esse potest. Si enim rem alio modo expertus esset atque tentasset; nullam experimento a se facto fidem adhibuisset. Nam certioribus experimentis, quemadmodum ego, ita multo magis ipse in cognitionem venisset rem non secus se habere, ac debeat, corpuscula scilicet ex partibus laminæ extremis erumpere, & ferream scobem ad easdem positam magis agitari atque trahi. Nam inter alia hæc sum expertus. Coepi laminam ferream, cujus crassities sextam circiter lineæ paris partem æquabat, figuræ parallelogrammi, cujus unum latus erat tres pollices circiter altum, alterum paulo minus; & ad centrum inferioris plani polum magnetis collocavi. Quo facto nullum penitus motum in scobe supra alterum planum etiam ad centrum dispersa observavi. Et ne mihi oculi imponerent, superius idem planum inverti, & scobi imposui, cum interea polus semper eandem laminæ partem tangeret, & retractæ laminæ centro, partibusque circumpositis nullum scobis ramentum vidi adhærere. Sin autem aut angulos laminæ, aut totum aliquod latus conjiciebam in scobem, & inde trahebam, illos quamplurimis atque inter se compactis villis, hoc vero aliquibus atque non adeo spissis oneratum sursum trahi mirabar.

§. 29.

§. 29.

Quæ omnia expertus sum etiam in duabus circularibus laminis, quarum alterius diameter trium pollicum parisi, alterius quinque & amplius erat; nisi quod in angulorum defectum, in quibus vis major corpusculorum, ut in lamina, colligeretur, quædam peripheriæ partes se pluribus scobis ramentis, & in longiores villos diductis onerabant: & eadem illæ erant, quæ alterutrum acus magnetici extremum ad se directe trahebant. In aliis etiam ferreis laminis res e voto successit; verum quæ retuli experimenta, ad id efficiendum, quod mihi propositum erat, sunt satis. Nam eadem illa ipsa Monnerii ratione inde concluditur subtilissima magnetis corpuscula extremis e partibus laminarum evadere, & quamvis proximam, nimirum alteri plano superimpositam scobem non moveant, tamen, quod magis sententiam nostram confirmat, eam attrahere, quæ ad latera, & potissimum ad angulos multo plus e polo distat, quam ut ad illam commovendam per aerem perque alia corpora pervenire possint. §. 14.

§. 30.

Quod si Monnerius unum ex laminæ angulis summo vertice ad inferius paginæ planum affricans, ab uno ad alterum extremum manuduxisset, in linea describenda partes scobis alias post alias commoveri, & in villos erigi sursum vidisset. Nisi forte lamina, quam adhibuit, nimium pro adhibiti magnetis viribus lata erat. Tunc enim corpuscula magnetica per ferrum nimis dissipata & dispersa, saltem ita conglobata, ut ad scobem trahendam opus est, e laminæ extremis erumpere non potuissent. Sed hæc alibi enucleatius tractabuntur. Interim tamquam rem certam & exploratam sumere possumus magnetis corpuscula ferrum ac magnetem facilius, quam alia corpora & aerem ipsum, trajicere.

CAPUT III.

De causa cur effluvia magnetica majori facilitate se per poros magnetis & ferri insinuant, deque inde genitis majori velocitate & refractione.

§. 31.

Quamvis in tanta rerum obscuritate Physici præclare secum actum putare debeant, si rem aliquam a posteriori, ut ajunt, & experimentis compertam habeant; tamen se perfectam & absolutam naturæ phænomenorum cognitionem habere non arbitrantur, nisi etiam altius petentes rationes & causas investigent.

Hanc

Hanc ob rem hic aggredior inquirere in causam illius majoris facilitatis, quam experimentis deteximus, qua magnetica effluvia poros magnetis ac ferri pervadunt. Sed antequam proferam, quid sentio, placet referre rationem, quam attulit Cl. Eulerus in Opusculo inscripto: *Nova Theoria Magnetis ab Ill. Academia Reg. Scient. premio condecorata A. 1744.*, editoque Berolini an. 1751. Tomo III. Opusculorum ejusdem Auctoris, cujusque excerpta legi in Actis Erud. Lips. ad an. 1754, cum jam multos ante annos hæc scripseram

ARTICULUS I.

Systema Euleri.

§. 32.

IS itaque ante omnia monet e duplici fonte petendam esse omnium magneticorum phaenomenorum causam; partim ex interiori magnetis structura, partim a fluido corpore extra magnetem. Hæc structura sita est in structura pororum, ut ex eo potissimum constat, quia per solum contactum vis hæc cum ferro communicatur, quo ei nihil additur aut demitur. Nimirum pori ita esse debeant collocati, ut materia subtili transitum præbeant solum secundum unam dimensionem, ut sit perspicuum ex constanti directione magnetis. Ut vero hæc materia per unam tantum partem ingrediat, & per alteram tantum egrediat, considerat eos meatus veluti obductos valvulis, quas verisimiliter putat constare ex villis ab altero ad alterum extremum & polum reclinatis. In magnete ponit meatus regulares atque continuatos, in ferro autem nequaquam, nisi villi a magnete dirigantur. Quæ omnia nos infra accurate tractamus, & ex ipsa deducimus ferri ac magnetis textura, & ex differentia inter magnetem ac ferrum, quam ex ratione, qua ferrum in magnetem constanti virtute præditum convertit, aperte colligimus.

§. 33.

Quod attinet ad secundum, in æthere duplicem materiam ponit, alteram crassiores, subtiliorem alteram, & in minutissimos vortices distributam, spatia autem angularia inter vortices ex Malebranchii & Molierii systemate sumit occupata aliis vorticibus longe minoribus. Quo posito vult solum subtiliorem materiam & in minoribus rotantem vorticibus transire per subtiliores magneticos meatus, alia crassiori exclusa, tametsi hæc transmittat crassiores magnetis ac ferri. His constitutis sic explicat suam sententiam: Æther magnetem ALB (Fig. 1.) ambiens in hiatus canaliculorum A pressio- nem exercet, quæ pressio non sustinetur a parte opposita B, eo quod meatus ab A versus B tendere, & subtiliori materia ingressum per

A

A & egressum per B, non e contrario præbere pōnuntur. Hinc necessario fit ut particulæ ipsius subtiliores per A in magnetis interstitia se intrudant maxima vi, tum ex B erumpant. Quia vero cum æthere ambiente, utpote fluido crassiori & alterius generis facile permisceri non possunt, quasi ab eodem reflectuntur, in posticas remeant partes ut iterum ingrediantur, motumque ea, qua minime resistitur, tamdiu conservant, quoad ab æthere circumfuso sensim absorbeantur. Hæc ad terram applicat, quæ ingentem magnetis & ferri copiam in visceribus inclusam habet, circaque illam vorticem continuum formari vult, indeque originem ducere vortices minores, quos sic exponit generari, postquam advertit hoc pacto gravitatem omnium corporum posse explicari.

§. 34.

Cum materia magnetica in vortice terræ sit jam a reliquo æthere separata, & suo peculiari percita motu, hinc fit ut non solum in meatus magnetis intret majori vi, sed etiam ut eisdem secundum sui motus directionem disponere possit. Unde in magnetæ nascitur vis se se certam versus plagam convertendi. Porro cum materia ingenti celeritate per meatus magnetis fluat, ex iisque prorumpat, hanc autem post egressum ob resistantiam ætheris conservare non possit; primum ipsa velocitas valde imminuitur, tum actio ad latera inflectitur, atque statum permanentem querendo, motus tandem ita temperatur, ut materia redeat ad officina meatuum, & hoc pacto circa magnetes vortex terrestris similis existat. In huiusmodi autem minori vortice materia subtilis est valde copiosior, quam in terrestris, cum præter eandem copiam nova continuo ex æthere secernatur. Unde fit ut magnetica virtus telluris a virtute minorum magnetum superetur. Cujus phænomeni causam nos verisimiliter repetemus ex nimis magno intervallo superficie telluris in qua ingentis magnetis in terræ sinu conclusi vis per experimenta exploratur, ab eodem magnete, si cum distantis comparatur particularium magnetum, ab iis punctis, in quibus pariter virium illorum periculum fit.

§. 35.

Quod attinet ad magnetes anomalos, eos statuit ex pluribus ortos simplicibus, vel meatibus inter se minime parallelis, nec positos in directum; eosdemque habere polos ut plurimum plures duobus, immo dispares, si meatus in una parte disjuncti versus alteram in unum coeant, atque in vortice terrestris magnetis, quem inter anomalos ponit, sibi vindicare situm quemdam medium, in quo vires directrices sunt in æquilibrio. Sinc itaque A & B duo poli magnetis terrestris (Fig. 1.) e regione positi, in quorum alterum A ma-
teria

teria subtilis ingrediatur, ex altero B exeat. Qualescumque sint istæ, quas peragrat magneticus vortex terrestris, tamen in ipsa polis directio est verticalis ad superficiem telluris, in C & D horizontalis, hinc inde inclinata ad propiorem polum. Sit *ab* acus magnetica, in qua sit *a* polus recipiens subtiliorem materiam, *b* vero emittens. Pars sive polus *a*, in quocumque vorticis loco reperiatur acus, debet esse directus versus polum B naturæ contrariæ, ex quo scilicet exit materia, quæ in polum *a* debet intrare, & vicissim polus *b* polum tertæ A spectet oportet. Ex quo explicat inclinationem acus, nisi sit in æquatore CD. Probabile putat quatuor in terra esse polos, quorum bini nec e regione positi, nec a polis mundi æqualiter distantes, quin & proculdubio vi perciti in æquali.

§. 36.

Quod attinet ad accessum, aut recessum magnetum, consideretur magnes cum sua materia in polum A ingrediente (Fig. 1.) & ex B exeunte, ibique circa E ad latera reflexa, & ad L progrediente; ibique per A denuo ingrediente: Ab hac autem reflexione æqualis utrimque vis impendetur, eritque æquilibrium. Quod si accidat ut materia in E directe progredi possit, tum ob cessantem in E reflexionem vortex in hac parte minus premetur, quam ad L, tuncque ipse magnes sollicitatus in A vi majori, quam in B, re ipsa secundum directionem AB propelletur. Contra si in E alius materiæ subtilis fluxus incurrat directione contraria, qui cum vortice ex B erumpente quasi configat, ob maiorem in E reflexionem magnes secundum BA propeletur, quia compressio vorticis in E prævalebit. Et univærse quibuscumque in locis reflexio materiæ subtilis a causa externa vel augetur, vel minuitur, ibi compressio vorticis, & ideo magnetis fiet major, vel minor, atque idcirco, sublato æquilibrio, magnes movebitur.

§. 36.

Hinc ducit explicationem accessus, cum duorum magnetum poli diversi nominis prope ponuntur, recessus, cum ejusdem: sunt enim duo poli A & *a* (Fig. 2.) ejusdem nominis vicini. Cum materia subtilis redux a polis B & *b* prope duos polos A & *a* sibi mutuo occurrat; inde fit ut uterque vortex inter A & *a* magis comprimatur. Unde magnetes se vicissim repellere debent. Cum vero utraque materia ex B & *b* erumpens motum suum, quantum potest, conservare conetur, pars quædam materiæ ex *b* redeuntis viam sibi per alterum vorticem aperiet, & per *c* in A ingredietur, & similiter pars vorticis ex B redeuntis per *f* se insinuabit in *a*, sicque permixtio vorticum orietur. Unde ad casum præcedentem revolve.

volvemur, & fiet attractio. Contra quatenus reliquæ partes eo promptius in *g*, & *h* inflectentur, & in polum ingressus sui quæque magnetis se intrudent, prævalente reflexione repulsio nascitur. Pro ut ergo alteruter horum effectuum alterum superabit, attractio existet, vel repulsio, quæ varietates tum a magnitudine utriusque magnetis, tum a distantia multum pendere possunt, & esse tam inconstantes, ut repetito eodem plane casu eadem phænomena raro observentur. Quod adeo consentit cum experimentis Musschenbroechii, ut ex hoc uno pro hac hypothese maximum auctor erui putet momentum.

§. 38.

Præterea, si duo magnetes se mutuo repellunt, ex iisdem principiis definit secundum quam plagam conversio fieri debeat, nec non si prope se invicem sint suspensi, & libere mobiles, quidnam consequi oporteat.

§. 39.

Ex ferri superius explicata textura facillimam reddit rationem, cur vis magnetica cum ferro communicetur, difficilius a magnetibus terrestri ob ipsius debilitatem, facilius vero a particularibus, quæ communicatio juvatur in terrestri vortice, calefactione, attritu, ictibus mallei atque figura ferri, quæ potius debet esse oblonga cum certo tamen termino, & potissimum desiderat idoneum situm. Nam si oblonga ferrea virga eandem, ac vortex terrestris, directionem teneat, vim magneticam nanciscetur celerrime; si ad angulos obliquos illi obijciatur, acquirere quidem, sed tardius; si denique ad perpendicularum eidem insistat, nullam prorsus accipiet. Quibus de rebus accurata instituiamus experimenta, sed hæc suo loco afferemus, quemadmodum & aliorum phænomenorum explicationes, quas ex sua Theoria subtilissime tradit Eulerus.

ARTICULUS II.

Censura Systematis Euleriani.

§. 40.

Verum hoc tam subtiliter excogitatum systema in eo peccat, quod potissimum est. Nam eam causam in medium producit, quæ minime apta est efficiendæ attractioni inter ferrum atque magnetem, aut inter duos magnetes attractioni, vel repulsioni. Quod ut conficiam, ne lectores ad librum, quem fortasse non habent præ manibus, mittam, necessarium mihi nunc esse video exscribere, quæ Tomo II. *Phys. Gen.* adversus Eulerum atque Molierum §. 512. & sequentibus disputavi in eum finem, ut motus planetarum & ipsorum

C

rum

rum gravitatis in Solem aut in alios planetas causam in impulsu & vi centrifuga ætheris poni minime posse, sed in una attractione esse collocandam evincerem. Sunt autem hujusmodi: *A vera Physica* (hoc pacto orditur suam de *Relaxatione motus Planetarum*, sive de insensibili ætheris resistentia disputationem Cl. Philosophus atque Mathematicus Eulerus; quæ exstat pag. 245. Toni. I. Opusculorum edit. Berolini an. 1746. in quo libro variz ejusdem Auctoris disquisitiones collectæ fuerunt) principis nimium abhorret eorum sententia, qui planetas in spatio ab omni materia vacuo moveri statuunt . . . Nullum enim est dubium, quin radii lucis cum materia quadam subtili sint conjuncti; quoniam in vacuo quidem radios lucis statuere absurdissimum foret. Cum igitur in Cælo nullum quasi punctum assignari queat, ad quod radii lucis tam solis & stellarum non continuo penetrent, totum illud spatium necessario illa materia subtili, qua radii constant, perpetuo erit repletum. Sive enim radii tamquam effluvia ex Sole ejaculentur, sive instar soni per medium quoddam elasticum propagentur, utroque casu totum spatium, in quo planetæ moventur, materia quadam plenum habebimus. Qua cum negari nullo modo queant, si eam ætherem appellemus, hujus certe ætheris existentia solidissimis argumentis evicta est censenda. His cum Eulero constitutis sic agredimur constitutum systema. Ad eum finem, ut planetæ perpetuo in ellipsis revolvantur iis duabus viribus, altera centripeta ad centrum solis directæ, altera projectionis per tangentem, necesse est ut celeritas per tangentem, tum ea quæ a primo communicata est, tum ea, quam vis centripeta gignit, ab externa causa non minuat. Rationes enim quibus illum in ellipsis perpetuum motum conclusimus, hoc fundamento nituntur. At si per cælestia spatia fluidum corpus licet tenuissimum diffunderetur, ipsius resistentia planetarum velocitas perpetuo retarderetur; ex qua factum fuisset, ut ea, quam vocant planetarum excentricitatem, scilicet foci ellipsium, in quibus revolvantur, distantia a centro earundem, & periodicum tempus in orbibus peragrandis valde minora forent iis, quæ ante 6000 annos initio mundi obtinebant. Id autem adversatur observationibus Astronomorum, qui ab antiquissimis temporibus ad hæc usque cælestes motus diligenter examinarunt. Concludendum est ergo non ab his viribus cælestes motus esse petendos, sed potius ab aliqua subtili materia, quæ dum in gyrum semper convertitur, planetas abripit, & eorum velocitatem ob ætheris resistentiam immutat semper restaurat.

§. 41.

Bono attractionis fato evenit, ut hæc eadem ætheris resistentia incommodaret etiam systemati vorticum materiæ subtilis. Nam ei-
dem

dem additus, quam qui maxime, laudatus Eulerus eam sibi expendendam suscepit, & eo, quo pollet, ingenii acumine perfecit, ut cum utraque sententia rediret in gratiam. Hæc enim habet §. 4. citatæ disquisitionis. *Quidquid autem sit, tantum certe hinc tuto colligitur, resistantiam ætheris esse minimam, quod quidem summa ejus raritas aperte declarat. Nullum enim est dubium quin æther sit materia aere longe varior, etiam si ejus elasticitas aeris elaterem maxime superet. Resistentia autem pendet a densitate medii, qua si fuerit minima, ipsam resistantiam insensibilem esse oportet. Ex celeritate, quidem radiorum solis, si cum celeritate soni conferatur, liquido colligitur, si densitas ætheris ad densitatem aeris naturalis ponatur ut 1 ad m, elasticitas autem ætheris ad elasticitatem aeris, ut n ad 1, fore, sicut in Dissertatione de luce ostendi, $m n = 387467100000$, pro quo numero utamur isto rotundo $m n = 400000000000$. Si igitur elasticitas ætheris millies major assumatur, quam aeris, ita ut sit, $n = 1000$, erit $m = 400000000$, totiesque densitas ætheris minor foret densitate aeris; in tali autem medio rarissimo corpus admodum densum, cujusmodi sunt planeta, diutissime moveri potest, antequam portionem sensibilem celeritatis sua amittat. Hactenus Eulerus qui, his ad motum planetarum applicatis subductisque rationibus, primum pag. 264. concludit, perihelium planetæ in hoc æthereo medio circa solem revoluti permanere fixum in eodem puncto, & apsidem orbitarum & nodorum lineam immobiles esse, perinde ac si in loco inani moveretur, indeque elicit, si hæc variari observationes ostendunt, ab ætheris resistantia rationem haud esse petendam: tum pag. 275. quod attinet ad excentricitatem planetæ & ad tempus periodicum, quorum utrumque ob resistantiam minui oportet, efficit eam quæ ab æthere oriri potest, majorem non esse, quam ut cum observationibus conciliari non queat. Nam si antiquæ observationes cum recentioribus conferantur, verisimile fit periodicum terræ tempus singulis sæculis quinque minutis secundis multari, 1000 annis quinquaginta. Ex quo colligit reliquorum planetarum periodica tempora eodem annorum intervallo minora fieri, Satur-*

ni 33'', Jovis 15'', Martii 62'', Veneris 25'', Mercurii 33''; propterea quod antea monstrarat de illo plus decedere, quo planeta plus habet excentricitatis, & rationem decrementorum ad hanc definierat. Unde his verbis commentario finem imponit. Quia autem pro planetis vidimus eorum tempora periodica eo magis ceteris paribus diminui, quo eorum orbita magis sint excentricæ, hinc satis tuto colligimus tempora periodica cometarum satis notabiliter in quavis revolutione diminui debere, ita ut mirum non sit cometam 1682 pri-

num post intervallum 76 annorum, postea vero post 75 annos ad perihelium rediisse; simul vero patet ob hanc perturbationem locum perihelii non mutari debuisse. Jam vero rationes subductæ in temporibus planetarum minimum aliquod decrementum, insensibile vero in eorum excentricitate suppeditant. Manet ergo, ex ætheris resistantia nihil effici, quod evertat constitutum attractionum systema.

§. 42.

Nec enim valde moror, quod pag. 275. idem auctor advertit his verbis. *Quare cum ex motu planetarum non sensibilibiter imminuto defectus materia calum implentis minime sequatur, hinc gravissimum argumentum, quo Angli attractionem suam tueri conantur, corrui: fit enim calum materia subtili est repletum, nullam causam amplius invenimus, cur gravitatis universa causam mechanicam negare velimus.* Etenim ut docui ibid. §. 503. alia ratione hanc vim attractricem conficio, quæ hujusmodi est, ut compertum fiat nec ex ipsis mechanicis causis, sive ex impulsu alius in aliud corpus motum existere posse sine vi attractrice, quæ in contactu convertatur in repellentem. Quamquam neque percipere possum ætherem esse materiam adeo raram, ut sensibilem in planetis resistantiam non exerceat, & nihilominus posse in iisdem efficere sensibilem vim gravitatis. Si enim primum, inde oritur, quod planetæ dum moventur, incurrunt in massam mirifice exiguam, & ideo quam exiguam vim etiam longo tempore cum eadem communicant. Ex hoc autem sequitur eandem ætheris exilissimam massam non posse planetis tribuere vim, nisi quæ sensum fugiat. Quod si ad hanc, ut mihi quidem videtur, evidentissimam rationem infirmendam confugiat ad id quod cum subtilissima materies omnium corporum poros pervadat, singulis planetarum particulis sua vi centrifuga minimam quidem tribuit vim, sed quæ ob innumerabiles hujusmodi particulas & ideo ictus iisdem impressos in magnam excreseat; reponerem idem contingere in fluida subtilissima materia, quæ planetis resistit, quin tamen ex minimorum ictuum collectione ex ipsius Euleri sententia & calculis magna vis resistantiæ confectur. Ergo hoc effugium homini esse præclusum apparet. Sed hac de re mox accuratius, cum Molierii hac eadem in re sententiam examinabimus.

§. 43.

Nam is putat rationem, cur æthereæ substantia planetarum motus ad sensum nequaquam retardat, in eo positam esse, quod illa materia gravitatis est experta; idque hoc pacto confirmat Tom. I. lect. V. prop. 9. elegantissimi libri, qui inscribitur: *Leçons de Physique*. Cum vis motrix diminui possit tum eadem velocitate manente, si de massa quidpiam detrahatur, tum eadem massa persis-

stent-

stentē, siquid de velocitate decedat; idem in gravitate posse contingere perspicuum sit ex eo, quod gravitas a vi motrice non differt, nisi tamquam species a genere. Si ergo sine diminutione massæ corporis A, quod a primo ordinariæ gravitatis ponitur compos, ponamus ejus gravitatem ita diminui, ut corpus ea percitum 15 pedes parisienses uno minuto secundo conficere amplius non queat, sed ad eos absolvendos opus habeat duobus secundis, tribus, quatuor, quinque &c. idest gravitatem fieri $= 1:4, 1:9, 1:16, 1:25$ &c. illius, qua corpora in superficie telluris sollicitantur, id quod in sententia Nevvtoni usueniret, si ad duplam, triplam, quadruplam &c. a centro distantiam transferretur; tunc ad horizontalem velocitatem v in hoc corpore generandam opus non foret, nisi $1:4, 1:9, 1:16$ &c. vis, quæ ad eandem efficiendam in superficie telluris necessaria est. Quare si gravitas in infinitum immineatur, idest nulla fiat, uti accidit in ætherea substantia, quæ vi centrifuga vorticum, in quibus perpetuo rotatur, in aliis corporibus gravitatem gignit, ipsa gravis non est, tunc ad efficiendam in illa velocitatem v necesse foret impendere solum unam infinite exiguam partem illius vis, qua opus est in hisce a centro terræ intervallis. Ex quo demum efficitur nullam esse resistentiam, quam æther in planetis efficere potest. Ita Molierius qui ob hanc causam negat se ullo modo premi ea ratione, quam adversus sententiam, quæ ponit omnia spatia plena esse materia fluida ejusdem, ac omnia solida, densitatis, Nevvtonus conclusit ex eo quod globus gravis, ut idem ostendit, motu horizontali trajiciens medium ejusdem densitatis, ac globus, dimidiam velocitatis partem amittit, simul ac tres ex suis diametris absolverit. Hæc enim ratio nullius est roboris, si fluida materia gravitatis sit expers.

§. 44.

Verum enim vero pace tanti viri, de cujus laudibus nihil detractum velim, certum arbitror hac ratione non solvi difficultatem, quæ a resistentia materiæ fluidæ spatia omnia replentis deducta est. Nam ut rem a capite arcessam, adverto ex ipsius sententia consequi ante vim centrifugam ætheris, quæ ex ipsius singularum particularum circa innumerabilia centra in exiguis vorticibus, & ex omnium revolutione circa unum aliquod in magno vortice oritur, nullam esse vim & gravitatem in corporibus. Ex quo fieret ut eo tempore æther & alia corpora inter se convenirent, & in ipsius etiam opinione tam æther opus haberet finita vi ad finitam in aliis corporibus velocitatem & vim gignendam, quam alia corpora in æthere. Nunc imaginemur cum æthere eam communicari, qua vorticosus ipsius motus efficitur, & inde cum Molierio intelli-

ge-



genus in æthere existere vim centrifugam & in tellure aliisque planetis vim gravitatis, & centripetam solem versus. Ergo vim centrifugam ætheris esse æqualem vi centripetæ sive gravitati planetarum & ideo utramque finitam esse colligitur. Quare si vis gravitatis est causa, cur in efficienda in corpore gravi finita secundum rectam horizonti parallelam velocitate corpus aliud grave finitam suæ vis partem impendere debeat, quid ni ad eandem in æthere ejusdem massæ, ac grave, generandam pariter finitam suæ vis portionem impendat necesse sit, cum vis centrifuga, quæ tendit sursum, horizontali corporis motui non minus, quam centripeta, quæ deorsum, opponatur?

§. 45.

Præterquamquod quid est corpus esse grave, nisi finitam quamdam habere vim & velocitatem illa genitam centrum versus, quæ in sententia Molierii non aliunde oritur quam ab exteriori impulsu materiæ fluidæ, quæ vi centrifuga corpora ad centrum propellit? Unde inter vim, qua lapis manu projicitur, interque illam, qua centrum versus descendit, aliud nullum discrimen est, quam hoc in ipsius systemate, quia causa exterior impellens gravia perpetuo novos imprimit ictus, non autem ea quæ lapidem jactit. Jam vero inter lapidem quiescentem, & inter illum, qui aliquorsum vi projectionis tendat, non datur illud quod vult Molierius, discrimen, ut ad primum pellendum vi infinite majori sit opus, neque si in contrariam directioni vis prioris plagam impellendus sit. Ad summum enim requiritur vis aliquantum major alia, quo, hac alia corrupta, residua vis illum in contrariam partem impellat. Id quod sit compertum ex legibus collisionis, quas Tom. I. §. 201. ex communi Physicorum sententia constituimus. Ergo nec inter corpus grave, & inter illud, quod gravitatis est expers, est illud discrimen, ut si ad primum celeritate finita ciendum vis finita necessaria est, ad alterum æqualiter movendum solum infinite parva, idest infinite minor desideretur. Quidquod ex illo Galilæano theoremate omnibus & ipsimet Molierio probato, grave sursum aliqua vi projectum dato tempore conficit dimidium illius spatii, quod eodem confecisset, si semper eadem velocitate ascendisset, quod eodem revolvitur, ac si foret expers gravitatis, quæ velocitatem jactus semper imminuit, nonne manifeste colligitur, vim finitam cum corpore non gravi communicatam solum gignere effectum duplo majorem illo, quem in gravi generat, ideoque vim infinite parvam ad finitam velocitatem in corpore non gravi efficiendam aptam non esse? Quare nisi velimus nuntium remittere iis, quæ utpote certis rationibus conclusa Physicorum omnium judi-

dicio probantur, fateamur oportet nihil afferri a Cl. Viro, quod planetas eximat ab ætheris resistantia, & aliud nihil reliquum esse, quam uti cum Eulero ad maximam ejus raritatem observacionibus probatam confugiamus. Ad eam vero facilius defendendam multum proderit ad memoriam revocare, quæ Tom. I. §. 24. statuimus de continuo, quod scilicet aliud alio densius & rarius in infinitum sine ullis meatibus esse possit. Hoc enim pacto sine tam enormi meatuum copia, quæ in communi sententia esse deberet, quæque cum cohærentia & continuitate particularum lucis componi non quit, summam ejus raritatem propugnabimus. Quo loco summopere gratulor hanc sententiam, quam rationes citato § allatæ complecti me coegerunt, etiam Eulero probari, qui in dissertatione inscripta *Recherches Physiques sur la Nature des moindres parties de la Matiere*, eidemque Tomo inserta §. 14. pag. 300. certum judicat omnia corpora gravia constare particulis ejusdem omnino densitatis, probabile autem materiam ætheream & ipsam coalescere ex moleculis ejusdem quidem inter se densitatis, sed cujus gradus longe sit minor eo, quo particulae graves donantur. Quorum primum quale sit, alias vidimus; nobis enim contrarium videtur ob quasdam rationes, quas suo loco exposuimus.

§. 46.

Ceterum qui quoquomodo defendit nullam sive insensibilem ab æthere resistantiam planetas pati, illi integrum amplius non est, ut supra docui, causam gravitatis eorundem ab illo repetere. Quo luculentius conficitur id, quo præsertim hæc spectant, nullam motus planetarum probabilem causam afferri posse præter vim ipsorum attractricem, & vim projectionis, quæ ad revolutionem ipsorum in ellipsis idonea sit §. 511. Scio equidem his quæ contra Eulerum atque Molierum pressi, non urgeri alibi laudatum Castellum, qui crassiori minerva planetarum systema constituit, ponitque vortices materiæ fluidæ in orbibus ellipticis torqueri, planetas autem licet crassiores appareant, in eorum ultima quasi superficie natantes & æquilibratos in gyrum ab iisdem converti: ut nullam ætheris, a quo abripiuntur, resistantiam vincere debeant. At videat Castellus ne, dum leviolem plagam vitat, accipiat graviorem. Nam in ipsius sententia etiam Cometæ a fluida materia in orbibus ellipticis valde excentricis rotantes abripiuntur in gyrum, qui orbes cum in orbes planetarum incurrant, non poterit non fieri, quin horum orbium adeo contrariorum rotantes particulae in se mutuo impingant, & suum vicissim motum atque ideo etiam planetarum, qui cum iis moventur, re-

tar-

tardent. Ergo neque a Castello sustineri quit perpétuus planetarum sine ulla sensibili diminutione motus.

§. 47.

Quamvis autem sententiam Molierii refutaverim, ajo tamen quidpiam veri contineri, si hoc sensu defendatur. Si materia subtilis gravis non est, nullam habet versus planetas vim attractricem. Ergo neque repellentem habebit, in quam attractrix in corporum contactu convertitur §. 503. & Tom. I. §. 201. Inde vero consequitur materiam hujusmodi nullam habere nec impenetrabilitatem, qua planetas a trajicienda interiori ipsius substantia excludat, nec vim inertiae, qua ipsorum motui resistat, propterea quod hæc duo ab illa vi repellente originem ducunt. Sed qui hæc admiserit, non poterit ab eadem materia planetarum gravitatem repetere, quia materia hac vi destituta nullam cum planetis communicare poterit.

§. 48.

His scriptis meas ad manus pervenit Tomus Comm. Acad. Regiæ Paris. anni 1742., in quo dum Historicus laudes Molierii perstringit pag. 271. edit. Amstel. sermonem in hunc locum inducit, & primum eam ipsam rationem, quam supra attulimus, adversus vorticum defensores proponit, tum alia quædam contra propugnatores attractionum his verbis: „ Si fluidum corpus, unde vortices formantur, quodque est pars corporum locum replentium, corporum, quæ illud findere conantur, motui nullo pacto resistit; qui potest planetas abripere, idest prorsum impellere, & in ipsorum orbitis retinere? Nonne resistentia & impulsus sunt inseparabiles effectus ejusdem proprietatis materiæ, quemadmodum actio & reactio; immo nonne est idem effectus alia atque alia ratione consideratus? Quod si hoc fluidum resistit, qui fieri poterit, ut cometæ per illud trajiciantur directionibus aut obliquis, aut ipsius conversioni contrariis, quin ipsorum motus turbetur, & aliquid detrimenti Kepleri regula capiat? „ Ita Cl. Historicus, qui adversus Nevvtonianos objicit non leviores difficultates & fortasse graviores esse in contrario systemate, primum quia corpora cælestia in immenso inani moventur tamquam ipsa sibi appensa, aut in suis quæque cohibita sphaeris vi quadam metaphysica & incognita, cujusque notionem sibi nemo formare potest: deinde quia Bernoullius ex regulis sortis collegit, si quis sponsonem faceret, ni sex planetæ sorte projecti in sphaerica superficie versus eandem plagam intra limites adeo angustos circa solem rotarentur, eum provocare adversarium ea spe, quæ ad spem adversarii foret ut 1 ad 1419836. Quod attinet ad primum caput, mihi gratulor

tulor tam rationem tanto viro non levem contra systema vorticum esse visam. Quod ad secundum & ad primam ejus partem, super-
vacaneum duco superiora repetere, ex quibus constat quid sit ea vis
& a quo gignatur, & quanta illius in natura necessitas; quod ad
alteram, ajo in attractionum negotio non induci sortem tamquam
arbitram projectionum planetarum, sed Dei, qui omnia in numero,
pondere & mensura creavit, sapientiam; & memini Historicum alibi
advertisse mundum inertia & legibus motuum conservari quidem
posse, non autem iis solis talem ab initio constitui potuisse.

§. 49.

Atque hæc sunt, quæ citato loco disserui, ex quibus arbitror il-
lud constare, quod mihi nunc propositum est. Nam ex altera par-
te vortex magneticus in sententia Euleri & aliorum, qui nostrum
systema infra explicandum non sustinent, ex tenuissima constat æthe-
ris materia, quæ nullam gignit sensilem resistantiam, ut ex illo
uno compertum sit, quod magneticus vortex se exserit etiam in
excipulo vacuo, in quo solum ætherem reperiri, qui corporibus per
illud tranantibus nullam objiciat resistantiam, celeberrima circa ca-
sum levissimæ plumæ & gravissimæ glandis plumbeæ eodem tem-
pore perfectum luculenter commonstrant. Ex altera vero magnetes
& præsertim generosi alios magnetes & frustra ferri multarum libra-
rum e non exigua distantia cient & attrahunt, quorum certe iu-
gentem massam vortex nulla prædictus sensili vi resistendi ob alla-
tas in superioribus rationes movere non potest. Ergo systema Eu-
leri in explicatione præcipui magnetum phænomeni, attractionis
inter duos magnetes, aut inter magnetem & ferrum offendit. Im-
mo cum alia tria, directio, inclinatio, & declinatio attractionem
postulent, ut infra ostendemus, nullis magnetum effectis explican-
dis esse accommodatum colligitur.

ARTICULUS III.

Explicatur nostra sententia.

§. 50.

QUamobrem alio nos convertamus oportet, siquid proficere
volumus in investigatione causarum proprietatum magnetis.
Qua in re sic mea ratio se habet. Quoniam in superioribus
jam docui non sola attractione, sed quibusdam corpusculis & esflu-
viis a magnete erumpentibus magneticas attractiones perfici, pri-
mum statuo duo esse debere in hujusmodi esfluviis, primum idoneam
massam ad corpora tam magna commovenda, ne videlicet sint ejus
summæ raritatis, quam esse in æthere rationibus subductis collegit

D

Eule-

Eulerus, idque ob allatas rationes; secundo maximam facilitatem trajiciendi quæcumque vel solidissima corpora, adeout hæc nullam sensilem resistantiam iisdem objiciant. Nam certa & explorata res est, quam supra tetigimus §. 15., & in consequentibus etiam accuratius tractabimus, quodcumque corpus vel solidissimum præter ferrum atque magnetem inter magnetem, qui trahitur, & frustum ferri, quod trahitur, interponas, ne hilum quidem quod cadat sub sensus, attractionem imminuat, & eandem prorsus manere, perinde ac si solus aer interponeretur; contraquam contingit in aliis attractionibus & repulsionibus, quæ adminiculo perficiuntur effluviis, ut præsertim videre licet in electricis, in quibus etsi effluvia tenuissima sint, & facile meatus corporum pervadant, tamen corporum solidorum interpositione de eorum vi quidpiam sensibus obnoxium decedit; ut Musschenbroechius, quemadmodum suo loco videbimus, hoc uno crediderit se manifestæ falsitatis posse coarguere omnes, qui hoc in negotio ad tenuissima effluvia confugiant.

§. 51.

Sed cum attractiones repulsionisque magneticas ope effluviis perfici ex supra allatis rationibus compertum fiat, atque etiam ex aliis, quas in posterum afferemus, ductas ex omnibus magneticis phænomenis, quæ perinde se habent, ac si ab effluviis corporeis orirentur, inde potius concludendum effluvia magnetica donata quidem esse vi attractrice mutua ratione habita magnetis & ferri, nulla vero nec attractrice, nec expultrice ratione habita aliorum corporum quorumcumque. Cum enim corpora ipsa per se penetrabilia sint, & impenetrabilitatis origo ab una vi expultrice, inquam degenerat attractrix, eademque ad corporum essentiam accidente, & ab una Dei libera voluntate in corporibus genita, & repetenda (Tom. I. *Phys. Gen.* §. 201. & II. §. 502. & pluribus aliis locis) nihil video rationi convenientius, quam affirmare effluvia magnetica, quæ nullam in trajiciendis præter ferrum, & magnetem quibuscumque vel solidissimis corporibus nec resistantiam sive motus decessionem, nec ejuldem accessionem patiuntur, nulla prorsus vi attractrice aut expultrice versus eadem esse donata, & hoc ipsum esse unam causam atque rationem, cur in iis trajiciendis nullum subeant decrementum motus & velocitatis.

§. 52.

Quo facillime obtineri potest, quod in sententia Euleri aliorumque Cartesianorum haberi non posse docuimus, ut eadem magnetica effluvia idonea fiant quibuscumque vel magnis ferri frustis magnetem versus pellendis. Nam ubi spoliata volumus quacumque vi attra-

attractionis & repulsionis versus alia corpora, poni possunt cujuslibet densitatis tantis effectibus accommodatae, quin aliquid detrimenti capiat facilitas in iisdem corporibus omni ex parte sine ulla resistantia trajiciendis. Nec huic densitati ex altera parte adversatur arctitudo pororum magnetis & ferri, quos solum permeare possunt ob vim attractionis mutuae, quae cum in contactu in repulsionem eamque infinitam convertat, non finit ipsam horum corporum substantiam ab iisdem pervadi. Nam particulae vorticem magneticum componentes ponendae sunt minutissimae, sed ipsae per se valde densae valdeque inter ipsas confertae & stipatae; hoc enim pacto fiet ut sine massae detrimento idoneae sint exilissimis ferri meatibus quaquaversum tranandis, quemadmodum molecule mercurii, tametsi corporis, si ab uno discesseris auro, omnium maxime densi & gravis, ob easdem causas aurum ejusque exilissimos meatus omni ex parte pervadunt.

§. 53.

Quid ad hæc contradici possit ego non video, nisi quis putet dedecere Philosophum in gratiam phaenomenorum magnetis nolle speciale aliquod corpus obnoxium universali legi naturae, quae vulgo corpora omnia omnium ratione habita esse prorsus impenetrabilia. Id quidem concederem, si nulla suppeteret idonea ratio, quae hanc exceptionem esse faciendam doceret. Nunc cum hæc sit in promptu eademque efficacissima, quis hanc exceptionem Philosopho minime consentaneam affirmabit? Cum enim non ex natura & essentia corporum oriatur impenetrabilitas, sed ex una vi attractice accidentali & in corporibus jam constitutis a Deo genita; duobus tantum modis cognoscere possumus utrum omnia & singula tali proprietate donata sint, per experimenta scilicet & inductionem, & per ejusdem necessitatem in hac rerum natura. Primo modo novimus innumerabilia corpora hac virtute esse prædita, quia statim ac alia appellantur ad alia, resistantiam aliquam observamus percutienti obijci a corpore percusso, & motum in illo diminui, in hoc aut generari, aut saltem augeri. Sed hoc ipsum probat hunc in censum non venire magnetica effluvia, proptereaquod cujuscumque vel solidissimi corporis interjectu de ipsorum in trahendo ferro vi, atque ideo de motu atque velocitate nihil sub sensus cadens decedere aut accedere observamus. Ergo si Cartesiani ab universali gravitatis terrestri lege materiam subtilem, Boeravius & alii ignem ob quoddam, quae ipsis videbantur idoneae, rationes eximere non sunt veriti; non ego potiori jure universali attractioni & impenetrabilitati inde profectae magneticum eximam effluviū, quod contra consuetum omnium aliorum vel subtilissimorum effluviū morē si-

ne ulla prorsus resistentia trajicere cujuscumque generis corpora, multa & certissima experimenta comonstrant?

§. 54.

Quod vero ad alterum pertinet, hæc necessitas in eo posita est, quod sine hac vi attractrice & expultrice ac impenetrabilitate independentibus nulla foret inter mundi corpora motus communicatio, & totus hujus universi ordo susdeque verteretur (Tom. I. *Phys. Gen.* §. 201, & III. §. 182, & 184. num. 12). Id vero non sequitur, si unum aut alterum corpus ab hac lege eximamus. Immo ex capite necessitatis multo majus momentum huic accedit sententiæ. Siquidem illa duo quod magna ferri frustra ex non exiguo intervallo ad ferrum trahantur ac dirigantur, & quod vis magnetica ab interposito corporum non infringatur, maxime necessaria ad eum finem, ut in commodum navigationis vis terrestris magnetis a superficie telluris multum distanti ad illam usque sine impedimento perveniret, alia ratione, ut in superioribus docuimus, obtineri non potuerunt.

§. 55.

At enim quoniam peculiarem ponimus vim attractricem inter magnetem & ferrum, intetque magnetica effluvia, satius erat & expeditius, hanc propriam & peculiarem virtutem inter ferrum interque magnetem collocare. Verum iis positis, quæ ad has peculiare & solis quibusdam particularibus naturæ effectis explicandis idoneas vires attractrices tum universe, tum veto in hoc eodem negotio magnetis profigandas supra disputata sunt, ajo non potuisse a Deo ipsimet magneti tribui vim ferrum absque effluviis adminiculo proxime trahendi, nisi hæc foret specialis quædam attractio, & sive habita ratione massæ, sive habita ratione distantie valde major illa, quam in omnibus corporibus proportionalem massæ directe & quadrato distantie inverse posuimus. Cum enim ex gravitate magnetis & ferri compertum fiat hæc corpora trahere tellurem & corpora, ex quibus coagmentantur, in tanta telluris vicinia ex nulla in sensus incurrente distantia posset magnes ferrum allicere, si mutua vis attractionis inter ipsa foret eadem, ac generalis. Id quod planum feci Tom II. *Phys. Gen.* §. 605. num. 5. Ergo deberet esse peculiaris quædam attractio, quam esse explodendam in superioribus monstratum est. At si placet in subsidium vocare effluviū magneticum, cujus ope ferrum ad magnetem pellatur, opus non est aliam præter generalem attractionis legem inter magnetem & ferrum ex altera parte, interque magnetica corpuscula ex altera ponere, cum hoc tamen uno, quod eadem lex sive attractio inter eadem effluvia interque alia non statuatur.

§. 56.

§. 56.

His vero constitutis facillime explicari aſſo fere omnia magnetis phænomena; verum in præſenti ſolum illud, quod initio propoſui, declarandum ſuſcipio. Quamquam & in eo declarando paucis eſt opus. Quis enim in eo, quod corpuscula magnetica a ſolis magnere & ferro, non autem ab aliis quibuſcumque terræ corporibus alliciuntur, poſitam eſſe non videt rationem, cur majori celeritate ſe per magnetis ac ferri meatus, quam per alia corpora inſinuent? Hæc enim corpuscula ſi in aliqua a magnete diſtanti poſita intelligantur, eo verſus perpetuo ſollicitata, perinde ac corpora gravia, velocitate ſenſim creſcente ad magnetem uſque pervenient, cujus interſtitia ab altera ad alteram ſuperficiem ea, qua pervenerunt, celeritate percurrent, & e contraria ſuperficie æquali omnino prorumpent. Cujus ratio eſt in promptu, quia cum ea corpuscula ſunt in poris magnetis & ferri, verſus omnes partes eadem vi pertrahuntur, ſi magnetem & ferrum, ut fieri poteſt, ſint ejuſdem ubique tenoris & denſitatis. Quamobrem ſi ab aliqua reſiſtentiâ friccionis diſcedamus, nulla eſt ratio, cur velocitas corpusculorum, quamdiu interiorem ferri & magnetis ſubſtantiâ percurrunt, aut inrendatur, aut reſiſtatur, quemadmodum ob attractionem laminæ vitreæ horiſonti ad perpendicularium inſiſtentis non intenditur velocitas aqueæ guttæ deorſum cadentis (Tom. II. in App. de Tubis Capill.) eo quod attractio omnes verſus partes æqualis eſt, aut in hypotheſi Nevvtoniana corpusculi a ſuperficie ſphærica attracti & extra ipſam poſiti velocitas, ſimul ac appulſi ad ſuperficiem, propterea quod intra ſuperficiem ab omnibus partibus æqualiter ſollicitantur (Ibid. §. 554. num. 3.) Immo ut hoc, ubi æquabili velocitate ad oppoſitam ſuperficiem, percurſa interiori cavitare, pervenit, tantumdem in contrariam partem, ſed ſenſim a contraria motui vi attractionis velocitate imminuta, aſcendit, indeque extincto motu ſurſum ad cavam ſphæram retrahitur: ita magnetica eſſuvia poſtquam alteram magnetis ſuperficiem attigerunt, ea velocitare, quam in deſcenſu magnetem verſus acquiſivere, & in interiori ſubſtantiâ retinuerunt, ea ſurſum contendunt, ſed motu ſemper tardiori ob vim attractionis eidem contrariam, donec ad eandem altitudinem pervenientia, corrupto penitus motu, denuo verſus magnetem alliciuntur.

§. 57.

Quod ſi ferrum & magnes alius in aliis partibus ſint denſitatis atque ideo vis attractricis, fieri poteſt, ut dum corpuscula illorum meatus percurrunt, aut de illorum velocitate quidpiam de-

ce-

cedat, si a partibus densioribus ad rariiores commigrent, aut si e contrario a rariioribus ad densiores, eorumdem celeritati quidpiam accedat.

§. 58.

Ceterum cum valde difficile sit ut ingressus per asperas superficies, aut ex iisdem egressus fiant per rectas superficiebus ad perpendicularum insistentes, & ideo corpuscula magnetica irrefracta maneant, ut plurimum magnetica effluvia oblique in magnetis poros & ferri ingredientur, & ex iisdem egredientur. Quod cum usuvenit, ex legebis refractionum, præsertim in lucis negotio, eadem corpuscula deflexura a linea recta accedendo ad perpendiculararem, cum in magnetem & ferrum se intrudunt, recedendo ab eadem, dum foras erumpunt, colligemus. Qualem vero teneant circa huiusmodi corpora cursum, ex iis, quæ dicturi sumus, constabit.

C A P U T IV.

De Polis ferri magnetica virtute imbuti, deque vorticibus magneticis.

§. 59.

Explicandam suscipimus omnium, quæ ad hanc de vi magnetica disputationem pertinent, difficillimam enuntiationem; quam tamen vel tamquam eam, de qua satis experientia testificaretur, vel tamquam hypothesein a quampluribus doctissimis Philosophis jam pridem receptam, atque, ut deinceps constabit, magneticis effectibus explicandis accommodatissimam sine ulla demonstratione sumere poteram. Est autem huiusmodi. Si magneti ferreum instrumentum oblongum admoveatur, fit circa illud magneticus vortex, isque secundum longitudinem, videlicet ita, ut in partibus ejusdem extremis poli effluviis existant, alter exitus, a quo magna vis effluviis erumpit, alter ingressus, in quem ingreditur magna vis illorum effluviis, quæ a polo exitus eruperunt, postquam circa ferri superficiem rotarunt. Quare in polis duo esse debent; primo aut ingressus effluviis, aut egressus; deinde magna copia eorumdem, quæ magis conglobata in iis partibus, quam alibi, sint.

§. 60.

Si itaque extremum *é. g. B* ferrei frusti *BACD* (fig. 3.) magneti admoveatur, unde corpuscula egrediuntur, quæ ferri poros facilius, quam corporum aliorum trajiciunt; dico primum majorem effluviis partem ex puncto *C*, aliisque vicinis, quam ex aliis inter *C*, & *B* interceptis esse evasuram, itaque conficio. Ex

iii

iis corpusculis, quæ per B, partesque proximas ingrediuntur, alia directe C versus proficiscuntur, alia vero ad diversa laterum CAB, CDB puncta se conferunt. Prout enim vel ad rectos angulos incidunt, & irrefracta manent §. 58., vel ad angulos magis, vel minus obliquos, & plus minus refringuntur §. 58. ad hæc, vel ad illa puncta recta pergunt. Jam vero quæ versus C directa sunt, illa dubium non est, quin eo perveniant, nisi fortasse punctum C nimium distet a B. Ex iis autem quæ in aliquod laterum punctum incidunt, quamplura petunt extremum C. Nam cum latus e. g. BAC longum sit, plurima corpuscula in ferrum ingressa ita oblique in aeris superficiem incurrent, dum ex illo latere evadunt, ut postquam aliquantum in ejus poros se insinuarunt, denuo se in ferri meatus recipiant. Si enim id accidit in corpusculis lucis, dum a vitro in aerem cum inclinatione anguli 42 gradum evadunt, quamvis celeritas eorum in aere non sit, nisi tertia parte minor celeritate eorundem in vitri poris, ut ex sinibus angulorum incidentiæ, & refractionis colligunt Recentiores, atque ideo resistentia aeris non sit nisi tertia parte major resistentia pororum virri: quanto magis id continget in magneticis e ferro in aerem etiam cum inclinatione majoris anguli erumpentibus, cum aer progressioni corpusculorum tanto magis præ ferro resistat, ut facile concludi potest ex eo, quod hæc per ferri poros in distantiam plus decuplo majorem diffundantur §. 18., & magnes ferro armatus plus decuplo majus alterius ferri pondus sustineat? Ita fit, ut ad se propius accedant.

§. 61.

Illæ deinde, quæ ferro circumfusa sunt, aut quia ex lateribus evaserunt, aut quia extrinsecus ad eadem se contulere, vel denuo, vel prima vice per latera in idem ferrum ingrediuntur. Cum enim quæ ferro proxima sunt, suæ rotationis partem, quæ ferrum spectat, conficiunt, in ejusdem poros se insinuant, majori, quam extra, celeritate feruntur §. 57. & illico iis, quæ adhuc sunt extra, locum qua ingrediuntur, relinquunt. Quapropter hæc percita quæque vi attractrice ferri ad ejusdem ferri meatus undequaque conflunt, qui mox vacui relinquendi forent, nisi in locum corpusculorum, quæ per eos magna celeritate se movere cœperunt, alia succederent. Et quamvis eodem tempore ex lateribus alia corpuscula percita impetu, quem habent in ferri poris, erumpant; tamen propter longitudinem laterum BAC, BDC quamplures meatus obviæ sunt etiam iis, dum ferrum versus rotantur, ut in illud se intrudent. Hæc autem ipsa corpuscula, quæ erumpunt, eo facilius in ferrum rursus trahi possunt, quo minus ab illo discedunt; eo

vero

vero minus discedunt, quo vis attractrix magnetis est major, & facit, ut in egressu magis a perpendiculari recedant, & ideo minus a ferro, eo quod per recessum a perpendiculari, dum exeunt a magnete, fit ut dato tempore minus a magnete discedant.

§. 62.

Quamobrem effluvia, quæ ex majoribus lateribus exeunt usque ad extrema rotando pervenire non possunt, si discedas ob iis, quæ prope extrema ex iisdem lateribus effluunt, & versus extrema refringuntur. Nam quæ ex latere AD, (fig. 4.) ferri oblongi ABCD, & præsertim ex partibus vicinioribus extremo CD, per quod ingredi corpuscula ponimus, inclinata versus extremum AB egrediuntur; cum non exiguum antea spatium conficere debeant, quam ad latus CB perveniant: ab aliis corpusculis, quæ interim in latus AD ingrediuntur, abrepta denuo per idem latus in ferrum se intrudunt. Unde longiora latera aditum præbent qua ingredientibus, qua egredientibus corpusculis.

§. 63.

At res e contrario se habent in extremo angustiori BA & in angulis potissimum A, & B (fig. 4.); nam primo corpuscula ex iis erumpunt aut perpendicularia, aut parum inclinata, aut saltem minus iis, quæ utrimque ex lateribus effluunt: quod propter ferri longitudinem simul, atque subtilitatem major corpusculorum pars per ejus poros ad latus AB ab iis punctis se conferunt, a quibus rectæ nonnisi aut perpendiculares ad AB, aut parum oblique duci possunt. Quamobrem ab aere non reflectentur, sed in eum se insinuabunt. Deinde cum spatium AB valde exiguum sit, facile fiet, ut corpuscula quæ exierunt, rotando, & a perpendiculari utrimque recedendo, superent angulos A, B, & latera versus se inflectant.

§. 64.

Nam cur utrimque regrediantur, præter refractionem, quæ pro varia inclinatione in omnes partes fit, hæc alia accedit a natura fluidorum petita causa. Quæ conferta erumpunt ex AC (fig. 4.), initio per aerem progrediuntur, idque plus minus pro majori vel minori velocitate, quam in poris ferri comparaverunt. Sed quia vi attractrice ferri & magnetis ferrum versus trahuntur §. 57., sensim progressionis motus minuitur, & retardatur. Cum vero fluida propter intestinum motum, & quoquoersum illuc facile fluant, qua minus iisdem resistitur: hinc inde recurrere debent non ad partem AB, quod obstant corpuscula, quæ continuare egrediuntur, & alia, de quibus modo dictum est §. 63., sed ad posteriorem DC, ubi motui illorum minus obstititur. Quod ostendi potest etiam

ratione, quam afferre soleo explicaturus, cur fluida, ut aqua, motui manus non multum obstant. Iccirco enim parum resistentiæ experimur, quia cum in posteriori parte manus minor sit resistentia, (nam vacua relinquenda foret, nisi particulae aquæ ad locum a manu relictum confluerent) anteriores particulae impetui manus se se subducunt, dum abreptæ ab iis, quæ posteriori parti sunt propiores, eodem rotando se conferunt. Res fere simili modo hic se habet. Cum extremum DC admotum fuerit magneti, a quo corpuscula erumpere posuimus, alibi id ostensuris; per illud corpuscula potissimum ingrediuntur, & vel nulla, vel admodum pauca egrediuntur. Nam refractione, quam in ingressu in ferrum accipiunt, fieri potest, ut ad latera DA, CB deflectant, non autem ut in contrariam omnino partem reflectantur, & ab extremo DC statim erumpant, quod ferrei pori vires addunt motui progressionis §. 57., quæ reflexioni impedimento est. Quia vero, statim ac in ferri poros se intrudunt, velocius incipiunt moveri; fit ut eo tamquam ad locum minoris resistentiæ, quod citius aliis vacuus a corporibus linquitur, corpuscula magnetis undequaque confluant, ac ideo non solum ea, quæ a magnete perpetuo summittuntur, quamdiu prope est, sed etiam illa, quæ sunt per totam laterum DA, CB longitudinem. Nam cum latera DA, CB tum egredientibus, tum ingredientibus pateant §. 62., latus vero DC solis fere ingredientibus; hæc minor resistentia sive major facilitas ingressus potissimum in DC esse debet. Quamobrem & magna pars illorum corpusculorum, quæ sunt circumfusa lateribus, ad extremum DC refluat: & siqua ex iis per laterum poros ingrediuntur, alia tamen continuo ab iisdem poris emittuntur §. 62., quæ retrorsum abripiantur. Sed quoniam ea quæ ab extremo AB antorsum emissæ fuerant, cum effluviis ad latera positis conjuncta sunt, intelligitur, cur utrimque paulatim ab iisdem retro abripiantur, & iis exceptis, quæ per diversos laterum intrant meatus, ad posterius extremum DC recurrant. Q. E. O.

§. 65.

Ita fit, ut DC (fig. 4.) sit polus ingressus corpusculorum magneticorum. Nam cum admittat fere solum ingredientia corpuscula, extremum vero AB fere solis egredientibus pateat, latera demum utrisque pervia sint; alia nulla in toto BADC pars æqualis DC poterit inveniri, quæ maiorem, aut æqualem eorum copiam intro suscipiat, & quamquam aliqua ex iis, quæ ab AB egrediuntur, per latera prius ingrediantur, quam ad extremum DC refluant, non idcirco minuitur numerus corpusculorum, quæ per DC in ferrum se insinuant; quod ut diximus, ab eorundem laterum

E

poris

poris alia emittuntur continuo, quæ numerum ingredientium refluant. Quibus etiam magis compertum fit AB esse polum exitus eorumdem corpusculorum. Quare ferrum magnetica virtute imbutum in tres partes dispecitur, quarum altera potissimum corpuscula admittit, altera potissimum emittit, tertia inter utramque posita admittit simul, & emittit. Ac præter enumeratas causas est etiam alia, quæ in formandis huiusmodi tribus ferri portionibus magnam sibi vindicat partem, scilicet quædam oleosa molliisque materies, qua interni meatuum ferri parietes illiti sunt. Sed intergrum mihi de illa servare constituo, postquam magnetis a ferro discrimen, quod in eadem positum est, exposuero. Quo loco de aliis etiam quæ ad ferri vorticem pertinent, deque magnetis vorticibus, quæ iisdem aliisque rationibus ostenduntur, enucleatius tractabo.

§. 66.

Interim experimentum proponam D. de Fay, ut eo magis intelligamus, quantum ad polos ferri, atque ad ejusdem vortices oblongam esse figuram intersit. Is itaque expertus est (*Mem. de l'Acad.* 1731.) globum ferreum quammaxime fieri potest rotundum & sphericum ex affricu magnetis nullam attractricem virtutem magneticam acquisivisse. Quod nonnisi rotundæ undequeque figuræ tribuendum est, quæ cum nullam aliis angustiore habeat partem, accommodata non est illi corpusculorum rotationi, qua corpuscula ex una potissimum parte egredientia ad posteriora recurrant. Quod confirmatur ex iisdem Acad. Commentariis an. 1747. pag. 329. edit. Amstelod. Ibi enim ostenditur magneticos inter, atque electricos effectus similitudo in eo, quod ad utrosque sit opus massæ ratæ cujusdam magnitudinis, oblonga nimirum & desinente in acies, quæ tamen nimis longæ non sint, atque in testem produciuntur Bose, qui in *Tentam. Elect.* pag. 83. hæc habet, *Si corpus nimia molis & utrumvis obtusum rotundatumque immediate globum tangere jubeat, paulo difficilior res succedit, plus temporis requiritur, ac longe minores vires inde orientur.* Quod experimentum simile est illius, quod se fecisse narrat Graßius Tom. XII. Comm. Vet. Acad. Petrop. in commentario inscripto: *De viribus attractionis magneticæ experimenta.* Nam §. 7. adnotat globum ferreum granorum 2798, 1 : 2, quorum 7680 conficiunt libram hollandicam, adhæsisse æquali magnetico globo, & tam parum exinde recepisse virium, ut in scobe ferrea volutus fere nullum in ea trahenda suæ vis indicium præbuerit. Sed de his alibi enucleatius. Nunc pergamus disputare de iis, quæ in hoc primo libro nobis potissimum proposita sunt.

CA-

CAPUT V.

De magnetis, ac ferri discrimine.

§. 67.

Postquam ferri frustum ea ratione, quæ modo descripta est, ex affricu magnetis magneticos vortices acquisivit, multis quidem in rebus magneti simile, non tamen verus magnes statim evasisse observatur. Hoc enim inter alia ab eo differt, quod poli magnetis ut plurimum immutabiles sunt, & quæ illius pars boream versus semel dirigitur, eodem semper spectat, nec alterius admotione magnetis virtutem se convertendi ad alterum telluris polum acquirit; at poli ferri subinde mutantur, & quod acus magneticæ extremum ad alterum magnetis polum affricum ad boream antea se dirigebat, si altero ejusdem magnetis polo tetigeris, ad austrum convertitur. Quæ res multum torlit Recentiorum ingenia, qui plures ad eam explicandam hypotheses excogitarunt. Ego vero, ut mos est hujus ætatis Philosophorum, qui & jam inductas hypotheses fastidire cœperunt, & sine magna ratione novas induci nollent, ab hypothesibus confingendis me temperabo, & hujus discriminis explicationem non petam nisi ab iis, quæ ratione & experimentis nituntur, quemadmodum & aliis in rebus in posterum facere contendam.

ARTICULUS I.

De natura ferri.

§. 68.

An tequam vero id conficiam, opus esse video ferri naturam paucis investigare. Qua in re mihi facem præfert Cl. Lémery doctissimus filius, qui in intimam ferri structuram diligentissime inquisivit, duasque præcipuas ejusdem partes, alteram terrestrem & siccam, alteram oleosam & crassam certissima compertit. De parte oleosa his experimentis certiores nos facit *Mem. de l'Acad. 1705. pag. 119. edit. Paris.*

2. Primum enim scobis ferrea supra facis flammam projecta inflammatur continuo; inflammatio autem oleosas crassasque particulas arguit.

3. Deinde chalcantum Martis more communi artefactum ex ferrea scobe, & spiritu chalcanti ad ignem vehementem distillatum, spiritum acidum emisit, qui commune sulphur ita redolebat, ut nares ferre non possent. Quod ex destillatione reliquum fuit materię,

E 2

idquo

Idque rubri coloris, & multum adhuc sulphure redolens, in crucibulo positum ad vehementissimum ignem magnum sulphuris odorem effudit; & denique rariot facta materies, & in calcem redacta nigri coloris facta est. Sulphur autem, quod ex spiritibus acidis & oleosis componitur, argumento est autem in ferro particulas oleosas fuisse, cum solis spiritibus acidis imbutum, & in chalciantum conversum fuisset. Quæ res quomodo fiat, infra videbimus.

4. Interim animadvertendum est hæc eadem omnia accidisse, cum pro artefacto naturale chalciantum anglicum auctor adhibuisset; & præterea similem nigri coloris materiem supersuisset ex ferri rubigine, quæ in minutissimum pulverem comminuta, & in crucibulo posita ad ignem æque vehementem, ac alia duo corpora, applicata fuisset.

5. Præterea vapor sulphureus, qui cum in dissolutione chalcianti exhalat, facile inflammatur, instar fulminis reboat, & aliquando etiam brevi tempore adurit, aliud non leve ejusdem olei, quod in ferro est, suppeditat argumentum.

§. 69.

In tetrestri vero & sicca parte ferri ostendenda cur immoremur, necesse non est: nam posteaquam oleosa materies distillatione atque dissolutione educata est, nigra & dura, quæ superest, ipsis subjicitur oculis. Sed facere non possum, ut silentio præteream observationes Hombergi, quibus sententia Lemery confirmatur. Is in *Mem. de l'Acad.* 1706. pag. 159. edit. Paris., exigua ferri igniti frustra exposuit foco speculi ustorii (qui modus in fundendis metallis, & in observationibus chymicis faciendis ab homine adhibetur) & contraquam accidat in aliis metallis, quorum integræ massæ simul paulatim liquefiunt, primo & statim in superficie ferri nigram quamdam, uti picem, materiem fusam observavit, quæ ab alia substantia alba & liquatu difficiliiori optime distinguebatur; quæque aliquando nisi post integrum circiter horæ minutum (auctor habet *un bon misere*) non incipiebat liquefcere.

2. Qua liquatione absoluta tum primum advertit nigram materiem cum carbonibus, quibus ferrum impositum est, copulari, inflammari, valde cito pervadi, exsilire in favillas crepitantes instar ferri candentis in fabri ferrarii fornacula, atque manantes e quamplurimis bullulis, quæ carbones ubique operiebant; easque favillas initio majores & valde multas ita magnitudine, & numero sensim immiuitas fuisse, ut denique ferrum nullas amplius egerit scintillas, & solum penitus conquieverit.

3. Quibus sit certum esse in ferro materiem quamdam crassam, oleosam, atque inflammabilem, aliamque ab ea distinctam, quæ
ignem

ignem non concipit ; & saltem verosimile est primum esse nigram illam, quæ simul ac foco radorum solarium ferrum obiectum est, solvitur, propterea quod tum primum fufum metallum scintillas agit, cum nigra materies carbonæ incipit tangere ; posteriorem vero esse illam albam, quæ loco ultimo funditur.

4. Cum vero laudatus auctor ferrum in crucibulo positum speculo ustorio fundebat, alba materies a nigra discernebatur, illa imam partem, hac summam petente, nec ullæ scintillæ exsistebant : & postquam materies fusa refrixit, prior pars dura facta fuit ut chalybs, & si frangeretur, intus subflavi coloris, & aliquando etiam albi apparebat ; posterior autem in scorias redacta, tenera atque friabilis observata est.

5. Nec prætermittendum existimo aliud ejusdem Hombergi experimentum, quod & singulare est, & usui nobis erit. In argentum liquatum immerfit ferri frustum, & sola materies nigra liqua facta est, eaque defluens ex summa parte ferri cum argenti fusi massa commixta. Quod reliquum fuit e ferro, uti spoliatum parte oleosa atque inflammabili, quæ solutionem promoveret, difficillime funditur. Argentum vero subnigrum fit, & facile frangitur.

§. 70.

Atque hæc duæ ferri partes, altera terrestris & sicca, altera oleosa & inflammabilis, ab aliis etiam auctoribus certis confirmantur experimentis. Auctor eximii libri *Nuovo Corso di Chimia secondo i Principj di Newton, e di Stahl* Venetiis 1750. differens de ferro §. 57. narrat Becherum ex argilla, quæ a magnete minime attrahitur, & ex sulphure ad violentum ignem formasse verum ferrum, quod a magnete attrahebatur, & §. 12. hæc duo principia pluribus probat, & præsertim ex eo, quia ferrum ultum atque vitrificatum & inflammabili principio spoliatum, formam amittit metallicam, & a magnete non allicitur, & si rursus vivificetur commixtione sulphuris ad validum ignem, easdem proprietates recuperat. Cl. quoque Galeatus in *Com. Bonon.* tom. 2. p. 2. pag. 27. a se factis experimentis didicit primum ferream substantiam, dum a nimia acidorum copia, vel aliarum diversi generis particularum conjunctione irretita & veluti abscondita est, nullum ad magnetem incurrentem in sensus motum edere, ut contingit non solum in erocis & præsertim suo, qui ex solutione ferri in aqua forti & per oleum tartari præcipitati conficitur, verum & in ipsa chalybis scobe simplici aqua humectata, & per lapidem porphyritem rite trajecta ; deinde easdem ferri præparationes per sulphurum, sive oleorum a conjunctionem vi ignis iterum reviviscere, ita ut a magnete trahantur. Mitto alios Chymicæ artis Scriptores, qui omnes hac in re conveniunt.

§. 71.

§. 71.

Sed ad Lemeryum revertor, & plura discrimina, quæ ferrum inter atque illas tres massas dissolutioni superstites cum eodem adverto. Primo earum particulae in mortario tunæ confringuntur, cum e contrario frustula ferri complanentur: quo conficitur ferri ductabilitatem oleosis corpusculis esse tribuendam.

2. Deinde illarum scobs cum super flammam projicitur, ignem non concipit, uti ferrea concipiebat. §. 69. n. 2. Quæ res & argumentum inde ductum confirmat, & Hombergi opinionem. §. 70. n. 3.

3. Præterea cum ferrum aquæ fortis, aut spiritus nitri admixtione vehementer fermentescat; illæ, de quibus loquimur, massæ nullum exhibent fermentationis indicium.

4. Denique hæ massæ in locis situlentis, aut in aquis rubiginem instar ferri non obducunt.

5. Demum succi aliqui dulces, & acidi, qui a ferro & a chalybe, infecti multo eorundem colore, brevi tempore effluunt, nihil ex dictis materiis abradunt; nisi quod materies ex rubigine ducta aliquem ex his succis levi colore tingebat.

§. 72.

Ex his autem experimentis concludo id, quod maximo nobis futuum est in explicandis magneticis ferri phænomenis, scilicet oleosas particulas in ferri meatibus esse, ac eorum parietibus adhærere, easque facilius aliis a tota ferri substantia divelli & abradi, quod connexio molecularum olei cum terrestribus atque siccioribus minor est connexione, qua terrestres ipsæ inter se copulantur. Quod ad primum attinet, res ita conficitur. Quæ spirituum acidorum particulae ferri meatus pervadunt (nec enim substantiam ipsam penetrare possunt) illæ moleculas olei ab aliis ferri partibus decidunt, cum iis in unum sulphuris corpus concresecunt, easdemque accedente calore secum foras abripiunt. Eadem igitur oleosæ moleculæ in ferri meatibus sint, eorumque parietibus adhæteant necesse est.

2. Video quid contra dici possit acidorum spicula non solum ingredi in poros, qui in ferro jam sunt, sed qua pollent vi, novos sibi aperire. Quare ad alia me verto, quæ nullum dubitandi locum relinquant. Itaque succi dulces & acres vegetabilium vel solos ferri meatus pervadunt, vel non multos e novis effodiunt. Nam ferri substantia, quod longum etiam tempus iisdem immersum fuerit, eadem nostris oculis esse videtur, & ejusdem fere ponderis est, atque ductabilitatis: quæ omnia notabilem partium corrosionem in novorum effusione pororum non fuisse factam evincunt.

Jam

Jam vero hujusmodi succi magnam e ferro tincturam & brevi tempore educunt §. 71. n. 5. Sunt autem oleosæ particulæ, quæ suc-
cos conficiunt. Siquidem iis in ferri solutioneeductis succi nullo
colore tinguntur §. 71. n. 5. Magna ergo pars olei, quæ hujusmo-
di succis solos fere meatus exiguo saltem tempore penetrantibus
extrahitur, in ferri meatibus est, & ad eorum parietes adhærescit.
§. 73.

Idem hoc experimentum alteram etiam partem confirmat; nam,
uti notatum est, succi dulces & acres brevi ac facillime non pa-
rum olei ex ferri meatibus deterunt. Quare magna esse non po-
test oleosarum particularum cum aliis conjunctio. Præterquamquod
nonne statim ac pulvis ferrens, & præsertim chalybeus flammam
tangit, illuminatur & ardet? Atqui crassa & oleosa materies ea
est, quæ concipit ignem. Cum ergo tam facile illum concipiat,
saltem plurimarum ejusdem particularum cum aliis siccioribus &
minime inflammabilibus non arcta connexio est, & illæ facile ab
his disjunguntur.

2. Adde mollem oleosamque substantiam in solius ferri ad ustori-
ii speculi focum solutione statim ac prius aliis rigidioribus par-
tibus liquatam &eductam fuisse §. 70. n. 1. Quamquam radii sola-
res quidpiam amplius e ferro, quam nostras ignis per acidus spi-
ritus, trahant. Nam quæ restat e solutione per radios materies,
toto cælo distare a ferro videtur. Quæ vero ex fusione per ignem,
colorem & alias ferri qualitates retinuit: ea fortasse de causa,
quod acidi spiritus non totum oleum, in quo niger color est §. 71.
n. 5. sed illam solum ejus partem, quæ poros implet, & debiliori
vinculo cum aliis copulata est, eduxerunt.

3. Verum quod magis facit ad ea, quæ infra dicturi sumus, est
ferri sensibilis mollities, humiditas, ac ductabilitas præ iis massis,
quæ oleo exutæ, duriores fiunt, sicciores, atque friabiles. Hic
enim videre mihi videor oleosas moleculas, quibus illæ ferri qua-
litates merito acceptæ referuntur §. 71. n. 1. totam ferri substan-
tiam pervadere, & omnes occupare meatus, & angustiores effice-
re, atque, sub propria quasi mollis forma materiæ, cum terrestri-
bus siccisque particulis ita parum tenaciter esse conglutinatas, ut
acidorum particulæ, quæ ferri meatus subierint, eas facile ab aliis
excident, & alia tenuissima effluvia saltem ultero citroque versare,
& eam versus plagam, quam perierint, insectere ac dirigere possint.

§. 74.

Quanam vero ratione spiritus acidi oleosam crassamque mate-
riem e ferro decident, & igne accedente e poris educant, quod
hactenus ut experientia notum assumimus, nunc operæ pretium
est

est explicare. In hoc enim non minus, quam in iis, quæ modo exposuimus, multum momenti est ad magnetis, ac ferri phænomena intelligenda. Itaque spiritus acidi permixti oleo fermentescunt & in unum coeunt tertium corpus, quod nec est adeo acre, ut acidus spiritus, nec adeo unguinosum, ut oleum, sed ex utriusque qualitatibus concretum est, ac sulphur appellatur. Quæ chymicis experimentis constare Lemeryus affirmat (ibid. an. 1705.). Quocirca spiritus acidi postquam vi quoquoersum, qua ut fluida corpora pollent §. 36. suisque aculeis in ferri poros se intruserunt, eadem vi in oleosæ materiæ, quicum magis conglomerari amant, eo quod ab eadem magis attrahuntur, poris aculeos contendunt infigere, ac ideo illam concutunt, atque a terrestri ac solidiori ferri portione, quicum nec valde tenaciter conjuncta est §. 73. divellunt. Nec vero quisquam hic nos infimulet, quod iis vocabulis utimur, quæ proscriptum a Philosophis materiæ appetitum redolere videntur. Non enim in animo est hic exponere modum, quo corpora fermentantur; id enim nos nimis in longum protraheret. Sed volumus tantum ex fermentationis natura, quæ experimentis fit certa, & jam ab aliis Cartesiano aut Nevvtoniano, quem sequimur, more exposita fuit, rationem deducere, cur acidi spiritus, quos experimentis notum fit cum oleo fermentari, particulas oleosæ ab aliis avellant.

§. 75.

Jam vero si ferrum in vase recurvo ad ignem distillatur, corpuscula ignis poros subeuntia ferri se in oleum acidis mixtum conjiciunt, & quamvis terrestrem solidioremque portionem non solvant, quod ejus particule sunt inter se tenacius conglomeratæ, §. 73. tamen oleosam, atque salinam jam cum aliis non adeo firmiter copulatam §. 74. liquefaciunt, & vi quoquoersum continuo quasdam in ea bullas aliis fluidis partibus rariores, quemadmodum res exponitur in ebullitionis tractatu, progignunt. Quæ bullæ secundum hydrostaticæ Leges ad ferri superficiem emergunt, & si leviores ipsomet quoque aere sint; sunt autem illæ omnes, in quibus aer ab igne valde rarefactus est; in ipsamet atmosphæra sublimæ feruntur.

§. 76.

Sed quoniam in distillatione terrestres solidioresque particule nequam funduntur, quia non adhibetur ille ignis, qui firmiorem earum texturem solvere possit: ideo multæ sulphuris, sive olei, & acidorum particule, quæ paulo majori glutine cum terrestribus sunt copulatæ, aut non liquefiunt, aut licet fundantur, se ab aliis extricare, & evadere ad superiora non possunt. Quo fit ut quod

quod remanet sulphur, liquatione per omnes poros diffusum, & fortasse pluribus etiam permixtus ignis corpusculis, quæ a spiritibus acidis se expedire non possunt, suo colore, scilicet rubro, massam reliquam imbuat.

§. 77.

Quamobrem ad maiorem olei & acidorum spirituum copiam extrahendam est excogitanda alia ratio. Est autem massæ totius per ignem vehementissimum fusio. Cum enim in ea solvatur omnium nexus particularum, unde solidum corpus existit; oleosæ & sulphureæ jam ab aliis extricatæ & facilius in bullas resolvi possunt, & facilius sursum evadere.

§. 78.

Quæret hic aliquis, cur in fusione ferri per ignem, quod acidus spiritus antea non imbibere, oleum a terrestri materie ebulliendo non secernatur, cum omnium particularum divisio id requirere videatur, & alioquin radii solares in foco speculi ustorii collecti illud ab aliis partibus extricent. §. 70 n. 3. Cujus quæstionis ut solutionem aliquam sin minus certam, saltem verosimilem demus, animum advertamus ad diversarum ignium naturam, qui fusionis utriusque sunt causæ effectrices. Radii solares sunt ignis purior ac defæciator, vegetior atque subtilior igne nostrati, qui ex partibus diversi generis concretus est. Quamobrem ille per omnes arctissimos ferri poros se insinuat, & illius subtilissimæ particulæ in singulas quasque exilissimas ferri particulas incurrunt vi quoquoeversum, ut earundem texturam dissolvant. At majores ignis nostratis particulæ non possunt nisi in particulas quoque majores ferrum solvere: ea ferme ratione, qua limæ ferrum polientis denticuli, quo majores sunt, eo majora deterunt e ferro ramenta; & quo minores, eo minora.

2. In metallis autem omnibus, quæ fundi possunt, alia est textura partium, quæ specie differunt inter se, quæque metallum ut tale corpus constituunt, alia partium, quæ sunt ejusdem generis & similes, quæque metallum ut corpus solidum faciunt. Illæ minores sunt his, quod harum vinculum solvi, & metallum e solido in fluidum transformari potest, quin earum conjunctio de medio tollatur, & metallum talis speciei esse desinat.

3. Itaque cælestis ignis particulæ quæ ut subtiliores solida in exiliores particulas resolvere possunt, initio texturam minimarum particularum ferri quæ dissimiles sunt, oleosæ nimirum portionis cum terrestri dissolvunt; quæ a solidioris avulsæ complexu a tam vegeto igne, qualis est e solaribus radiis collectus, facile funditur, & quidem priusquam tenacius gluten, quo terrestres inter se

F

aptæ

præ sunt atque conjunctæ, solvatur. Cumque igne fusa illa materies rarefiat, cur ad summum ferri libramentum emergat, intelligitur.

4. Quia vero nostras ignis crassior est, non potest nisi majorum particularum, quales sunt illæ, quarum in nexu soliditas ferri posita est, texturam solvere, & ferrum e solido in fluidumvertere. Unde cum oleosæ particulæ in ferro fuso cum aliis adhuc nectantur, ab iisdem secerni non possunt, nec tamen leviores se supra alias efferre, ut accidit etiam in vini particulis, quæ cum aqua tamen graviori permixtæ sunt. Aliquod ergo instrumentum desideratur, quo ante ab aliarum complexu avellantur, quam ferrum igne nostrati fundatur.

5. Id vero spiritus acidi præstant §. 74. cum oleosæ ab aliis fermentatione disjungunt. Quamobrem ut maxima vis acidorum se in ferrum intrudent, eo plurimas portionis oleosæ particulas extricabunt a ceteris, & accedente vi caloris & ignis sursum abripiant. Sin autem acidorum numerus, aut vehementia minor sit, minor olei pars extrahitur, & admoto igne e ferro educetur, maiorque in ejus poris supererit.

6. Cum vero spiritus acidi, qui per aerem ultro citroque feruntur, quique ferrum rubigine obducunt, neque vi, neque numero sint comparandi cum iis, qui aut sponte & natura in montium visceribus, aut arte in vasis ad illum usum comparatis ferri meatus pervadunt, & in chalcantum qua naturale, qua artefactum transmutant: iccirco in rubigine etiam post factam igne vehementissimo dissolutionem major, quam in aliis duabus materiis, oleosarum copia particularum supererit, quæ per aculeatas acidorum particulas ab aliis ante decisæ &eductæ non fuerant, quæque idcirco nonnullos succos residuæ ex rubigine fusæ materiæ poros subeuntes colore aliquo inficiunt. §. 71. n. 5.

7. Non eo tamen inficias e solo ferro per ignem fuso educi particulas olei; propterea quod plures sunt, quæ parum tenaci glutine cum terrestribus colligantur §. 72., quæque idcirco, ut satis per se ab aliis divulsæ, sine adminiculo spirituum acidorum in bullas ab igneis corpusculis resolvuntur.

ARTICULUS II.

De natura magnetis, & de ferri in magnetem conversione, unde utriusque discrimen eruitur.

§. 79.

QUæ hæcenus ad explicandam ferri naturam allata sunt, illa viam nobis muniverunt ad intelligendum discrimen, quod in-

inter magnetem, ac ferrum intercedit; quodque in eo positum est, ut cum ferrum virtute magnetica imbutum terrestri solidiorque materie magneti simile ac idem sit, corpusculis crassis ac oleosis a magnete discrepet. Res primum conficitur ex eo, quod quæ materix ex rubigine atque ex chalcanto dissolutioni superfuit, illæ colore, siccitate, friabilitate, aliisque proprietatibus magneti simillimæ sunt. Quod vero majus addit huic rationi momentum, hæc similitudo etiam est in iis magnetis qualitatibus, quæ inter magneticas enumerantur. Quamquam enim neque rubigo, neque chalcantum, nedum quamdiu chalcantum est, sed nec postquam in illam rubram substantiam distillatione conversum fuit §. 69. n. 3. a magnete, aut a laminis non exigua virtute magnetica imbutis attrahuntur: tamen ut major alia pars oleorum una cum spiritibus acidis dissolutione e ferri poriseducta est, ille, qui restat pulvis, vi attractrice magnetis ad eundem abripitur. Ita enim sibi rem successisse testatur toties laudatus Lemeryus, qui etiam fatetur, re diligentius inspecta, frustum vectis sacre Turris Carnutensis in magnetem conversi, quod apud eum erat, sibi illud ad trutinam chymicorum tentaminum exigenti visum fuisse nihil differre nec ab ordinario magnete, nec a ferro, quod oleosa parte exutum fuisset. (*Mem. de l' Acad. 1706. pag. 135. edit. Paris.*)

§. 80.

Unde aliud pro nostra sententia argumentum deducitur. Nam ferreus vectis eductione oleosæ materix per calorem perque acidus spiritus verus magnes evasit. Quoniam vero in hac re maximum hujus sententiæ præsidium est constitutum, eam susius & enucleatius tractare mihi certum est.

§. 81.

Quem in finem non pigeat historias instrumentorum ferri, quæ in magnetem conversa sunt, & observationes asserre litteris mandatas ab iis, qui aut eas habuerunt, aut de viris omni fide majoribus acceperunt. Itaque in Historia Acad. an. 1731. (pag. 20. edit. Par.) hæc referuntur. Cum D. Chevalerus Machinator Masiliæ ascendisset ad summam turrim supra collem erectam, ubi æs tinniens sex pedum diametri duobus innitebatur ferri vectibus, quorum longitudo trium orgyrum erat, crassities duarum cum dimidio, quique intra parastaras, sive pilas lapidis, qui facile scindi potest, annis ab illinc 420, ut urbis monumenta testantur, in situ ad finitorem parallelo ab oriente occasum versus collocati fuerant; sed observavit ad extrema vectium intra parastatas crassitiem quandam rubiginis, ex ferro atque ex lapide formatam, excitamque materiem virtute magnetica imbutamprehendit.

2. Cujus duo frusta D. de Fay Regiæ obtulit Academiæ, eaque ex omnibus partibus ferream scobem satis æqualiter attrahebant. Intrinsecus erant coloris allati e Sina magnetis: ac postquam elaborata ac polita fuerunt, rubiginis species evanuit, & perfecti magnetes, atque friabiles massæ exstiterunt.

§. 82.

Tomo autem X. Commentariorum (pag. 734.) refertur ex Galsendo in Vita D. Peireskii crucem ferream in Turri sacra D. Joannis Aquis-Sextiis in Provincia fulmine dejectam fuisse, partemque inferiorem, quæ in lapidem compacta erat, ferruginosa crusta, quæ vi trahendi magnetica multum pollebat, fuisse circumdatam.

2. Ibidem narratur materiæ frusta, quæ in Turri sacra B. MARIÆ V. Carnutenfis intra petram ex vecte, quo lapides colligabantur, formata fuerant, colore, gravitate, virtute magneti omnino similia fuisse; ea vero ferruginosæ materiæ frusta, quæ extra petram, tamen aliis prorsus similia forent, qualitate ferri attractrice caruisse.

3. Addunt eam materiem ferro duriores, neque ferri mutationem tantum fuisse, sed etiam vegetationem & molis augmentum. Ubi enim inventa est, inde alios lapides repulerat. Quod ultimum quale sit, deinceps videbimus.

4. Quemadmodum & rationem examinabimus, cur plurium illius virtute magnetica donatæ materiæ frustorum, quæ ad Academiam allata sunt, poli non secundum longitudinem, ut in ferro contingit §. 39. sed ut ibidem narratur, secundum vectis latitudinem fuerint. Qua in ratione reddenda futurum esset facilius ut in scopum collinearimus, si votis Academiæ scire aventis situm ferri & polorum intra turrim satisfieri poruisset. Verum preces Academicorum eo tum allatæ fuerunt, cum jam turris diruta fuerat.

5. Ceterum ex iis ipsis frustis, quæ pondere, colore, ac soliditate magneti quamsimillima prope lapides quibus adhærebant, formata fuerant, vix septima, aut octava pars virtute magnetica instructa fuisse ibidem subjicitur. Immo Cl. Hirius Major, qui hæc de Carnutenfi magnete litteris tradidit, monet ex veterum ædificiorum ruderibus collegisse quamplurima ferri frusta, aut intra cæmentum, aut intra lapides conclusa, quorum ne quidem unum attrahendi virtutem habebat, aut affricu ad optimum magnetem acquisivit, tamen forent iis prorsus similia, quæ eadem virtute maxime pollent.

§. 83.

De eadem ferri in magnetem conversione Cl. Hirius Minor (*Mem. de l'Acad. 1705. pag. 105. edit. Paris.*) refert Patrem anno 1745

in-

intra lapidem erutum ex illa lapidicina, unde turrim Carnutensem constructam fuisse didicerat, secundum magneticorum terræ corpusculorum cursum quamplura posuisse ferrea fila, quorum alia ante ab eo virtute magnetica imbuta fuerant, alia secus: decem post annos quædam solummodo a se, arque a Patre inventa fuisse rubigine obducta, quamvis eorum diameter unius tantum uncie, sive lineæ longitudinem æquaret: ea tamen omnia sive omnino, sive ex parte in rubiginem versa, sive magnetica vi a principio instructa fuissent, sive secus, & simul ab aliis illa imbutis duos pollices procul mansissent, magnam virtutem magneticam contraxisse.

2. Ipse vero Hirius Major de filis ferri hæc habet (Ibid. 1717 pag. 275), „Ferrum rubigine in magnetem convertitur, ut videre
„est Aquis-Sextiis in Provincia, & Carnuti in Turri S. M. Virgi-
„nis; quod me adduxit, jani vigesimus quintus, aut trigessimus
„annus est, ut intra lapidem similem illius, quo Turris Carnuten-
„sis extructa fuit, plura ferri fila secundum materiæ magneticæ
„cursum infigerem: quæ cum virtute magnetica continuo imbuta
„fuerint, in lapidem rubigine versa sunt, & magnetes evaserunt.”

3. Idem accidit in ferro, quod plures annos in aere suspensum mansit.

§. 84.

Porro ex his experimentis atque observationibus firmissimum meo quidem judicio pro nostra, sive ut verius loquar, Lemeryi sententia ducitur argumentum. Nam inde concluditur ferri in magnetem conversionem eodem fere contingere modo, ac chalcantum atque rubigo in eas materies, quas magnes attrahit, convertuntur: primo scilicet ferrum acidis pervadi spiritibus, qui aut per aerem quolibet volitant, ut saltem in ferro suspensio §. 83. n. 3. fieri oportuit, aut ex lapidibus, in quos cruces §. 82. n. 1., ferrei vectes §. 82. n. 2., & ferrea fila §. 83. n. 1. compacta fuerunt, exsulant: tum spiritus acidus cum oleosis ferri corpusculis coherescere, fermentari, illa decidere ab aliis, quibus sunt conglutinata moleculis §. 74. Deinde calore solis, aut ignium subterraneorum eosdem spiritus acidos una cum oleosis corpusculis, quibuscum in unum corpus coaluerunt, e ferri poris extrudi & extolli, & ferrum bona parte olei exutum restare. Denique per magnetica effluvia, quæ ubique terrarum ab uno ad alterum polum perpetuo fluunt, quod infra ostendendum, nunc experimentis satis notum assumimus, in verum & constantem magnetem converti.

§. 85.

Primum ipsismet oculis subiectum fuit, nam in omnibus ferri in magnetem conversionibus rubiginem observavimus. Rubiginem autem

tem per acidis spiritus ferri meatus pervadentes fieri certum est. Ea siquidem chalcanti similis est, nec nisi ut imperfectum a perfecto, differt ab eo; quod tum ex coloris similitudine conficitur, tum ex allatis §. 69. experimentis, in quibus ex chalcanto naturali & artefacto perinde, ac ex rubigine, sulphur, quod ex acidis, atque ex oleis conrescit §. 74. educi, easdemque superesse materies notavimus; chalcantum autem a spiritibus acidis oritur. Igitur & rubigo ab iisdem originem habet, & ante ferrum acidis penetratur, quam obducat rubiginem.

2. Deinde magnes chalcantum non trahit; quod ab acidis spiritibus. repetendum est, quibus. pori, qua effluvia magnetica transeant, obstruuntur. Quod tamen alibi declarabitur enucleatius. Idem magnes materiam, quæ dissolutioni superest, trahit, quod acidi spiritus e meatibus. evolarunt. In rubigine autem utrumque contingit. Amissio igitur, & recuperatio virtutis, qua trahi possit, spirituum acidorum ingressum primo, & deinceps egressum evincunt.

§. 86.

Alterum quoque ex superioribus constat. Nam acidi spiritus ita comparati sunt a natura, ut cum oleosis particulis conjungantur, & fermententur §. 74. sed in ferri meatibus oleosæ particulæ sunt §. 69., 72., & facile a terrestribus avelli queunt §. 73. Igitur acidi spiritus, qui ferri meatus pervaserunt §. 85. cum oleosis particulis concresecunt & fermentantur, easque ab aliis avellunt, & sulphur efformant.

§. 87.

Quibus etiam tertium conficitur; nam sulphur vi ignis, atque caloris e ferri meatibus ad summum libramentum attollitur §. 75. 78. quia scilicet igne liquefit, & in bullas aliis leviores resolvitur. Sed quas bullas vehemens ignis chalcanto & rubigini subiectus statim gignit, eas saltem minores radii solares, & ignes subterranei longiori tempore gignere possunt. Non enim ad sulphur extrahendum totius massæ ferreæ solutione opus est; cui faciendæ saltem radios solares ita dispersos, uti nunc sunt, impares esse nemo non videt. Sed una sufficit distillatio, qua tamen si durior & sicciior ferri portio solida manet, mollior tamen, & oleosa in bullas attollatur. §. 75. Quamquam autem in distillatione chalcanti per ignem nostratam non tot educti fuerint sulphurei & acidi spiritus, quot ad effluvia magnetica per materiæ reliquæ poros libere transmittenda, atque ad eam a magnete attrahendam opus erat: §. 76. nihilominus in distillatione rubiginis per subterraneos ignes perque radios solares illud timendum non est.

2. Nam chalchantum eo differt a rubigine, quod ejus pori multo pluribus particulis acidis oppleti sunt: quod ex origine utriusque facile intelligi potest. Quamobrem ad acidos spiritus ita ex rubigine extrahendos, ut sufficientem corpusculorum magnetis copiam rubigo suis in poris suscipere possit, minor vis, qualem in distillatione ignis exserit, satis esse potest; quamvis ea non sufficiat in distillatione chalchanti. Et revera Lemeryus eo loci, quod de rubigine loquitur, eam a se distillatam ante fusionem fuisse diserte non meminit.

3. Sed fac præcessisse distillationem, & nihilominus a magnete non attractam fuisse. Num ideoconcludetur tam diuturno tempore, quale est illud, quo aut per ignes subterraneos, aut per solis calorem a rubigine acidi spiritus attolluntur, non posse fieri, quod brevi non potest? Præsertim si de solaribus radiis loquamur, qui cum ignis nostratis particulis longe puriores subtilioresque sint, in multo plures tenuissimos poros se intrudere, multo plures subtilissimas spirituum acidorum ac oleosæ materiæ particulas invadere, atque in longe minores bullas, quæ idcirco ex tam exilibus ferri poris facilius evadant, resolvere possunt. Profecto ne aliunde petam exempla, nonne ob allatas causas radii solares in foco speculi ustorii collecti, nigram & oleosam materiem liquatam e ferri poris eduxerunt, tametsi vel luculentissimus ignis eam ab alia terrestri & solidiori avellere nequeat? §. 70. num. 3. §. 78.

4. Quod vero in hac re me magis confirmat, semper quidem in descriptis ferri in magnetem conversionibus fuisse rubiginem animadverti, sed in extrema tantum superficie ferri in magnetem conversi: nam ut magnetica frustra expolita fuerunt, ferrugō omnis colorque subruher evanuit, & ejusdem coloris & soliditatis, ac alii magnetes, apparuerunt §. 81. n. 2. ut scilicet intelligeretur rubigine acidisque opus esse spiritibus non tantum ut interiorem magnetis substantiam formarent, quantum ut majorem oleosarum portionem molecularum extraherent §. 73., itaque ferrum ad mirabilem transformationem, ut infra explicabimus, disponerent.

5. Quas oleosas moleculas in ferro converso non esse, saltem sub mollis forma materiæ, nec tot numero, quot ante inerant, præter hæcenus dicta confirmatur etiam ex eo, quod hujusmodi ferrum ferro simplici durius est, §. 81. n. 2., 82. n. 3., atque omnem ductabilitatem, quam oleum ferro tribuit, amittit.

§. 88.

De quarta parte hic silentium habemus; nam infra commodior tractandi locus redibit. Hoc loco potius examinandum est illud, quod de augmento molis ferri in magnetem conversi ex como com-

commentariorum exscripsimus §. 82. n. 3. Si enim ferri moles augetur, aliis corpusculis, qualia sunt spiritus acidi, ut ex rubigine colligi potest, repleatur necesse est; nam qui producitur magnes, æquali ferri frusto ut plurimum levior non est. Quod adversatur sententiæ Lemeryi purantis acidus spiritus eatenus ad ferrum in magnetem murandum conducere, quatenus e ferro particulas oleosas erodunt, & accedente vi ignis ab ejus meatibus extrahant, non autem cum ferri particulis conglomeratos, quemadmodum arbitratu Hirijs Minor Patris vestigia secutus, eidem naturam & qualitates magnetis tribuere.

§. 89.

Verumtamen causam suscepturus Lemeryi, eam végétationem ita explicare possem; antequam ferrum intra lapides, quibus undique tangitur, magnes fiat, ex lapidum meatibus spiritus acidi erumpunt; qui ferri poros ingressi cum oleosis particulis copulantur, & cum iisdem concreti etiam a ferri meatibus exeunt, & superficiæ adhærescunt, atque in ferruginosam crustam compinguntur. Cum vero inter ferrum, & lapides circumpositos nihil vacui spatii intercedat, imperum in eos lapides faciunt, & e loco deturbant. Quo pacto nullum sit ferri incrementum, sed unius interpositæ ferruginis; immo hæc denuo existit concreta ex duplici genere corpusculorum.

§. 90.

Ceterum ob rationes, quæ mox afferentur, aliquid Hirijs in hac re concedendum existimo, si modo hæc duo ramquam omnino certa ipsi etiam mihi assentiantur, alterum non esse in ferro in magnetem verso ejusque meatibus eam acidorum copiam, quæ in chalcanto, atque in rubigine est; secus enim ad subrubrum accederet colorem, & non modo nullam trahendi virtutem acquireret, verum nec a magnetibus attrahi posset §. 79., alterum vero nec esse in eodem tantam oleosarum molliumque particularum vim, quam in simplici ferro existere experimentis confecimus, aut saltem particulas oleosas, quæ reliquæ sunt, non remanere in ferro tales, quales §. 73. descripsimus, nimirum ut a ferri, quibus adhærescunt, parietibus facile divelli queant, ut ipsis fere sensibus molles sint, ut molliem atque ductabilitatem ferro tribuant. Cum enim ferrum in magnetem conversum nullo colore succos dulces & acidus tingat, cum in laminas diduci amplius non possit §. 82. n. 3., cum denique ferro durius §. 82. n. 3., & simul friabile fiat §. 81. id argumento est, si quæ restant oleosæ particulae, aut n. mium paucas esse, quam ad hæc omnia præstanda opus sit, aut quominus illa præsent, alicunde impediri. Unde autem

rem oriatur impedimentum, in exponendis, quas modo polliciti sumus rationes, videbimus.

§. 91.

Quarum primam supra tetigimus §. 81; nam magnes, aut ferrum in magnetem versum sin minus ferro gravius est, saltem levius non est. Cum vero in distillatione per ignes subterraneos, aut per solares radios partium ferri duriorum textura soluta non fuerit, a vero abest illas solidas partes ad se invicem propius accessisse, quo locum ab oleosis relictum opplerent. Igitur fieri non potuit, ut bona pars oleosarum eruperit, quin aliæ in earum locum successerint. Aliter enim pondus non parum imminutum fuisset. Quæ vero successerunt, acidas fuisse ferrugo evincit in omnibus conversionibus observata §. 85; ferrugo enim oritur a spiritibus acidis, qui cum oleosis copulantur. Quod ex superioribus compertum fit, & ex eo potissimum loco, in quo materies oleis spoliata nullam ab acidis contrahere ferruginem cum Lemeryo observavimus §. 71. n. 4. Ergo acidorum aliqua portio superest in ferri poris, quod in magnetem conversum est.

2. Quidquod modus, quo ferrum in magnetem convertitur, nos in ejusdem rei cognitionem inducit? Id enini fit distillatione per ignes subterraneos, perque radios solares §. 87; per distillationem autem minor sulphurearum copia particularum educitur §. 76., quamvis tot posse educi, quot ad effluvia magnetica transmittenda opus est, ostenderimus: ergo spiritus acidi in ferro supersint oportet.

3. Præsertim cum vi solarium radiorum hæc conversio fit. Cum enim noctu suam vim isti non exerant, toto illo tempore alii spiritus acidi in ferri meatus ingredi facile possunt, qui locum teneant saltem aliquorum ex iis, qui calore solis interdiu sublati fuerant.

4. Immo vero tametsi calor continuus foret, uti fortasse est; cum subterraneis ignibus ferrum pervaditur, tamen quia conversio longissimo tempore perficitur, alii spiritus acidi continuo summitti possunt, quibus fiat, ut transformatione perfecta plures acidi spiritus simul cum oleosis particulis, quibuscum in sulphure coalescere, in magnete permaneant.

§. 92.

Unde illud intelligitur etiam, quod sub finem dicebamus paragraphi nonagesimi primi. Hinc enim concluditur in ferro, quod magnes evasit, superesse quidem oleosas particulas, quæ adhuc ferri meatuum parietibus adhærescant, sed non solas, ut in simpliciter ferro, verum cum spiritibus acidis copulatas, quibuscum in unum

G

ful-

sulphuris corpus concreverunt. Sulphur autem mollis corporis formam non habet, sed potius consistentis ac duri. Igitur quæ resstant oleosæ particulæ, suam amiserunt molliem, & in duriusculum corpus evasere. Quapropter nec ea possunt facere in ferro mutato, quæ antea propter illam sub sensu cadentem molliem faciebant. Nec a pororum ferri parietibus facile queunt amplius avelli, quod quæ oleosæ ac acidæ particulæ debilius cum terrestri ferri portione conjunctæ erant, illæ caloris virtute jam eductæ fuerint; quæ vero superfuerunt, sunt ex numero illarum, quæ cum eadem tenacius conglomerantur. Ceterum in aliquibus magnetibus esse oleosas particulas ipsamet experientia compertum facit. Nam Musschenbroechius (*Essai de Phys.* tom. 1. §. 559.) expertus est aliquos magnetes in igne exsiccari, & perinde ac si pulvis pyritus in inflammatum fuisset. Quænam vero sit figura, & quinam sit sulphureæ portionis, quæ in magnete restat, ejusque meatuum parietibus adhærescit, pro virili parte examinabimus. In his enim latet mysterium, quod hujus capituli initio de immutabilitate polorum magnetis terigimus, & ratio, cur alia ferri frustra spiritibus acidis imbuta in magnetem vertantur; alia nequaquam. Id quod tum sequenti capite, tum alibi præstabo.

CAPUT VI.

De discrimine polorum magnetis ac ferri.

§. 93.

Satis mirari non possum, ex tot præstantissimis Philosophis; qui ab hujus ætatis anno sexto, cum toties laudatum Lemeryi Minoris commentarium lucem vidit, ad hanc usque diem in examinandis magnetis phænomenis diligentissime versari sunt, neminem, quod sciam, ad eadem explicanda, & maxime ad rationem afferendam discriminis polorum ferri, ac magnetis oleosæ, ferri portione etiamnum usum fuisse. Præsertim cum hoc ipso tempore hypothesis Cartesiana mobilium in ferro villorum omnium in ore fuerit, eamque plures licet rationibus destitutam, tamen ut ferri magnetica phænomena commode explicantem amplexati sint, aliqui vero adoptatam illustrarint, & experimentis firmaverint. Nam oleosæ mollesque particulæ, quæ ad ferri meatuum parietes adhærescunt, ita mihi naturam mobilium Cartesii villorum præferre videntur, ut a cognitione unius in alterius cognitionem manu quasi duci me putem. Atque hæc non eo dico, ut de laude præstantium ingenio & doctrina virorum quidquam detraham. Multæ enim esse

esse potuerunt probabiles causæ, cur in hanc veritatem non inderint: quas inter illa præsertim, quod alii aliam hujus quæstionis partem aggressi sunt, numquam autem ad conscribendum integrum absolutumque magnetis tractatum ab eo tempore se contulerunt. Quod in omnes partes valere plurimum si non ignorant, qui res omnes inter se aptas esse atque connexas optime sciunt. Verum hæc idcirco præfatus sum, ut iis, per quos profecerim, significandis ingrati animi notam effugerem. Mihi enim illa sententia insedit ingrati animi vitium esse eos, per quos profeceris, non nominare. Quo factum est, ut id summopere studuerim, ut in hæc mea opella suum cuique semper tribuerem; ac siquid nihilominus nullis appellatis auctoribus attuli, aut tamquam mihi excogitatum conceptis verbis adscripsi, quod ab aliis jam dictum fuerit, velim lectores, ut illud a me nullo dolo malo factum fuisse arbitrentur. Nihil enim frequentius accidere solet in philosophando, quam ut in ea, quæ aliis jam cogitata fuerunt, nostro Marte incidamus: præsertim si quis instructus philosophica methodo excerpta tum ex libris matheseos, in quorum tractatibus tamquam in exemplis latet, tum vero ex Dialectica Cl. Christiani Wolphii, qui ejus leges enucleate quam qui maxime tractavit, & ex aliis ejusdem Philosophicis libris, in quibus diligenter servatæ sunt, ad philosophandum accesserit. Quamquam enim eam ob causam Wolphii methodus apud aliquos offenderit, quod minutissima quæque persequitur, & persequenda præscribit, tamen ob id ipsum miro quodam occultoque artificio eos, qui utuntur, imprudentes atque inscientes in reconditiore ducit penetralia cujuscumque disputationis. Nec ullo pacto dubito fore, ut si quis intima illius perspecta natura, omnium fere libris ablegatis Philosophorum, & experientis tantummodo exscriptis, ad exaranda in universam Philosophiam, & maxime in Physicam commentaria se conferat, pedetentim progrediendo, & in plura theoremata incidat jam ab aliis detecta, & novi s. procusis iisque melioribus demonstrationibus in suum veluti sanguinem ac succum convertat, & alia nova non parvi momenti in physicis præsertim producat. Sed de his satis.

ARTICULUS I.

De polis ferri vi magnetica imbuti & de flexibilibus ejusdem villis.

§. 94.

Nunc propius accedamus ad rem, & alterum ferri oblongi extremum alterutri polo magnetis admotum imaginemur. Cum pororum ferri parietes mollibus oleosisque particulis obiti sint;

G 2

hæc

hæc vero ad superficiem omnino lævigatam complanatæ non sint; sed, ut est natura cuiuscumque physicæ superficiæ, aliæ ipsarum promineant, aliæ subsistant; atque ob diversas ferri succussiones, quod infra declarabitur, ex prominentibus aliæ aliam plagam respiciant: effluvia, quæ a polo vicino magnetis egredientia in ferri meatus se insinuant, quorumque major pars ad alterum potius extremum, ut inde conglobata egrediantur, quam ad aliam quamcumque ferri portionem se conferunt §. 64, hæc, inquam, effluvia in eas prominentes particulas, unde meatus sunt angustiores, incurrunt, & quamvis eas extra ferrum nequaquam abripiant, propterea quod & inter ipsas, & cum solidis parietibus conglutinatæ sunt §. 78; tamen quia sunt in ferro sub mollis formæ materiæ §. 73. n. 3. & facile ab aliis avelli possunt §. 73, & ideo multo facilius in quamcumque partem versari queunt; eandem plagam versus, quam ipsa petunt, alterum scilicet versus extremum dirigunt, insectantur, ac deprimunt, oppletisque cavitatibus, & parietibus exæquatis faciliorem sibi transitum muniunt. Nec obstat quod illæ prominentes particule minimæ sint; nam etiam valde angusti sunt pori, quorum parietibus adhærent, & multo magis parva corpuscula, quæ a magnete proficiuntur. Quo fit, ut hæc in easdem incurrant particulas prominentes, & id, quod diximus, præstent. Idque præsertim quod maxime spissæ sunt, ut in quamcumque corporea planitie, vel ad speciem lævigatissima scimus accidere.

§. 95.

Atque hac ratione vortex existit materiæ magneticæ circa ferrum magneti applicatum, si modo & facilitatem, qua ferrum a corpusculis magneticis penetrari potest, & vim, qua eadem a ferro trahuntur, & ea omnia, de quibus capite tertio differuimus, concurrere intelligas. Si vero ferrum a polo magnetis amoveris, vortex quidem saltem per aliquod tempus permanere debet iis de causis, quas eodem capite expendimus: sed propter oleosas mollesque particulas fieri debiliorem oportet. Nam quæ a polo exitus corpuscula erumpunt, eorum plura per totam ferri longitudinem denuo ingrediuntur, priusquam ad extremum alterum, sive ad polum ingressus revertantur §. 64, cum vero tunc cursum teneant aut contrarium ei, quem in ferri poris tenebant §. 64, aut saltem ultro citroque ferantur abrepta a corpusculis, quæ per totam ferri longitudinem in ejus meatus se intrudunt §. 61: ordinem ac dispositionem villorum, quorum extrema mobilia exitus polum respiciunt, aliqua ex parte perturbare necesse est. Hic autem ordo amplius in integrum restitui non potest a magnetis corpus-

pusculis; quæ magna vi antrorsum a polo ejusdem erumpant, & subeuntia ferrum ab uno ad alterum extremum recta ferantur: siquidem magnes amotus fuit. Quamobrem oleosæ particulæ ita perturbatæ maneant opus est, ut scilicet non omnes illæ quæ antea polum exitus spectabant, & facilem corpusculis magneticis transitum eo versus præbebant, eodem respiciant, sed ex ipsis aliæ aliam versus plagam directæ permaneant. Quo numerus corpusculorum minuitur, quæ ad polum exitus antea consuebant, quod pro diverso villorum situ plura corpuscula ab illo polo in diversas partes deflectere compelluntur. Igitur etiam vortex imminuatur, & multo debilior fiat oportet.

§. 96.

Itaque si alterum hujus ferri extremum exempli causa crunam acus, cujus cuspidem ad polum magnetis ante affricueris, polo eidem obvertas; tum quæ magnetis corpuscula ab illo polo egrediuntur, non jam per cuspidem, ut modo, sed per obversam crunam in ferri poros se intrudere nituntur, ut ab altero extremo, nimirum e cuspide evadant. Sed in hujusmodi poris adversa habent tum extrema prominentiarum oleosæ materiæ, quæ prima irrigatione effluviis crunam versus depressa fuerunt, ita tamen ut pro natura cujuscumque superficiæ adhuc aliquantum exstant; tum primo ingressa corpuscula, quæ crunam versus feruntur; extra poros autem corpuscula eadem vorticis egredientis e cruna, qui effluvia nunc e magnete manantia ad posteriora acus, quo tendit, per aerem conatur abripere. Verum quia magnetis vortex multis partibus major fortiorque est illo, qui, amoto polo magnetis a cuspide, in acu reliquus fuit, quod præter allatam §. antecedenti rationem experimenta certa & innumerabilia evincunt: hinc omnia vincit, quæ ingressui per crunam obstant, vorticem ferri a suo cursu avellit, & per ferri poros cuspidem versus abripit potius, quam ab eo abripiatur, impetum perimit corpusculorum, quæ ingredientibus corpusculis in poris occurrunt, & eorum cursum in partem contrariam torquet, villos erigit oleosæ mollisque portionis; & etiam in aliam partem, scilicet cuspidem versus inflectit. Quo existit effluviis ab eodem magnetis polo egressorum circa acum ferream vortex, sed contraria, ac primo existebat, ratione. Nam quod genus corpusculorum a certo polo erumpentium polum ingressus in cuspide, egressus in cruna modo constituerat: illud idem nunc polum sibi fecit ingressus in cruna, egressus in cuspide. Quod ostendisse in præsentia nobis est satis. Alibi namque inde inferemus crunam, & cuspidem acus e stylo ad æquilibrium suspensæ ad alios telluris polos converter-

verti, statim ac ad eundem polum magnetis, quo antea tetigeras cuspidem, crunam affricueris.

§. 97.

Hoc systema si bene perpendatur, fere idem est, ac illa, cuius mentionem initio capitis fecimus, hypothesis Cartesiana villorum, qui altera sui parte meatum ferri parietibus infixi sunt, altera mobiles, & quoqueversus versari pro libito possint. Sed verbo absit invidia, hoc illa præstare videtur, quod alterum ex intima ferri structura has versatiles particulas esse in ferri poris ostendar, & eas quodammodo indicet; altera vero ponat eas quidem, ut magnetis ferrique phaenomenis accommodatas, sed oculis nequam subiciat. Quo factum est, ut huiusmodi mobilibus villis tamquam nimium ad libidinem in tam dura ferri substantia confictis quamplurimi assensum dare veriti sint. Cui difficultati Fayus, qui hanc Cartesii secutus est illustravitque sententiam (*Mem. de l'Acad.* 1728., 1730.) cuique plurima me accepta ferre grati animi causa profiteor, aliud nihil habuit, quod responderet, nisi existare villos in ferro concludi ex quamplurimis observationibus. Quæ tamen magni faciendæ sunt, quia rem jam per suas causas probatam per effectus confirmant. Experimentorum, quæ ab homine facta, summa hæc est; alibi enim de iisdem enucleatur. Virga ferrea, quæ nulla virtute magnetica instructa erat, alterutro extremo contra solum concusso, vel superiori per ferrum, æs, lignum, perque alia corpora percusso, duos polos in extremis acquisivit, virtutem scilicet trahendi acum magneticam non solum in situ verticali, in quo ceteroquin, ut alias videbimus, quin nulla concussio præcedat, virtutem attractricem habere observatur, sed etiam in situ parallelo horizonti, in quo alias vim nullam exferere potest.

2. Diversis autem hinc inde succussionibus virtus omnis magnetica interiit.

3. Auctor præterea virgam intra forcipem clausit, & plicando, repliendoque extremum versus inferius effregit: quo factum est ut extremum ab alio virgæ frusto avulsum magnopere attraheret non solum australem polum magneticæ acus, sed etiam non parum ferreæ scobis, quod virga solum concussa & percussa facere nequibat; alterum autem debilius polum alliceret borealem, & aliqua tantum grana attolleret.

§. 98.

In quibus experimentis mihi videor videri partes in ferro versatiles, easque virga deorsum concussa primo impetu extremum versus inferius cadere ac dirigi ea ferme de causa, qua navicula

la in ripam impacta homo stans antrorsum ripam versus procumbit. Quo fit, ut quæ magnetica effluvia ubique terrarum ab uno ad alterum polum inclinata deorsum ferri alio loco ostendimus; illa per meatus, qui versatilibus partibus eo versus directis liberum deorsum percurrendi locum præbent, majori copia ab inferiori extremo egrediantur, & formato polo circa virgam rotentur.

2. Cum vero sin minus in majoribus corporum partibus, in minimis saltem moleculis percussioni in contrariam partem reflexio succedat; partes aliæ ferri versatiles sursum versus inclinantur, iisque corpusculis, quæ sursum versus acclinata moveri alias monstrabimus, alios meatus, per quos evadant e superiori extremo, suppeditant.

3. Sin autem pluribus hac illac virgæ succussionibus situm, ordinem, & inclinationem versatiliū particularum turbemus, ut scilicet in ferri meatibus aliæ sursum, aliæ deorsum, aliæ dextrorsum, sinistrorsum aliæ inclinentur deprimanturque, tunc nulla in parte comoda via est, per quam sufficiens effluviū copia ad sensiles polos formandos ad extrema virgæ confluere possit. Quamobrem vim attrahendi, quam acquiserat, amittit.

4. Quia vero in confringenda virga plus virium impenditur; quibus distensione fibrarum deorsum major vis partium versatiliū deprimitur, atque ideo pluribus corpusculis expeditiores canaliculi obijciuntur; vegetior in illo extremo polus existit, quo non solum acum jam magnetica virtute imbutam, quod esse facilius alibi constabit, verum etiam quod difficilius est, multa ramenta scobis ferreæ trahit.

§. 99.

At enim vel duo virgæ imperus percussioni, & reflexionis ordinem particularum turbare debent; adeo ut in neutram partem magna vis corpusculorum confluere possit, vel neque plures in diversas partes succussiones easdem particulas ita permiscere possunt, ut & poli jam exstantes intereant, & novi non producantur. Nam quæ ratio ad primum explicandum assertur, illa quoque valet in alterum. Si enim illud ideo fit, quia percussione in reflexio consequitur, & per eam magis deprimuntur villi pororum, qui ab effluviis deorsum tendentibus percurruntur, non vero illi, qui ab effluviis sublime petentibus directi ad superiorem partem valde acclinata sunt, qui quæcirco potius reflexioni obsequuntur; nemo non videt hæc omnia in varias quoque succussiones posse quadrare.

§. 100.

Sed lapsum est inter utrumque discrimen non quidem in iis, quæ nota-

notata fuerunt, sed in partibus, quas versus virgā concutitur. Cum enim poli ad ejus extrema facilius formentur §. 59. & seq. depressiones villorum sursum & deorsum, versus extrema, quarum altera percussione fit, altera reflexione, ad fluxum corpusculorum eo versus, & ideo ad polos formandos valde conducunt: depressiones autem in laevam, & in dexteram, & uno verbo latera versus eidem fluxui contraria sunt. Quamquam ut verum fatear, propria hujusce phænomeni ratio aliunde perenda est, ex situ videlicet, in quo virgā percutitur, quocumque tandem modo percussio fiat. Nam si hujusmodi situs cursui effluviis terrestribus magnetis sit ita accommodatus, ut extrema versus ejusdem virgæ hæc corpuscula dirigat, qualem esse virgæ ad perpendicularum finitori insistentis, aut horizontalis quidem, sed extremis ad mundi polos conversis, infra ostendemus, poli in virgæ extremis, quacumque ratione percussio habeatur, existant. Sin autem aptus non sit, ut virgæ horizontalis, cujus extrema orientem & occidentem respiciant, nullius aut valde exiguae virtutis poli existant, tamen si secundum unam tantam directionem virgam percusseris. Id quod suo loco docebimus. Ex quo efficiemus percussione villis ferri quoque versus cieri propter omnium particularum tremum & oscillationem, villis autem ad motum excitatos, superata jam resistentia partium ferri solidiorum, quibuscum copulabantur ab effluviis magneticis versus extrema facilius dirigi atque insecti, si talis sit istius virgæ situs, ut eadem effluvia extrema versus contendant.

§. 101.

Ceterum hoc loco mihi aliorum venit experimentorum in mentem, de quibus certo statuere non possum, utrum villis oleosæ ferri materiæ plus afferant lucis, an plus accipiant. Postquam ea retulero, docti lectores dijudicabunt. In pluribus virgis aliisque ferreis instrumentis, si ad magnetem candentes affricentur, aut nullam, aut fere nullam ea comparare virtutem tum plures alii, tum ego quoque expertus sum, quarum una, ut de aliis taceam, candens ad meum magnetem affricta ad distantiam duorum circiter pollicum magneticam aciem non attrahebat, quamvis ad eandem distantiam illam alliceret, si ad magnetem frigida affricaretur.

2. Sed quid mirum eam virtutem trahendi aut præstingui, aut interire in candentibus ferris, quorum propria & perpetuo inhærens qualitas non est, cum magnetes ipsi, quibus natura insita est, quando ignescunt, eam prorsus amittant? (*Mem. 1706. pag. 119. Edit. Paris.*)

§. 102.

Illud certe mirandum est candentes illas virgas, si, quoad resfri-

frigescent, polo magnetis adhæreant, multo maiorem acquirere trahendi virtutem, quam si per idem tempus semper frigida polum tangerent magnetis. Sane illa virga, de qua modo locuti sumus, vim acus trahendæ ad distantiam fere duplo maiorem, scilicet fere quatuor pollicum hoc pacto acquisivit.

§. 103.

Ad hanc rem etiam faciunt experimenta, & observationes Fayi. Quamquam enim frigida virga horizonti ad angulos rectos insistsens eam in extremis contrahit trahendæ acus virtutem, quam in situ horizontali non retinet, tamen si virgæ nulla virtute magnetica imbutæ extremum aliquod calefiat, & dum in situ perpendiculari refrigerit, expectetur, illud extremum constantem acquirere polum ab auctore observatum est, quo cuiusvismodi solum haberet virga, aut furculam acus, aut cuspidem attrahebat.

§. 104.

Quorum omnium a villis oleosæ materiæ clata & intellectu facilis petitur ratio. Primo enim si ferrum candens omnino fuerit, corpuscula ignis, quæ totam ferti substantiam pervaserunt, utpote vi quoquoersum instructa, ferri particulas hac illac impellunt ac movent, oleosas præsertim, quæ terrestribus molliores, & ad solvendum sunt faciliores §. 73. Quo fit, ut villis materiæ oleosæ in omnes partes directis, recti ab uno ad alterum extremum canaliculi obstructi sint, ac tot magnetica corpuscula ad extrema confluere non possint, quot ad polos formandos est opus, sed quoquoersus dissipentur, ex omnibus ferri partibus æque egrediantur, & in omnes æque ingrediantur. Quorum adminiculo suo loco ostendimus, cur virgæ ignitæ virtute careant attractrice.

2. Sin autem ferrum calidum sit, non vero ignitum, teste experientia non prorsus aufertur vis attractionis, quæ ante inerat, nec omnino impeditur ea, quæ per contactum magnetis communicetur; propterea quod in ferro solum calido tot ignis corpuscula, tantaque vi donata non sunt, ut magneticum profluvium cohibeant, quominus ab uno ad alterum extremum congruentem villorum deprimant copiam, & satis conglobata ex alterutro extremo egrediantur. Qua in re habendam esse rationem intensiōis caloris, virtutisque magnetis, quem adhibemus, nemo non videt.

§. 105.

Quod si ferrum magneti adhæreat, quoad omnino refrigerit, magnetis corpuscula toto illo tempore incurrunt in oleosas particulas, quæ cum igne molliores evaserint §. 104., multo facilius versari & deprimi possunt, ac paulatim remittente calore, qui disjiciendis isdem virtutis magneticæ nocet §. 104., interea ab uno alte-

H

rum

rum versus extremum magis inflectunt atque disponunt, quam si antea calore emollitæ non fuerint. Ex quo fit perspicuum, cur in virgis huiusmodi poli vegetiores §. 102. atque constantiores §. 103. existant.

§. 106.

Verum de his etiam alias; nunc adnotare lubet ex iis, quæ sunt dicta, concludi particulas oleosæ ita esse a natura comparatas, ut non solum ferri succussionibus obtemperant, & aliquoties pro succussionum directione inclinentur, quod experimenta §. 97. exposita ostendunt, verum etiam impulsui minutissimorum corpusculorum, qualia sunt ignea, subtilissimos ferri meatus pervadentium obsequantur, iis poros transmittentibus cedant, & in eam, partem quorsum illorum impetus spectat, dirigantur; quod hanc de villis oleosæ materiæ sententiam illustrat atque confirmat. Nam hinc intelligitur atque probatur etiam magnetis corpuscula, dum poros ferri pervadunt, & in villos sive in lanuginem oleosæ materiæ, e parietibus pororum aliquantisper extantem incurrunt, tantam vim posse habere, quæ iis deprimentis & ad lævigatiorem superficiem exæquandis sit satis.

§. 107.

In qua depressione villorum oleosæ materiæ positam esse arbitror unam ex rationibus, cur ferrum facile ab effluviis magneticis penetretur, sive cor magnetis corpuscula magna velocitate ferri poros transmittant. Nam hac depressione villorum complanatis concavitatibus parietum pororum ferri, quæ pro natura cujuscunque solidæ superficiei non possunt non habere partes alias subsidentes, alias prominentes, minus impetus a magnetis corpusculis impenditur in superanda resistantia frictionis. Neque verendum est, ut ne unguinosum illud corporis oleosi quidquam detrahatur de celeritate corpusculorum. Nam ut alia præteream, quæ afferri possent, celeritatem navis pice recens illitæ quarta, aut quinta parte augeri certo scimus teste *Dechales Mundi Mathem. tom. 1. l. 2. Statica prop. 20.* Nec tamen unguen oleosæ materiæ, quæ in ferri meatibus cum aliis siccioribus ferri corpusculis conglutinata suam pinguedinem omnino retinere non potuit, comparandum est cum unguine picis, quæ soli navis superficiei adhærescens suas omnes qualitates suumque gluten retinuit. Sed alia alibi in hanc rem afferemus.

§. 108.

Quibus obiter animadversis aliud mihi succurrit, quo confirmari possit villorum sententia; & quoniam ratio qua quid esset futurum prævidebam, ad experimentum sumendum me duxit, primo meum

m^{eu}m ratiocinium producam. Nam ut de amplectenda villorum hypothesi cogitare coepi, ita mecum ipse commentabar. Si sunt in ferro veratiles hujusmodi villi, qui ab effluviis magneticis in omnes partes, quorsum eadem spectant, versentur, contingat necesse est, ut si breve ferri filum postquam altero sui extremo A ad polum magnetis (fig. 4.) affricturn est, convertatur, & alterum ejus extremum B eidem polo ad parvam quamdam distantiam objiciatur, primo polus & virtus extremi B brevissimo tempore imminuatur, tum aliquo majori temporis spatio destruat, quin alius polus existat, tandem adhuc paulo majori, corrupto primo, alius etiam succedat. Hujus tertii rationem eam cogitabam, quam §. 96. exposui. Verum quod iis omnibus superandis, quæ polorum mutatio requirit, tempus esse necessarium videbam, hinc ab effluviis magneticis, quæ secunda vice in extremum B ingrediuntur, & ab A exeunt, aliquorum tantummodo erectionem villorum, qui ab A versus B ab effluviis iisdem primi vice per A ingredientibus, & e B exeuntibus depressi fuerant, fieri posse brevissimo tempore concludebam. Quod omnino impedire non potest cursum corpusculorum ab A versus B, sed retardare solummodo, & interceptis aliquibus poris minuere numerum corpusculorum, quæ ab extremo B egrediuntur.

Sed in hac imminutione conjiciebam ad momentum aliquod futurum esse oportere ut veniatur, in quo villi aut erecti in meatibus forent, & in utramque partem motum impedirent corpusculorum, aut quot ab A in B, tot fere a B in A propenderent, ac ideo multa effluvia, quemadmodum ad polum formandum esse debent, ad neutrum extremum confluere possent. De quibus ut me certiores facerem, ad periculum faciendum accessi, & rem ita ut cogitarem, succedere sapissime animadverti. Sed experimentorum historiam in commodiorem loco rejicio. Ergo villorum sententia ex hoc etiam capite confirmatur.

ARTICULUS III.

De polis magnetis & de inflexibilibus ejusdem villis.

§. 109.

JAm vero in intimam magnetis structuram nobis superest inquirendum, ut eam cum ferrea quæ hactenus examinata est, comparare, & in cognitionem ejus, quod propositum fuit, diversitatis nimitum ferri a magnete, & cur illius poli mutabiles sint, hujus contra immutabiles, venire possimus. Quo loco memoria repetendum est, dum ferrum primo in rubiginem versum, deinde in magnetem

H 2

con-

convertitur, non omnes olei in sulphur cum spiritibus acidis concreti particulas e poris educi, sed bonam superesse partem earum, quæ cum terrestribus arctiori vinculo conglutinatæ sunt §. 91. Hoc enim est præcipuum fundamentum eorum, quæ sumus dicturi. Itaque dum per olei atque spirituum educationem quæ calore fit, magnes e ferro rubiginoso formari incipit §. 84, effluvia magnetica, quæ ab altero ad alterum polum intra telluris viscera & in eiusdem superficie discurrunt, meatus quorum subinde major copia distillatione sulphuris existit, sine intermissione pervadunt, atque oleosæ materiæ exstantes particulas, quæ in ferro reliquæ sunt, quæque tamen adhuc aliquibus acidis comprehensæ calore subterraneo, aut solarium radiorum emollitæ fuerunt, eo versus, quo ipsa feruntur, inflectunt §. 105. Cum vero tot ex iis oleosis acidisque particulis, quæ cum metallica ferri parte minus tenaciter colligantur, e ferri poris educæ fuerint, quot ad ingressum quampluribus magneticis corpusculis opus est; oleosæ, quæ superfuerint, spiritibus acidis devinctæ, & cum terrestri portione arctissime copulatæ, in duriores minimeque, ut ante erant, flexibilem materiem, cessante calore, convertuntur. §. 92.

§. 110.

Quare in magnete, qui e ferro factus est, villos & fibrillas habebimus illud versus extremum, e quo magnetica erumpunt corpuscula, eo tempore, quo propter calorem etiamnum molles erant atque versatiles, depressas atque converfas, ut iisdem corpusculis juxta sui seriem ingressum & transitum permittant; sed deinceps duriores factas ac solidiores, quo cum erigi, & multo minus in contrariam partem inflecti non possint, iisdem corpusculis regressum intercludant.

§. 111.

Hugenius, qui has fibrillas primus excogitavit, quamvis nec in qua magnetis parte sitæ forent, nec quomodo formarentur, ostenderit, Hugenius, inquam, eas mobiles facit; adeo ut instar villorum panni serici, quod *vellutum* vocamus, aut instar aristarum spicæ a profluviiis magneticis in alteram partem deprimantur, atque idcirco motui illorum in eandem non obstant: si autem contrario motu materies magnetica fluere nitatur, tum erigantur, & motum impediunt.

§. 112.

Verum in durissimo magnetis corpore, mobiles in poris fibras, & eas non paucas pro innumeris canaliculis, in quibus sunt, intelligere difficile est, & minime necessarium. Nam per villos etiam inflexiles immutabilis materiæ magneticæ cursus ratio potest asserri;

ferri; si modo eos villos ita dispositos, aliosque in alios ita procumbentes imaginemur, ut inter unum, & alterum ex villis partim superincumbentibus, partim suppositis nec se invicem omnino contingentibus minima vacua spatia intercipientur. Quod verosimile fit, quia cum perfectus contactus valde sit difficilis, partes oleosæ, quando calore molles erant, a corpusculis magneticis non ita in aliquam partem inflecti deprimique potuerunt, ut se penitus contingerent.

2. At si res ita se habet, qua parte cavorum foraminula sunt ab ostio pororum averfa, illac pori magnetis ingredientibus corpusculis pervii sunt; quod hæc effluvia ab alio in alium villum transfluere possunt, quin aliquod in cavum incurrant; qua vero sunt averfa, impervii sunt, propterea quod plurima effluvia magnetica, quæ utpote vorticoso percita motu a recto tramite aberrant, in aculeata illorum villorum averfa extrema & in concava spatiola incidunt; quo fit, ut progredi amplius non possint.

§. 113.

At enim etsi illa eadem effluvia, quæ per alterum magnetis polum ingrediuntur, & ab altero effluunt, ipsa per se regredi nequeant, ad hunc tamen regressum cogi possunt ab effluviis majori vi percitis alterius vegetioris magnetis, si utriusque illi duo poli se tangant, e quibus corpuscula ejusdem generis egrediuntur. Et revera frustula debilioris magnetis ex vegetioris contactu aliquando mutantur. Id Boylius expertus est, id Hugenius, qui optimo usus magnete, qui erat apud D. Carreum, & admovens debiliori illius polos puncto temporis commutari Regiæ Scientiarum Academiæ Parisiensi monstravit. Quam polorum mutationem etiam in magnete, qui bonam partem suæ virtutis ignitus amittat, & contrario situ ab austro in boream, aut vicissim refrigescat, idem Boylius animadvertit (apud Duhamel *Phil.* tom. V.) Ex quibus alterum ex his duobus concludendum est aut in magnete nullos esse villos, quibus pororum parietes vestiantur, aut non esse ita duros & inflexiles, ut a nobis descripti sunt.

§. 114.

Hæc experimenta fateor non parum mihi negotii facessere: quamobrem iis primum atque potissimum respondebo. Summa difficultatis in primis duobus posita est. Tertium enim cum nostra sententia facile conciliatur. Cum enim oleosæ sulphureæque magnetis particulae igne remollescant, mirum non est eas corpusculis ab altero telluris polo erumpentibus in contrariam partem erigi posse & inflecti: unde existit polorum mutatio §. 96. Quod vero pertinet ad alia duo, primum adverto polos magnetis non

ea ratione immutabiles dici, ut in nullo magnetico frusto nunquam mutari possint, sed eatenus, quatenus in magna parte magnetum ut plurimum non mutantur.

3. Deinde experientia certum & exploratum habemus ex magnetibus alios aliis esse perfectiores, & sæpius usuvenire, ut qui massa minores sunt, illi præsentent virtute attrahendi. Cujus rei inter multas, quæ afferri possunt, rationes, hæc mihi locum habere videtur. Quoniam magnes e ferro existit, propterea quod primo spiritus acidi poros ferri subeunt & cum oleosis particulis in sulphur concresecunt §. 86, tum bona pars materiæ sulphuræ calore e poris educitur §. 87, quæque reliquæ sunt oleosæ particulæ complicatione acidarum duriores factæ sunt §. 92. si a principio contigerit non valde magnam acidorum copiam in ferrum intrudi, & minor pars oleosarum in solidius sulphuris corpus indurascet, & minor earum portio una cum acidis calore extrahetur §. 78. n. 4. Quamobrem illæ oleosæ sulphuræque particulæ quæ tunc in magnete restabunt, non ita duræ & inflexiles erunt, ut in iis magnetibus esse consueverunt, in quos magna acidorum vis initio se intruserit.

§. 115.

Cujusmodi esse potuerunt illa duo frusta debilioris magnetis, quorum mutati sunt poli. Quod si res ita se habuit, mirum videri non debet a corpusculis magna vi percitis fortioris magnetis villos non omnino inflexiles debiliorum in contrariam partem fuisse conversos.

§. 116.

Ceterum etsi fere in omnibus magnetibus villi non penitus solidi & rigidi forent, quod suaderi posset ex eo, quia sulphur unde constant, non est corpus prorsus rigidum & inflexile, tamen non ita facile magneticæ cursus materiæ in contrariam partem torqueri, polique magnetis alter in alterius locum migrare possent. Nam effluviolum, quæ ab adverso polo admoti vegetioris magnetis erumpunt, pars ad ejusdem vegetioris alterum polum regreditur, propterea quod facilitas eo consuevit per contactum alterius magnetis sublata non est; pars mixta vortice debilioris, & ab eodem abrepta ad ejusdem aversum polum circa superficiem se confert, in eum ingreditur, & vorticis erumpentis e polo, qui vegetioris polum tangit, virtutem & impetum auget; pars reliqua, quæ per obversum se intrudere nititur, duo habet contraria quæ non tam facile superare potest, difficultatem meatuum ortam ex fibrillis sulphureis, quæ licet instar aristarum spicæ moveri, & deprimi partem in unam possint, in contrariam tamen torqueri dif-

difficiliter queunt, & effluxum corpusculorum debilioris, cujus imperus jam ab aliis corpusculis auctus fuit.

§. 117.

Quibus arbitror satis constare quod mihi ostendendum propositum erat. Ceterum major lux huic materiæ fortassis accederet, si quis se ad experimenta circa hanc polorum magnetis conversionem sumenda conferret. Iis enim duobus quæ facta sunt, res dijudicari non potest. Nam & plures sunt adhibendi magnetes, diversæque magnitudinis, atque virtutis, & aliis aliisque partibus sunt inter se conjungendi, & aliquo temporis etiam longiori spatio in eodem situ relinquendi sunt, ut scilicet concludi possit, utrum post aliquod tempus aliqua existat mutatio, quæ continuo non obtinetur. Mihi, qui magnetum inopia hæc experiri non possum, satius est progredi ad alia, sed posteaquam de iis, quæ in hoc capite disputata sunt, unum adhuc advertero, ex iisdem fortasse colligi posse rationem, cur ferri particulæ cum salinis commixtæ, ut ex Galeatio & aliis monuimus §. 70, a magnete non attrahantur. Nec enim, ut is sapienter monet, dici potest magnetica effluvia, & eorum vim attractricem ab iisdem impediri, quia & constat experimentis eadem per omnia corpora sine ulla difficultate meare, & alioquin tot non sunt, ut ob resistantiam massæ actionem effluviiorum in ferreas, quæ sunt valde plures, elidant. Quare verior causa hæc esse videtur. Salium particulæ quaquaversum in ferrum se intrudentes, oleosas versus omnes partes impellunt, easdem comprehendunt atque devinciunt & in solidiores & directioni effluviiorum magneticorum minime obsequentes convertunt. Unde fit ut effluvia magnetica poros quidem particularum ferri pervadant, sed omnes versus partes dissipentur, non unam versus potissimum ad polos ingressus & egressus formandos. Cum autem sine polis & vortice magnetico ab iisdem pendente nulla, ut infra docebimus, fieri possit attractio aut repulsio, inde patet ratio, cur ex ferri præparationes attractioni magneticæ sint ineptæ, & cur denuo aptæ fiant, si rursus commixtæ cum oleis atque sulphuribus ad ignem liquantur. Hoc enim pacto acidorum particulæ ab oleosis extriciantur, itaque remollescunt, & directioni vi effluviiorum dicto audientes evadunt. Quod eo magis confirmatur, quia ut refert citatus auctor, & se expertum esse fatetur Cl. Menghinus in epistola *de ferrearum particularum sede in sanguine* in Com. Bon. t. 2. p. 2. pag. 261. solo igne pulvis ex sanguine extractus in particulas ferri, quæ a magnete attrahebantur, conversus est.

CAPUT VII.

De Tellure, & de polis magneticis Telluris.

§. 118.

Tellurem hanc, quam incolimus, verum esse magnetem, atque adeo primum omnium, communis est, ac Recentiorum suffragio probata sententia. Cum enim jamdiu animadverterint motum acus pyxididis nauticæ circa tellurem circumlatæ similem esse motui ejusdem, si circa magnetem aliquem rotundæ, aut ellipticæ figuræ pyxis circumferretur, scilicet acus extrema dirigi utrobique ad duo puncta, illudque extremum, quod puncto a quo attraheretur, propius foret, deprimi & inclinari; facere non potuerunt, quin tellurem tamquam verum magnetem haberent, cujus poli magnetici cum polis diurnæ conversionis non omnino, ut alibi advertemus, congruerent. Qua in sententia magis eos confirmavit illud recentiori memoria factum a quamplurimis experimentum ferreæ virgæ, quæ licet nullam vim magneticam ipsa per se habeat, tamen si perpendicularis ad horizontem manet, ex solo situ eandem acquirit. Hic enim aliam magnetem inter, ac tellurem in communicanda cum ferro magnetica virtute similitudinemprehenderunt.

§. 119.

Verumtamen hæc experimenta, & alia multa, quæ afferri possent, non id faciunt, quod voluisse videntur nonnulli Philosophi, universam tellurem pro magnete habendam esse, sed illud tantummodo magnum aliquem esse in tellure magnetem, quod ego nunc ostendendum suscipio. Nam illa omnia telluris corpora, per quæ magnetica corpuscula non facilius, quam per aerem transmittuntur, inter partes magnetis, circa quem magneticus vortex rotetur, collocanda non sunt. Siquidem fundamentum vorticis materiæ magneticæ circa ferrum atque magnetem positum est in majori facilitate, qua ferrum ac magnes ab hisce corpusculis penetrantur cap. 2. & 3. §. 59., & seq. Atqui certissimis experimentis compertum sit corpuscula magnetica, si a magnete & a ferro discesseris, per alia Telluris corpora nec facilius, nec difficilius, quam per aerem solum, transmitti. Notata enim maxima distantia, qua polus aliquis mei magnetis in eodem acus pyxididis horizontali plano collocatus, & ad eandem acum ad medium punctum perpendicularis eam ab axi unum circiter gradum, solo aere intercepto, retrahebat, in iisdem intervallo & collocaione magnetis, sive metalla cujuscumque generis

neris interessent, sive magni lapides cujuscumque speciei, sive ollæ aqua & aliis liquoribus plenæ, sive latæ profundæque tabulæ ex quocumque lignorum genere confectæ, sive lateres cocti, sive ingentia vasa terra camporum plena, sive parietes ipsi domorum, sive denique corpora animata hominum & belluarum, nihilominus tantumdem acum retrahi, ac si aer solum intercederet, competi. Idem constare experientia dicit Musschenbroechius, atque inde nititur evertere systema illorum, qui ab effluviis corporeis repetunt causam attractionis ferri, sed irritò conatu, ut ex parte vidimus cap. 3. artic. 3., & alio loco luculentius videbimus. Magnetica ergo corpuscula per aliorum corporum poros ad eandem, ac per aerem, distantiam disperguntur. Neque enim suspicari possumus hæc effluvia non pervadere solidorum corporum meatus, sed ad latera interjecti solidi se conferre, indeque ad acum ultra illud positam pervenire; propterea quod interposita corpora sapissime tantæ latitudinis erant, ut a loco, in quo polus locatus fuerat, usque ad oram corporis intercepti, & ab ora corporis intercepti usque ad locum pyxidis tantum spatii interesset, quantum corpuscula a polo magnetis erumpentia in aere percurrere, & acum trahere non poterant. Quamobrem hæc effluvia ita comparata sunt, ut eadem facilitate aerem, & omnia adhuc nota corpora telluris, immo orbis terræque, exceptis ferro & magnete, in quibus major est facilitas, transmittant. Unde si rationem habeamus aquæ, & aliorum corporum terrestrium, iis tamen duobus exemptis, tellus pro magnete habenda non est. Quod alibi ratione ducta ab experientia confirmabitur. Verum tamen est Musschenbroechium (*Essai de Phys.* cap. 18.) in catalogum corporum, quæ a magnete pertrahuntur, alia plura referre. Sed advertenda sunt duo, alterum ex iis pauca fuisse, quæ continuo a magnete traherentur, maximam vero partem igne vehementi, atque oleosis crassisque particulis ante disponi atque imbui debuisse, quam attrahi possent: alterum in iis auctorem ferrum, aut ferri matricem experimentis deprehendisse. Ex quibus concluditur omnia corpora, qualia sunt in telluris hæcenus notis a superficie intervallis, virtutem magnetis non habere, ut verum magnetem terrestrem facere queant.

§. 120.

Sed cum revera in tellure sit magnes, cujus poli ad meridiem sunt §. 118. & ab boream, esse in telluris visceribus substantiam quamdam magneticam ab uno ad alterum polum pertinentem, quæ nucleus magneticus appelletur, pro certo habere debemus. Nunc vero nuppiam esse interruptum ostendi posse videtur ex eo, quod in partibus ad æquatorem sitis acus pyxidis fere horizonti paral-

lela est; & quo magis ab æquatore recedit, & propius ad plagam australem, aut borealem accedit, eo magis extremum ad illas directum inclinatur. Quod argumento est nullis aliis in locis præter eas plagas polos esse materiæ magneticæ, ut planius alibi fiet. At si aliquo in loco septentrionem inter, & austrum sito pars septentrionalis nuclei penitus a meridionali divulsa foret, in extremis utriusque alii existerent poli materiæ, quæ propter interposita unam inter partem, & alteram corpora, in quorum poris minus celerem motum haberet, ad posteriora illarum abriperetur. cap. IV.

§. 121.

Neque tamen volo nullum intus esse in huiusmodi nucleo vacuum spatium. Quo enim poli magnetici nuclei tantum in polis telluris sint, necesse non est, ut ea sit continuatio partium, quæ omne vacuum spatium excludat; sed opus tantummodo est, ut saltem latera continentur. Affricui namque ad magnetem plures ferreas virgas, quarum media pars rotundum foramen nec exiguum haberet, & in solis extremis polos esse per acus magneticæ admotionem observavi. Cujus rationem ex iis, quæ cap. 2. dicta sunt, facile concludere quisque potest: idque multo magis, si spatium illud vacuum undequaque lateribus conclusum sit.

2. Verum huic sententiæ adversatur singularis quædam observatio, de qua mihi integrum servo, cum ad acus magneticæ declinationem perveneto.

§. 122.

Dubium autem esse potest, utrum hic nucleus sit verus magnes, an tantummodo ferrum magnetica virtute imburum. Siquidem huiusmodi ferrum satis esse videtur ad illa effecta explicanda, quæ vi magneticæ telluris tribuuntur; præsertim cum ex parvo conatu, quo acus ad mundi polos se dirigit, exiguam esse hanc virtutem, qualis in ferro est, indicet. Sed mihi verosimilius est nucleum, de quo agitur, esse magnetem. Primum, quia si ferreus esset, res in eo periculo versaretur, ut spiritibus acidis penetratus magnam virtutis magneticæ partem quandoque amitteret. Ex eo autem tempore, cum hæc telluris proprietas detecta est, nemo, quod ego sciam, notabilem ejusdem advertit imminutionem.

§. 123.

Hæc conjectura quibusdam levis ea de causa videbitur, quod acidi spiritus nec pervadere potuissent tam magni corporis, cuiusmodi nucleus poni debet, totam intimiorem substantiam; nec uno tempore poros omnes tam latæ superficiei ita obstruere, ut in nulla ejusdem parte poli exitus & ingressus a corpuseulis formari possent. Verum etsi non uno tempore, saltem ab initio mundi ulque
ad

ad præsentem ætatem fieri potuisset, ut acidi spiritus, quorum magna copia est in terræ visceribus, modo in hanc, modo in illam superficiem partem se intrudentes maximam ejus partem, & ipsos etiam telluris polos in rubiginem, aut in chalchantum converterent. Unde non parum e vi magnetica detractum fuisset, nec parva situs polorum mutatio exstitisset.

§. 124.

Sed utut hæc se habeant, quibus non valde innitor, arbitror non leve argumentum duci posse ex eo, quod etiamsi nucleus e ferro a Deo conditore primum formatus fuisset, progressu tamen temporis, & potissimum nunc, cum ab ortu mundi plura annorum millia jam præterierunt, spirituum acidorum admixtione, & ignium subterraneorum vi in magnetem versus fuisset. Vidimus enim multo minori temporis spatio hanc fieri conversionem per solares radios, perque pauciores particulas acidas, quæ aut a terra in vapores sublatae ultro citroque per aerem volitant, aut ex lapidibus ædificiorum exsulant cap. V.

§. 125.

Quod vero de exigua virtute corpusculorum telluris dictum est, facile solvitur; magnam enim virtutem non habent corpuscula magnetici vorticis in locis a magnete nimium distantibus; superficies autem telluris multum a nucleo distat, ut ab altitudine maris concludi facile potest, & ex eo, quod quantumcumque humus adhuc effossa fuerit, nemo ad solidum illud continuatumque corpus pervenerit. Igitur in superficie telluris atque in locis paulo humilioribus vis effluviis magnetici nuclei magna esse non debet.

§. 126.

Quæ omnia Physici Recentiores, opinor, assentientur facillime. Verum mihi non ita facile dabunt ab utroque telluris polo corpuscula erumpere, & in utrumque introire. His enim temporibus Cartesii duplicem vorticem admittentis sententia paucos habet ad stipulatores: ac bona Physicorum pars unum tuetur, qui ab altero polo telluris exeat, in alterum ingreditur. Utinam hæc hypothesis phænomenis omnibus explicandis idonea foret; eam enim libenter amplecterer, ut quæ simplicitate altera præstat. Sed cum ad explicanda magnetis effecta me contulisset, eam votis non respondere, & inter viam, ac ubi opus est maxime, percurrentem hunc vastissimum Physicæ campum deserere comperi. Quæ res suo loco ostendenda fuit mihi causa, ut revolverer in antiquiorem hypotheseim, cujus alibi pariter afferemus rationes, unde suaderetur.

§. 127.

Interea nobis eam dari ab æquis lectoribus postulamus, ut id;
I 2 quod

quod esse potest, quemadmodum & corpuscula, quæ ab australi polo telluris erumpunt, saltem figura, aut etiam magnitudine differre a corpusculis, quæ borealis emittit. Assumamus enim nucleum terrestrem jam ab ortu mundi verum fuisse magnetem, uti nunc esse §. 122. probavimus; qui duas habeat series pororum, alteram ab australibus plagis boreales versus, alteram a borealibus versus meridionales; itque pori ita figura, aut etiam magnitudinem discrepent, ut alii sola corpuscula unius partis fluidæ materiæ magneticæ, alii sola corpuscula alterius diversæ figuræ suscipiant. Quod in meatibus plurium solidorum contingere scimus. Ita regalis aqua penetrat aurum, & solvit, non autem argentum, quamquam illud sit densius hoc, ideoque angustiores meatus habere videatur. Ita argentum vivum facilius percolatur per corium, quam aqua, vel aer ipse. Ita ex agnina vescica non erumpit aer collo illigato, tamen si comprimatur vel maxime; nihilominus aqua poros trajicit ejusdem, & in vescicam immerfam ingreditur. Ita demum, ut alia præteream, charta bibula filtri loco adhibita particulas aqueas, & quæ in iisdem solutæ fuerunt salinæ, transmittit; alias vero crassiores, terrestres, macilaginosas, & oleosas non transmittit: quod si oleo prius imbuatur, tunc olea trajicit, sed retenta, quod mirum est, aqua. Quæ omnia a diversitate figuræ pororum solidi, ac corpusculorum fluidi viribus attractricibus & expultricibus proficisci Recentiores ostendunt. Igitur etiam illæ duæ series pororum in magnetico nucleo potuerunt esse tam diversæ figuræ, & eorum parietes tam diversæ vis, ut alia ex corpusculis transmitterent, alia retinerent. Neque enim inusitatum est etiam in eodem corpore esse poros diversæ speciei, ac figuræ; quod confici potest vel ex uno illo celebri experimento plurium salium, qui alius post alium solvuntur in aqua, quamvis hæc alias antecedentium particulas liquare nequiverit.

§. 128.

Quo constituto plane intelligitur, cur e polo boreali sola corpuscula eruperint, & etiam erumpant unius speciei, ac figuræ, ex australi vero sola corpuscula alterius; quæque e boreali effluunt, illa sola per australem ingrediantur; & e contrario. Quo enim hi vortices circa tellurem existerent, satis fuit hæc fluida circa nucleum terrestrem rotare, aut, quod omnium fluidorum natura requirit, singulas ejusdem particulas quoquoque cieri. Nam tum ex maiori facilitate, qua pori illius percurruntur, orta ex eo quod hæc corpuscula a magnete & ferro, non ab aliis corporibus trahuntur; tum vero ex ipsa directione pororum inferimus facillime ad eorum normam, quæ §. 59. & seq. dicta sunt, corpuscu-

scula unius speciei conglobata e polo boreali evasura , ut circa nucleum rotando per meridionalem se intrudent, alia vero alterius ab australi, ut recurrendo per borealem ingrediantur.

CAPUT VIII.

Enucleatius tractatur de polis, atque vorticibus magnetis ac ferri.

ARTICULUS I.

De polis magnetis ac ferri.

§. 129.

ANequam in reconditoria magnetis effecta penitus me insinuem, solvendum est id, quod adversus ea, quæ toto capite tertio statuta fuerunt, contradici potest: nimirum si longitudo ferri, & facilitas, qua poros illius magnetica effluvia transmittunt, visque attractrix sunt causa, cur polis ad extrema formatis eadem illa corpuscula circa ferrum rotentur; quidni circa vitrum oblongum, cujus pori ob eandem causam ab ætherea lucis materia facilius percurruntur atque celerius, quam aeris, eadem perpetuo convertatur? Atqui hoc in vitro non fieri ejusdem in tenebris obscuritas probat. Nec igitur magneticus in ferro vortex a longitudine, facilitate & attractione originem potest habere.

§. 130.

Verum etsi daremus nullum circa vitrum vorticem rotari, quod quale sit, deinceps videbimus, plura tamen ad hoc objectum solvendum responderi possunt. Ac primo illud advertendum est ferri villos aliquam sibi vindicare partem in polis ac in vortice, non quidem primitus formandis, quod antequam magneticis effluviis ferrum penetraretur, non versus extrema ordine depreffi, sed huc, atque illuc spectantes ab iis ingredientibus inveniuntur, atque aliquam versus partem diriguntur, sed in iis conservandis, proptereaquod ut semel extrema versus ferri directi sunt, corpusculorum jam ultra progressorum & regressum, & declinationem ad latera impediunt, aliisque succedentibus faciliorem ab altero ad alterum extremum transitum dant §. 94. In vitro autem esse hujusmodi versatiles villos nullo adhuc experimento comperimus. Quo fieri potest, ut abeunte sole globuli lucis hac illac dispergantur, nullamque sub sensus cadentem lucem emittant.

§. 131.

Deinde quantum est discrimen inter celeritatem, quam globuli lucis habent in aere, interque illam, qua in vitri poris feruntur?

in

in qua majori velocitate major facilitas posita est cap. 3. Ut Rectiores ex angulo refractionis concludunt, est solum tertiæ circiter partis; quod celeritas lucis in aere ad celeritatem lucis in vitro ita proxime se habet, ut 2:3, quemadmodum docet Wolphius *Elem. Math.* tom. 3. §. 26. 36. Dioptrica. At si celeritatem corpusculorum magnetis in ferro metiamur, uti metiri debemus, §. 20. majori spatio, quod in ferri meatibus illa conficiunt; velocitas effluviuum magnetis in ferro velocitatem eorundem in aere aliisque corporibus multis partibus superat. Nam aliquando confectum sparium decuplo majus est. §. 18. Quanto igitur magis retardabit aer celeritatem corpusculorum e ferro egredientium, eorumque dissipationem impedit, quam globulorum e vitro, quorum de velocitate tertiam solummodo partem idem aer detrahit? Quo fit ut mirum videri non debeat talem circa ferrum vorticem magneticorum effluviuum existere, qui aut alia ferri frustra, aut saltem ferream scobem trahat, non autem circa vitrum eam globulorum lucis copiam & vim existere, quæ in oculos possit incurrere.

§. 132.

Ceterum circa vitrum aliquam rotare materiam lucidam paulo post ostendetur. Nam ex eo, quod vitrum in tenebris non micat, concludi non potest nullam ætheræ materiæ partem circa idem rotari. Quo enim lux sub oculos cadat, majori ejusdem copia, majorique motu, & quadam veluti pressione opus est. Cujus inter cetera experimentum habemus in iis globulis diurnæ lucis, qui noctu resident in cavo spatio oculorum, quique dilutiores quasdam scintillas non dant, nisi eosdem oculos clausuris, & musculis ocularibus valde compresseris. Atque ut aliquid narrem, quod mihi accidit, cum olim hyberno tempore, restincta lucerna, cubitum iturus traxissem e lecto subuculam, quæ supra candentes carbones eodem, ut mos est, lecto inclusos duas circiter horas manserat; initio nihil lucis a me animadversum est; sed cum eam forte concussissem, plures, easque non dilutas, ut in oculi compressione, sed vegetiores scintillas instar earum, quæ ex percusso semiuisto ligno erumpunt, emisit. Quæ res impulit, ut dedita opera validius concuterem; factumque est, ut subucula propemodum ardere mihi sit visa. Potest igitur esse quidam circa vitrum ætheræ vortex materiæ, quæ nisi pressio aliqua extrinsecus accedat, sub oculos cadere non possit.

§. 133.

Quo loco mihi venit in mentem insignis illius de mercurio, qui in vacuo spatio concussus lucet, experimenti, quod modo dicta confirmat, quodque Physicorum ingenia etiamnum torquet. Si enim

enim de illa re, de qua doctissimi quique iudicium tulerunt, mihi meum interponere licet, hanc ejus rationem modo explicatis innixam afferrem. Spatio vacuo, quod est in superiore tubi parte, sit, ut minus extra mercurium lux dissipetur, majorque circa illum vortex ejusdem existat. Qua de re consule experimenta & rationes a Recentioribus allatas, quibus conficitur radios ab aqua, aut aliis a fluidis oblique in vacuum erumpentes refringi magis, atque facilius in fluidum, unde nuper evalerant, remeare. Is tamen vortex nondum ipse per se tam valide premitur atque agitur, quantum lucis sub sensus cadentis natura desiderat. A concussione autem mercurii, ejusque minimarum quarumque particularum hanc accipit validiorem pressionem, quæ saltem elanguidæ luci gignendæ sit satis.

§. 134.

Quod si vorticis ætheræ substantiæ circa aliud corpus rotantis vis non parum augeatur, ex eo quod illud idem corpus valde majori facilitate lucis radios transmittit, fieri profecto oportebit, ut ipse per se oculus percipiat aliqua luce. Quod experientia consentaneum est. D. enim Fay (*Hist. de l'Acad. 1735. pag. 1.*) testatur se in tenebris resplendere vidisse aliquos adamantes, quos ut densiores vitro, & aqua, aliisque perlucidis corporibus, multo magis, quam hæc corpora, lucis meatus subeuntis celeritatem augere scimus §. 47. Sed quædam huic luci videndæ necessaria sunt. Nam præter tenebras spectatoris oculus saltem horæ quadrantem in obscuro loco consistat necesse est; quo scilicet aperiatur pupilla, & pluribus radiis recipiendis transmittendisque ad retinam idonea fiat. Nam aliter nullam in adamante lucem videret. Quæ res superiora confirmat, vorticem lucis circa corpus aliquando rotari, quin incurrat in oculos. Deinde opus est adamantem aut ad solem, aut in clara luce fuisse momentum temporis. Tum ad locum transfertur obscurum, & quintam circiter horæ partem lucere observatur ita, ut continuo debiliior lux fiat. Hoc autem iccirco evenire, quia radii paulatim dissipantur, ex eo confici videtur, quod adjicit auctor adamantem servatum in nigra mollique cera, qua utimur in obsignandis epistolis, lucem sex horas tueri. Cera enim lucis corpusculis retinendis apta est, ut ex eo concludi potest, quod calorem conceptum diutius conferver.

§. 135.

Quæ omnia mirifice confirmantur ex innumerabilibus phosphoris, quæ in quoque fere genere corporum detexit Cl. Beccarius in *Comm. Bonon. tom. II. part. 2. pag. 136.*, & præsertim p. 3. pag. 500., ubi §. 2. commentarii secundi hæc habet. *Affirmare sine argu-*

gantia possum me qualicumque hac industria mea lucis dominium ita amplificasse ut nullum corpus in hac rerum universitate reperire liceat, si pauca quædam tantummodo excipiamus, quod luci objectum eandem in finem suum admittere non cogatur, & quamdiu ipsius agilitas patitur, retinere. Et quamvis hæc lux post pauca minuta dispareat, in fine tamen primi commentarii affirmare non veretur, quemadmodum nulla corpora sunt vere frigida, & omnis expertia caloris, ita nulla esse prorsus obscura & lucidæ materiæ vortice penitus carentia.

§. 136.

Quamquam etsi corpuscula lucis dispergerentur, & tandem lux evanesceret, non ideo tamen etiam magnetica a ferro recedere debent, & virtus attractrix præstingui. Primo enim facilitas, quæ ferri meatui ab iis corpusculis transmittuntur, adhuc major esse potest ea facilitate, qua globuli lucis illorum adamantum aliorumque corporum poros pervadunt. Quod si lapilli alicujus, aut alterius cujuscumque corporis pori ita motui globulorum lucis accommodati sint, ut hi valde magna illos celeritate percurrant, hujusmodi corpora noctu semper fulgebunt: quemadmodum legitur apud Plinium lib. 37. cap. 7. de carbunculis, qui hoc vocati sunt nomine, quod noctu lucent instar carbonis igniti.

2. Deinde si qua dissipantur magnetica ferri corpuscula, alia ex iis, quæ ab altero ad alterum telluris polum continenter fluunt, in eorum locum succedunt: quod adeo verum est, ut si poli magnetica acus contrarium terrestrem polum respiciant, facilius & citius virtus attractrix destruitur, propterea quod corpuscula a polis telluris venientia adversum non habent suum quæque ingressus polum in ferro, qua si ingrediantur, vim & numerum dispersorum redintegrent, sed polum egressus, quo fit, ut potius obfint. §. 95. At quod pertinet ad globulos lucis, quamquam sententia plurium Philosophorum, qui Cartesium sequuntur, velit eos ubique semper occurrere, non tamen noctu, & in loco obscuro illum pressionis morum habent, quo sensus visionis existit. Quamobrem abeuntibus ab adamante corpusculis materia ætherea nequit alia summittere iis percita viribus, quæ damna restaurent.

§. 137.

Sed quod maxime facit ad vorticum magneticorum conservationem, positum est in hoc alio discrimine inter corpuscula lucis, juterque magnetica effluvia, quod prima non solum ab illo corpore, quod in tenebris examinatur, verum etiam ab omnibus aliis circumfusis attrahitur: ex quo fit ut per omnia quaquaversum dissipetur, & in singulis minus intensâ maneat, ad id etiam conferente
ipsum

ipſius maxima velocitate, qua plus quam 180000 milliaria uno minuto ſecundo percurrit. At effluvia magnetica a ſolis magnete & ferro, non ab aliis circumambientibus corporibus attrahuntur. Ea vero attrahente vi fieri debet, ut ad magnetes & ad ferrea fruſta undequaque accurrant, & circa eadem in orbem contorqueantur.

§. 138.

Quo loco non erit abs re illud advertere a laudato Beccario §. 27. primi commentarii obſervatum fuiſſe in lignis exſuccis & aridis lumen ad eorum margines & angulos ita contractum, ut illuc a reliqua ſuperficie accurrere videatur. *Quod cum primum vidi* (ſubdit Auctor) *continuo magnetica virtutis recordatus ſum, qua ſimiliter ad corporum magneticorum extrema videtur omnis confluere*. Eadem proprietas etiam in effluviis electricis animadverſa eſt: nam ut unum ex pluribus experimentis in medium producam, ſiquis ſuper reſina ſtans, altera manu tenet catenam, dum electrica virtute imbuitur, altera enſem in tenebris, ex cuspide enſis, ut ſæpe vidi, ſons erumpit lucentis materiæ, cum ex aliis eius partibus nihil effluere notetur. Quæ ſaltem a poſteriori demonſtrant genium effluviolorum magnetis, dum ſe in extremis colligunt, ibique polos efficiunt.

§. 139.

His autem puto & ſatis propoſitæ factum eſſe difficultati, quod poſſimum ſpectabam, & quod mihi ſecundo loco propoſueram, feciſſe perſpicuum, quanti totius Phyſicæ interſit phænomena magnetis enucleari tractari. Hinc enim latiffimus campus exiſtit, in quo exultare poſſit Philoſophus cauſas & origines inquiſiturus vorticum omnium effluviolorum, quæ ab aliis corporibus exeunt, & in eadem regrediuntur. Quamobrem uſui maximo erit magneticos vortices, uti polliciti ſumus, adhuc explicare enodatius; id quod aggredimur.

§. 140.

Qui de magnete ſcripſerunt, polorum magnetis, ac ferri virtute magnetica præditi nomine intellexere illa puncta, in quibus vis magnetica colligeretur, ad quæque poſſimum ferrum abriperetur. Verum hanc notionem magis evolvendam eſſe arbitror, definiendumque certius, quam ad partem magnetis ferrum præcipue trahi debeat.

§. 141.

Quamobrem memoria repetendum eſt, quod de tribus ferri virtute magnetica imbuti partibus alibi diximus §. 65. Illud enim magnam poteſt aſſerre lucem huic de polis materiæ. Extrema ſcilicet ferri ſunt duæ partes, quæ generis ejuſdem corpuscula ſolum

K

aut

aut emittunt, aut admittunt; interpositæ autem inter utrumquæ extremum partes iisdem corpusculis suscipiendis ejiciendisque accommodatæ sunt. Quibus addendum est ab illis ad has non transiri statim, sed sensim ita, ut circa aliquod extremorum punctum solum egressus iisdem corpusculis pateat, sed quo magis ab illo discedimus, eo poro egressus corpusculorum unius speciei pauciores fiant, & eo plures illi meatus, per quos corpuscula eadem ingrediantur; idque tamdiu continetur, quamdiu ad eam partem perveniatur magnetici ferri, in qua totidem circiter esse pori egressus, totidemque ingressus pro genere eodem corpusculorum incipiunt; qua per aliquem tractum alterum versus extremum continuata, denuo species aliqua pororum prævalere incipiat, scilicet semper magis, ac magis pori ingressus augeantur imminuto numero aliorum, donec ad aliquod veniamus punctum, in quod utpote solos ingressus poros habens sola illa corpuscula, quæ ab opposito egressa fuerunt, ingrediantur.

§. 142.

Neque sine causa hæc dicuntur. Nam ut mittam id universe postulari a Principio continuitatis, quod Tom. III. *Physic. Gen.* enucleate tractavi §. 434. num. 5., rationes §. 63. & duobus antecedentibus allatæ valent etiam in hæc, quæ modo adjecta fuerunt. Cum enim a puncto illo remotiori extremi, unde aut sola, aut fere sola corpuscula unius speciei egrediuntur, posteriora versus undecumque discedimus; tunc spatium incipit paulatim majus fieri, atque ideo tum admittendis, tum recipiendis corpusculis aptum §. 61., 62.; sed initio quidem puncta extremo viciniora sunt magis accommodata corpusculis ejiciendis; proptereaquod propter extremi angustioris magnam propinquitatem adhuc parum inclinata erumpere possunt §. 64. Quare plures adhuc sunt pori egressus strati villis extremum versus depressis. Sed cum in recessu ad posteriora spatium sensim augeatur, & corpuscula in egressu angulum valde inclinatum cum ferri superficie facere possint: hinc numerus pororum egressus minui debet, & contra augeri pororum ingressus, quousque tandem propter laterum longitudinem fere ad æqualitatem perveniant. Quod idem de altero extremo quod ad poros ingressus ratiocinandum est.

§. 143.

Quibus constitutis polus definiri potest illud ferri punctum, in quo vis corpusculorum aut egredientium, aut ingredientium colligitur, in quo scilicet virium centrum consistit. Nam quod ex causa pertinet ad polum egressus, sumendum est totum illud spatium, e quo propter pororum villorumque dispositionem aut solum corpuscu-

puscula unius speciei erumpunt, aut saltem majori ex parte. Deinde inveniendum est centrum vis eorumdem iis rationibus, quibus in Staticis centrum aliarum virium invenitur: in quo ratio est etiam habenda ingredientium ejusdem generis corpusculorum; nam ut infra constabit, in alio ferri frusto trahendo hæc tantumdem de vi egredientium detrahare debent, quantum est impetus, quo ingrediuntur. In hoc autem centro vis ajo positum esse alterum ex ferri polis, scilicet polum egressus. Nam polorum nomine Philosophi intelligunt ea puncta ferri, & magnetis, in quibus tota colligitur magnetica vis; & cum hæc posita sit in corpusculis cap. 1. aut egredientibus, si sit polus egressus, aut ingredientibus, si ingressus, eodem polorum nomine eos intelligere oportet loca illa, in quibus vis effluviis colligitur. Atqui vis & impetus effluviis in virium centro colligitur, uti Statici omnes fatentur. In quo igitur puncto est centrum virium corpusculorum, in eodem est polus aut ingressus, si corpuscula in ferrum, aut in magnetem ingrediantur, aut egressus, si evadant. Alio vero loco perspicuum faciam ad hoc virium centrum ferrea frusta potissimum pelli; quo spectant ea, quæ de virtute in polis collecta statuuntur.

§. 144.

Quamobrem si ab uno ferrei extremi puncto alterum versus extremum undequaque gradatim & æquabiliter numerus corpusculorum imminuatur, proptereaquod & numerus pororum, qui iis transmittendis sunt apti, eadem proportionem decrefcit; polum in eo puncto consistere facillime potest ostendi. Unde concluditur in solida ellipsi ferri ejusdem ubique densitatis, cujus interiores meatus effluviis trajiciendis æque idonei sint, summos vertices polorum habere rationem, in cubo autem ferreo angulos esse, in quibus poli sunt collocandi. Sed in frustis ferreis irregularis figuræ polorum situm non ita facile est definire.

§. 145.

Ceterum cum universa ferri substantia magneticis corpusculis pervadatur, dispositio pororum non erit tantummodo in extrema ferri superficie, sed ab altero ad alterum polum in ejusdem etiam medietate. Cum enim quo magis ad unum ingressus punctum accedimus, eo major corpusculorum copia ingrediatur, & item quo propius ad unum egressus, eo major corpusculorum vis ex pluribus poris evadat, necesse pariter est, ut qui pori intercepti inter utrumque polum aut oriuntur a poris, in quos major aut minor vis corpusculorum se intrudit, aut in illos detinunt, e quibus major vel minor egreditur; iidem patiter plures vel pauciores a corpusculis trajicientibus fiant; atque ideo plura, vel pauciora transmittant.

tant. Ceteris autem paribus in ferro oblongo, ut in solida ellipsi, interiores pori, quique inter unum, & alterum polum recta, aut minus oblique interjiciuntur, eo plures erunt, & plura effluvia transmittent. Qui vero lateribus sunt propiores, eo pauciora, quod hi nec sunt ita positi secundum cursum majoris vis effluviarum, quæ per verticem ingrediuntur, nec ita a lateribus absunt; quo fit, ut inclinata corpuscula facile ab iis ante evadere possint, quam ad alterum polum perveniant. Quamobrem in ferro nucleum quemdam habebimus, qui nihil est aliud, nisi pororum egressus & ingressus & corpusculorum ab uno ad alterum polum progressio. Non tamen ajo singula hujus progressionis puncta semper esse in recta linea posita; nec secto ferro polos in recta linea extare, quæ polos jungit extimæ superficiei, sed fieri posse, ut modo ad dexteram, modo ad lævam declinent; proptereaquod interna dispositio atque ordo pororum omnino cum externa non congruat.

§. 146.

Hæc autem omnia de polis ferri statuta jure optimo ad magnetem transferri possunt. Cum enim magnetes existant a ferro spiritibus acidis imbuto, quando oleosa villorum materies calore denuo remollescit, & ab effluviis magneticis rursus partes in omnes versari & deprimi potest §. 84: hinc intelligitur eandem tum internam, tum exteriorem circa extrema, circaque latera renovari oportere dispositionem pororum, qua fiat, ut e spatio aliquo circa unum extremum partim solum, partim præcipue corpuscula unius speciei egrediantur, in spatium vero aliquod circa alterum extremum partim solum, partim præcipue illa eadem ingrediantur: latera vero intercepta indiscriminatim & æqualiter generis ejusdem corpuscula admittant, & emittant. Illud tamen discrimen est, quod cum villi magnetis solidiores effecti sint, nec facile huc illuc versari possint §. 116., interior constitutio pororum non ita, ut in ferro, mutari potest.

§. 147.

Unde oritur discrimen situs polorum ferri a situ polorum magnetis. In ferreis enim instrumentis poli semper observantur secundum longitudinem positi in angulis atque in extremis partibus §. 59., & toto cap. 3. At in magnete non raro observantur secundum latitudinem, & angulis atque extremis omisiss circa mediam planam superficiem deprehenduntur. Cujus diversitatis ratio ex flexibilitate ac duritie villorum eruitur. Nam si duas ellipses ex. causa, alteram ferream virtute magnetica imbutam, alteram e magnete, quarum poli in verticibus sunt, duas in partes secundum minorem diametrum secemus: in superficiebus divulsis novi poli

poli existant oportet, quod interceptus aer corpusculis magneticis resistere incipit; sed in ferrea ellipsi ad angulos, atque ad extrema divisione facta progredi debent; propterea quod licet nucleus magneticus ab uno ad alterum verticem ante sectionem recta pertineret, ac circa medium foret illa major dispositio pororum, villorumque depressio, quæ majori copię profluvii magnetici ab uno ad alterum polum transitum daret §. 145.; tamen ii villi facile in alias partes torqueri possunt, & ceteroquin propter causas cap. 4. explicatas corpuscula magnetica ad angulos, atque ad extrema facillime confluunt, ut inde rotationis petant initium.

2. In ellipsi vero magnetica poli circa medium utriusque superficiei manere debent, in ea videlicet parte, qua nucleus magneticus transit. Cum enim ibi quamplurimi pori obviæ sint corpusculis aut egredientibus, si de semiellipsi loquamur, in cuius vertice polus erat ingressus, aut ingredientibus, si de semiellipsi, cuius vertex polum habet egressus; hæcque dispositio pororum atque ordo mutari facile nequeat, quod villi parietibus eorundem infixi, & mediam versus segmenti lineam depressi rigidiores facti sunt: magna corpusculorum vis eo consuere perget, vel causa evadendi e magnete, vel causa regrediendi; in quo poli magnetis positi sunt. Sed quomodo etiam in ferro in aliis præter extrema punctis poli esse possint, alibi videbimus.

§. 148.

Hic rursus obiter adverto fieri posse, ut terrestris nucleus secundum telluris polos contractus sit, quin ejus polorum situm mutare debeamus; modo enim ab origine mundi is fuerit e magnete, cuius nucleus a polo progrediretur ad polum; poli magnetici profluvii cum telluris licet contractæ polis circiter congruissent.

ARTICULUS II.

De vorticibus magnetis ac ferri.

§. 149.

QUæ de ferri, ac magnetis poris modo statuta sunt, ea nobis viam aliquam muniunt ad difficillimam illam quæstionem de qualitate cutvarum, quæ a corpusculis magnetici vorticis describuntur; in qua valde vereor, ne res ejusmodi afferam, quibus possim satisfacere doctis. Quamquam enim intelligam parum mihi discedendum esse a communi sententia, quod hæc ad explicanda magnetis effecta aptissima est: tamen nisi velimus in simplici hypothesi sistere, quod quammaxime fieri potest, cavendum, magnum mihi laborem in ejus rationibus afferendis suscipiendum esse

esse video. Quem nec refugio, nec deprecor, immo libenti animo subeo, si modo detur aliquid excogitare, quod viris in Philosophia atque in Mathesi versatis probetur.

2. Sit itaque magnes rotundus, aut potius ellipticus SVMN, (fig. 5.) cujus poli S, M, MS axis polos conjungens VN, æquator axi SM ad angulos rectos insitens. Ex puncto quolibet R prope polum S corpusculum aliquod subtilis materiæ erumpat, quod viribus duabus pelleretur, altera quidem antrorsum, altera vero retrorsum. Cum enim in magnete secundum longitudinem rectæ SM magna celeritate versus exitus polos moveatur, evadet e puncto quolibet R circa polum egressus, & in anteriora se conferet describendo rectam vel parallelam axi MS producto in H, vel ab ea declinantem. Qua vero celeritate corpusculum erumpit, illa non semper progreditur, quod vis attractrix magnetis eam perpetuo minuit §. 56. ex quo fit ut in corpusculis ad perpendicularum erumpentibus tandem perimatur, in iis vero, quæ oblique egrediuntur, quæque sunt maxima pars, directio paulatim muretur, & corpuscula retrorsum inflectantur ad posteriora & ad polum ingressus magnetis. Quas vero lineas tenere debeant, & qua superficie terminari, nunc paucis videndum est.

§. 150.

Quæcumque fluida circa aliquod solidum corpus rotantur, superficie quadam curvilinea terminentur necesse est. Si enim rotantur, vim centripetam habent aliquod versus ejus corporis punctum, quæ obstat, quo minus illorum particule solidum linquant, & quoquo-versus dispergantur. Quamobrem siquæ foret ceteris altior non solum, verum etiam nullam curvilineam superficiem cum aliis faciens columna, ejus corpuscula in alias hinc inde subjectas columnas vi centripeta reciderent. Neque in planam superficiem cum aliis conformari possunt. Si enim planities aliqua foret, extrema quoque plani haberemus. Sed in hujusmodi fluidis extrema planorum esse non possunt. Cum enim corpuscula in iis posita sint ab aliis divulsa, vim quoquo-versum habeant, & centripeta solidum versus ferantur; in planam superficiem se exonerabunt; quod cum in extremis sint planæ superficiæ, omnia alia corpuscula supereminet, ac ideo ab iis non impediuntur, quominus ab extremis recedant, & confluant ad curvam superficiem formandam; quæ una æquilibrium fluidorum facere potest, & motum sistere corpusculorum profectum a centripeta vi: propterea quod in solis curvis nulla particula penitus exstat supra alias vicinas & adjacentes, omnesque mutuo versus centrum nisu se impediunt.

2. Quamobrem cum fluida materies magnetica circa magnetem SVMN

SVMN (fig. 5.) rotetur cap. 4, extrema illius superficies curva erit.
§. 151.

Sed quoniam ex partibus circa S potissimum egrediuntur corpuscula, & a magnete recedunt, in partes vero circa M potissimum ingrediuntur, & ad magnetem propius accedunt; quamdiu vis prævalebit poli egressus; corpuscula curvam describent, quæ semper eo magis a magnete discedat; cum vero vires polorum æquales erunt, abesse desistent, & apicem curvæ formabunt; cum denique vis poli ingressus prævalebit, alteram curvæ partem percurrent, quæ magis magisque ad magnetem accedat.

§. 152.

Quare in magnete uniformi SVMN (fig. 5.) corpuscula e polo S egredientia dum adhuc erunt in partibus eidem polo propioribus, curvam sursum ascendentem describent; eo quod adhuc prævalet vis per rectam lineam, quam in egressu acquisiverunt; ut autem rotando ad polum ingressus M propius accesserint, curvam descendentem percurrunt, eo quod aut destructa, aut valde imminuta vi progressionis, a vi attractrice magnetis & a facilitate subeundi poros in M deorsum undequaque trahuntur.

§. 153.

E contrario vero cum in M (fig. 5.) quoque sit in nostra sententia, quam infra experimentis & observationibus suadere conabimur, polus egressus aliorum corpusculorum, quæ postea per poros in S apertos ingrediuntur, hæc prope polum M ascendent, & prope polum S descendent. Quamobrem circa polum S duo genera corpusculorum habebimus, quorum altera abscedant a polo & ascendant, altera vero ad eundem accedant atque descendant. Itidem circa polum M habebimus tum ascendentia, & ea sunt quæ polus idem emittit, tum descendantia, quæ cum proficiantur a polo S, in polum M nituntur intrare.

§. 154.

Immo vero si in hoc uniformi & elliptico magnete posuerimus id, quod a vero non procul discedit, vires utriusque poli ingressus, & utriusque egressus esse præterpropter æquales & easdem: tum illud etiam statui poterit, si ex utroque polo duo loca accipiantur, quorum quisque a suo polo æqualiter absit, & similiter ad eundem positus sit, corpuscula ab utroque polo profecta in iidem æqualem vim habere, & describere curvas similes, ac similiter positas. Ubi enim sunt æquales, eandem, ac similes causæ, ibi æquales, iidem, ac similes effectus existant necesse est. Quamobrem in quolibet puncto rectæ NZ, quæ cum sit diameter minor VN producta, a polis M, S æqualiter abest, corpuscula

cula ab utroque polo venientia æquali virtute pollent, similes curvas, & similiter collocatas describunt.

§. 155.

Quænam vero sit hujus curvæ superficiei species, difficillimum est definire, & minime necessarium. Nam etsi ponamus magnetem SVMN (fig. 5.) esse sphaericum & ejusdem ubique densitatis atque attractricis virtutis, atque idcirco corpuscula extra magnetem trahi centrum versus sphaeræ in ratione inversa duplicata distantiarum a centro, ut §. 471. tom. II. *Phy. Gen.* post Nevvtonum & alios ostendimus, tamen inde tuto non possemus efficere singula corpuscula circa centrum C tamquam circa focum in ellipsis incedere, & multo minus superficiem ab iis omnibus genitam inter ellipticas esse debere. Primum quia alia cum alia velocitate, & alia cum alia directione a partibus circa S egrediuntur: ut corpusculum describens rectam SH perpendiculariter erumpit, corpusculum incedens in curva Sdq oblique, sed minus, quam Sbz, & multo minus, quam Sy. Inde vero fit, ut singula alias atque alias ellipses absolvere debeant, ut ibidem ostendimus §. 482. & seq.; immo si velocitas, qua egrediuntur, nimis augeatur, etiam in parabolis atque in hyperbolis incedere (ibid. §. 471.) ex quibus omnibus quænam superficies existat, quotusquisque explicare ausit? Deinde cum fluida eo se conferant, qua locus ab aliis ceditur, & minor resistentia est, in polum vero M ingressus facile irrumpant corpuscula circa M collocata; & idcirco alia ab S exeuntia ad se abripiant & trahant, hoc etiam caput in magneticæ atmosphæræ superficie varietatem aliquam inducat oportet. Cum vero quid ea res hoc in negotio valeat, facile definiri non queat, inde fit ut hujus problematis resolutio se reddat operosiores difficiliorumque.

§. 156.

Aliquis fortasse putabit solutionem peti posse ex iis, quæ circa figuram terræ aut quiescentis, aut revolutæ in variis gravitatis hypothesibus & etiam in Nevvtoniana, quam in omnibus naturæ phænomenis tenere volumus (tom. II. *Phy. Gen.* §. 509. 605. 607.) constituta sunt a doctissimis Viris & præsertim a Clairautio in libro inscripto *Figure de la Terre*, & a Buskovikio in excellenti opere nuper edito Romanis typis de mensura gradus terrestris in meridiani arcu Romam inter atque Arim num intercepto. Verum necesse non est hunc alioquin molestum laborem hac in quæstione suscipere, propterea quod ad explicanda magnetis phænomena satis superque sit tenere profluvia magnetica ex polo S præsertim erumpere (fig. 5.) & in M ingredi, & circa magnete-

gnerem in lineis curvis rotare, quæ omnia satis comperta sunt ex iis, quæ de dispositione pororum magnetis, de vi peculiari, qua idem magnes hæc corpuscula trahit, deque inclinatione ad magnetem directionis corpusculorum, cum a magnete egrediuntur, aut in illud se intrudunt. Nam ope refractionis fit ut cum exeant, a perpendiculari recedant, seque hinc inde versus posteriora magis inflectant; cum ingrediuntur, ad perpendicularem accedant, circa axem MS, ut in luce contingit, condensentur, & hoc pacto vim polorum adaugeant.

§. 157.

Nihilominus operæ pretium arbitror enucleatius egredientia corpuscula considerare. Corpusculum aliquod erumpens (fig. 5.) ab R duas, ut ostendimus, vires habet ad angulum oppositas, alteram in rectum, qua in anteriores partes propellitur, alteram per tangentes curvarum totius vorticis, qua posticas perit. Principio vis in rectum magna est, sed propter vim attractricem magnetis semper minuitur Cap. 2. Ergo curva linea describitur, cujus convexitas polum S, concavitas polum M spectat, ut ex Dynamicæ principiis concludere possumus. In hac autem curva linea, quam imaginemur esse RrhzZK, principio tangentes, ut in r (fig. 5.) concurrent cum inferiori puncto aliquo diametri productæ MSH. Tum in aliquo puncto, ut in h, tangens perpendicularis fiet ad SH, & diametro minori parallela. Deinceps denuo incipiet angulum acutum formare cum SH, sed in superius aliquod illius incidet punctum, ut tangens zo, quoad in Z a diametro SM æquidistet. Denique ab eo puncto rursus cum inferiori parte concurrent diametri SM.

2. Quod si curva Rr h describatur ab illo corpusculo, quod erumpens ab S dirigebatur per rectam parum declinantem a parallela SH, in curvis descriptis ab iis, quæ ab eodem puncto egredientia plus deflectunt ab SH, ut in Ry, citius pervenimus ad punctum, in quo tangens yX ad angulos rectos insistat SH; quod facile ex virium compositione intelligitur. Quæ res nobis in posterum magno usui erit, ut pluribus experimentis explicandis idonea.

§. 158.

De corpusculis vero, quæ cum erumpunt ex R (fig. 5.) cum axe SH concurrunt, hoc primum statuo, quod aliquando tanta esset potest hæc inclinatio, & vis, qua propelluntur antrorsum, ut prætergrediantur rectam SH, & a vortice, qui alia ex parte est, & per V transit, retro abripiantur: quandoque vero tam parva inclinatio, ac vis tam debilis erit, ut cum vortice illius parvis magnetis, e qua erumpit, partes posticas petat. Sed quo in SH

magis propendent, eo tardius ad illud curvæ punctum pervenient, in quo tangens sit parallela diametro VN; cuiusmodi est Rdg , cuius tangens dH ad punctum d remotius ab S , & ab SH , quam bG , & multo magis, quam yX ab iisdem S , & SH , æquidistat a minori diametro VN.

2. Quapropter ceteris paribus quæ magis ab HS defleunt, eo minus antrosum progrediuntur, quæ vero minus, eo magis procedunt.

§. 159.

Haftenus de corpusculis ex eodem poro egredientibus; nunc pauca quædam de iis, quæ diversis e poris evadant. Ac primum ajo corpuscula, quæ a polo S recta egrediuntur magis in anteriora porrigi, quam omnia alia, quæ vel ab S oblique exeunt, vel ab aliis meatibus sive recta, sive oblique; idque plures ob causas; primo quia si corpuscula exeuntia ab S conferimus cum iis, quæ ab aliis poris evadunt, illa longius absunt a polo M , cuius virtute a progressionis motu ad motum retrocessionis fleantur. Deinde quæ corpuscula e puncto S , & e partibus illi propioribus emergunt, plura sunt, & magis globata §. 142; quo fit, ut vincant facilius resistentiam vis attractricis, quæ motui progressionis obnititur.

2. Quamquam autem plura ex iis corpusculis, quæ ab ipso polo proficiuntur, in hanc, aut illam partem propendeant, tamen ita longius se porrigere nequeunt, quemadmodum ea, quæ ad perpendiculum sunt. Ut enim corpuscula quædam sunt maxime in hanc, aut illam partem inclinata, ita facillime a vortice retro abripiuntur; quod vires progressionis, & per tangentem magis conspirant, & prima minus oblique pro inclinationis ratione posteriora spectat.

§. 160.

Quæ de corpusculis erumpentibus ex una parte poli dicta sunt; ea transferri commode possunt ad corpuscula, quæ ex omnibus aliis partibus egrediuntur. Immo si in magnete uniformi SVMN (fig. 5.) polum habeamus ejusmodi, qualem §. 144. descripsimus, quot fere corpuscula, & qua ratione inclinata, quasque curvas percurrentia e parte SR prorumpunt, totidem & simili ratione inclinata simileque curvas peragentia ab altera Mexibunt. Æquales enim, similes, ac similiter positi ferri meatus æqualia corpuscula, simili, ac æquali, similiterque posito motu percita ejiciunt.

§. 161.

Sequitur nunc, ut de cursu corpusculorum per alterum polum ingredientium dicamus. Qua in re experimentum tentavi, quod totam hanc de vorticibus corpusculorum materiem illustrare potest.

In catinũ rotundum aqua plenum immerſi ſecundum altitudinem partem lignei recti parallelepipedĩ, cujus altitudo erat quatuor circiter pollicum, latitudo fere trium, quemadmodum & craſſities latitudini æqualis. Innatabant in catino plures paleolæ, quarum alix aliter a ligno circumquaque diſtabant. Tum ab una ad alteram partem recto & celeri motu parallelepipedum in aqua manuduxi, obſervavique potiſſimum curſum illarum paleolarum, quæ anteriores erant, in diverſis tamen a ſolido diſtantiis, & in quas ſolidum incurriſſet, niſi ſeſe ſubduxiſſent, uti fecerunt. Vidi enim eas dextrorſum, aut ſiniſtrorſum retro abripi, & lineas curvas deſcribere circiter uſque ad aliquod punctum e regione mediĩ laterum parallelepipedĩ aſcendentes, & recedentes a ſolido, ab illo vero descendentes, & ad poſticas uſque partes recurrentes. Quæ curvæ mihi videbantur uſque ad aliquod partis poſticæ punctum circulares; nam ibi paleæ curvam alterius generis percurrunt ſolidum verſus, potiſſimum eæ, quæ illi propiores ſunt; quæ ad ſolidum uſque quandoque perveniunt. Hæc autem altera curva ſimilis eſt uni ex iis, quas corpuſcula egredientia deſcribere vidimus §. 152.

2. Illud etiam notandum, quod pro ratione majoris, vel minoris intervalli, quod inter paleas, & anteriores ligni partes intercedebat, eo plus, vel minus curvæ circulares percuſæ, a ligno, ejuſque lateribus diſcedebant, & ad punctum pertinebant a partibus poſterioribus magis remotum, vel minus.

3. Nec illud omitrendum, quod cum in anterioribus partibus plures innatant paleæ, ut quæque alteri laterum propior eſt, ita eo verſus plus abripitur, & illac recurrit ad poſteriora.

§. 162.

Hiſ quod attinet ad paleas anteriores animadverſis, oculos in eas deſixi, quæ initio motus in poſticis erant; vidi que non ſolum propiores, ſed etiam majori intervallo a ligno diſcretas, pro ratione tamen velocitatis, qua lignum movebatur, ad idem ſolidum rapi.

2. Taceo de lateralibus; nam retro ferebantur, ut illæ, quæ partem anteriorem occupabant. De quibus hoc aliud adverto, quod duæ paleæ, præſertim dum latera percurrabant, numquam conjunctæ ſunt, & ſæpius æquali intervallo ſemper diſjungebantur, quamquam una proxime alteram foret.

3. Ne vero quis exiſtimet id non tantum in motu parallelepipedĩ, ſed etiam in figura circulari catini, in quo aqua rotabatur cauſam habere, moneo eadem omnia mihi contigiſſe in canali oblongo, in quo aqua quieta manebat.

§. 163.

Quæ omnia curſum & vorticem aquæ particularum indicant;

L 2

nam

nam paleæ aut quiescentes, aut unum latus versus circumlatæ nisi abripiantur a fluido, nequeunt per alterum latus ad posticas partes recurrere; id enim quandoque accidebat, cum videlicet in illo temporis puncto, quo solidum moveri incipiebat, paleæ dextrorsum latæ a sinistro latere propius aberant §. 156. n. 3. Qualem igitur in paleis advertimus cursum, talem in particulis aqueis imaginari debemus. Scilicet quæ in anterioribus partibus dextro, aut sinistro lateri propiores sunt, illæ describendo curvas lineas ad speciem circulares, & usque ad medium circiter latus ascendentes, ab illo autem descendentes, a dextra, aut læva ad posticum aliquod punctum recurrunt: quo cum pervenerunt, per curvam aliam ad solidum contendunt. Quod idem ad eas pertinet, quæ a principio erant ad alterutrum latus. Posteriores autem ad partem posticam solidi, quamvis hæc se subducant, rapiuntur. Item verisimile fit eas curvas saltem circa latera æquidistantes esse, & concentricas.

§. 164.

In vortice aquæ habemus, ut reor, aptum exemplum vorticis materiæ magneticæ circa magnetem; nam quemadmodum pars anterior aquæ a parte anteriori solidi antrorsum propellitur; ita effluvia magnetica e parte anteriori magnetis, scilicet e polo egressus erumpunt, & antrorsum propelluntur: quemadmodum partes anteriores aquæ recta retrorsum regredi nequeunt, quod solida pars anterior impedimento est, ita effluvia in polui egressus ingredi denuo non possunt, quod villi pororum illius regressui obnituntur. Sicuti autem in parte postica solidi locus est, quo facile omnes particulæ confluant, quia vacuus a solido relinquitur; ita ad partem posteriorem magnetis locus est, quo facillime ex omnibus partibus effluvia magnetica se conferant, quia inibi sunt tantum pori ingressus, per quos corpuscula celerius incipiunt transmitti, cap. 4. Sicuti ad latera solidi ubique aqua est, quæ ut proximior posticæ parti, eo prius se confert, & alias omnes particulas etiam anteriores eodem trahit; ita etiam ad latera magnetis effluvia reperiuntur a lateribus undique erumpentia, quæ cum ad polum ingressus rapiantur ut illi propiora, eodem corpuscula etiam remotiora, quæque a polo egressus profecta in anteriores partes tendebant, retro paulatim abripiunt. Quamobrem quæ de vorticibus aquæ hæctenus dicta sunt, illa ad magneticos vortices commode transferri possunt. Scilicet corpuscula magnetica ad latera magnetum curvas lineas concentricas percurrunt, quarum vertex in locis interceptis ab utroque polo æqualiter distantibus circiter est:

§. 165.

Verum tamen est, quod quæ rotatio in aqua circa duo tantum late-

latera solidi natantis fit, in magnete circa omnia fieri debeat, quod magnete immerso in hoc fluido eadem ubique ratio est regrediendi. Quare circa magnetem solidus vortex existeret, in quem si sphaericus fit saltem ad latera, convenient omnia, quæ a Cl. Molierio lectione prima tomi I. *Leçons de Physiq.* & secunda fuse ac subtiliter ostensa sunt. Ac potissimum illud affirmari poterit vires centrales duarum particularum, quæ in diversis partibus ejusdem semidiametri sint, esse ut inverse intervallorum a centro quadrata; scilicet vim centralem propinquioris esse ad vim centralem remotioris, ut quadratum distantiae remotioris a centro ad quadratum distantiae propioris ab eodem: itemque celeritates earumdem particularum esse inter se, ut sunt inverse distantiarum quadratæ radices. (ibid. lect. 2. prop. XI.)

§. 166.

Sed virium magneticarum in diversis a magnete distantiiis proportionem hic definire animus non est. Multa prius experimenta tentanda sunt, quam hisce in rebus hilum progrediamur. Nisi illa præeant, vaticinari possumus, non philosophari. Vereor tamen, ne talia sumi possint, quibus rem acu tangere possimus; sed de his alibi.

§. 167.

Interim ex allato aquæ rotantis experimento concludi potest alia ex corpusculis a polo erumpentibus dextrorsum, alia sinistrorsum, alia deorsum ad posteriora recurrere, prout scilicet his, aut illis partibus, & corpusculis propiora sunt, atque ideo retrorsum ab iis abripiuntur, & prout etiam magis ad hanc, quam ad illam partem inclinata foras erumpunt.

§. 168.

Item vires omnium corpusculorum esse in æquilibrio constitutas, & si quandoque tollatur aliqua ex parte, quia causæ alicujus externæ actio, aut impedimentum accedit, se se quamprimum possunt, rursus ad æquilibrio redigere.

§. 169.

Insuper corpuscula saltem in locis polo exitus valde propioribus curvas lineas a magnete deflectentes describere, in locis vero polo ingressus valde propioribus inclinas.

§. 170.

Quod magnam affert lucem illi disputationi, in qua disceptatur de modo, quo frustra ferrea virtutem magneticam a terrestri magnete recipiant, & quæritur, e quo ferri extremo erumpant corpuscula a polo boreali telluris venientia, e quo vero corpuscula, quæ a meridionali proficiuntur. Qua in re, quoniam alibi ex professo de his disputaturi sumus, in præsentî considerabimus

mus tantummodo situm ferri oblongi circiter ad perpendicularum positi. Dicimus autem in hisce regionibus borealibus corpuscula a boreali polo profecta ab extremo evadere superiori, ibique polum exitus constituere, contra vero corpuscula, quæ meridionalis emittit, ab inferiori erumpere extremo, & ibi polum exitus sibi formare. Cum enim in hac plaga valde minus absumus a boreali polo, quam ab australi, corpuscula illius curvas describunt ascendentes, hujus contra descendentes §. 169. Quamobrem motus, & vis illorum, quæ per tangentes curvarum se exserit, ad extremum superius spectabit, horum vero ad inferius. Igitur ex iis corpusculis, quæ per totam ferri longitudinem in singula ferri puncta ita incidunt, ea quæ a polo boreali egrediuntur, ad superius extremum contendunt, & ab eodem evadent; quæ vero ab australi fluunt, inferius petent, & ab illo egredientur. Quoniam autem poli exitus in extremis existunt cap. 4., in superiori polum exitus erit corpusculorum borealium, in inferiori meridionalium.

§. 171.

Atque hinc suo loco inferemus rationem celeberrimi illius experimenti de virga ferrea, quæ ex uno situ perpendiculari vim acquirat magneticam, cur scilicet inferius extremum polum acus magneticæ borealem, superius autem australem pelliciat. Quo pariter loco in plagis ad meridiem sitis, & ab æquatore distantibus, ut in Promontorio Bonæ Spei, contrarium accidere concludemus. Siquidem ibi australia corpuscula ascendunt, & borealia descendunt. Quod infra experimentis confirmabitur eorum, qui ad eas regiones adnavigarunt.

§. 172.

Hoc nunc unum adverto illud in hoc systemate commode cadere, quod in uno magnete nuclei terrestris causam sufficientem habemus omnium particularium terræ magnetum, & horum vortices, polos, atque phænomena ex illo uno deducimus. Quibus finem imponimus huic primo libro disputationis de magnete, & ad secundum progredimur.

LIBER SECUNDUS.

De effectis , ac de phænomenis magnetis & præsertim de attractione & directione.

CAPUT I.

De motu solidi intra fluidum.

§. 173.



Quod pertinet ad causam effectorum magnetis , ad vortices scilicet , in quibus potissimum hæcenus versati sumus , multa alia expendenda supersunt , præsertim de communicatione virtutis magneticæ. Sed cum in primo libro longiores fuerimus fortasse quam oportuerit , certe quidem quam initio putabamus materie in manibus crescente , noluimus amplius differre animos lectorum , qui tanti in stabiliendo magnetico vortice moliminis fructum in explicandis abstrusioribus magnetis effectis jam videre vellent . Quod eo libentius facimus , quia non explicatis saltem attractionis , aut directionis ferri phænomenis , experimenta , quibus leges sanciantur communicationis , & aliorum quæ ad vortices attinent , satis intelligi non posse comperimus. Ducimus autem initium hujus libri a communi Theoremate , in quo est summa nostri systematis in exponenda prima , ac præcipua , & aliarum omnium causa , & origine magnetis proprietate , vi attractrice. Quod quamvis ab aliis jam demonstratum sit , tamen rursus explicare conabimur tum ad eximendos aliquos scrupulos , qui adhuc hærent in animis aliquorum , tum quia exactam sub oculis demonstrationem habere debemus , ut omnes ejus partes ad negotium attractionis ferri certo successu transferre possimus. Hoc autem Theorema est hujusmodi.

§. 174.

Si fluidum ab aliqua circumferentia in centrum nitatur , solidum , cujus particulæ eum nisum non habent , in contrariam partem , a centro scilicet circumferentiam versus propellitur. Sin autem fluidum ab aliquo centro circumferentiam petat , idem solidum a circumferentia in centrum urgetur. Accidit autem utrumque non modo , cum solidum fluido tantum circumambitur , verum etiam cum minimæ fluidi partes solidi poros undique permeant.

Pri-

Primæ partis vulgare experimentum habemus in corporibus aqua levioribus, quæ licet ipsa in se gravia sint, tamen quia minore vi, quam aqua ab iis loco pulsa, centrum petunt, sursum ab eadem pelluntur. Quod si lignum dicis gratia eam solum ob causam, quod minore præ aqua in centrum telluris impetu fertur, contra insitam gravitatem ad superiora tendere cogitur; quanto magis si nulla in eo gravitas foret, quæ ictus retunderet aquæ, sursum ab eadem impelleretur?

§. 175.

Nec refert, utrum solidum a fluido penetretur, nec ne, si modo, cum penetratur, singulæ solidæ parvæ columnæ, in quas a fluido subeunte divisum fuit, aut nulla, aut minori; quam totidem æquales aquæ, vi deorsum percitæ sint. Quod enim de frusto ligni aqua imbuti & fundum petente objici potest, nihil est; quia lignum non est aqua levius, si ad ejus tantum solidas partes animum advertamus, sed si pororum etiam qui aere, aut alia leviori materie pleni sunt, & voluminis rationem habeamus. Ceterum res ita evidenti ratione conficitur a Recentioribus, ut opus non sit in ea probanda facere longius, & satis sit animadvertere eam dum ei a sublato inter columnas æquilibrio, quod in qua columna est solidum vi, quæ in fluido est, destitutum, ea minori vi petit fundum præ aliis, quæ idcirco illam cum solido sursum impellunt.

§. 176.

Ab eodem columnarum æquilibrio petitur ratio partis secundæ; quæ in eo posita est, ut si fluidum a centro circumferentiam versus nitatur, solidum in ipso immersum eaque vi carens centrum versus pellatur; eo quod columna in qua solidum est, suam circumferentiæ, quæ gerit vices basis, partem premet minori vi, quam aliæ circumfusæ columnæ, atque idcirco in illius locum se conferent ea vi fluiditatis, quam a vorticoso motu ducere originem rom. III. *Phys. Gen.* luculenter ostendimus, eamque cum solida deorsum impellent.

§. 177.

Verum hæc fluidorum versus circumferentiam tendentia ipsa per se in fluidis esse non solet, quemadmodum ipsa per se est gravitas centrum versus, sed oritur a motu fluidi in gyrum, diciturque centrifuga vis. Qua in re operæ pretium arbitror referre experimenta, quibus Cl. Nollerus hunc locum valde illustravit. Is, ut narrat *Lect. 5. Phys. tom. 2. cap. 6.* globum vitreum plenum ex majori parte aqua, & ex minori oleo terebinthino colorato, quod ut levius aqua, summam ejus, dum quiesceret, partem tenebat, circa axem horizontali lineæ parallelum magna rotæ adminicu-

nikulo velocitate in gyrum convertit. Rotationis initio vidit oleum dispesci in exiguos globos in aqua natantes, qui una cum aqua in gyrum a primo torquentur, tum ob majorem vim centrifugam, quæ in aqua utpote densiori reperitur, eosdem non tantum versus centrum globi & conversionis, sed totum versus axem ab altero ad alterum usque polum dirigi, circaque eundem formare non sphaeram, sed oleolum cylindrum observavit.

2. Cum a rotando cessavit, paulatim oleum ab axe recessit, sed ita ut prius recederent partes polis propiores, & deinceps alia usque ad centrum, donec, quiescente prorsus aqua, oleum denuo in summo ejusdem libramento apparuit.

3. Si inclinetur axis & circa ipsum inclinatum globus roteatur, eadem, quæ modo sunt observata, circa spiritum coloratum accidunt rotationis initio, sed deinceps ipsius moleculæ ad polum altiorem contendunt, ibique conglobantur.

4. Quod si pro spiritu colorato adhibeatur globus cereus, aqua levior, is primum rotatur, & inde, sicuti globuli spiritus, ad illud axis punctum quod est centrum circuli, in quo est, deferretur, ibique quiescit, si axis a finitore æquidistet; sin autem inclinatus sit, ad polum altiorem contendit.

§. 178.

Ex quibus efficitur corpora leviora præ aqua, dum hæc in orbem convertitur, ad centrum illius circuli, in quo reperiuntur, contendere, sed non per lineas rectas, ut Cartesiani volunt, sed per curvas, quæ ad spiralem naturam accedunt. Motus deorsum ratio in eo est, quod dum aqua in gyrum convertitur, existit in ea centrifuga vis. Nam singulæ singulis momentis rotantes particulæ nituntur continuare motum per suas quæque tangentes, in quibus si revera incederent a nulla re impeditæ, a centro discederent, cumque directione centrum versus obliquum facerent angulum, & ideo in duas directiones, alteram perpendicularem ad rectam, quæ ad centrum tendit, alteram eidem contrariam resolverentur. Quare singulis momentis vim & directionem habeant necesse est discedentem a centro. Cum vero solida vitrei globi superficies aquam ab hoc recessu cohibeat, necesse est ut omnes aquæ columnæ in concavam vitri superficiem tamquam in basin nitantur, & accedente vi fluiditatis, quæ columnas majori vi illam prementes, in eas, quæ minori premerent, pellit, se in æquilibrio constituent. Rebus ita constitutis, si corpus aqua levius in hoc vortice mergatur, minorem quam aqua, vim acquireret centrifugam, propterea quod ex altera parte in æqualibus circulis vis est æqualis producto ex quadrato velocitatis in massam, & ex altera massa

in solido minor ponitur, & velocitas ad summum eadem esse potest. Ergo huiusmodi solidum utpote minori quam aqua, in ejus loco quæ foret, percitum vi erit causa, cur columna, in qua ipsum est, minori vi, quam aliæ, suam circumferentiæ partem premat, & idcirco cur hæ in illius se explicant locum, eamque una cum solido deorsum compellant. Constat ergo ratio motus deorsum.

§. 179.

Cur vero is per lineas curvas esse debeat, res manifesta fit, si vim fluidi secundum tangentem consideremus resolutam in duas, quarum altera est perpendicularis ad rectam, quæ ad centrum tendit, altera prorsus opposita. Si enim corpus huic secundæ obtemperat, quanto magis obedire debet primæ, quam esse saltem initio valde majorem altera, ex iis, quæ passim habent Recentiores, & nos Tom. I. & II. pluribus locis disseruimus, comperitum est? Si vero etiam eidem est dicto audiens, quis non videt ex hisce duabus viribus, altera perpetua centrum versus, altera vero rectæ directionis ad centrum ad perpendicularum insistentem motum per lineam curvam esse oriturum? Quare hic per curvam motus nullo pacto a Cartesianis in dubium revocari potest.

§. 180.

Sed nequid offendamus in usu motus vorticosi quod attinet ad rationem reddendam phaenomenorum naturæ, & præsertim magnetis, de quo hic agimus, probe notandum est discrimen inter plagam, quorsum dirigitur corpus a vi centrifuga aquæ, interque illam, quorsum a vi rotationis, sive ab illa ejus parte, cujus directio lineæ directionis centrum versus insitat ad perpendicularum. Nam prima dirigit corpus plagam versus illi contrariam, quorsum aqua tendit, scilicet centrum versus, cum aqua a centro discedere conetur; secunda vero in eam plagam, secundum quam convertitur. Cujus discriminis ratio in eo posita est, quod illa impeditur a solida vitri superficie, itaque fit ut columnæ aquæ eidem reipsa nequaquam obediant, sed solum obedire consentiant, & hoc pacto se in æquilibrio constituent; ex quo postea per immersionem solidi sublato oritur illa omnium columnarum explicatio versus columnam minori percitam vi, & motus ejusdem centrum versus una cum solido, de quibus in superioribus est disputatum. At vi & motui rotationis nequaquam obstititur, saltem illi ejusdem parti, eidemque maximæ, quæ sursum non spectat, eo quod solida vitri superficies eidem non adversatur. Unde aquæ particulæ, quod attinet ad illam portionem, ad æquilibrio minime rediguntur. Non posito vero æquilibrio & ideo cessante motus solidi contrariam versus plagam ratione, necesse est ut eadem, quemadmodum

đum postulat ipsa per se natura vis, trahant & deferant corpus eam versus plagam, quorsum ipsæ contendunt. Ex quibus ratio constat commemorati discriminis.

§. 181.

Si hæc transferantur ad motum vorticum circa magnetes, aut circa alia corpora, quorum vortices superficie solida minime continentur, primo animadvertendum est pro superficie solida, quæ vi centrifugæ resistit, & impedit ne fluidum rotans elabatur a vortice & a centro discedat, esse vim centripetam, quæ in magnetem oritur a vi attractrice, ut supra vidimus, quæque vices gerit solidæ superficie, impediens ne fluidum possit elabi, ex eo quod cum centrifuga æquilibrium. Inde fit ut columnæ fluidi nifum contra superficiem exerceant, perinde ac si solida foret, & ob allatas rationes ad æquilibrium redigi debeant.

§. 182.

Cum vero sit etiam vis & motus rotationis, in hoc quoque vortice, cujus centrifuga vis a centripeta sustinetur, solida ad centrum ejusdem per lineas curvas contendunt. Quare si in attractione magnetica corpora attracta ad se vicissim per lineas rectas accedant, id quod multis in eventibus uluvenire infra docebimus, non possumus conquescere in uno tantum vortice materiz fluidæ, quæ ex polo ex. g. B tantum exeat (fig. 1.), & in lineis BDA, BCA, aliisque innumerabilibus circa magnetem incedens per polum A solum ingrediatur. Hoc enim si foret, ferrea frustra si vi centrifuga ad magnetem rapiuntur, etiam motui rotationis ex parte obedirent, & versus A, quorsum ille alter motus spectat, a recta linea semper desisterent. Id quod experimentis adversari in consequentibus observabimus.

§. 183.

Quare ne in hujus & aliorum etiam phænomenorum explicationibus nobis hæreat aqua, ponendus est, ut §. 126. jam significavi, duplex materiz vortex, alter illius, quæ habet polum ingressus in A & egressus in B, & undequaque circa magnetem rotatur in curvis secundum ordinem litterarum ex una parte BDA, ex alia BCA; alter illius, quæ habet polum ingressus in B & egressus in A, & in similibus lineis curvis, sed in contrarias partes tendentibus secundum ordinem litterarum hinc ADB, & inde ACB convertitur. Hoc enim pacto vis corpori impressa motu rotationis a B versus A perimitur a vi contraria, quam idem motus gignit ab A versus B, & hoc pacto sola in corpore manet vis & motus deorsum, qui a vi centrifuga utriusque vorticis oritur. Quæ hypothesi non multum abest ab ea, quam Cl. Hugenius ad motus rectilinei

deorsum in gravibus rationem reddendam commentus est, ponens materiam fluidam, cujus centrifuga vis foret causa gravitatis, rotare secundum omnes directiones etiam contrarias in maximis circulis, qui undequaque terrestrem sphaeram secarent. Sed nostra hoc præstare videtur, quod in illa innumerabiles sunt contrariae directiones & nimis pro libito confictæ, quam ob causam male audit apud Recentiores, in hac autem duæ tantum sunt contrariae directiones a polo A ad polum B, & a B ad A, quarum aliquam rationem in diversitate materiae magneticæ & in natura ferri habere possumus §. 164.

CAPUT II.

De virtute, qua unus Magnes alterum trahit, aut ferrum:

§. 184.

Is, quæ pertinent ad solida in vortices immersa, universe constitutis, nunc descendendo ad magnetem, ac ad ferrum intra vorticem magneticum collocatum, & explicandum suscipio primum hujus quæstionis caput, quod est de attractione magnetis & ferri.

ARTICULUS I.

De attractione & repulsione duorum magnetum.

§. 185.

AC primum aggredior explicationem attractionis duorum magnetum, quæ nobis ad alteram quoque exponendam aditum muniet. Itaque duos magnetes MSB (fig. 6.) *mzb* in cymbis nantibus positos ita pro ratione majoris, aut minoris virtutis attractricis admove, ut alter alterius intra vorticem sit, & polis utriusque in horizonte collocatis duos M, *b* obverte, quorum M corpuscula illius generis emittat, quæ per *b* in magnetem *mzb* ingrediuntur, & e contrario: scilicet corpuscula MZ, MX, quæ a polo M prodeunt, & hinc, & inde dum progrediuntur, ad posteriora deflectere incipiunt §. 167. sunt ejusdem generis, ac corpuscula *mHVb*, *mFib*, quæ cum egrediuntur e polo *m*, per polum *b* in magnetem regrediuntur; ideoque corpuscula erumpentia ex M per obvios in *b* poros, iisque recipiendis idoneos una cum corpusculis, quæ ex *m* eruperunt, ingredi possunt §. 167. & revera ingrediuntur, tum quod abripiuntur a corpusculis ingredientibus magnetis *bm*, tum quod ipsa per se in eos poros incurrunt, si vortex erumpens ab M usque eo perveniat, & multo magis si etiam præter-

tēgrediantur; quod accidere oportet, cum magnes alter alteri prior est. Attamen excipienda sunt illa utriusque magnetis corpuscula, quæ a parte vorticis adhuc recurrentis ad polum posteriorem B abripiuntur.

Si itaque duos magnetes BM, *bm* in cymbis natantibus positos ita admoveas, ut poli ab horizonte æquidistant, & polus M unius tali obvertatur polo *b* alterius, in quo corpuscula ex M prodeuntia facilem ingressum habeant; corpusculorum, quæ ab M erumpunt; pars alterum versus ipsius polum, scilicet B a suo vortice adhuc abripietur; proptereaquod admoto magnete *bm* facilitas retro fluendi, & per B ingrediendi minime amittitur; pars vero, & quidem magna, si vortex erumpens ab M ultra *m* polum alterius magnetis porrigatur, antequam retro fluat, per oberfum polum *b* alterius magnetis, & per totam ejus superficiem ingreditur, & ad alterum polum *m* usque perveniet, ut cum ejusdem generis corpusculis magnetis *bm* ab eodem evadat: nam ut dixi, in *b* sunt pori hisce effluviis recipiendis, & majori celeritate, quam in aere transmittendis accommodati, usque ad *m* pertinentes, & illorum ita directi, ut ingressum per *b*, & egressum per *m* permittant, regressum vero per easdem vias præcludant §. 145. & alioquin corpuscula erumpentia ex M præter vim, qua retrorsum abripiuntur, habent etiam vim antorsum a polis magnetis BM in rectum, ac per longitudinem BM dispositis, ac majori celeritate percursis, qua in poros obvios poli *b* incidunt, & propter celeritatis augmentum facillime subeunt: præsertim cum polus *b* valde est vicinus polo M, tunc enim in corpusculis ex M profluentibus vis antorsum adhuc multum prævalet vi retrorsum, & in magnete *bm* est vis attractrix, qua particulas profectas ab M, sibi que propiores, quam magneti MB, alliciat. Accedit, quod cum ante unius magnetis ad alterum applicationem corpuscula similia iis, quæ emittit polus M, jam in polum *b* ingrederentur §. 145. corpuscula erumpentia ab M abripiuntur a vortice corpusculorum ingredientium in *b*, & tanto facilius poros illius poli subire possunt. Nam corpuscula, quæ antea ingrediebantur in *b* profecta a polo *m*, etiam admotis magnetibus ingredi pergunt, demta illa parte, quæ a corpusculis similibus egredientibus ex M, & ad B recurrentibus abripiuntur ad posteriora. Jam vero corpuscula ex *m* erumpentia, quorum summa constat partim ex corpusculis magnetis *bm*, quæ in eo reperiebantur etiam antequam magnetes admoventur, partim ex corpusculis alterius magnetis, quæ a polo M profecta in oberfum polum *b* ingressa sunt, & ad *m* pervenerunt, propter causas alibi explicatas cap. 4. abripiuntur retrorsum, & pars abrepta a vorticis patte meatus po-

li *b* subeuntis eodem recurrunt, & rursus per eisdem meatus se insinuant, pars autem abrepta a vorticis parte, quæ recurrit ad *B*, ad eundem polum se conferunt, & communem quemdam vorticem, quo urerque magnes continetur, cuiusque centrum inter utrumque positum est, faciunt.

§. 186.

Quod si vortex duplex est, etiam ex polo *b* egrediuntur corpuscula, quæ in meatus obvios poli *M* alterius magnetis ingredi facile possunt. Unde quæ de corpusculis magnetis *BM* dicta sunt, ad corpuscula quoque magnetis *bm* pertinere nemo non videt.

§. 187.

Ex quibus petitur ratio, cur magnetes alter ad alterum accedant: nam cum solidum intime penetratur a fluido, quod a centro ad circumferentiam progreditur, solidum ad centrum ejus fluidi truditur (toto cap. 1. lib. 2.) & generatim solidum fluido immersum, aut nulla præditum vi, quæ in eo fluido est, aut saltem non æquali vi massæ fluidi, quam loco depellit, in contrariam fluidi partem propellitur (ibidem). At solida magnetum substantia, excepta vi gravitatis, est iners, seu vim illam non habet, quæ in effluviis magneticis est, & tum a polo *M* magnetis *BM* in polum obversum *b* alterius magnetis, inque alias ejusdem partes effluvia ingrediuntur, hujus meatus a polo ad polum magna celeritate percurrunt, & ab altero *m* vi non exigua erumpunt: tum corpuscula erumpentia, a *b* hæc eadem omnia faciunt in magnete *BM*. Præterea tum illa ultra polum *m*, tum hæc ultra polum *B* ad aliquod a polo certum intervallum se conferunt, quod quia retrorsum a vi attractrice abripiuntur, prætergredi nequeunt, in cuius proinde summam & extremam partem, curvam scilicet superficiem tamquam in aliquod planum resistens imperum fluidæ columnæ facere possunt §. 177. Ergo alter ad alterum propelli debet, in partem scilicet illi contrariam, quam fluidæ materiæ corpuscula vi centrifuga petunt.

§. 188.

Quoniam vero in hac re hujus vertitur cardo disputationis, luculentius etiam eam declarabo. Sint duo magnetes *B*, *A* (fig. 7.) quorum poli *en* egressus, & *zo* ingressus eorumdem corpusculorum ab *en* prodeuntium: ut per partem obversam *zo* magnetis *A* ingressa sunt, una cum vortice ejusdem evadunt ex altero polo *tg*, & cum eodem antrorsum procurrunt usque ad certum aliquem locum *umr*: in quo cum vorticosus motus omnino prævaleat, vi centripeta cum centrifuga ad æquilibrium redacta §. 181. formata superficie convexa retro hinc inde abripiuntur. Itaque spatium *enrmm*

na

ita latum ut magnes A, fluido corpore plenum habemus, cujus particulae ab *en* prodeuntes in *nr* usque contendunt, interiorem nucleum magnetis A omnino pervadunt, & in innumerabiles exilissimas columnas dispersiunt. In hoc vero fluido duo sunt genera columnarum; aliae enim omnino fluidae sunt, aliae autem partim fluidae, partim solidae; nam quae ab *en* profectae in poros incurunt obvios in *zo*, eosque ab *oz* usque *zg* sibi continuo succedentes pervadunt, illae ab *en* usque in *nr* omnino fluidae sunt. Quae vero in solidas particulas poli *zo* unum inter, & alium porum interceptas incidunt, illae fluidae sunt, si rationem habeas tum illius partis, quae est in spatio *emoz* inter utrumque magnetem intercepto, tum illius, quae est in spatio *grn*; solidae vero, si spectes portionem illam solidam magnetis, quae ab aliquo puncto partis *zo* ad aliquod punctum partis *zg* pertingit. Quamobrem cum in solida magnetis substantia vis centrifuga orta a motu rotationis corpusculorum vorticis minime sit, singulae quaeque omnino fluidae columnulae singulis quibusque partim solidis, partim fluidis majorem vim antrorsum contra vorticis superficiem habebunt versus *nr*, scilicet tanto majorem, quanta foret vis materiae fluidae, quae loco solidae reperiretur §. 174. Ergo dum columnae solum fluidae majori vi in puncta superficiei *nmr*, in quibus perinde, ac si basis solida foret, eisdem resistitur §. 179., quam aliae vicinae, interjectaeque columnae partim solidae, partim fluidae, in locum aliarum, quae in spatio *tnmzg* repèriuntur, vi quoquoque versus se exonerant §. 174. 175. eas conantur a superficie *zg* versus *en* producere, §. iisdem, & solidum magnetem in contrariam ipsarum motui plagam, scilicet versus polum *en* tamdiu propellunt, quamdiu perveniat ad magnetem B, cujus soliditate impeditur, ne ultra progredi possit.

§. 189.

Cum vero columnae materiae superficiem convexam habentes in altera parte magnetis B (fig. 7.) sive in *xyq* per poros poli *db* ingressae usque ad alterum polum *en* perveniant, & cum columnis usque ad *nmr* continuantur, unus existet circa utrumque magnetem vortex habens utrumque oppositas superficies *xyq*, *nmr*, in quibus erunt centrifugae vires cum viribus centripetis & inter se aequalibus libratæ momentis. Quare ut vi centrifuga columnarum, quae in superficiem *nmr* nituntur, magnes A versus magnetem B, scilicet in contrariam eidem vi plagam propellitur, ita vi centrifuga earundem contra superficiem oppositam *xyq* magnes B versus A propellatur oportet. Id quod omnia experimenta confirmant.

§. 190.

Verum si etiam ex polo *zo* magnetis A (fig. 7.) egrediantur aliae

aliæ particulæ matæriæ magneticæ ex nostro systematè, & in polum *en* alterius magnetis B se intrudant, vis, qua magnetes ad se vicissim accedunt, amplificabitur, eo quod in vim centrifugam hujus alterius fluidi eadem cadere confici potest.

§. 191.

Ex quo apparet duplicis matæriæ vorticem valere quidem ad augendam magnetum vim attractricem, non vero ad mutuum eorum accessum efficiendum desiderari. Sed ex aliis magnetis phænomenis eam necessitatem inferemus.

§. 192.

Interim ad ea, quæ hic differuntur, confirmanda paucis adverte absurdum, aut ad libitum nimis confictum videri non oportere in tam solido corpore, cujusmodi est ferrum, ac magnes, tam frequentissimos poros qui ab effluviis magneticis trajiciantur, existare. Etenim ne a Musschenbroekio (*Essai de Phys. t. 1. cap. 2. §. 48.*) discedam, qui nobis hac in re, ut infra videbimus, adversatur acerrime, in solidioribus corporibus non modo sunt pori, qui pervadi queant a subtilissimo fluido, „quale sunt ignis, & lux, verum etiam „a longe crassiori. Mercurius enim ita pervadit aurum, argentum, „cuprum, stannum, plumbum, uti aqua penetrat spongiam; & aqua „clausa pila argentea, plumbea, stannea, si pila undique commprimatur, ex frequentissimis poris evadit ad superficiem metalli, „ubi instar roris apparet, externam, „. Multo igitur magis erunt in ferro, & in magnete frequentissimi pori, qui a tam subtilissimis corpusculis magnetici vorticis pervadi queant, præsertim cum totum ferrum oleosa mollique substantia facili penetratu perfusum esse viderimus.

§. 193.

Multa vero sunt quæ ad hæc contradici possunt; a quibus uti me citius expediam, plura in unam colligam summam aliis alium in locum dilatis. Ac primum si columnæ, quæ spatio *ezon* (fig. 7.) comprehensæ in poros incidunt poli *zo*, trajectoque magnete ad *umr* usque perveniunt, magnetem A magnetem B versus impellunt, quod impetu in contrariam partem, scilicet versus *ur* percitæ sunt, illæ quæ spatio eodem conclusæ in solidas incurrunt particulæ poli *zo*, magnetem A ab altero B repellere debent ob id ipsum, quod ab eodem B nituntur abscedere. Quare vel nullus motus esse debet in solido, quod vires contrariæ se mutuo perimunt, vel definiri non potest quam in partem fieri oporteat, quod ignoratur, utra ex iis viribus prævaleat.

§. 194.

Deinde nostra ratio ex Hydrostaticæ legibus ducta infirmari pos-

se

se videtur ex eo, quod inter emerſionem ſolidi & graviori fluido; interque præſentem rem non exiguum apparet diſcrimen. Siquidem idcirco ſolidum in contrariam impetui gravitatis fluidi plagam a circumpoſitis omnino fluidis columnis propellitur, quod hæ non ſolum majori vi, quam aliæ partim fluidæ, partim ſolidæ, fundum gravitant, ſed etiam contrariam habent ſolidam baſim, quam penetrare cum nequeant, in alias minus tenaciter ſuum quaſque locum tenentes vi quoquoverſus ſe exonerant §. 174. Hic autem in ſuperficiem fluidam *umr* (fig. 7.) ſe columnæ fluidæ exſerunt; quam cum facile pervadere poſſint, non eſt, cur illæ, quæ omnino fluidæ ſunt in ſpatio *tumrg*, in alias ſpatio eodem clauſas ſe expandant, & ita in polum *tg*, & in alias intimas partes magnetis A impetum faciant.

§. 195.

Tandem nimis pro libito continuati & in rectum diſpoſiti pori in magnete A poni videntur. Immo vero magnetis opacitas omnino poros rectos probat abeſſe a magnete.

§. 196.

Ad primum quod attinet facilis reſponſio eſt ex Hydroſtaticæ petita legibus. Iis enim qui ligni emerſioni ex aqua ſuperincumbentis aquæ gravitatem obſtare arbitrantur, quid reſpondemus aliud, niſi idem ligni fruſtum a ſubjectis columnis eo majori vi ſurſum pelli, quo circumſuſæ æque altæ, ac omnino fluidæ columnæ illarum, quæ partim ex aqua, partim ex leviori materia componuntur, gravitatem excedunt? Quod ſi huiusmodi lignum a parte ſuperiori ad inferiorem omnino cribratum foret, tunc etiam perſpicuum facimus lignum ad ſuperficiem propelli, quia minore vi deorſum urgetur ab iis columnis ſuperioribus, quæ in partes incurrunt ſolidas ſuperficieſ ſuperioris, quam ſurſum a circumfluentibus, & ab iis, quæ cum in poros incident, ad inferiorem ligni partem tranſmittuntur, & cum aliis fluidis ad fundum uſque continuatæ ſunt. Jam vero hoc eodem ſatiſſeri poteſt argumento propoſito. Nam columnæ ab *en* in *umr* uſque continuatæ, ſurſum tendunt §. 187. multo majori vi, quam columnæ breviores, quæ ab *en* proſectæ in partes ſolidas poli *zo* incurrunt; atque ideo vis, qua illæ deorſum trudent magnetem A, dum ſuperficiem *tg* premunt, eſt multo major illa, quæ hæ ſuperficiem *zo* ſurſum pellunt. Quare cum corpus a vi majori debeat abripi, ratio conſtat motus magnetis A alterum verſus B.

Quamquam in hiſce columnis non eſt habenda ratio præciſe actualis ſurſum motus, aut rotationis in lineis curvis, ſed potius tendentiæ, qua nituntur a centro vorticis diſcedere. Nam ut ad

De Magn. T. I.

N

ver-

vertimus, hæc sola causa est cur solidum corpus ad idem centrum trudatur, eo quod ut notavimus §. 182. solæ vires centrifugæ, non autem motus rotationis saltem ex ea parte, qua non discedit a centro, constituunt inter columnas æquilibrium, quod ad contrarium in solido motum gignendum esse necessarium ibidem docuimus. Jam vero vires columnarum centrifugæ in omnibus superficialium *mmr*, *xyx* punctis magnetes alium alium versus impellunt. Quo cadit proposita difficultas & altera etiam, quam mox propono.

§. 197.

Nam obijci potest esse aliquas columnas fluidas, quæ & poros trajiciunt magnetis A (fig. 7.) & a *tg* versus *en* moventur: cum enim duplex sit magneticus vortex, alius egrediens ab *en*, & se proptendens versus *tg*, alius ingrediens, scilicet a *tg* ad polum *en* contendens §. 128. quemadmodum ille qui egreditur ab *en*, se insinuat per polum *zo*, quia est polus ingressus corpusculorum illius speciei, & percurso magnete egreditur e polo *tg*, quia hic est polus egressus eorumdem corpusculorum §. 144. ita etiam vortex qui ingreditur in polum *en*, polum habet ingressus in *tg*, & egressus in *zo*.

2. Quare si propterea quod illius corpuscula ab *en* versus *nr* moventur, magnetem A alterum versus B pellunt; hujus contra corpuscula eundem magnetem versus *nr* propulsabunt, eo quia ad magnetem B contendunt. Ergo dubium est quam in partem solidum moveri debeat.

3. Hic nodus facile rescindi potest ab iis, qui unicum esse volunt materię fluidę vorticem circa magnetem. Verum quia timeo ut dum leviozem plagam nunc fugio, graviozem deinceps accipiam, persto in sententia duplicis magnetici vorticis ceteroquin experientis, ut suo loco perspicuum fiet, magis consentanea; atque hanc aliam in eo in solvenda difficultate rationem.

4. Ex iis, quæ alibi monstrata sunt de polis magnetis, concludere possumus non immerito polum exitus corpusculorum majori virtute præditum esse, quam polum ingressus, quod, ut sensit Cl. de Fay in Actis Academię anno 1730. pag. 146. edit. Paris. materia magnetica affluentiùs erumpit, & densius, quam ingreditur. Ex iis enim corpusculis quæ inrunt per unum extreum, non solum illa, quæ recta ad alterum pergunt, eo perveniunt, verum etiam plura ex iis, quæ in latera incidunt, repulsa nimirum ab aere, qui magis præ magnete, ac ferro motui corpusculorum resistit. (lib. 1. cap. 2.) Ex iis vero quæ circa magnetis superficiem regrediuntur, plurima denuo se in ejusdem poros per latera insinuant, abrepta scilicet a majori facilitate penetrandi magnetem l. 1. cap. 4. antequam retro ad polum ingressus perveniant. Quæ ratio

ratio parum differt ab ea, quam citatus auctor ibidem proposuit.

5. Jam vero si hæc, ita se habent, facile est diluere superius propositum argumentum. Quamvis enim vortice ingrediente in potulum *en* magnes A (fig. 7.) a magnete B repellatur, nihilo tamen minus idem A pellitur ad B per vorticem egredientem ab *en*, quia vis hujus vim illius excedit. Quod si urgeant ex vi vorticis erumpentis detrahi partem illam, quæ a columnis incurrentibus in partes solidas poli *zo* exseritur §. 187. responderi potest tantundem pro rata portione detrahi a vortice ingrediente, quod aliquæ ingredientibus columnæ in partes solidas magnetis A incurrunt, & eum ad B propellunt. Atque ita fit, ut vis columnarum pellentium magnetem A versus alterum B vim columnarum repellentium vincat iis etiam detractis, quæ detrahenda sunt. Quo difficultati propositæ satisfiat.

6. Sed necesse non est difficultatis solutionem tam longe arcescere, cum ex iis, quæ paulo ante tractata sunt, sit in promptu responsio. Non enim motus fluidi magnetici aut versus *umr*, aut versus *xyq* in poris magnetum est causa, cur in partem motui contrariam pellantur, sed ipsa tendentia columnarum in superficies *umr*, *xyq* orta a vi centrifuga, quæ cum in utroque magnete eodem contra se invicem pellat, ut docui §. 185. mirum non est, si tantum absit ut alter alterius actionem infringat, ut potius adjuvet atque promoveat. Cum vero ex §. 182. solida obedire debeant etiam ipsi fluidi celeritati plagam versus eandem, quod ad hoc pertinet, alter vortex alterius actionem aut prorsus impedit, aut saltem ex parte. Quod valet tum multas in partes, ut suo loco videbimus, tum ad difficultatem, quam antegresso §. diluimus, magis convellendam, eo quod hinc apparet actiones columnarum in partes solidas magnetum, posito duplici vortice, se vicissim elidere.

§. 198.

Illud vero discrimen basis solidæ a fluida non parum momenti ad nostram infirmendam sententiam habere videtur. Verum hanc differentiam in præsentia nihili ducere debemus, nisi certissimis Hydrostaticæ legibus nuntium velimus remittere. Nam si certam aquæ massam ad gravitatis centrum nullo solido corpore occupatum imaginemur, quæ circa illud punctum in modum spheræ, aut alterius curvilinei corporis se componet; & ligni frustum in eadem immersum concipiamus: quamvis hic nulla sit basis solida, in quam columnæ graves suum conatum exserant, tamen illud in contrariam gravitati fluidi plagam compulsus iri, videlicet sursum ad extremitatem aquæ evalurum sine dubio concluditur a Recentioribus. Quod si in fluido, cujus particulæ a circumferentia deorsum

N 2

ten-

tendunt, solidum in contrariam partem propellitur; quid ni in fluido, cuius particulæ in circumferentiam nituntur, in contrariam itidem partem propelleretur?

2. Nam illud etiam sine ratione objectum est in parte *nmr* (fig. 7.) quam magneticum fluidum non præterfluere possumus; nullam esse propemodum resistentiam, & posse magnetis effluvia ulterius pro libito excurrere. Cum enim & aer motui corpusculorum antrosum nec profit, nec obicit §. 15. & corpuscula antrosum projecta tandem a vi attractrice, & a vortice abripiantur retrorsum: definiendus est certus aliquis terminus, ultra quem saltem in magna quantitate non excurrant coercita vi retrorsum, sive centripeta. Ponamus autem esse *nmr* eundem, quem antea accepimus. Tunc vero columnæ, quæ ex poris superficiei *tg* exeunt, pro fluidorum natura, quæ in omnes partes, ubi minus iis resistitur, & in propiores primo ac præsertim sese diffundunt, spatio *urgt* comprehensæ tum retrorsum hinc inde vergere incipiunt ac fluere, tum in columnarum locum, quæ ab *nmr* pertinent ad solidas usque particulas superficiei *tg*, se exonerant, propterea quod & terminum *nmr* præterire nequeunt, & in locis similium columnarum minus iisdem resistitur. Ita fit, ut antequam corpuscula hinc inde retro se conferant, partes solidæ magnetis A plures ictus, quibus ad alterum propellantur, accipiant.

§. 199.

Pororum autem illa in rectum dispositio non pro libito in hanc disputationem inducta fuit, nec, si eam recte intelligas, pugnat cum opacitate magnetis. Quamvis enim in ferro oblongo antequam effluviis magneticis penetraretur, aut in magnetem vertatur, pororum ordo, ut in metallo, perturbatus sit, tamen cum accedunt magnetis corpuscula, continuatos ab uno ad alterum extremum meatus efficiunt, propterea quod longitudinem ferri percurrere amant cap. 4. lib. 1. Quemadmodum autem ab ima trunci, & ramorum parte ad summam meatus ita continuati sunt, ut succus nutritius recta ascendere possit; itemque in oblongo carbone ductus pororum ita ab uno extremo ad alterum pertinent, ut aqua ab uno ad alterum transeat; quamvis nec truncus, nec carbones perlucidi sint: ita etiam quamvis frustra magnetis ac ferri opaca sint, tamen esse potest in iis pororum ductus inter extrema, quos poros magnetica effluvia recta trajiciant. Quod idcirco in hisce corporibus esse potest, quia pori tametsi continuati a recto tramite ad lævam, ad dexteram, sursum, deorsum deflectere queunt. Quæ magis perspicua fient, si animum advertamus ad oleosam materiem, qua substantia ferri terrestris tota pervaditur, conteritur, penetratur, ac

in

in minutissimas partes dispescitur. Cujus oleosæ materiæ magna pars etiam in ferro in magnetem converso remanet §. 91.

§. 200.

Ceterum mea sententia est impulsum a columnis omnino fluidis non fieri tantum in extimis punctis solidis poli *tg* (fig. 7.) magnetis *A*, sed etiam in singulis intimis ac minutissimis solidis partibus a *zo* usque ad *tg* pertingentibus, in quas potissimum si aliquantisper promineant, & regressum a *tg* ad *zo* instar villorum impendant, §. 96. & seq. columnæ fluidæ reflectuntur, & imperum faciunt. Illud enim in ea tantum fluida convenit, quæ poros corporis immergi nequaquam traiciunt. Hinc autem planius etiam fit, cur ab hujusmodi fluido tam grave corpus, ut magnes, ad alterum pelli queat.

§. 201.

Verum hæc hætenus: nunc inspiciendum est, quid ex nostro systemate fieri oporteat, si duo poli cognomines obvertantur, id scilicet, e quibus egrediuntur corpuscula ejusdem speciei. Si enim magnetes ad se invicem accessuros ex illo concluditur, ut experimentis contrarium omnibus repudiandum est. Sin autem contra discessum alterius ab altero collegerimus, novum aliquod momentum eidem accedet. Re autem vera id infertur. Nam si ex cognominibus polis *en*, *zo* (fig. 7.) corpuscula ejusdem speciei egrediuntur, neutra in polum sibi obversum ingredientur, quod in iis poros, per quos ingredi possunt, non inveniunt. §. 113. Quare corpusculorum ab *en* egredientium pars retro abripietur ad polum ingressus *db* perinde, ac si foret solus magnes *B*, pars alia a vortice erumpente e polo *zo* magnetis *A* ad polum posteriorem *tg* ejusdem rapietur, ut simul cum illo per poros obvios in *tg* ingrediarur, & percurso magnete e polo *zo* una cum corpusculis ejusdem magnetis *A* egrediarur. Idem affirmari potest de parte vorticis erumpentis ex *zo*, quæ ad polum posteriorem ingressus *db* pergit, per eum se insinuat, & peragrato magnete *B* e polo *en* magna vi erumpit. Quamobrem licuti cum poli binomines obvertebantur, magnes *A* ad magnetem *B* pellebatur a corpusculis, quæ profecta ab *en* se per polum obversum *zo* insinuabant, & ab alio egrediebantur, eo quod magnes in partem motui & tendentiæ materiæ fluidæ contrariam impellitur: ita ob eandem rationem, cum poli cognomines obvertuntur, alter magnes ab altero repelli debet, propterea quod corpuscula profecta ab *en* per polum posteriorem *tg* in magnetem *A* ingrediuntur, & ab anteriore exeunt.

2. At enim supra monuimus non ipsi fluidi aliquam versus partem motui, sed ipsius versus superficiem ortæ a vi centrifuga tendentem.

tendentis motum solidi in partem contrariam ferri acceptum debere §. 180. Quare obversis cognominibus polis *en*, *zo* quid repellendos magnetes A & B confert partem materis erumpentis ex *en* circumlatam magnetem A ingredi per *tg* & exire per *zo*, & similiter partem effluentis ex *zo* intrare per *db*, & erumpere per *en*, cum nihilofcius in contrariis extremis vorticum libramentis *umr*, *xyg* sint centrifugæ vires, quæ magnetes alium versus alium propellant?

3. Ut huic difficultati satisfaciam, adverto, quicumque poli sibi invicem obvertantur, non prorsus cessare aliquem ex vorticibus, perinde ac si in unum coirent, nec vires centrifugas in iis vorticum extremis, quæ adversa sunt inter utrumque magnetem. Cum enim poli *en*, *zo* sunt binomines, materis quidem erumpentis ex *en* pars abrepta a materia vorticis A intrantis per *zo* se per eundem ingressus polum *zo* insinuat, sed alia pars pergit refluerere abrepta ab iis materis moleculis, quæ in polum *db* se intrudere pergunt; immo abripit etiam aliquas fluidi circa magnetem A rotantis moleculas. Cum vero poli cognomines, tam moleculæ vorticis A trahunt aliquas vorticis B, quam e contrario, sed utraq; fluidi portionem attractam impellunt versus posticas partes, ut per polos aversos *tg*, *db* ingrediantur, contraquam in altero eventu contingit. Hoc constituto fac in primo eventu vorticem effluentem ex *en* pervenire usque ad alteram partem *turg* magnetis A; quod facile potest usuvenire, quando intervallum non valde magnum inter utrumque magnetem interponitur. Ex parte poli egressus *tg* curvilineus vorticis ex *en* erumpentis motus cum curvilineo pariter motu effluentis ex *tg* congruit, eo quod ibi uterque utrimque dispescitur in curvas lineas, in quibus ad posteriora magnetum recurrit, & concavum versus easdem plagas obvertentes. At ex parte poli ingressus *zo* motus ejusdem vorticis effluentis ex polo *en* est contrarius motui vorticis ingredientis in *zo*, eo quod ille sit in curvis concavum obvertentibus versus A, hic in iis, quarum concavum respicit B, & quidem secundum directiones contrarias. Ex quo fieri debet ut vis centrifuga vorticis ex parte poli *tg* augeri debeat, eo quod materia fluida, quæ ibi convertitur in orbem, densior & major est, quam antea, & quæ additur versus eandem plagam contendit; scimus autem ex superioribus vim centrifugam eo esse majorem, quo major est massa fluidi, quod in gyrum abripitur: vis autem centrifuga ex parte poli ingressus *zo* aut minui, aut saltem minus augeri, quam ex contraria, eo quod materia quæ accedit, tendit versus partem contrariam, & ideo celeritatem prioris vorticis minuit, & ideo centri-

trifugam vim, quæ illius quadrato proportionē respondet Tom. II. *Phy. Gen. §. 251.* Quamquam nec tantum accedit materiæ, quia pars ejusdem pergit ad posteriora magneteris B recurrere & aliquam partem vorricis A secum trahit. Cum autem ante accessum alius ad alium magnetem vires centrifugæ vorticis A forent cum vi centripeta orta ab attractrice temperatæ, ut omnes circa magnetem columnæ forent prorsus in æquilibrio, necesse est ut vires centrifugæ ob magnetum accessum plus auctæ in *nmr*, quam in parte contraria magneteris A in contrariam plagam, idest versus alterum B propellant. Quæ ratio concludi potest etiam de vortice exeunte ex *zo*, qui si pertineat usque ad *db*, ejus motus cum motu vorticis exeuntis per *db* congruit. Unde fit etiam ex parte *xyq* futuram esse majorem centrifugam vim, quam ex parte *en*, & ideo magnetem B quoque versus alterum A iri propulsum. Quod si magnetes adeo vicini non sint, ut ambo vortices se vicissim complectantur, vel se non trahent magneteres, vel si attractio nihilominus perficiatur, saltem ex parte polorum obversorum *en*, *zo* vis centrifuga ob allaram rationem diminuetur, & ob majorem copiam materiæ erumpentis ex *tg* ex eadem plaga intendetur.

3. Atque ita res debet usuvenire, cum poli binomines e regione ponuntur. At si poli objiciantur *en*, *zo* cognomines, ex quibus materia magnetica ejusdem rationis erumpit, nemo non videt contrarium usuvenire oportere. Nam ex parte utriusque poli vicini *en*, *zo* materiæ effluentes incident quidem in curvis, quæ convexitatem sibi vicissim obiciunt, sed ubi se curvæ contingent, particulæ rotantes directionem habebunt in rangentibus versus eandem plagam directis. Ex quo fit ut vis centrifuga ibi crescat ob accessum novæ materiæ, non vero ob contrarietatem motus & velocitatis decrementum minuatur. At ex parte polorum *tg*, *db* motus unius vorricis erit contrarius motui alterius, tum quod attinet ad concavum & convexum curvarum, tum quod attinet ad directionem. Ergo vires centrifugæ sunt ibi minores, quam inter utrumque magnetem. Ex quo tandem concluditur magnetes a viribus centrifugis utriusque vorticis intercepti in contrariam partem esse pellendos, atque idcirco alterum ab altero removendos.

§. 202.

Attractione & repulsu magnetum ita explicatis, ratio reddi potest illius, quod Dechales alique ac præsertim Musschenbroechius (*Essai de Phys. §. 549. 550.*) circa utriusque discrimen observarunt, magnetem arrahi validius, quam repellatur, sed notante eodem Musschenbroechio repulsionem ad longius pertinere intervallum, quam attractionem. Nam quod attinet ad primum, ex dictis elici potest

potest vim centrifugam in extremis *umr*, *xyq* (fig. 7.) cum poli binomines prope ponuntur, esse majorem centrifuga vi, quæ inter polos cognomines prope collocatos oritur, eo quod motus vorticum utriusque magnetis in partibus *umr*, *xyq* omnino consentanei sunt; ex quo fit ut vi centrifugæ his in locis ob majorem massam a commixtione duplicis vorticis ortæ non parum accedat, nihil vero ob contrarias motuum directiones decedat. At cum poli cognomines objiciuntur, vi quidem centrifugæ inter utrumque polum aliquid ob eandem majoris massæ rationem accedit, sed multo minus, quam in primo eventu, eo quod pars aliqua materiæ ingredientis in polum *zo* a vortice erumpente ex *en* & ad posticas partes recurrente versus plagam *xyq* abripitur. Cum autem augmento virium centrifugarum in partibus extimis accessus magnetum, augmento vero in interpositis recessus eorumdem feratur acceptus, manifeste consequitur vim attractionis majorem esse debere vi repulsionis. Quod erat primum.

§. 203.

Nunc venio ad secundum, cujus rationem peto ex hoc ipso, quod attractio pendet a vi centrifuga partium extimarum *umr*, *xyq*, & repulsio a vi centrifuga partium vorticis, quæ interpositæ sunt. Nam etsi ob allatam rationem concentus utriusque vorticis in omnibus, cum de primæ incremento agitur, non vero cum de secundæ, attractio præ repulsione se validiorem præbeat: tamen major extimi loci *umr*, in quo hæc vis centrifuga major esse debet in primo, distantia a polo *en* exitus corpusculorum materiæ fluidæ, quæ illam vim debet augere; minor vero loci interpositi distantia a polis vicinis exitus utriusque vorticis *en*, *zo* in altero eventu, satis idoneam suppeditant causam, cur iidem vortices vim repulsionis ad valde majorem distantiam, quam attractionis explicare debeant.

§. 204.

Quantum vero magnes ab altero magnete abscedere debeat, non ita facile est definire universe. Id enim pendet a pluribus, quæ alio atque alio modo se habent. Nam si magnetes in cymbis nantibus sint, tanta vis ab uno in alterum manare debet, quæ satis sit superandæ resistantiæ, quæ oritur a gravitate magnetis repellendi, & cymbarum, a difficultate scindendi aquam & aerem, atque a frictione particularum aquæ & aeris incurrentium in minimas cymbæ particulas prominentes. Si vero magnes repellendus sit ad alteram statæræ lancem appensus, & cum æquali pondere libratus, valde minus resistantiæ superandum esse colligitur ex communi Recentiorum sententia circa frictionem, quæ in motu

tu recto, qualis esse debet in magnete in cymba natante, multis partibus major est, quam in motu rotationis, qualem in magnete lanci imposito repulsio gignere potest. Quare multo facilius erit movere magnetem e lance suspensum, quam in cymba natante collocatum; unde fit, ut ille aliquando in eo loco vorticis alterius magnetis reperiri possit, in quo si appensus fuerit, ab effluviis magnetis repellatur, si in cymba positus, non repellatur.

2. Hoc idem statuendum est, quod ad locum attinet, unde magnes ab altero incipit attrahi: pro diversitate scilicet resistentiæ aliter definiendus. Sed postquam magnes ad alterum pelli coepit, tamdiu accedet, dum ad eum adhærescat: Nam quo magneti sit propior, eo major est vis corpusculorum pellentium; de quo alias disputabimus.

§. 205.

Ut vero magnes alterum tetigit, eidem adhærere debet ea vi, qua pellitur ad illum, cum abest: immo vero multo majori, cum quia singulæ partes illius alteri sunt propiores, cum maxime quia columnæ repellentes sunt multo pauciores; nam, ut alibi advertimus §. 187. 193. columnæ illæ, quæ ab *en* (fig. 7.) polo magnetis B profectæ in partes solidas poli 20 magnetis A incidunt, magnetem A nituntur ab altero repellere, ac ideo partem aliquam detrahunt de illa vi, qua columnæ spatio *tyru* contentæ eundem magnetem A alterum versus impellunt. At cum magnes, aut ferrum magneti adhærescit, quamplurimæ saltem particulæ solidæ ferri, ac magnetis cum particulis solidis alterius cohærent. Quamobrem magnes ad alterum majori vi adhærescet, quam ad eum accurrat; ut cubus aqua gravior v. g. ferreus majori vi fundum tenet, quam ad eum feratur, si fundum inter, & basim inferiorem cubi aqua ad latera polira penetrare non possit. Tunc enim gravitas torius aquæ incumbens superanda est in cubo attollendo, quod propter exactum basis ejusdem cum fundo contactum nullæ sint columnæ subjectæ, quæ vi a lateralibus mutuo accèpta solidum sursum pellant §. 174. Quod est causa, cur solida ipsa aqua leviora magna vi basi vasis adhæreant. Jam vero inter utrumque polum *en* egressus, & 20 ingressus sunt vires utriusque vorticis centrifugæ, quæ licet minores viribus, quæ ad partes extimas *umv*, *xyq*, tamen utpote iisdem contrariæ & utrumque magnetem in partes contrarias propellentes non parum de actione aliarum decerpunt, & attractionem diminuunt. Magnetibus autem se contingentibus vortices interpositi amplius non sunt. Ergo vires centrifugæ in extimis partibus tunc majorem in copulandis magnetibus virtutem exercent opus est.

De Magn. T. I.

O

• Ax.

ARTICULUS II.

De attractione magnetis & ferri.

§. 206.

ATque hæc ita accidunt, cum ipsi magnetum poli obvertuntur. Quid autem fieri oporteat, si aliæ magnetum partes objiciantur, hic inquirendum restaret, ut absolutiorem de hisce rebus tractatum haberemus. Sed cum in experimentis magnetum, quorum aliæ a polis partes e regione ponuntur, etiam vis directricis magna ratio habenda sit: idcirco de horum situm descriptione integrum nobis servabimus, cum ad secundum quæstionis propositæ caput venerimus. Nunc vero antequam ulterius progrediamur, de ferri etiam attractione, ac de repulsu nobis agendum est. In quo dum versabor, non repetam ea, in quibus ferro cum magnete convenit; etenim id facerem frustra, cum constet ferrum ita imbui virtute magnetica, ut magnetis proprietates acquirat. Sed ea solum attingam, quæ speciatim in ferrum cadunt. Ac primo ratio reddenda est, cur ferri frustum ad sensum magneticæ virtutis expers, & altera parte longius, cuicumque eodem polo magnetis objiciantur extrema, magnes ad se alliciat, nec, ut certissimis nititur experimentis, unquam repellat. Hanc autem assero: Ab utroque polo magnetis egrediuntur magnetici vortices corpuscula, quæ in anteriores partes procedunt. Quare cum in illa virga nullus adhuc sit polus, aut vortex, a quo corpuscula certæ speciei huc potius, quam illuc abripi possint, & ceteroquin ferrum ubique ab effluviis magneticis utriusque generis permeari queat; quod meatus opplati oleosa mollique materie his recipiendis adhuc idonei sunt §. 94. 95. & alioquin vis attractrix extremi propioris ratione habita minoris distantie major sit vi attractrice remotioris; corpuscula e quocumque polo egredientia magnetis in innumerabiles poros extremi vicini, & in alias etiam laterum partes vel recta, vel saltem alterum versus extremum ingrediuntur; illud totum perfundunt, & in minutissimas columnas dispescunt §. 185. 186. molles, & oleosas particulas, tamquam villos, alterum versus extremum insectant, ac deprimunt §. 94. & ab altero extremo egrediuntur, polisque in utroque constitutis (l. 1. cap. 4.) circa ferri rotantur. Sed corpuscula, quæ e polo magnetis egressa in ferri partem vicinam ingrediuntur, & ab alterâ erumpunt, ferrum ob eandem rationem, qua magnetem, ad magnetem pellere debent. Ergo quodcumque extremum ferri cuicumque polo magnetis objiciatur, ferrum ad magnetem abripitur, atque si magnetis sic

tol-

collatur, ut ille polus infra sit, ab eo suspensum manet.

2. Si vero huius ferri, quod e magnetis polo suspenditur, extremo alterum ferrum admoveas, idem pariter sustineri videbis, quoties duorum gravitas tanta non est, ut vim corpusculorum magnetis excedat. Cujus phaenomeni ratio facile ex dictis concluditur. Cum etenim admotione ad magnetem illud ferrum magnes fiat, & ejus remotum extremum corpuscula emitat, quæ alterius ferri meatus trajicere possint; mirum non est, si qua ratione magnetes ferrum trahit, ea ferrum magnetis virtute imbutum alterum ferrum trahat.

§. 207.

De frusto autem ferri, quod, antequam magnes admoveatur, jam aliqua sub sensus cadente vi attractrice præditum est, alibi edisseremus. Nunc investigandum est etiam, cur non solum magnetes attrahat ferrum, verum & ferrum magnetem attrahat. Nam quod duo magnetes se mutuo alliciant, haud mirum est; quia scilicet ex utroque erumpunt corpuscula, quibus alter alterum trahat. Sed mirum videri potest mutuam hanc attractionem esse quoque magnetem inter, ac ferrum, quod antea virtutem attractricem non habebat. Verum ex duplicis vorticis systemate ratio potest erui etiam istius effecti. Cum enim a partibus anterioribus poli cujuslibet plus minus ab eodem distantibus polum versus vortex regrediens se conferat, & in poros ejusdem se intrudat §. 164. & seq.; illius corpuscula per extremum remotum virgæ a polo aliquantum distantis, & eidem ad angulos rectos insistentis, si usque illo perveniant, aut saltem per latera ejusdem in virgam ingrediuntur, & cum polum versus directa sint, ad extremum virgæ polo magnetis propioris proficiscuntur, ibique formato polo exitus corpusculorum, quæ per obversum polum magnetis ingrediuntur, erumpunt & quidem non sola, sed una cum iis, quibus ferrum antea quoquo versus imbutum reperiebatur. Quod enim hoc ferrum sensû vi trahendi non polleret, non inde oriebatur, quia nulla forent in ejusdem poris magnetis corpuscula, nullaque circa eundem rotarent; nam id est contrarium & iis experimentis, quibus compertum sit ex solo situ, aut ex concussione sine ullo magnete vim attractricem a ferro acquiri §. 97. & rationi, qua constat non posse in ferro esse majorem illam præ aliis corporibus recipiendorum magnetis corpusculorum ortam a vi attractrice facilitatem, de qua cap. 1. l. 1. disseruimus, quin corpusculorum circa terrestrem magnetem rotantium §. 128. & seq. non exigua copia in ejus innumerabiles poros se insinuet, & circa idem utrumque rotetur lib. 1. cap. 4. & §. 134. & seq. Sed illud erat causa, quod cum

O 2

vir-

virga esset parallela horizonti, & propter diversas huc illuc succussiones particularum olei mobilium ordo perturbatus foret, corpuscula terrestris magnetis potius non erant, unum tantum versus extremum illas inflectere atque deprimere, & acervatim ab uno extremo exeuntia, ac regredientia communem quemdam totius materię vorticem constituere; sed tantummodo poterant indiscriminatim hinc inde exire, & huc illuc se intrudere. Quod ad ferrum aliud trahendum, aut repellendum satis non est: tunc enim rotatio foret alia in aliis particulis atque in omnes partes. Quare ferrum in nulla certam ac definitam partem impelleretur, §. 180. num. 2. Præterquamquod ad solidum repellendum ad centrum vorticis communem omnium particularum vorticem aliquo versus necessarium esse ex iis, quæ a Philosophicis vulgo statuta sunt, sit manifestum.

2. Sed de his etiam alias; nam dicta sunt satis, ut intelligere possimus, cur etiam ferrum a magnete tractum magnetem eundem trahat, quia scilicet extremum ferri polo vicinum, perinde ac si magnes alter foret, vorticem habet egredientium corpusculorum, & in polum obversum magnetis ingredientium, constat ex corpusculis tum ipsius magnetis, tum ferri. Unde si magnes polo suspendatur e lance statæræ, quæ cum altera æquilibretur, & extremum virgæ, quæ manu teneatur, magnetis polo inferiori ad certam distantiam offeratur, magnetem ad ferrum post aliquot breve tempus, quod vortici formando necessarium est, accurrere videbimus. Quamquam ob ea quæ §. 187. de magnetibus disseruimus, etiam sine duplici vortice accessus magnetis ad ferrum explicari queat. Unde ex hoc nullum pro duplici vortice argumentum deducimus.

§. 208.

Ex eo potius, quod polus uterque magnetis ferrum vis magnetis expers trahit, videtur inferri posse non leve argumentum pro sententia duplicem vorticem statuente. Si enim unicus tantum foret ita, ut ex altero polo solum egrederentur corpuscula, in alterum solum ingrederentur, non video, qui fieri possit, ut tam illa, quæ a magnetis polo in anteriora se protendunt, quam alia, quæ ab anterioribus polum versus se conferunt, ferrum ad magnetis polum pertrahant. Vires enim eiusdem fluidi modo hanc partem spectantes, modo contrariam, non videntur posse in solido immerso motum semper efficere in plagam eandem. Si enim, ut nos volumus, egredientia corpuscula e polo ferrum ad polum trahunt, cur non ingredientia repellent? Aut si egredientia repellunt, cur non ingredientia trahunt? Plures eam reddidere rationem, quod

quod ab effluviis magneticis aer inter utrumque magnetem scilicet, ac ferrum interpositus expelleretur, & aer positus ad extrema remotiora utriusque vi elastica se expandere contendens unum alterum versus propelleret. Hæc autem expulsio aeris e spatio intercepto fieri potest, siue ab ingredientibus, siue ab egredientibus corpusculis magnetici vorticis. Sed primo responderi potest, hanc sententiam, qua in attractionis negotio ad aerem confugimus, ab omnibus esse explodendam, quod experientiæ contraria est §. 6. Deinde etsi vera foret, tamen etiam ferrum suis polis ante instructum, quam ad magnetem admoveatur, ab illo attrahitur, cum poli binomines admoventur; cum vero cognomines, aliquando repellitur. In quo adversariis optionem do eligendi utrum velint, an scilicet repulsio fiat, cum magnetica corpuscula polum ingressus constituunt in extremo remotiori ferri, & polum egressus in viciniore, quod nobis placet, an vero, cum e contrario. Si primum, inde fiet, ut cum ille polus magnetis, in quem tantummodo corpuscula intrant, ad extremum ferri vis magneticæ expertis applicatur, ferrum illud a magnete repelli debeat. Tunc enim polum ingressus in remotiori extremo, & egressus in propiori formatur §. 203. Nec quidquam refert in ferro vivo ante fuisse vorticem proprium corpusculorum. Nam etiam in fetto virtutis magnetis experti existit hic vortex, postquam effluvia magnetica per extremum remotius ingredientia, & per viciniore egredientia, etiam corpuscula, quæ prius in ferro erant, ad hunc cursum tenendum impulerint §. 203. Sin autem secundum, inde efficietur simili fere ratione futurum esse, ut cum polus exitus corpusculorum extremo ferri applicatur, magnes ferrum repellat. Atqui neutrum accidit; nam uterque polus ferrum virtute magnetis spoliatum attrahit §. 202. Ergo illa hypothesis unici vorticis, unde etui posse videtur in alterutrius poli applicatione ferrum virtute magnetica carens a magnete repulsum iri, ut contraria experientiæ repudianda est.

2. Sed re accuratius expensa statuendum est etiam in vorticis unius hypothesi reddi posse rationem, cur quicumque magnetis polus ad ferrum admoveatur, ferrum ad magnetem, & vicissim, magnes ad ferrum accurrat. Nam si polum egressus magneticæ materiæ ad unum ferri extremum admoveas, in illo vicino extremo fiet polus ingressus effluviis & in altero extremo fiet egressus, eo quod effluvia a magnete erumpentia ab extremo vicino remotius versus directa sunt; sin autem polum ingressus, e contrario existet polus egressus in extremo propiori, & ingressus in remotiori, eo quod corpuscula redeuntia ad magnetem, ut in illum se in-

tur, & major intercepti aeris pars ante contactum expellitur, de quo vide experimenta Musschenbroechii a me exposita tom. III. *Phys. Gen.* §. 144. altero lignei cylindri, cujus polita basis fundo vacui vasis lævigato imponatur. Si enim aqua desuper infundatur, & fundum oblitum oleo ante non fuerit, aqua inter basim, & fundum se infinnat, & cylindrum sursum propellit; sin autem illitum fuerit, columna manet ibidem, & ab aqua incumbente magna vi contra fundum urgetur, quod pori ac meatus oleo repleti fuerint, ac superficies basis, ac fundi ita exæquatæ, ut exilissimæ aquæ particulæ eo penetrare non possint. Ex quibus non dubito rationem aliquam asserre vulgarium illorum, sed mirabilium experimentorum, quibus didicimus oleum per opaci corporis meatus diffusum lucem transmittere. Ita pagina alba oleo imbuta perlucida fit, luce poros ejusdem facillime pervadente. Ita urinatores oleum ore spargunt, & aquam perlucidam faciunt ut norat Plinius (*Hist. Nat.* l. 2. cap. 103.) Ita vitrum comminutum in pulverem, & supra speculi planitiem diffusum lucem non transmittit; continuo vero perlucidum fit, si oleo resinæ therebinti meatus impleantur observante Musschenbroechio (*Essai de Phys.* tom. I. §. 40.) Quæ omnia unam & eandem causam habent, scilicet cum lucis tractio per poros magnam in parietibus lævitatem requirat, ne scilicet angulis, paribusque exstantibus diffracta ad oculum non ita perveniat, quemadmodum ab objecto delineando discedit; cum vero olea eam lævitatem in asperis superficiebus inducant: mirum esse non debet, si pori corporis alioquin aut opaci, aut parum perlucidi, oleo illiti luci trahendæ idonei fiant.

2. Solidiores itaque pororum ferri, ac magnetis parietes pro natura cujuscumque solidæ superficiei asperi sunt, scilicet partes habent exstantes atque depresso, quæ licet exiguæ, tamen quia si cum tenuissimis magnetis corpusculis comparentur, non mediocres sunt, eorundem poros transeuntium, & in ipsas incurrentium velocitatem infringunt. Cum vero meatuum ferri parietes magna oleosarum particularum vi obliti sint, quæ si minus fluidæ, saltem admodum molles sunt, & ad naturam fluidarum accedunt §. 73. cumque materia magnetica irrumpens exstantes atque versatiles illius olei partes aliud versus extremum vi, qua ingreditur, deprimat: parietum oppletis foveis, quo molles exstantes particulæ a magnetico profluvio inclinantur, internæ pororum superficies multo æquabiliores, & ad effluvia magnetica libere transmitrenda aptiores redduntur. Quamobrem ut corpusculorum lucis tranantium pagine poros imbutos oleo celeritas augetur, ita corpusculis materiæ magneticæ, dum ferri poros trahunt, multum adjicitur velocitatis.

Nam

Nam pori magnetis ; unde erumpunt , habent copiam olei multo minorem §. 87 , 90 , & propterea quod cum salibus conjuncta est, eam ipsam multo etiam solidiorem §. 92 , 109 , 100.

§. 211.

Ex hac autem minori, aut majori portione olei concludi potest, cur inter ipsa diversa ferri genera alia sint, quæ minus, alia, quæ magis trahantur. Qua in re placet experimenta producere D. de Fay (*Mem. de l'Acad. an. 1730. pag. 135. edit. Paris.*) Is curavit sibi fieri quatuor æquales & expolitas laminas, primam ferri, alteram chalybis, tertiam chalybis temperati, ultimam ferri fusi, & eodem modo ad magnetem admovit, ut quantum est in contactu, vis diversa cum iisdem non communicaretur. Dum affricarentur, sensit ferream firmitus ceteris adhærere, tum chalybeam, deinde chalybeam ex chalybe temperato, omnium vero minimum eam, quæ ex ferro fuso facta fuerat. Idem cum armamenta quammaxime fieri potuit æqualia ex ferro puro, ex chalybe, & ex chalybe temperato sibi fabrefieri fecisset ; armamentum ferreum in trahendo ferro aliis præstare, chalybeum sequi, ultimo vero loco esse armamentum ex chalybe temperato deprehendit. Quod si quatuor illæ laminæ a magnete avellantur, & ad acum magneticam applicentur, chalybea ex longiori intervallo eam trahit, quam proxime sequitur illa quæ ex chalybe temperato ; huic succedit lamina ferri fusi ; quæ vero cum magnete conjuncta primas obtinebat, avulsa a magnete ultimum locum tenet. Præterea lamina chalybis, tametsi remotior, acum magneticam ab aliis avellit.

2. Nec omittenda sunt experimenta Musschenbroechii, quæ sunt consentanea modo allatis experimentis D. de Fay. Nam homo expertus est (*Essai de Physiq. tom. 1. §. 555.*) armamentum chalybis, quod quantum fieri potest, temperatura obduruerit, ultra pedis intervallum non attrahere ferrum ; quod si tantisper emolliatur, suam vim in longius spatium diffundere, & si plus emolliatur, illius attractricem virtutem plus etiam protendi. Docet autem id obtineri, si ferrum, aut chalybs inclusa crucibulo & commixta corporibus crassissimis & oleosis, uti recentibus hominis excrementis, butyro salium experti, carbonibus contritis arboris alni ad vehementem ignem candescant, & lente deinceps refrigescant : propterea quod oleosæ particulæ poros ferri igne apertos pervadunt, & duriores ferri particulas emolliunt ; itaque imbuuntur illo oleo, quod attractioni magneticæ tam esse necessarium non semel probavimus §. citatis.

3. Nec fertum mollius ea solum de causa ferro duro, & chalybi præstat, quod e longiori spatio trahit, sed etiam quia majus pondus. Nam infra idem Auctor §. 557. hæc habet : „ Ferrum, aut chalybs, quæ dura sunt, nihil valent : nam dum unus ex meis ma-

Dr Magn. T. I.

P

gne-

„ gnetibus pondus 15 librarum attollere potest suspensus e ferro
 „ dulci & puro, si suspendatur e frusto chalybis, eamdem latitu-
 „ dinem, crassitiem, atque figuram habentis, solum 12 libras pon-
 „ deris sustinet; tandem si e frusto chalybis temperati suspenderis,
 „ non potest elevare nisi pondus septem, aut octo librarum,,.

4. Horum omnium ratio patet ex dictis. Quo enim ferrum mollius est, eo pluribus imbuitur oleosis particulis facile versatilibus; nam ferri mollities ab oleo ducit originem §. 73. quo vero ferrum imbuitur pluribus, & facile versatilibus particulis oleosis, eo magis ab effluviis magneticis penetratur §. 209. 210., & celerius percurritur. Ergo & validius a magnete trahi debet, & magnes illo armatus majorem habere attrahendi virtutem. Hoc autem ipsum quod particulæ oleosæ in ferro molli valde mobiles sint, est causa, cur mollis lamina ferri avulsa a magnete minorem ceteris virtutem habeat: quia scilicet magnetis corpuscula, quæ ferro adhæserunt, & circa ipsum rotantur, dum a lateribus oblique effluunt, aut per latera in laminam se oblique insinuant, villorum ordinem ab uno ad alterum extremum dispositorum facilius perturbant, & materiæ fluidæ vim rotationis circa magnetem & ideo polorum virtutem imminuunt.

5. Quod vero pertinet ad chalybem, advertendum ex Reaumurio (*l'Art. de convertir le fer forgé en Acier*) ferrum cum in chalybem vertitur, spiritibus acidis atque sulphureis penetrari; quod pluribus ostendit, atque hoc præsertim experimento. Frustula chalybis commixta materiis, quæ spiritus acidos, atque sulphureos exsorbent, uti calci ossium combustorum, atque cerussæ, include in crucibulo, atque ad ignem admove. Post aliquod tempus si quoddam ex iis frustis confringes, primum a superficie tractum centrum versus e puro ferro constare videbis; quod scilicet ii spiritus acidi chalybis, qui prope superficiem a particulis ignis ab aliis particulis avulsi, commoti, ac in gyrum abrepti sunt, a materiis alchalis ab sorpti fuerunt, ut denuo in frustum chalybeum ingredi non potuerint: quod fecissent, nisi iis materiis circumdatus foret. Hocque fuit causa, cur perspicacissimus auctor supra nudum ignem nequam posuerit chalybea frusta; quod scilicet is alias induxisset particulas acidas, atque sulphureas in vicem earum, quæ ignis eiusdem vi dissipatæ fuissent. Porro si diutius alia frustula calefiunt, atque candescunt, tractus ferri propius ad centrum rediguntur; idque tamdiu continuatur, quousque omnino evanescit substantia chalybis, & frustulum pristinae ferri formæ restituitur. Sed spiritus acidi, qui cum oleosis in duris sulphuris corpus concreverunt §. 92. & 109. poros obducunt ferri, impediuntque, quominus ab effluviis magneticis pervada-

vadatur, & dum particulas ferri oleosas devinciunt, non patum de illarum mollietie, & facilitate qua quoquoersus versentur, detrahunt. Ergo chalybs polo magnetis applicatus minus attrahi debet ab ejusdem effluviis, quam ferrum, & minus alia corpora attrahere. Sed postquam sejunctum est, quod ejus villi, ut rigidiore, minus a recto tramite possunt averti; idcirco majori præ ferro virtute magnetica utitur.

6. Quia vero in chalybem temperatum major etiam salium copia introducitur, & una cum majori salium copia major etiam importatur durities; hinc multo pauciores villi ab effluviis magneticis moveri & dirigi possunt, & tota chaybis temperati substantia in multo majores columnas dispescitur, quæ tanta vi, quanta ferrum, aut calybs, ad magnetem propelli non possunt §. 209. Quamquam autem villi in chalybe temperato semel aliquo versus inclinati, ac depressi difficiliter, quam in chalybe, aliorum torqueri possint, tamen quia nimium exigua villorum pars ab effluviis magneticis depressa, & inclinata tum fuerat, cum is magneti adhærebat, idcirco avulsus a magnete vim puti chalybis in trahendo minime adæquat.

7. Quod vero attinet ad ferrum fusum, tum putarem succedere, quod a Fayonotatum est, cum fusione ferrum induratur, & ab igne, quo funditur, non sufficitur tanta olei vis, quanta exhalatione deperditur. Nam quodlibet ferrum dum ex illa rudi indigestaque materia, quæ e fodinis educitur, fit, saltem semel atque iterum funditur: attamen ferrum primas habet in attractionis negotio. Igitur ipsa fusio per se ferrum attractioni minus aptum facere nequit. Quæ res ita fortassis usuvenit, quemadmodum expertus est homo, quod dum ferrum perficitur, intra ipsos candentes carbonem immittitur, qui magnam olei exhalatione sublatis partem suo restituunt sulphure, ut Reaumurius notavit; dum vero funditur in crucibulo, est procul ab ipsis carbonibus. Verior autem hujus effecti causa mihi esse videtur diversus materiæ ferreæ status. Cum enim a rudi atque informi materie ad ferri formam redigitur, olea cum aliis diversi generis particulis commixta sunt, nec bene digesta atque undequaque per omnes minimas partes diffusa. Quare tunc prodest fusio per ignem, cujus particulis moleculæ diversi generis secernuntur, oleosæ ab aliis extricantur, comminuuntur, & quoquoersus diffunduntur. At si ferrum ad hunc statum redactum denuo funditur, id sine detrimento oleosæ portionis fieri non potest, quia tunc cum ab aliis particulis jam extricata, & per ferri meatus ubique diffusa reperitur, alio igne non potest non consumi ac comburi, & in vapores tolli, aut saltem

tem converti in sulphur, quod est corpus oleo durius §. 92., & attractioni magneticæ minus aptum §. 205. 206. Quamobrem post eam fusionem ferrum a magneticis effluviis minus attrahi debet. Quæ omnia confirmantur ex eo, quod ex Musschenbroechio monuimus in antecessum, satius esse, quod attinet ad attractionem, dimidiam, aut integram horam, quam duas, aut tres, aut quatuor candescere terras illas, in quibus materies ferrea latet, quia scilicet, ut auctor commonefacit, oleum aut insitum simul iis teris, & extrinsecus adscitum ab iis crassis, oleaginosisque materiis, quibus circumdantur, aut insitum tantum (nam quædam terræ sola ignitione per olei diffusionem virtutem magneticam ferri acquirant) (*Essai de Phy. tom. 1. cap. 18.*) a corpusculis ignis per aliquod tempus idoneum continuati introducitur, conteritur, fronditur, ac per omnes illarum poros dissipatur. At si adhuc ad ignem permaneant, oleum introductum, & per omnes poros dispersum consumitur, & e poris educitur. Quamobrem nullis subito, quin si fundamus ferrum molle, & attractioni magnetis accommodatissimum, illud amittat quidpiam illius virtutis, qua trahi potest, & alia trahere secundum experimenta Fayi; sin autem durius, & impolitus, contrarium omnino contingat. Ceterum operæ pretium foret aliis experimentis rem confirmare. Quod facere poterunt, quibus idonea suppetunt instrumenta.

8. Ceterum duas esse puto distinguendas causas hujus virium intensiōis in armato magnete, alteram profectam ex ipsa natura ferri, quod in hisce armaturis consiciendis adhibetur, alteram vero ex modo quo armaturæ construuntur. De prima nos certum faciunt experimenta Musschenbroechii & aliorum, ex quibus comperitur sit ab eodem magnete in iisdem positionibus valde majori vi trahi frustum ferri, aut ipsius scobem, quam magnes aut pulvis contriti magnetis. Hujus vero rationes jam attulimus ductas ex eo, quod magnetica materia citius per ferri poros, quam per magnetis feratur. Sed hic uberius & fufius declaro rationem, quam innuimus ductam ex majori mobilitate villorum in ferro, quam in magnete. Ad eum finem, ut magnetica effluvia vim pellendi versus se invicem, aut repellendi magnetem & ferrum acquirant, satis non est ut sine ullo ordine alia ex horum corporum poris erumpant, alia vero in eisdem se insinuent, sed opus est ut etiam circa magnetem ordinato quodam & versus unam plagam directo cursu abripiantur in gyrum, proptereaquod ex hoc in vorticibus motu existit centrifuga ipsius vis, quæ est causa attractionum. aut repulsionem §. 181. & seq. 185. & seq. At id vero necessarium esse jam vidimus, ut ex altera quadam definita parte corpuscula tantum exeant,
in

in alteram tantum ingrediantur §. iisdem : uno verbo ut poli exitus & ingressus habeantur . Et revera si nullo servato ordine ex omnibus magnetis & ferri meatibus tum alia corpuscula evaderent, tum alia eodem tempore ingrederentur, ex eorum viribus versus omnes easque contrarias partes directis nullus in magnete & ferro versus aliquam definitam plagam motus generari posset . Cum autem in ferro dulci villi valde molliores sint & quamcumque versus plagam magis versatiles, quam in chalybe præsertim temperato, & multo plus quam in magnete, in cuius poris a salibus jam fuisse vidimus ante quoquoque directos, & simul factos rigidiores, quam perfectus magnes existeret, nemo nos videt inde consequens esse multo plus corpusculorum e magnete etumpentium versus omnes partes dissipatum iri, si per alterius magnetis aut chalybis, poros, quam si per ferri meatus se intrudant . Ergo ipsum per se ferrum fortius a magnete, quam alter magnes trahatur necesse est . Ad quod etiam conferre potest, quod in ferro plus est particularum trahentium, quam in magnete . Nam ex quibusdam Musschenbroechii experimentis, de quibus infra tractabimus, compertum fit moleculas etiam ferri volatiles, quæ diversis chymicis operationibus extrahuntur, virtute magnetica esse donatas . Jam vero magnes existit e ferro, cujus oleosæ particulæ salibus ante comprehensæ calore deinceps una cum salibus bona ex parte eliciuntur §. 90. Igitur ob hanc etiam causam ferri virtus attractrix sit major oportet .

9. Quod vero attinet ad alterum caput, jam vidimus §. 28. 66. ferrum & effluvia magnetica ita esse comparata, ut si magnetis polo subtilis & longa ferri lamina obijciatur, magnetica effluvia ad alteram crassitie partem non transeant, tamen si solum exiguæ crassitie intervallum sit interpositum, sed se per ferri substantiam diffundentia, ad extrema laminæ magna copia confluere . Jam vero magnes AB (fig. 8.) ita armatur, ut ad polos A, B, & ad latera AG, BR applicentur duæ subtiles laminæ ferri in duos crassos pedunculos a & b desinentes . Quare non solum corpuscula e polis A & B effluentia, sive ex altero effluentia, in alterum vero ingredientia, sed etiam quæ ex ipsis lateribus AG, BR sine ullo ordine erumpunt, & in eorum poros ingrediuntur §. 59. & seq. hac ferri virtute contendunt ad laminarum extrema, sive ad pedunculos, & in eorum angulis polos ingressus & exitus collocabunt . Quare ob utrumque caput, quotum primum etiam ab Eulero tactum est, in pedunculis major existit vis non solum ob majorem illorum viciniam, ut notat Cl. Auctor, sed etiam quia major corpusculorum ex toto magnete exeuntium copia conglobata in iisdem reperitur.

ARTICULUS III.

De quibusdam attractionis inter magnetem & ferrum phenomenis .

§. 212.

HActenus exposita de majori vi, quam corpuscula magnetis in ferri interstitiis acquirunt, viam mihi muniunt ad explanationem celeberrimi experimenti de filo ferri, quod vel inter magnetem, ac alterum ferrum collocatum, ita ut unum ejus extremum polo magnetis, alterum autem ferro adhærescat, vel inter duos magnetes, quorum alter debilior, aliter vegetior sit, debilior magnetes interdum, ut plurimum vero ferreum instrumentum a magnete fortiori avellunt, & secum trahunt. Sed antequam ad explicandam hujus effecti rationem veniamus, experimenta producere juvat tum quæ ab aliis, tum quæ a me facta sunt.

Legitur itaque non paucos apud auctores in duobus magnetibus, altero majoris virtutis, altero vero minoris experimentum aliquando succedere. Hirius (*Mem. de l'Acad. an. 1717. pag. 275.*) ita illud proponit: Notatis polis magnetis, qui obvertebantur, M (fig. 9.) est polus meridionalis magnetis fortioris A, & polus borealis magnetis debilioris B, F filum ferreum inter utrumque interceptum. His constitutis si B amoveatur ab A, sæpe fit, ut filum ferri F a magnete fortiori A divellatur, & magnetem B tamen si debiliorem sequatur. Si loco magnetis sit ferrum B, citatus auctor fateatur, rem sibi semper ita contigisse, ut filum ferri F sequatur ferrum B, sed postquam duos, aut tres pollices recessit, tunc avellatur etiam a ferro B. Sed cum ad experimentum faciendum accessi, rem non semper ita mihi usuenire, ut Hirio usuenir, animadverti. Quæ res me valde sollicitum habuit. Nec enim mihi fas erat dubitare de experimento viri tum fide dignissimi, tum in experiendo solertissimi. Nec tamen poteram meis ipse oculis fidem non habere. Quare in eam curam mihi animum esse intendendum putavi, ut planum facerem, quando accidat id, quod contigit Hirio, quando vero aliter. Re multas in partes versata arbitror me si minus rem acu tetigisse, saltem a scopo non valde aberrasse, faciendo experimenta circa quatuor ejusdem crassitie, & diversæ longitudinis ferrea fila; quorum primum erat longum quatuor lineas parisenses cum dimidia, scilicet paulo plus tertia parte pollicis, alterum vero integrum pollicem, tertium pollicem cum dimidio, quartum denique duos pollices cum duabus lineis. Id vero notandum est polum magnetis, quo in his experimentis sum usus, in scobem ferream distantem longitudine primi multum suæ virtutis exserere, si magnetem

tem inter, atque scobem aer intercederet, in distantem vero longitudine secundi valde parum, in distantem longitudine tertii, & multo magis quarti nihil. Quod si alterum filorum extremum in polo magnetis infixum erat, alterum in scobis ferreæ acervum demitteretur, & deinceps elevaretur, primum filum valde magnam trahebat scobis ferreæ partem, secundum magnam, tertium multo minorem, quartum denique omnium minimam. Itaque si cum primum filum magnetis polo adhærebat, ad alterum extremum ferrum applicarem, & deinceps aut magnetem a ferro, aut ferrum avellerem a magnete, fere semper accidit, ut cujuscumque figuræ ferrum adhiberem, & quocumque in situ, sive magnes supra foret, sive infra, sive utrumque æqualiter ab horizonte distarent, tamen filum a magnete avelleretur, & ferro infixum maneret. Fere inquam; nam semel, & iterum magnes sublatus laminæ cultri filum eripuit. Cum utebar secundo, ut plurimum quidem ferri complexum non relinquebat, præsertim si ferrum inferiorem locum obtinebat, magnes autem superiorem, sed aliquando, & non raro abripiébatur a magnete, præsertim cum magnes locum inferiorem haberet. In tertio filo contrarium omnino accidebat; nam magnes ut plurimum illud trahebat, præsertim cum infra foret, aut æquidistaret ab horizonte. In quarto demum numquam mihi contigit, ut ad eadem ferri frustra, quibus usus antea fueram, aliquando adhæresceret, etiamsi magnes superiorem locum teneret, & fili gravitatem superare deberet. Quod idem multo magis usuvenit in longioribus ferri filiis, de quibus necesse non est singillatim mentionem aliquam facere.

§. 213.

Quorum experimentorum nunc ratio investiganda est. Quem in finem imaginemur filum F (fig. 9.) cuius unum extremum ad polum M magnetis A adhærescat, alterum ad punctum *r* ferri B; sitque F tantæ longitudinis, quantæ erat primum quatuor filorum, de quibus modo locuti sumus. Cum igitur hic habeamus filum valde breve, sive tantæ brevitatis, ut ultra spatium illi æquale magnetis polus multum suæ virtutis in scobem exferat; hinc magna pars vorticis egressa a polo M, & poros fili F prætergressa, per punctum contactus *r* se in ferrum B intrudit. Sed celeritas, qua a filo F in ferrum B corpuscula transgrediuntur, major est celeritate, qua a magnete in filum F ingrediuntur. Siquidem a magnete in filum transeunt illa tantum percita celeritate, quam habent in magnetis poris, quæque minor est alia, quam acquirunt in ferri meatibus §. 106. & seq.; & ceteroquin fili brevitatem fit, ut ad punctum *r* massa, & vis corpusculorum vorticis ab M egredientis non valde sint imminutæ. Quare quemadmodum magnes ferro armatus majori

4. Unde inferemus etiam curvilineas th , tg a corpusculis egredientibus percurfas viam æqualem habere, esse similes, & ad axem Sm similiter positas: nam ubi elementa, quæ curvas aliquas componunt, in singulis punctis inter se æqualia, similia, & ad aliquam lineam similiter posita sunt, ejusmodi esse debent etiam curvæ compositæ; sed talia sunt elementa curvarum th , tg ; nam hæ curvæ constant ex rectis, quas corpuscula e poris egredientia antrosum percurrere nituntur, & ex tangentibus curvarum regredientium, in quibus illa corpuscula retrorsum abripiuntur: nam cum corpus per curvas impellitur; singulis momentis per tangentes curvarum impellitur; sed tum illæ rectæ, tum istæ tangentes sunt in singulis punctis, & æqualibus a magnete intervallis, æqualis virtutis, similes, atque ad axem Sm similiter positæ; ut paulo ante ostensum est. Quod enim pertinet ad tangentes, res plane conficitur ex similitudine, ac simili positione curvarum, quarum tangentes sunt. Constat igitur propositum.

5. His constitutis a quolibet puncto g curvæ tg ducatur perpendicularis gb ad axem, & producaturs usque ad punctum alterius curvæ th : curvæ tg , th sunt æquales, ut facile confici potest ex earum similitudine, simili positione, ac æqualibus angulis ad m ; itemque angulos mixtos thm , igm esse æquales, & rectas hm , gm ex his iisdem causis facile erui potest.

6. Jam vero ducantur ad puncta h , & g tangentes hm , gm , per quas tangentes corpuscula describentia curvas suas exerunt vires; quæ proinde sunt perpendiculares, si tangentes perpendiculares sunt ad rectam hg , & parallelæ axi Sm ; obliquæ vero, si tangentes obliquæ sunt; cetero autem æquales, ut ostendimus, & similiter positæ tum ad axim Sm , eo quod etiam illarum curvæ similiter positæ sunt, tum ad rectam hg , propterea quod hæc ad rectos angulos insistit axi Sm , & puncta h , & g æqualiter absunt ab m . Itaque si tangentes ad hg sunt perpendiculares, constat ex Staticis, cur vires per eas deorsum trahentes rectam hg , posito obice in m , æqualibus momentis pensentur, & virga quiescat: amoto vero obice ita semper deorsum trahatur, ut semper angulos rectos cum axe Sm faciat. Quod idem pariter constat, si obliquæ sint, & angulos nhm , ngm acutos faciant; nam abscissis æqualibus hM , gd quæ exhibeant æquales vires, quæ per illas tangentes se exerunt, ducantur hy perpendicularis ad hg in h , My perpendicularis ad hy ; itemque gx insistent hg ad perpendicularum, & dx insistent eodem modo gx : rectæ yh , xg significant vires, quæ in trahenda recta hg impenduntur, eo quod vires æquales hM , gd viribus reliquis per My , dx significatis rectam deorsum non trahunt.

De Magn. T. I.

R

Sed

Sed *hy*, *gx* sunt ex hypothesi ad angulos rectos, & ut probatur, æquales: nam quia anguli *Mhm*, *dgm* sunt æquales, etiam reliqui *yhm*, *dgx* ex duobus rectis erunt æquales. Quare in triangulis *hyM*, *dgx* habebimus duos angulos *yhm*, *Myh* æquales duobus angulis *dgx*, *gxd*, alterum alteri, & latus *hM* oppositum angulo *y* æquale lateri *gd* opposito æquali angulo *x*. Igitur & latus *yh* æquale erit lateri *xg*, & æquales erunt vires per illa latera significaræ. Hoc idem ostendi potest, si tangentes ad angulos internos obtusos cum *hg* concurrant.

7. Alia demonstratio peti potest ex eo, quod propter æqualia latera *mh*, *mg*, & æquales angulos tum ad *m*, tum *nhm*, *ngm* tangentes concurrant in eodem axis puncto *n* vel infra, si acutos angulos faciant, vel supra, si obtusos: nam inde deducitur vires per eas significatas trahere rectam *hg* juxta directionem axis *nm*, per quem utpote perpendiculararem ad *hg*, & per ejus centrum transeuntem, *hg* semper ad rectos angulos cum axe deorsum trahitur, si nullus sit obex in *m*, & si sit obex, quiescit.

8. Quod vero ostensum est de corpusculis erumpentibus ex *t*, & ex *i*, & curvas *th*, *ig* describentibus, idem ostendi potest de omnibus aliis corpusculis, quæ ad quæcumque duo puncta rectæ *hg* utrimque ab *m* æqualiter distantia perveniunt, & rectam ferream ad magnetem trahunt; itemque de aliis rectis, quæ superimpositæ rectæ *hg* virgam versus *n* in longum porrectam formarent. Sed acus magnetica haberi commodè potest pro virga composita ex pluribus immo infinitis lineolis. Ergo si acus sine obice ponatur, secundum directionem axis *mS* deorsum ita trahetur, ut semper maneat ad polum perpendicularis, idest ad tangentem in *S*, punctum *S* perat, & cum eo conjungatur, ibique in situ perpendiculari permaneat; si vero stylo pyxidis imponatur, & stylus in axe sit, viribus utrimque æqualibus æquilibrata situm perpendicularem conservet.

9. Ex quibus deducitur id, quod alibi nos ostensuros polliciti sumus, centrum virium, quod est in *S*, esse illud poli punctum, quo spectat acus magnetica, quodque nisi aliunde impediatur, petit.

10. Hic porro abs re non erit advertere aliud, quod ex hæcenus demonstratis eruitur, huic systemati nequaquam obijci posse id quod Cartesiano de gravitate fuit objectum, solida scilicet oportere quidem trudi ad vorticis materiæ subtilis centrum, proptereaquod id postulet ejusdem centrifuga vis; sed tamen per lineas curvas, quod motui rotationis materiæ non minus obsequi debere videantur; id, inquam, obijci non posse, quia cum magneticus vortex hinc, & illinc dispescatur in curvas, quarum tangentibus deor-

deorsum trahitur semper ad angulos rectos ad axem; perspicuum est ex legibus de compositione virium, cur acus in axe posita lineam rectam ad polum usque percurrere debeat.

§. 218.

Neque huic recto motui quidquam obesse debent ingredientia in magnetem corpuscula; quia & ipsa in magnete similari per curvas similes, ad axem *Sm* æqualiter inclinatas, & similiter positas, atque in singulis hinc inde reciprocis punctis vim eandem habentes ingrediuntur, ut ostendi potest iis rationibus, quibus quod ad egredientia corpuscula idem confecimus, quia scilicet eam non possunt nisi per rectam lineam cum axe congruentem pellere, atque ideo magneticam acum ab axe non retrahunt.

§. 219.

Jam vero transferatur acus *rb* (fig. 12.) ad æquatorem *NV* productum in *P*, ejus centrum statuatur in *n*, & extremum *b* respiciat polum *S*, cujus egredientia corpuscula polum ingressus in *b* & egressus in *r* aut jam habent, aut sibi facere possunt: acu intra sphaeram corpusculorum collocata, extremum *b* ponatur in loco, in quo corpuscula quæ ab *S* egrediuntur, jam ad posticas partes recurrunt, & a *b* versus *r* progrediuntur §. 167., extremum vero *r* spectet polum *M*, cujus pariter egredientia corpuscula polum ingressus in *r*, & egressus in *b* aut habent, aut faciunt. Inegredientia vero in contrariis partibus polum ingressus, & egressus aperient. In omnia hujus acus puncta incurrunt curvæ corpusculorum utriusque speciei, scilicet tam eorum, quæ a *b* versus *r*, quam illorum, quæ ab *r* versus *b* progrediuntur. Ne autem multitudine linearum figura nimium implicetur, describo tantum lineam *zXe* incurrentem in puncta *r*, & *b* acus. Quamvis autem corpuscula ab *S* profecta, & a *b* versus *r* progredientia aliam curvam peragrent, atque illa est, quam tenent corpuscula, quæ eruperunt ab *M*, & ab *r* versus *b* cursum dirigunt; tamen quia quamproxima sibi sunt, & ita commixta, ut nullus fere vel minimus locus haberi queat circa magnetem, qui utriusque speciei corpusculorum expers sit, idcirco motus eorundem perinde habendus est, ac si eandem curvam utraque peragrarent. Tum ad puncta *b*, & *r* duco in utramque partem tangentes curvæ, *cba*, *mvi*.

2. Quibus constitutis ostendo primum ferream acum a corpusculis utriusque poli, deorsum trahi: nam id antea suo loco non feci, sed me facturum promisi §. 206. In quo conficiendo ita me gero. Corpusculorum, quæ profecta ab *S*, & ingressa in acum per *b* ab *r* egrediuntur, pars abrepta a corpusculis ejusdem speciei, quæ, ad polum *M* magnetis tendunt, ad eundem polum se confert

R 2

pars

pars vero hinc inde regreditur ad extremum *b*, eo quod etiam in *b* sit polus ingressus, & major illa facilitas, quæ regressus corpusculorum est causa (l. 1. c. 4.) Quare ex omnibus corpusculis, quæ per longitudinem acus a *b* versus *r* discurrent, quædam versus *b* abripi debent; atque ideo etiam aliqua portio corpusculorum, quæ ab *r* egrediuntur; præsertim quia propter maiorem celeritatem, qua corpuscula in ferri meatibus feruntur, quam in magnetis poris, maiorem esse oportet facilitatem in *b*, quam in *M*. Quare effluviolum erumpentium ab *r* vortex ultra *r* usque ad aliquem certum locum pertinebit, unde in omnes partes dispectus ad acus posteriora recurret. Hoc fiet, ut duas columnarum species habeamus a *b* usque ad hunc locum, sive terminum vorticis; quarum aliæ cum poris ferri continuatæ omnino fluidæ sunt, aliæ vero in partes solidas ferri incurrentes partim fluidæ sunt, partim solidæ. Ergo quemadmodum cum ferrum est ante polum, ob hanc rationem ad polum propellitur, quia scilicet columnæ penitus fluidæ illud contra cursum corpusculorum, ideoque polum versus impellunt §. 186. ita hic eodem plane modo ostendere possum columnis omnino fluidis fieri debere, ut acus in plagam motui columnarum contrariam propulsetur. Sed cum in singulis punctis directio motus curvarum a tangentibus exprimitur, in puncto *b* motus corpusculorum est iuxta tangentem *cb*, quæ ultra *c* producta incidit in aliquod punctum producti in *O* axis *MS*. Nam ab *S* usque ad æquatorem *NVP* circiter curvæ a corpusculis ab *S* egressis percurvæ ascendunt §. 169. saltem in magnete rotundo ita simili, qualem hic ponimus, & ab æquatore descendere incipiunt. Ergo in solo puncto *X* rangens est parallela axi *MS*, in aliis vero punctis concurret cum axe, & quidem in hemisphærio *VSN* cum aliquo puncto axis ultra *S* producti, in hemisphærio autem *VMN* cum aliquo puncto axis producti ultra *M*. Igitur illud extremum *b* dum axem versus trahitur, deorsum magnetem versus impellitur.

3. Jam vero etiam extremum *r* versus axem productum ultra *M* eodem plane modo a corpusculis ab *M* effluentibus deorsum trahitur. Quamobrem recta ferrea *rb* hisce conjunctis viribus nec ad ipsum punctum *S*; nec ad ipsum punctum *M* perveniet; sed per lineam quamdam mediam proportionem, & inclinationem virium *cb*, *vm* definiendam deorsum ad magnetem feretur. Nam duæ vires quæcumque designatæ per rectas *vm*, *bq*, (fig. 13.) & quoscumque angulos cum recta *rb* facientes illam deorsum trahunt. Ad motum hujus rectæ definiendum rectæ *mv*, *qb* usque eo producantur, ut convenient in *z*. Ab *z* vero recta *rz* usque eo producat,

tur, ut $1s$ sit æqualis rm , qua vis exprimitur, itemque $b1$ usque in z , ita ut $1z$ sit æqualis rectæ bq : compleaturque rectangulum, ductaque diameter $n1$ protendatur usque in o , & ab o usque in y ita ut oy sit æqualis diametro $n1$. Quibus factis recta oy exprimit quantitatem, & inclinationem vis, quæ ex duabus mr , qb coalescit. Quamobrem data proportionem virium mr , qb , & angulorum, mro , qbo , quos cum recta trahenda faciunt, facile definiemus punctum rectæ rb , per quod diameter $n1$ producta transit, & inclinationem rectæ yo cum rb , hisque duobus datis etiam motum rb definitum habebimus. Nam si rectæ mr , qb sunt æquales, & angulos mro , qbo æquales faciunt, recta $1oy$ ad angulos rectos secabit rb in duas partes æquales ro , bo . Quod ita ostendo: cum anguli mro , qbo sint æquales, etiam deinceps positi $1rb$, $1br$ in triangulo $1br$ sunt æquales. Ergo latus $1b$ æquale lateri $1r$. Rursus cum mr , qb sint æquales, erunt æquales etiam $1s$, $1z$, itemque iis parallelæ sn , zn . Quare cum in triangulis nzt , $n1t$ sint duo latera zn , $z1$ æqualia duobus alterius sn , $s1$, & unum commune $n1$, & angulus z comprehensus æqualibus lateribus æqualis angulo s : pariter æqualibus lateribus comprehenso, erunt alia omnia æqualia: atque ideo angulus $z1n$ æqualis angulo $s1n$. Igitur etiam ad verticem oppositi $11o$, $b1o$ sunt æquales. Sed cum in triangulis $11o$, $1bo$ latus 11 sit = lateri $b1$, & $1o$ commune, & angulus $11o$ = angulo $b1o$, triangula erunt æqualia, & latus $1o$ = lateri ob , & anguli ad o æquales. Sed vis expressa recta perpendiculari yo deorsum trahit rectam rb per lineam rectam oy , & ad angulos semper cum ea rectos, eo quod transit per centrum, & partes utrinque sunt æquiponderantes. Ergo si vires mr , qb sint æquales, & æqualiter inclinatæ, recta rb deorsum trahitur per lineam rectam oy , & ad angulos rectos; impeditoque puncto o virga quiescit.

4. Quod si angulis ad r , & ad b æqualibus, vis mr foret major vi qb , diameter $n1$ incidit oblique in rectam rb in punctum aliquod extremo r propius; nam si mr est major qb , etiam latus $1s$ majus erit latere $1z$, & latus zn latere sn . Quare in $\Delta n1s$ angulus $n1s$ est minor angulo $n1z$ in $\Delta n1z$. Igitur angulus $11o$ = angulo $n1s$ est minor angulo $o1b$ = angulo $z1n$. Ergo diameter $n1$ producta usque ad rectam rb cadet oblique extra medium in punctum aliquod propius extremo r . Cum autem vis quæ rectam trahit, cadit extra medium in punctum extremo alicui vicini, illud extremum magis obsequitur motui virgæ, & lineam curvam circulem describit. Ergo extremum r virgæ magis deorsum trahitur, & lineam curvam circulem describit, impeditoque centro o , virga non quiescit, sed extremum r deorsum rotatur.

5. Sin autem etiam anguli ad r , & b sunt inæquales, & angulus mro a recto minus abest, quam angulus qbo , tunc multo magis extremum r deorsum rotatur; quia vis mr prævalet vi qb & quod ipsa per se major est, & quod est minus inclinata.

6. Sed ut aliquid generatim statuamus, vires mr , qb sint in ratione inversa sinuum angulorum inclinationis, scilicet angulorum irb , ibr . Dico diametrum secturam esse rectam rb in partes æquales. Cum enim in triangulo rih sit latus ir ad latus ih , ut sinus anguli ibr ad sinum anguli irb , erit ex hypothesi, ut ri ad ih , ita mr ad bq , atque ita is ad iz . Ducatur in parallelogrammo $mzis$ altera diameter zis , quæ media sui parte secabitur ab in . Cum igitur in duobus triangulis ris , irb sit $ri:iz = ir:ih$, & anguli rih , zis iis lateribus comprehensi æquales, ut pote ad verticem oppositi, erit etiam tum angulus zis æqualis angulo ibr , tum isz æqualis angulo irb , atque ideo zis parallela rb . Intelligatur nunc diameter oc secans illa duo triangula in quatuor. Cum in duobus triangulis izc , oib omnes anguli sint æquales, anguli ad i , quia ad verticem oppositi, anguli ibo , izc ex modo demonstratis, anguli rob , icz , quia rectæ rb , zis sunt parallelæ, aut quia residui ex duobus rectis: item cum ob easdem rationes sint æquales etiam in triangulis eis , rio (fig. 13.) erit $iz:zc = ib:bo$, sed iz ad totam zis ita se habet, ut ib ad totam br . Ergo sicuti zc est dimidia pars rectæ zis , ita ob erit dimidia rectæ br . Quamobrem diameter rio in duas æquales partes dividit rectam rb ; transitque per centrum; quo fiet, ut impedito centro o recta rb quiescat. Ex quibus constat etiam co esse perpendicularem ad rb .

7. Quotiescumque autem major erit proportio mr ad qb , quam reciproce sinus inclinationis, idest anguli ibr ad sinum anguli irb , tunc diameter cadet extra centrum o in aliquod punctum vicinius extremo r , in quo est vis proportionis majoris. Demonstrationem omitto; nam ex dictis facile eruitur. Hic potius operæ pretium foret definire punctum, in quod cadit diameter; quod calculo litterali, & trigonometriæ principiis fieri potest. Verum quia rei hujus offensio me nimis a proposito averteret, & alioquin adhuc satis non video utrum iis, quæ de magneticæ acus inclinatione dicturus sum, futura sit necessaria, eam in præsentia omitto, resumturus ubicumque intelligam me absque illa meo munere defungi non posse.

ARTICULUS II.

Sequitur de eadem vi directrice, præsertim acui posita in æquatore magnetis & de ratione hinc ducta pro duplici voce.

§. 220.

ITaque nunc acum ferream, sive ne nimium plura, quæ difficultatem facere possint una complectamur, filum ferreum, & unifornie *rb* (fig. 12.) veluti cylindrum sui media parte, sive centro gravitatis in puncto *n* collocatum spectemus, ut ab axe *SM*, sive a tangente ad *V* æquidistet. Ajo filum, aut virgam huiusmodi in eo situ permanfuram centro impedito. Nam virga uniformis in eo situ quiescere debet, in quo ejus puncta æqualiter a centro utrimque distantia æqualibus viribus, & æqualiter inclinatis trahitur §. 219. num. 6. sed puncta virgæ similis *rb* æqualiter a centro *n* distantia, v. g. *r*, & *b* ab æqualibus viribus, & æqualiter inclinatis deorsum trahuntur. Nam cum virga media sui parte insister puncto *n*, quod æqualiter abest a polis *S*, *M*; cumque ab axe *SM* polos conjungente æquidistet; singula illius puncta quæ utrimque sumta sint in æquali intervallo ab *n*, v. g. *r*, & *b* æqualiter a suis polis *S*, & *M* distabunt, & ad eosdem similiter posita erunt. Sed in magnete uniformi, cujus duo poli *S*, & *M* æqualis virtutis esse ponuntur, in locis æqualiter a polis distantibus, & ad eos similiter positis æqualis est vis attractrix, sive quantitas & celeritas effluviarum deorsum trahentium. Item obeandem rationem curvarum, quæ a corpusculis erumpentibus ab *S* & ab *M*, & extremis *r* & *b* petentibus describuntur æqualis inclinatio est, atque ideo tangentes *bc*, *rm*, per quas illa corpuscula trahunt deorsum, æquales angulos *cbn*, *mrm* faciunt. Ergo in eo situ virga *br* quiescere debet impedito centro *n*, amotoque obice deorsum trahi semper ad angulos rectos supra rectam *PV*, sive semper parallela axi *SM*, quia scilicet in singulis locis usque ad magnetem ab æqualibus viribus, & æqualiter inclinatis deorsum impellitur.

§. 221.

At enim si quæ corpuscula ex polo *S* egredientia per aliquem dimidiæ *bn* (fig. 12.) meatum ingrediuntur, illa rectam deorsum trahunt, eo quod illorum vires per tangentes v. g. *bc* designatæ deorsum versus magnetem vergunt; etiam corpuscula, quæ ab eodem polo profecta per aliam dimidiam partem *nr*, v. g. per punctum *r* intrant, sursum trahere debent brachium *nr*, eo quod cum corpuscula ibi descendant, vires expressæ tangentibus v. g. *ri* sursum tendent.

dentibus brachium illud sursum pellere debent. Quod idem dictum volo de corpusculis profectis ab M ; nam hæc etiam perveniunt ad partem nb acis ultra stylum positam.

§. 222.

Quo huic satisfaciam difficultati, & simul hunc non parum salebrosum locum tractem accuratius, primum adverto rationem hic esse habendam duarum virium, quas in quolibet vorticofo motu §. 178. distinximus; vis centrifugæ materiæ rotantis, quæ ob explicatum eo loci æquilibrium corpus solidum in eadem immersum plagam versus contrariam impellit, & vis per tangentem a motu rotationis impressæ, quæ corpus dirigit eam versus plagam, quorsum ea materia convertitur. Nam quod attinet ad primam, materia magnetica erumpens ex polo S magnetis (fig. 12.) dum circa magnetem rotando ad posticas partes recurrit, ut in polum M ingrediatur, incurrit in extremum b acis br , in illud ob rationes in superioribus explicatas magna copia se insinuat, polumque ingressus in b & egressus in r sibi facit, & ideo circa ferream aciem etiam in gyrum torquetur. Sed in hoc altero vortice major est centrifuga vis in parte $IPnb$ remotiori a magnete, quam in parte propiori & interposita inter magnetem & aciem. Vis enim centrifuga intenditur a majori copia & velocitate materiæ rotantis. Jam vero inter magnetem & aciem est tum minor copia materiæ eandem versus plagam rotantis, & minor quoque celeritas. Magna siquidem illius materiæ portio, quæ ex polo r effluens se inflectit magnetem versus, ut per interpositum spatium gyrando refluat in b , magna vi attrahitur a vortice magnetis, & ab illa vorticis ejusdem portione, quæ se intrudit in polum M , abripitur; alia vero portio quæ ab r recurrit ad b , incurrit in illam portionem vorticis, quæ adhuc ab S versus M , in contrariam scilicet dirigitur plagam: contraquam usuveniat in illa ejusdem materiæ ab r effluentis portione, quæ se extrorsum inflectit in plagam $IPnb$ remotiorem a polo M & a vortice recurrente. Quamvis autem magneticus vortex etiam a puncto b versus IPn feratur, nihilo tamen minus is non potest recurrentem ab r vorticem ita impedire, ut alia ipsius portio inter magnetem & ferrum discurrens, eo quod minor est ipsius copia & celeritas tum ob id ipsum, quod a magnete plus abest, tum vero, quia major ipsius pars ab acu & ab extremo b propiori, quam sit magnes, ante retrahitur, quam ad partes se conferat IP . Ergo ob majus impedimentum motuum contrariorum sit minor necesse est materiæ versus eandem plagam rotantis copia & velocitas in spatio interposito $SVMrb$, quam in exteriori $IPnb$. Ita fit ut in illo pariter sit minor, quam in hoc altero centrifuga vis,

Ex

4. In tertio autem filo, quia propter nimiam ejus longitudinem multo minor erat vis corpusculorum in *s*, quam in *M*, idcirco ut plurimum a filo ferrum avellebatur; nec aliter fieri poterat, nisi cum partium solidarum contactus in *s* contactum partium solidatum in *M* valde superaret, idque habita ratione pororum utriusque contactus. Quod insigne inter contactus discrimen causa esse potuit, cur primum filum semel & iterum a ferro avulsum fuerit.

5. Cum denique quarti, & aliorum longitudo pro exigua magnetis vi enormis fuerit, filum semper magneti adhæsit, nunquam ferro, ita nimirum paucis ad ferrum *B* (fig. 9.) transmissis effluviis, ut excessu contactus in *s* vis adhæisionis in *s* nunquam fieri potuerit major vi adhæisionis in *M*.

6. Itaque si semper contigit Hirio, filum ferro ut cohæreret, id indicio est, pro ratione virtutis magnetis ab illo adhibiti tantæ longitudinis illud sumtum fuisse, quantæ circiter primum filum a me usurpatum, si ad virtutem mei magnetis referatur. Quod vero & Hirio, & mihi accidit, ut postquam ferrum cum filo a magnete certum aliquod spatium abesse incæpit, ferrum quoque a filo sua sponte relinqueretur, ratio liquet ex dictis; cum enim filum ferro adhærescat compulsam ab effluviis a vicino polo magnetis erumpentibus, necesse est ferrum, si a magnete nimis recedat, sustinere non posse ferreum filum, nisi hoc sit adeo leve & exiguum, ut illa tenui virtute, quæ in ferro superest §. 211 num. 4. attrahi queat.

7. Illud etiam constat ex dictis, cur aliquando magnes debilius ferrum avellat a vegetiore. Quamvis enim is magnes propter exiguum ejus massam alio debilius sit, fieri tamen potest, ut poros minus impeditos habeat, æquabiliores, uno verbo effluviis magneticis transmittendis magis accommodatos: ita ut si a primo ejusdem magnetis æqualis alteri massa a telluris visceribus excisa fuisset, majorem utique vim attractricem haberet. Sæpe enim æqualium magnetum alterum altero, immo etiam majore minorem præstare videmus. Quod petendum non est nisi ab interna pororum dispositione. Cum itaque tunc per meatus debilioris effluvia, quæ a vegetiori per filum interjectum irrumpunt, majori celeritate ferantur; hinc intelligimus, cur filum quemadmodum alteri ferro, ita ob eandem rationem magneti debiliori cohæreat. Ratio tamen, ut in superioribus, ita etiam in præsentibus, contactus habenda est: qui ferrum inter, ac debiliorem in tot solidis partibus esse potest, ut quamvis in debiliori non sit illa commodior & aprior dispositio meatuum, tamen totum ex ferro, &

ex eo magnete coalitum in puncto contactus eorumdem majori cohaereat vi, quam solum ferrum a corpusculis vegetioris adeumdem vegetiorem rapiatur. Quod vero attendenda sit etiam longitudo fili, nullus dubito, quia licet id expertus non sim, tamen quæ duobus ferreis instrumentis facta sunt experimenta, nullum dubitandi locum videntur reliquum facere.

Alia multa de vi magnetis in trahendo ferro explicanda supersessent, quibus nostrum systema illustratur confirmaturque. Sed quoniam cum vi directrice magneticæ acus magis implicita sunt, quam ut ante illius explicationem satis intelligi ostendique possint, idcirco de iisdem integrum nobis servabimus alium in locum, cum hanc alteram magnetis proprietatem exposuerimus. Id quod aggrediemur, postquam duas præcipuas adversus nostram sententiam difficultates refutaverimus.

ARTICULUS IV.

De duabus efficacissimis adversus systema effluviolorum difficultatibus.

§. 214.

NAM Musschenbroechio aliisque quampluribus doctissimis Viris ea insedit opinio generatim adversus eos, qui in magnetis negotio confugiunt ad effluvia corporea, duas esse gravissimas easque inenodabiles difficultates, ut etiam si ope effluviolorum quamplura magnetis phænomena bene explicentur, id pro nihilo habendum sit, eo quod quemcumque effluviolorum vorticem plane respuunt illa phænomena, ex quibus ex difficultates ducuntur. Prima est una ex iis rationibus, quibus insignis ille nostræ ætatis Philosophus, Nevvtonianæque Philosophiæ quam qui maxime ad dictus sententiam eorum, qui attractionis causam a profluvio subtilis materiæ, repetunt, impugnat. Præstat audire ejus verba e gallica in latinam linguam translata: „Nonne hæc profluvia „(inquit §. 587. *Essai de Phys.*) attrahere deberent atque repellere cuiuscumque generis corpora, in quæ incurrerent, uti faciunt „electricæ, immo ipse magnes, qui calefactus attritu acquirit eam „virtutem electricam, quæ, observante Fay, in corpus cuiuscumque „que speciei se exserit? Profecto dubitandum non est. At magnes „non trahit atque repellit, nisi pauca quædam corpora, numquam „movebit acum cupream, argenteam, stanneam, auream, aut plumbeam, quantavis velocitate stylo imposita moveri possit; nec „umquam loco peller quædam levia corpora, uti pilos, lanam, „papyrum atque gossypium: contraquam usuveniat in profluviiis „electricis, quorum virtuti hæc omnia corpora obnoxia sunt. „

2. Ha-

2. Haëtenus Cl. Auëtor, qui alteram proponit in *Elem. Phys.* §. 515. his verbis. *An effluvia magnetica non impedirentur libere transire, veluti ea Electricorum impediuntur, per terras, vitra, metalla crassa, qua transitum igni subtilissimo reddunt difficilem, lucemque utcumque tenuem & penetrantem non transmittunt? Verum vis magnetis aque libere per omnia corpora (ferro excepto) utcumque densa transit, ac si nihil interpositum fuisset, aut magnes in vacuo positus fuisset. Effluvia electrica vento dirigimus, turbamus igne vaporibusque: vis magnetica nec a vento, nec ab igne inter duos magnetes vel ferramenta intercurrente mutatur aut turbatur. Quicumque animo præjudiciis vacuo has difficultates ponderat, non extemplo effluvia magnetica attractionis causam statuet, priusquam alia & clariora data acqviserit.*

3. Cum Musschenbroechio consentit Cl. in Acad. Petrop. Professor Wolfgangus Krafftius, qui in libro inscripto: *Prælectiones Academicæ in Physicam* . . . Tubinga 1750. hæc litteris mandavit §. 156. tom. 1. *Non impeditur magnetis actio a corporibus oleosis; cuius quippe ope acus ex ipso oleo potest extrahi, quod fecit Frid. Stoffmannus in Demonstrat. Physicis Curiosis Dem. XLIV. Neque vim suam perdit in vicinia adamantis positus, quod putavit D. Augustinus v. Jour. des Sav. 1686. p. 22. Magneti e bilance suspensio admoveatur ferrum, vel alter magnes tam prope, ut utriusque actio mutua sentiri queat; quo factò ponderibus alteri lanci impositis æquilibrium restitatur, atque observabitur nullum dari corpus inter omnia solida, vel fluida hucusque cognita excepto solo ferro, quod illi magneti & ferro interpositum turbare possit æquilibrium modo obtentum. Adversatur hoc valde illorum sententia qui statuunt, exire ex magnete continuo talia effluvia, qua effluendo repulsionis & influendo attractionis causa sint. Si enim vera est hæc sententia, concedenda erit tanta subtilitas materia magnetica, qua nec a corporibus maxime densis impediatur. Sed nullam allegare licet omnium materiæ subtilium cognitarum, qua ad hunc subtilitatis gradum accedat. Odores enim, per quos ferrum a magnete trahi putavit Tachenius, non transeunt per metalla, vitra, saxa. Thermometrum mutationis omnis expertus manet, si inter ipsum ac ignem vehementem asser modica crassitie interponatur, aut charta etiam. Spiritus omni arte cognita volatiles redditi vitro tamen ita coarcentur, ut aut plane non, aut lente admodum trans illud ponerent. Lux ipsa vitro certe minuitur & plane intercipitur ab aliis corporibus. Quare etiam si omnia magnetis phenomena perfecte per ejusmodi effluvia explicari possent: vix tamen huic causæ tuto confidere liceret. Idem hoc phenomenon evidentius adhuc ostendi potest, si adhibeatur versorium; quod quippe facilius ab actione magnetis, &*

ad majorem ab eo distantiam movetur, quam bilanx attritui axis obnoxia. Auxilio enim talis versorii cerni potest magnetem actione sua penetrare omnia corpora crassissima, 24 orbes ordinarios stanneos, aut 50 patinas aureas sibi impositas immo generaliter rem exprimendo, detecta distantia, in qua sine omni interjecto corpore magnes agat in versorium, plane nihil interesse quocumque corporum genere illud intervallum repleatur. In ipso etiam loco ab aëre vacuo acus chalybea suspensa magnetis ope moveri potest pro lubitu. Unde certum est, aërem nequiquam subsidii afferre ad magnetis actiones explicandas, uti Sturmius quondam putavit. Atque ne suspicio aliqua oriri possit materiam magneticam ad latus cedere atque sic per ambages agere, opera data fuit ut magnes metallo ubicumque ferruminato clausus ferro exponeretur; neque etiam inde ulla observari potuit attractionis mutatio; nec si includatur vasis porcellanicis, vitro, aut aliis corporibus. Pugnat quoque contra existentiam materia magnetica experimentum hoc: in tabula statuatur versorium, & ab admoto magnete detorqueatur in situm aliquem a meridiano magnetico diversum, & violentum, in quo detineatur. Hoc obtento inter magnetem, & versorium excitetur ventus ope folliis, aut aëris in vase anteo condensati, aut sclopeti pneumatici; vel accendatur magna copia spiritus vini, vel excitetur ignis ope lampadis; quibus omnibus institutis observabitur versorium non relinquere situm ipsi datum, neque vel tantillum deturbari ex eo statu, in quem a magnete fuit deductum. Cum enim in tota rerum natura nihil sciamus quod magis intima corporum quorumcumque viscera penetret, sive intactum quicquam relinquat, quam ignem: sequitur certe ut hic etiam effluvia a magnete ad versorium emanantia esset penetraturus, & rarefacturus: unde aliqua relaxatio sitis violenti in quo versorium haeret, sequeretur, si talis materia magnetica existeret.

Summopere gratulor has contra profluvium magneticum rationes gravissimis Philosophis tanti visas esse momenti, ut hac in re prope animum desponderent. Cum enim in meo systemate una eademque opera iis omnibus luculentissime satisfiat, futurum spero, ut ex iisdem multo majus praesidium acquirat. Nam ob rationes §. 50 & seq. expostas constat hujusmodi effluvia donata esse vi attractrice in distantia & ideo expultrice vi in interiori substantia secundum ea, quae tom. 1. *Phys. Gen.* §. 201 & 11 pluribus locis differuimus, solum ratione habita magnetis & ferri, & eorum corporum, in quibus ferri vena delitescit, non vero ratione habitata aliorum cujuscumque generis corporum. Hinc siquidem primo fit, ut sine ullo prorsus impedimento omnia alia corpora perinde, ac vacuum, trajiciant, quia corpora ipsa per se & ex sua natu-

ra & essentia, quæ in extensione posita est (§. 113. *Tom. I. Phys. Gen.*) penetrabilia sunt, & alia ab aliis, si per motum in se vicissim incurrant, penetrantur, nec impenetrabilia fiunt, nisi vi repellente, in quam migrat attractrix, simul ac corpus aliud ad aliud accessit, quæque vires attrahentes & repellentes sint in ratione duplicata inversa distantiarum ab ipsis corporibus, eo quod alia virium hypotheser aut corporum penetrationem permittunt, aut etiam reflexionem a contactu gignunt, aut aliquid naturæ phaenomenis, coherentiæ præsertim corporum contrarium inducunt (ibid. in Scholio §. 605.) Ob eamdem rationem secundo fit ut a violentissimo igne, aut vento detorqueri a recta via non possint, eo quod corpora in ipsa incurrentia destituuntur vi expultrice, quæ est una causa, cur virium communicatio inter corpora fiat (*tom. I. §. 201.*) Tercio fit ut alia præter ferrum corpora pellere magnetem versus, aut ab eo repellere nequeant, eo quod carent illa vi, quæ est una ratio motuum inter corpora communicationis. Quarto hinc oritur facilitas se se torquendi in gyrum circa magnetem & ferrum, eo quod a solis magnete & ferro, non vero ab aliis corporibus circumambientibus alliciuntur; quod est causa cur hæc effluvia per omnia corpora, ut calor, non didantur ac dissipentur, hocque pacto eorum vis valde diminuatur, sed conferta & stipata circa magnetem & ferrum rotentur; accedente illa dispositione villorum, quæ est una ex rationibus, propter quas poli existunt, & ideo communis circa magnetem & ferrum rotatio, & inde ortæ centrifugæ vires, magneticis attractionibus repulsionibusque necessaria. Tandem ex constituta hypothesi oritur, ut cujuscumque densitatis idoneæ ad corpora tam gravia pellenda aut repellenda esse queant, quin inde oriatur ea, quæ in communi ab Eulero adoptata sententia est, difficultas sine ulla motus diminutione cetera omnia vel maxime densa corpora pervadendi. Quibus propositis difficultatibus luculentissime satisfacit, omnia vel maxime abstrusa huius loci mysteria in quam clarissima luce ponuntur, & hoc pacto constitutum a me systema mirifice confirmatur. Nam ut mittam illud a me non omnino precario assumtum fuisse, sed ex eo ipso probatum, quod magnetica effluvia sine ullo prorsus impedimento ac diminutione virtutis in ferro trahendo per alia corpora omnia transmittunt § 52, Recentiores Philosophi nec iis exceptis qui alioquin hypotheser averfantur, ultro amplectuntur eas hypotheser atque systemata, quibus constitutis omnia præcipua rei, qua de agitur, explicantur phaenomena, nec ullum est, quod cum iisdem facile conciliari non possit. Unum assero exemplum annuli saturni, quem ut Cl. Hugenius excogitavit, omnibus etiam

B.

Astro-

Astronomis & Physicis probavit, eo quod cunctis Saturni phasibus explicandis idoneum compererunt. Quare cum ex iis, quæ hæcenus disputata sunt, & ex aliis quæ deinceps disputabuntur, constet positum a me vorticem magneticum accommodatum esse rationi reddenda innumerabilium magnetis phænomenorum, quin ullum ex phænomenis etiamnum observatis sit, quod cum eodem nequaquam consentiat, futurum spero ut doctissimi quique Philosophi sint illud suo calculo confirmaturi.

5. Alia vero minoris momenti, quæ ab eodem Musschenbroechio & ab aliis contradicta fuerunt, alias refutabimus. Nunc enim ad secundam proprietatem magnetis, qualis est directio, veniendum est.

C A P U T III.

De vi directrice magnetis, & de vi imbuendi ferrum simili virtute deque aliis inde profectis magnetis phænomenis.

§. 215.

TRactaturi de vi directrice magnetis, & acus magneticæ, quæ ex affricu ad magnetem eam acquirit virtutem, ordiemur ab ea, qua eadem acus ad polos parvorum magnetum, qui veniunt in manus, se dirigit, & inde gradum faciemus ad illam, qua ad polos magni terrestris magnetis se vertit. Quamobrem partiemur hocce caput in plures articulos, in quibus & alia magnetis inde profecta phænomena examinabimus, & præsertim toti erimus in expendendis experimentis partim ab aliis, partim a me factis circa modum, quo instrumenta ferrea virtute magnetica imbuuntur.

A R T I C U L U S I.

De vi directrice acus ad polos magnetis, & inde profecta acus inclinatione.

§. 216.

Fundamentum hujus tractatus constituo in experimento XIII. eorum, quæ pertinent ad vim directricem, allato a P. Dehailes (*Mundi Math.* tom. 1. lib. 1. *de Magnete*) his fere verbis. Si versorium circa magnetem sphericum, aut ellipticum, cujus poli in horizonte existunt, circumducatur, varia erit illius inclinatio. Sit magnes, cujus poli M, S (fig. 10.) sint in horizonte; & ut melius totum negotium procedat, excavetur in asserculo locus magnetis: ita ut poli sint in plano asserculi: tum ex centro magnetis in-

intervallo quocumque describatur quadrans HE dividendus in gradus vel quinos, vel denos. Deinde singulis gradibus alii post alium applicetur centrum versorii. Notabis quam inclinationem habeat vel cum radio a centro procedente, vel cum linea tangente. Ee primo quidem deprehendes in puncto E acum versorii parallelam esse axi SM; atque ideo cum radio CB rectos angulos facere; unde si duceretur horizon, seu linea tangens per punctum E, congrueret cum acu versorii. In puncto vero H videbis incidere in radium CSH, & ideo rectæ tangenti ad angulos rectos insistere. In punctis autem interceptis alio, atque alio modo illam advertes inclinari; scilicet ut magis versorii centrum discedit ab E, eo magis cuspis versus S inclinatur, & eo majorem angulum cum tangente, & minorem cum radio producto facit: ut videre licet in D, atque in N, si ad puncta D, & N ductas & tangentes, & radios a centro C intelligamus.

2. Quod si per integram peripheriam centrum versorii circumduxerimus, in puncto radii producti CA, acus denuo parallela erit axi MS, cuspide spectante polum S, & furcinula polum M; in puncto vero axis MS producti per M cum axe denuo congruet, furcinula tamen deorsum vergente, & in puncto E ad eundem statum redibit. In locis autem interceptis magis vel minus inclinata erit, prout magis, vel minus a quatuor cardinalibus veluti punctis M, A, S, B distabit; hæcque inclinatio erit hujusmodi, ut in hemisphærio ASB, ad cujus polum S cuspis acus affixta fuerat, eadem cuspis deorsum vergat; in hemisphærio autem AMB furcinula.

§. 217.

Jam vero danda est ratio horum omnium, si fieri potest, antequam alia experimenta, præsertim ea, quæ a me facta sunt, in medium producam. Itaque cum ad polum S (fig. 10.) duo sint materiæ magneticæ vortices, qui ad certum aliquod a polo spatium protenduntur, quorum alter hinc inde dispersitus egreditur, ut ad polum posteriorem M regrediatur, alter e contrario ab omnibus utrimque partibus in polum S ingreditur, ut deinceps ab altero M egrediatur: acus ferrea, cuspide ad polum S ad angulos rectos affixta, duos vortices acquirit, quorum alter egrediens ab S per obversam cuspidem intrat, ibique polum ingressus constituit, & a furcinula erumpit, ibique polum exitus facit (cap. 4. l. 1.) alter vero ingrediens in S, polum ingressus sibi aperit in furcinula, quæ cursui illius obversa est, polum vero egressus in cuspide §. 207. Quo enim corpuscula vorticis petunt, eo versus inflectunt ac deprimunt villos ferri, unde pendet situs polorum ingressus, & exitus.

2. Si acus virtute magnetica hoc imbuta pacto, aut etiam ex-

Ex quo tandem concluditur ferrum magnetem versus in propulsum. Immo cum acus jam evaserit alter magnes cum polis ingressus in *b* & egressus in *r*, simili prorsus ratione concludi poterit fore ut etiam magnes versus acum compellatur, eo quod major erit centrifuga vis in spatio exteriori ad *SNM*, quam in interiori commemorato.

§. 223.

Venio ad alteram vim a motu rotationis profectam, & ajo motu corpusculorum effluentium ab *S* (fig. 12.) dimidiam acum *bn* sursum iri propulsam, alteram vero dimidiam *nr* deorsum. Cum enim ex altera parte usque ad *n* curvæ a magneticis peragratae particulis ascendant, & tangentes *ba* sursum directas habeant, ultra vero punctum *n* descendant & tangentes *rm* deorsum spectantes; ex altera vero motus rotationis pellat solida eam versus plagam, quorsum ipse dirigitur §. 178. manifeste conficitur fore ut dimidia *bn* sursum, dimidia *rn* deorsum hoc motu pellatur. Quare si unus tantum sit materiæ ex polo *S* exeuntis & in polum *M* se insinuantis vortex, impedito puncto *n*, acus *br* manere non poterit æquidistans ab axe *SM*, sed portione *bn* a polo *S* sursum versus deflectet, & altera *nr* ad polum *M* deorsum inclinabitur; tamen si virtute centrifugæ vis eadem portiones æquali vi pellerentur, itaque fieri deberet ut situm ab *SM* æquidistantem virga *br* tueretur. Puncto vero minime impedito acus dum ad magnetem accedit, hunc non servaret situm, sed extremo *r* inclinaretur, & citius ea parte descenderet & polo *M* propior fieret. Cum vero experimentis compertum sit, impedito centro *n*, acum parallelam axi *SM* permanere, eoque libero in descensu eundem situm tueri, nec alteri extremo fieri propiorem, hinc primam duco rationem adversus eos, qui unius vorticis systema complectuntur.

§. 224.

At enim accessus acus ad magnetem oritur a centrifuga vi, situs autem ejusdem a directione curvarum, qua fir ut extremum *b* se se accommodet magneticæ materiæ cursui, eo quod corpuscula magnetis per *b* ingrediuntur, & per alterum extremum *r* exeunt.

2. Ad id solvendum adverto duos esse distinguendos eventus, alterum acus, cujus longitudo ad longitudinem axis *SM* rationem finitam habeat, ut contingit cum acus unius aut paucorum pollicum ad parvos magnetes applicatur, aliterum illius, cujus longitudo sit instar puncti ratione habita *SM*, cujusmodi est acus unius aut paucorum pollicum ratione habita magnetis terrestris. In altero curvæ descriptæ a corpusculis circa magnetem rotantibus prope meridianum *NV* cum recta linea *br* ab horizonte & ab axe *SM* æquidistanti congruunt; ex quo fit ut secundum eandem rectam

De Magn. T. I.

S

vis

vis rotationis se exserat. Quare impedito puncto n hæc vis ab eodem prorsus impeditur, & acum versus alterutram partem detorquere non poterit. At si punctum n liberum sit, versus polum M acum propellet, & una cum vi centrifuga efficiet, ut acus cadendo curvam absolvat a perpendicularo versus polum M spectantem. Sed quia vis magnetica attractrix in superficie telluris gravitate terrestri valde minor est, hinc motus rectilineus & ad perpendicularum, saltem quod attinet ad sensum, in acu magnetica descendente permanere potest ob solam gravitatis a vi magnetica ad sensum minime impeditæ actionem.

3. At si agitur de parvis magnetibus, aliter ratio concludenda est. Nam utrumque extremum, b (fig. 12.) cursui corpusculorum quæ ab S proficiscuntur & in b intrant, & r cursui eorum, quæ versus M se conferunt, & ab r egrediuntur, se accommodare non potest. Cum enim illa sursum ascendant & a magnete deflectant, deorsum abripiant oportet extremum b , & alterum extremum r sursum trahant; cum vero hæc descendant & magnetem versus contendant, extremum r sursum, & e contrario extremum b deorsum impellent. Quamobrem hæc contrariæ vires si æquales & similiter dispositæ sint, ut revera esse in regulari magnete sphærico aut elliptico non sine ratione posuimus, se ad æquilibrium redigant necesse est, & acum teneant in situ axi magnetis parallelo, in quo omnia utrimque sunt æqualia æqualiterque disposita. At in hoc situ motus corpusculorum sursum ascendentium in dimidia bn , & deorsum tendentium in altera nr , illam sursum & hanc deorsum impellere debent. Ergo etsi illo corpusculorum per b ingressu, & per r egressu vires centrifugæ existant acum in eo situ tenentes, tamen his aliis viribus, quæ a motu rotationis oriuntur, acus ab eo situ retrahetur, & eum acquirat, in quo eadem collocata vires omnes æqualibus ex omni parte momentis librentur. Multo vero magis obice sublato, virgæ descensus futurus est non per lineam rectam, sed per curvam, eo quod ex altera parte vis attractionis magneticæ in parva distantia gravitatem excedit, & ex altera non a sola centrifuga vi deorsum impellitur, sed etiam motu rotationis abripitur versus alterum polum M §. 178. Ex quibus manifeste conficitur, si unus tantum sit vortex a polo S v. g. fluens versus polum M , directionem acus br in situ æquidistanti ab axe MS , impedito puncto n , & ejus casum per rectam magnetem versus, impedimento sublato, defendi non posse.

4. At si duplicem materiæ vorticem statuamus, facile hæc omnia explicantur. Nam primo etsi vires centrifugæ ortæ a materia exeunte ex polo S (fig. 12.) majori vi deorsum pellerent dimidium

diam portionem bn , quam alteram dimidiam vn , eo quod multi volunt & quidem non sine ratione majorem esse vim corpusculorum rotantium, quo propius absunt a polo ingressus, & ideo majorem esse circa quadrantem SV , quam circa quadrantem VM ; tamen æquales centrifugæ vires & cum directione contraria similiter dispositæ materiæ exeuntis ab M , & in similibus curvis circa magnetem rotantis tantundem minori vi portionem bn , & majori alteram vn pellere debent. Ex quo directio magnetis in eo situ parallelo oriatur necesse est, si punctum n impediatur, & etiam, obice ablato, motus ejusdem magnetem versus per lineam rectam, si tamen ad has solas vires animum advertamus, quia ob alias fortasse aliter res habere se debet. Sed posito duplici vortice, nec aliis viribus fieri potest ut ab eo situ retrahatur. Nam a vortice exeunte ab S extremum b sursum pelletur per tangentem ba , & a vortice exeunte ab M alterum extremum v per tangentem similiter inclinatam vi & æquali vi pariter sursum pelletur; a primo extremum v deorsum pelletur per vm directe oppositam tangenti vi , & a secundo alterum b pariter deorsum pellitur per bc directe oppositam ba & vi æquali. Quare vel primæ vires sunt æquales secundis, vel ob significatam minoris a polo exitus distantie rationem majores. Si primum, nullus hisce viribus motus in acu excutatur. Sin autem secundum, sursum quidem ciebitur virga per residuas vires, sed in recta nP situm conservans ab SM semper æquidistantem, eo quod residuæ erunt æquales, & æqualiter ad acum inclinatæ. Cum vero centrifugæ vires, utpote a nullis aliis imminutæ contrariis, has excedant residuas, motus virgæ deorum in linea recta & situ parallelo ex hisce viribus una conjunctis oritur. Mitto vires directrices, quia satis constat ex dictis, cur eam acus posituram efficiant. Ergo in mea duplicati vorticis sententia relata phænomena feliciter explicantur.

5. Scio quid responsum fuerit ab iis, qui vorticem unum propugnant, cum de acu quæ supra aquam locata ad telluris polos d'rigitur, quidpiam simile eorum, quæ modo differuimus, fuit objectum. Scilicet ut acus a vortice abripi posset, aquæ meatus vorticis motui magis obniti oporteret, quam acus motui aquæ frictionem. Sed materies magnetica facillime subit atque pervadit ferri meatus secundum longitudinem. Quamobrem nulla vis illius pars impenditur in acu polum versus septentrionalem pellenda, sed solum in eadem ad polos dirigenda. Ita Cl. Fayus in *Com. Acad. R. Paris.* an. 1730. pag. 148. *Edit. Paris.*

6. Sed ex eo, quod magnetica effluvia ferri meatus pervadunt, ferrum ab iisdem moveri non posse nequaquam colligitur, ut constat

stat ex iis, quæ in superioribus disputata sunt. Nec aliter esse potest. Nam etsi magnetica effluvia penetrant ferrum, sunt tamen etiam particulae in eodem solidæ ab iisdem non penetratæ, quæque ut a vi centrifuga vorticis magnetem versus pelluntur, eo quod columnæ, in quibus eadem moleculæ reperiuntur, minori centrifuga donantur vi, & ideo ab aliis solum fluidis majori donatis deorsum una cum ferro immerso trudentur §. 187. ita a vi motus rotatorii ob eandem resistantiam soliditatis abripi debent illorum, quorum eadem fluidi particulae motu rotationis contendunt. Ergo meatus ferri, qui ab effluviis magnetis facillime penetrantur, facere non possunt, ut acus ferrea vi motus rotationis minime obtemperet, uti non faciunt, ut vi centrifugæ non obsequatur.

7. Quod petitur præsidium ab acu, quæ manet quæta super aqua, facile diluitur, si meminerimus eorum, quæ de valde exigua vi attractrice magnetis terrestris ratione habita gravitatis supra disseruimus. Nam si frictio & alia, quæ a Philosophis vulgo afferuntur pro explicanda causa, cur acus præ aqua gravior supernaret, terrestrem gravitatem superant, impediuntque ne acus ingenito majori pondere fundum petat; multo magis superabunt vim attractricem a vortice terrestris magnetis profectam, quam esse gravitate valde minorem citato loco jam vidimus. Et sane si particularem adhibebam magnetem, cujus in trahendo vis eandem gravitatem multis partibus superat, non solum acus versus ejusdem magnetis polos dirigebatur, verum etiam ad magnetem accedebat ejusque hac illac delati motum sequebatur; cumque ad fundum catini aqua pleni propius eandem acummagnetis polum admovebam, acus continuo a superficie ad fundum magnetem versus ruebat.

8. Neque hanc rationem infirmat, quod ibidem ab Auctore laudato contradicatur, argumentum hypothese unius vorticis objectum etiam valere in hypothese duplicis, propterea quod in hisce regionibus vis poli borealis, ut propioris, major est vi alterius, ac proinde acum ad se pertrahere deberet. Nam hinc ad summum concluditur vis mediæ ex duabus compositæ lineam directionis extra centrum acus propius extremum polo boreali obversum cadere oportere, quod faciet quidem, ut acus polum versus borealem sit inclinata §. 219. num. 5. quod & usuenit, non autem, ut motu progressionis ad eundem rapiatur, quia scilicet vis media, utpote quæ ex duabus parvis coaluit, resistantiam frictionis aquæ superare non potest.

9. Ceterum utcumque hæc de tellure se habeant (nam de iis alibi enucleatius) virga cum magnetem versus descendit, a polis secundum longitudinem vere pertrahitur. Nam si centum » virgæ

gæ *rb* ponamus propius polum *S*, extremum *b* in descensu non recta perit magnetem, sed semper magis accedit ad polum *S*. Quare si ab uno tantum polo egrederentur corpuscula, & ad unum tantum rotando contenderent, virga cujus centrum in æquatore producto magnetis foret statutum, dum descendit, ad alterutrum polum propius accederet. Igitur unius vorticis systema cum his experimentis nequaquam cohæret, bene vero systema duorum.

ARTICULUS III.

De directione acus posita extra æquatorem magnetis.

§. 225.

Sed satis a proposito sumus evagati; hæc enim ad alium pertinent locum, in quo alias in hanc eandem sententiam rationes afferemus. Nunc pergamus investigare, quid consequi oporteat, si acum in alio, atque alio situ intra sphaeram corpusculorum posuerimus. Fingamus virgæ *rb* (fig. 12.) cujus centrum stylo impositum sit in *n*, extremum *b* manu deorsum urgeri, ut fiat propius a polo *S*, & extremum *r* ab *M* remotius: quærenda est ratio, cur post aliquas oscillationes ad illum redeat situm. Aliquam enim difficultatem facessere videtur, quod tunc extremum ut propius polum *S* magis trahatur a corpusculis ab *S* egredientibus, quam extremum *r* a corpusculis ab *M* erumpentibus. Et revera, si obex amoveatur, virga in eo situ inclinato collocata ad polum *S* propius accedit. Hæc igitur experimenta, si res ita se habet, ut nos volumus, sibi mutuo contraria sunt.

2. Verum ea sic facile conciliamus. Ut brachia stateræ deorsum trahuntur per vires minimum a perpendiculari discedentes, eo maxima illarum pars in iis trahendis impenditur. Ut vero maxime vires trahentes a perpendiculari recedunt, eo minima portio in iis trahendis infumitur; quod maximam perimit obex, cui vis attractrix magis opponitur. Sed quo magis brachium *rm* attollitur, & *nb* deprimitur, eo vires per tangentes *rm*, *bc* expressæ magis accedunt ad perpendicularem in *r*, fierentque perpendiculares, si virga *nr* cum *rP* congrueret: recedunt autem a perpendiculari in *b*, & tandem congruunt cum brachio *nb*, cum scilicet punctum *b* ad eam curvam pervenit, cujus in tangentem incidit brachium *nb*. Tunc autem nulla pars impetus in brachio deorsum amplius trahendo impenderetur, eo quod directio illius foret obici omnino contraria, ab eoque ut immobili vis effectus destrueretur. Quamobrem etsi vis corpusculorum in locis polo propioribus maior sit, tamen quia brachio *nb* deorsum vergente obex resistit, idcirco præ-

va.

valebunt corpuscula trahentia brachium *nr*, & virga redibit ad pristinum statum, in quo ad angulos rectos insistit rectæ PV, non quidem statim, sed aliquas post oscillationes, ut in statera contingit; quia nimirum in ipso descensu brachii *rn* celeritas perpetuo crescit, visque fit major, quam ut cum vi, quæ brachium *bn* deorsum trahit, statim in æquilibrio consistere possit; quod idem usuvenit etiam in descensu brachii *nb*, idque tamdiu continuatur, quamdiu ob frictionem cum fulcro, atque ob aeris resistantiam oscillationes gradatim ac sensim ita decrescunt, ut omnis denique motus penitus evanescat. Alibi autem experimentis constabit, quantum in hac majori, vel minori inclinatione corpusculorum ad acus extrema momenti sit in explicandis quamplurimis magnetum in versorii attractione proprietatibus. At si obex removeatur, illius vis, quæ in deorsum trahendo brachio *nb* impenditur, nulla portio perimitur. Quare cum posita virga in situ inclinato pars *nb*, quæ magnetem versus propendit, majori vi deorsum trahatur, quam pars *nr*, quæ sursum vergit, propterea quod illa a suo propior est polo; mirandum non est, si dum obice amoto virga descendit, ad polum S propius accedat.

§. 226.

Jam vero ex iis, quæ hæcenus explicata sunt, illud sua sponte consequitur, si centrum *b* virgæ *ac* (fig. 12.) a diametro NP æquatoris & a puncto *n* ad locum *b*, in quo sit propius polum S, transferatur, virgam amplius non futuram axi MS parallelam, sed extremum *bc* deorsum iri inclinatum; nam si cum virgæ centrum est in diametro VP, virga parallela sit axi MS, & extrema *r* & *b* a polis S, & M æqualiter distant, propterea quod in similibus, & æqualibus a polis intervallis illa eadem extrema æqualibus viribus, & similiter inclinatis deorsum trahuntur; in *b*, in quo firu extremum *c* est propius a suo polo S, & extremum *a* remotius ab M, virga sit inclinata necesse est, & extremum *c*, ut fortius attractum a corpusculis ab S effluentibus, in polum suum propendeat. Sed definire situm, in quo virga quiescere debeat, multum difficile est. Re diu perpensa excogitare non potui, quod rem acu tangeret.

§. 227.

Verumtamen universe dici potest id pendere partim ex situ, quem habent tangentes curvarum, quæ in loco occupato ab acu a magneticis conficiuntur effluviis, eo quod virga secundum sui longitudinem se iisdem, quantum potest, accommodat, partim ex majori, vel minori acus accessu ad unum polum, & recessu ab alio; hoc enim pacto fit ut ob allatas rationes se magis exferat centrifuga vis versus propiorem, quam versus remotiorem. Unde con-

se-

sequitur, si curva magnetici effluviū sit eXz , a vi majori versus c , quam versus a dimidiam portionem cb deorsum, & ab sursum a situ tangentis retractum iri; idque tamdiu, quoad vires sint in æquilibrio. Prout enim extremum c versus polum S , quorsum tendit, propius dirigitur, & extremum a longius a suo polo M retrahitur, eo vires trahentes brachium bc versus polum S sunt magis obliquæ, & e contrario vires brachium ba versus polum M pellentes magis directæ. Quamobrem acus in eo situ quiescit, ut vires ex altera parte majores intensiōe, ex altera situ & directiōe, se æqualibus atque contrariis momentis compensent.

§. 228.

Ex quibus ratio reddi potest illius experimenti, de quo sum nescius an alii mentionem fecerint. A magnete qui etsi circularis & ellipticus non foret, tamen polos S & M (fig. 12.) in contrariis partibus habebat, centrum acus in recta SH locatum retraxi per rectam SH , quæ axi SM polos conjungenti ad perpendicularum insistebat, & extremum acus respiciens polum S propius ab inferioribus punctis ad superiora versus describere circuli arcum, & in diametro MS producta versus O gradatim spectare punctum semper a polo S remotius animadverri. Cujus rei petitur ratio ex causis allatis. Nam & tangentes IB , bc , HI curvarum eo minus inclinatæ sunt ad axem MS productum versus O , & cum remotiori puncto concurrunt, quo longius absunt ab eodem MS , & ratio distantiarum a polis eo minor fit. Nam si a polis M , S ducantur rectæ Mr & Sr , Mb & Sb , MH & SH , major est ratio inter Mr & Sr , quam inter Mb , & Sb , & multo major, quam inter MH , & SH . Sit enim $MQ = a$, $SQ = b$, $Qr = z$, $Qb = y$, $QH = u$. Erit $Mr = \sqrt{(a^2 + z^2)}$ & $Sr = \sqrt{(b^2 + z^2)}$, $Mb = \sqrt{(a^2 + y^2)}$ & $Sb = \sqrt{(b^2 + y^2)}$. Positis vero quatuor hisce quantitativis

$$a^2 + z^2, b^2 + z^2, a^2 + y^2, b^2 + y^2,$$

ratio primarum rationem secundarum excedit. Nam productum ex extremis est $a^2 b^2 + a^2 y^2 + b^2 z^2 + y^2 z^2$, & productum ex mediis est $a^2 b^2 + b^2 y^2 + a^2 z^2 + z^2 y^2$. Deletis vero iis, quæ sunt utrimque æquales, ex primo residuum erit $a^2 y^2 + b^2 z^2$, & ex secundo $a^2 z^2 + b^2 y^2$; primum autem productum est altero majus, quia in illo in se invicem ducuntur quantitates majores a & y , minores b & z , in altero vero major a per minorem z , & minor b per majorem y multiplicatur. Si enim minor RA multiplicetur per majorem DA (fig. 14.) & major TA per minorem CA , existant duo rectan-

rectangula ADER, ACNT; at si major AT producatur in majorem AD, & minor AR in minorem AC, existent alia duo ADOT, ACSR, quæ superant præcedentia toto rectangulo NSEO facto ex differentia rectæ TA ab RA in differentiam rectæ AD ab AC.

Quamobrem *M* (fig. 12.) habebit ad *S*, majorem proportionem, quam *Mb* ad *Sb*. Ex quo inferitur vim poli *M* in puncto *s* cum vi poli *S* in eodem puncto comparatam proportionem majorem esse vi poli *M* in puncto *b* cum vi poli *S* in eodem loco collocata.

2. Cum ergo vis poli *M* in puncto *s* ad vim poli *S* in eodem puncto majorem rationem habeat, quam vis poli *M* in puncto *b* ad vim poli *S* in eodem puncto, hinc intelligi potest cur, acus centro collocato in puncto *b*, extremum attractum ab *s* minus declinet a sua tangente *bc* deorsum versus, quam si centrum in *s* collocaretur; quia scilicet in *b* alterum extremum proportionem magis a polo *M* attrahitur, quam cum reperitur in *s*: ergo quemadmodum *b* est altius *s*, ita etiam punctum, in quod dirigitur acus posita in *b*, est altius puncto, quod spectat eadem acus, si in *s* collocetur.

§. 229.

Quod si obex amoveatur, ex modo ostensis intelligemus, cur brachium *bc* (fig. 12.) propius polum *S* deorsum in descensu rotetur, & ad polum *S* propius accedat. Quia scilicet dum centrum acus ad magnetem propius accedit, augetur proportio vis poli *S* trahentis brachium *bc* ad vim poli *M* brachium *ba* deorsum allicientis, auctaque perpetuo ad alterum extremum vi rotationem, & curvilineum motum, & accessum ad *S* sequi oportere ex legibus motus concluditur. Quod autem acus ad polum *S* propius accedere debeat, conficitur etiam ex eo, quod amoto obice tota vis poli *S* in trahendo brachio *cb* se exerit, nullaque pars ejusdem impedimento perimitur §. 227. Vis autem poli *S* multo major est vi poli *M*. Ergo ex situ acus, quæ inter *ac*, & *br* intercipitur, §. 222. 223. 224. & ex iis quæ §. 219. & sequentibus dicta sunt, concludi potest acum trahi deorsum non per rectam axi *SM* ad perpendiculum insistentem, sed ad eundem obliquam & polum *S* versus cum axe concurrentem. Igitur acus in descensu semper magis ad polum propiorem *S* accurrit. Quod concluditur etiam ex eo, quia centrum virium acus extrema trahentium extra centrum acus cadit propius extremum, quod polum propiorem *S* respicit. Ergo, ut constat etiam experimento virgæ, quæ extra centrum trahitur, illo extremo deorsum rotare debet.

§. 230.

Jam vero transferamus acum ad aliquem locum supra polum *S* (fig.

(fig. 5.) sed extra axem productum SH ad lævam ejusdem, aut ad dexteram. Sit ex causa ad dexteram illius in puncto r. Experientia mihi compertum est extremum acus attractum a polo S ita ab eodem deflectere, ut cum axe producto SH v.g. in T concurrat; angulus autem, quem cum axe SH facit, hujusmodi est, ut si centrum acus statutum in quolibet puncto G axis retrahatur ab axe per rectam Gb ad eundem perpendicularem, a primo angulus versus polum S obtusus sit, & versus H acutus; deinde acutus augeatur, & obtusus decreseat, quousque in puncto h angulos bGS, bGH utrimque rectos faciat; demum ultra punctum h angulum internum, scilicet magnetem versus acutum facere incipiat, externum autem obtusum.

§. 231.

Nec aliter accidere oportere liquido concluditur ex nostro systemate. Nam, ut patet ex dictis in antecessum, acus quammaxime facere potest, sese accommodat effluviis cuspidem, & ferriulam ingredientium, atque trahentium cursui, atque impetui, quem ab his extrema recipiunt, cujusque directionem exprimunt curvarum tangentes. Sed ad dexteram, aut ad lævam axis SH tangentes curvarum, quas corpuscula sive ingredientia polum S, sive egredientia percurrunt, cum axe SH versus polum S concurrunt §. 151. 152. cumque in locis axi propioribus corpuscula egressa majorem habeant vim attrorsum, atque ideo curvas a recto tramite minus deflectentes describant §. 157. & seq. illarum tangentes initio minus a polo S declinant, & angulum obversum magneti obtusum faciunt. In locis vero ab axe remotioribus curvæ a corpusculis regredientibus descriptæ magis, ac magis ad posteriora deflectere incipiunt, ac idcirco illorum tangentes primo fiunt ad axim perpendiculares, & postea in axim denuo oblique incidunt, sed ita ut angulus magneti obversus acutus existat.

§. 232.

Atque res ita se habet, cum ab uno puncto G axis centrum acus retrahimus; si vero a pluribus ejus punctis per rectam ad angulos rectos axi insistentem removeatur, hoc discrimen notavi in sequenti experimento, quod a me tentatum est. Tribus in locis axis SH (fig. 5.) gradatim posui centrum acus pyxididis, prope polum S ut in X, in magna a polo distantia, ut in H, & in alio puncto intercepto, ut in G, & e singulis punctis dextrorsum centrum retraxi per lineam rectam perpendicularem. Prope polum acus perveniebat ad situm perpendicularem, & ab eo in contrariam partem declinabat in mediocri ab axe distantia, ut in y; in loco intercepto G majus spatium ante debebat percurrere, quam ad situm axi per-

De Magn. T. I.

T

pea-

pendiculariter insistentem in *b* perveniret; in *H* autem multo majus spatium transeundum erat, antequam acus in *d* eidem axi ad perpendicularum insisteret.

§. 233.

Quod causam habet in curvarum tangentibus, quarum directio eundem ordinem sequitur. Nam quæ corpuscula perveniunt ad *y*, illa eadem sunt, quæ & minori vi antrorsum percelluntur, & magis posteriora versus propendunt. Nam quæ majori vi percita sunt, & magis recta projiciuntur antrorsum, illa initio ab axi tantum deflectere nequeunt, quod vis antrorsum multum contraria est vi retrorsum, & eam longe superat. Contraquam contingat in iis, quorum vis minor est, & directio ad axem valde obliqua; tunc enim vis qua abripiuntur retrorsum, nec valde contraria est vi, qua pelluntur antrorsum, nec multum ab ea superatur. Quo fit, ut citius ad eum locum perveniant, in quo progredi desistunt, & regredi incipiunt. Sed hic locus est illud curvæ punctum, ad quod tangens est ad axem perpendicularis. Ergo in locis ad dexteram, & ad laevam axis positis, poloque propioribus citius ad tangentes axi ad perpendicularum insistentes pervenitur. Quæ res ostenditur etiam in aquæ ludricis eperimento aquarum sursum ex aliquo foramine exsistentium; nam quæ partes aquæ majus in spatium recta diffunduntur (sunt autem illæ, quæ ad rectam centro foraminis ad rectos angulos insistentem quamproxime accedunt) illæ etiam a primo describunt curvas minimum deflectentes ab axe, atque ideo ad illud punctum, in quo tangentes axi ad angulos rectos insistant, tardissime pervenientes. Ex quibus etiam intelligitur ratio alterius experimenti, cur si ab aliquo puncto *R*, in quo centrum acus collocatum sit, sursum per rectam axi *SH* parallelam retrahatur, perpetuo extremum attractum ab *S*, ad illum magis inclinetur, quousque tandem in magna distantia polum *S* recta fere respiciat.

§. 234.

Quibus autem rationibus confecimus acum, dum inter *V*, & *S* (fig. 5.) posita remoto obice attrahitur a polo *S*, deorsum inclinari, & extremum attractum in descensu ad illum polum accedere propius §. 223. 228. iis conficiemus, quod experientia comperit facit, idem contingere, cum acus est supra polum in quolibet puncto ad laevam, aut ad dexteram; idque eo magis, quo vires poli *S* eo loci præstant viribus poli *M*.

§. 235.

Atque hæc est summa meæ sententiæ, quod attinet ad directionem, & inclinationem acus magneticæ, cujus centrum circa

ma-

magnetem aliquem ellipticum, aut circulem rotetur. Verum antequam singula phænomena persequar, quorum rationes ex constituto systemate inferri possunt non difficulter, diluenda sunt aliqua, quæ difficultatem facere queunt. Nam ad ea, quæ de directione, deque inclinatione magneticæ acus ostendimus, contradici potest illa oriri ac pendere ab illa hypothesi, quod præ manibus habeamus magnetem rotundum, unde quaque uniformem, ac poros omnes utrimque æquales, similes, ac similiter positos, polosque in adversis partibus æqualis omnino virtutis habentem. At quotusquisque magnes est ejusmodi? Quamobrem hæcenus dicta aut in nullos, aut in paucissimos magnetes conveniunt.

§. 236.

Cui difficultati satis ut faciam, ad communem confugio morem Physicorum, qui naturalium effectuum rationes ad mathematicæ normam demonstrationis hodiernum exigere solent. Quotum enim quodque est physicum theorema, in quo non sumantur quædam veluti fixa & rata, perinde ac geometrica methodus postulat, & qualia in natura non sunt, eaque non negligantur, quæ uti varia, & multimodi, qualis varietatis natura est amans, a severiori & constanti demonstrandi ratione nimium absunt? Ita in stabilendis legibus collisionis corporum, de his tractant perinde, ac si perfecte dura, mollia, aut elastica forent; cum tamen ab hac perfectione non modico distent intervallo. Ita in supputando motu descensus gravium nullam rationem habent resistentiæ corporis fluidi spatium, quod cadendo percurrunt, implentis, tamen hæc de summa non parum detrahat.

2. Quod si iis objiciatur, cuinam usui sint in evolvendis naturæ arcanis theoremata hujusmodi, quæ vera non sunt, nisi multum aliter, ac est, natura se habeat; respondere solent illa ad res, quæ in mundo existunt, non esse applicanda, nisi quæ detrahenda sunt, detrahantur, quæque addenda, addantur. Et revera si versentur in re, quæ ad mathematicam methodum exigere possit, alia theoremata instituunt, quibus eorum, quæ addi, aut detrahi oporteat, rationem subducant. Ita post leges collisionis corporum, quæ perfecte dura, mollia, aut elastica sunt, & descensus gravium in loco non resistenti, ad examen vocant etiam leges collisionis corporum, quæ plus minus imperfecte talia sunt, & ipsam fluidi spatium, qua sit motus, implentis resistentiam. In quo diligentem imitantur supputatorem, qui si plurium diversæ generis nominum rationem sit initurus, ne inducatur in fraudem, ea primum singillatim subducit; deinceps addendo, deducendoque, quæ addi, aut deduci debent, ad unam redigit summam.

3. Eadem ratione me versatum ajo in hoc de inclinatione, deque directione magneticæ acus tractatu, cum ad magnetem ellipticum, aut circularem ita uniformem, ut § 217 descripsi, admovi magneticam acum. Animus enim fuit in regulari magnete ita rem definire, ut quantum quisque magnes ad manus venturus abesset a regulari, tantumdem, prout opus foret, eorum, quæ statuta sunt, mutationem esse faciendam cognosceremus. Cujus rei ut exemplum huc afferam, sit magnes, cujus qui polus ad meridiem obvertitur, vegetior sit altero, qui boream spectat; si ad aliquod diametri æquatoris punctum centrum acus applicetur, acus axi magnetis parallela non fiet, sed extremum attractum a polo meridionali ad eum magis inclinabitur, quam alterum extremum ad alterum polum, quod in æquali a polis intervallo poli majori virtute præditi majorem in trahendo vim esse oportet. Nostra autem situs paralleli demonstratio æquali utriusque vi attractrice nixa est § 219. In hoc igitur magnete situs paralleli aliud punctum propius debiliorem polum pro ratione virtutis illorum querendum est.

4. Ita si in elliptico magnete, quæ undequaque corpuscula erumpunt, æque conferta non sint, vertex ellipsis centrum virium poli non erit, in quo proinde sit maxima vis, & ad quod potissimum propellantur diriganturque magnetica frustra, sed alio in puncto erit juxta leges centri virium, & gravitatis. § 217. Quo fit, ut linea centra polorum conjungens cum axo non congruat.

5. Ceterum cum acus directio posita sit in angulo, quem eadem acus posita in horizontali plano facit cum linea meridiana occisum versus, aut orientem, inclinatio vero in angulo, quem cum eadem linea facit acus, sed in plano verticali sursum, aut deorsum, hic moneo quod attinet ad directionem ejusque causas, multa mihi restare examinanda, quæ nunc in alium differo locum.

ARTICULUS IV.

De directione, & inclinatione acus ad Telluris polos, & de modo, quo acus ad magnetem applicanda sunt, quo datum extremum respiciat polum borealem telluris, alterum australem.

§. 237.

QUæ hæcenus disputata sunt de magneticæ acus ad magnetis polos directione, & inclinatione, facillime ad Telluris polos transferuntur. Tellus enim, aut potius nucleus terrestris figuram habens sphæræ, aut ellipsis est verus magnes §. 118. immo pri-

primus omnium magnetum, unde omnes alii facile possunt existere. §. 170. Quamobrem ut quæ articulo superiore tradidimus, ad rem præsentem applicemus, ordinur ab illo notissimo experimento rotundi magnetis supra mercurium innantis, qui licet a primo supra fluidum ita positum fuerit, ut altero sui polo occidentem, altero orientem respexerit, tamen ipse per se ita convertitur, ut altero polum meridionalem circiter spectet, altero borealem. Eadem ratio est, ac conversionis acus ad polos magnetis, si æquatorum inter, ac polum ita collocetur, ut a diametro æquatoris æquidistet §. 224. Tunc enim orientem, & occidentem illius magnetis respiceret. Nam cum ferrum in Telluris visceribus in magnetem vertitur, corpuscula a boreali terræ polo S profecta in obversa ferri convertendi parte polum sui ingressus constituunt, & in adversa polum egressus, & contra corpuscula a polo meridionali M venientia. Quare cum in fluido innatans magnes æquilibretur, & facile converti possit, quælibet corpuscula polum sui ingressus ad se dirigunt, & regressus repellunt. Eoque magnetes acubus præstant, quod villis in unam partem directis, & solidioribus factis poli mutari non possunt, præsertim a debili corpusculorum telluris vi.

2. Quo constituto nunc ajo cuspidem tactam polo M magnetis, cui ad perpendicularum superimponatur, & ad suum stylum translata, ad polum S telluris converti, furcinulam vero ad polum M. Contra cuspidem tactam polo S magnetis ad polum M telluris se dirigere, & furcinulam ad polum S. Nam si cuspidis tangitur polo M, cui acus ad perpendicularum insit, quæ corpuscula ex polo M magnetis egrediuntur, polum sui ingressus constituunt in cuspidem, & egressus in furcinulam, quod a cuspidem furcinulam versus progrediuntur (lib. 1. cap. 4.). Quæ vero ingrediuntur in magnetis polum M, polum ingressus in furcinulam cuspidem versus, egressus autem in cuspidem sibi faciunt, quod a furcinula cuspidem versus moventur. Sed quæ egrediuntur ex polo M magnetis, sunt illa eadem, quæ a polo S telluris proficiuntur, & ad polum M ejusdem telluris contendunt. *num. 1.* & quæ ingrediuntur in polum M magnetis, sunt eadem illa, quæ a polo meridionali M telluris veniunt. Cum ergo corpuscula a polo S telluris venientia polum sui ingressus in cuspidem furcinulam versus inveniunt, cuspidem ad se dirigunt; cum vero quæ a polo M telluris veniunt, polum sui ingressus in furcinulam habeant, eam ad se convertunt. Mutatis mutandis secunda pars eodem modo conficitur.

§. 238.

Quod vero pertinet ad acus magneticæ inclinationem versus tellu-

luris polos, in hisce regionibus polo boreali valde propioribus; acus nulla imbuta virtute, & imposita stylo propter brachia æquiponderantia sit parallela horizonti, scilicet per sui centrum tangat curvam superficiei telluris similem, atque concentricam. Tum ad magnetem affricetur, & acquirat virtutem se ad polos vertendi. Ajo tunc magneticam acum deorsum inclinatum iri, qua parte polum propiorem, scilicet in hisce regionibus borealem respicit. Nam effluvia magnetica circa terrestrem magnetem, circaque tellurem in locis inter utrumque polum interceptis lineas curvas atque concentricas describunt, quæ versus propiorem polum ad finitorem sunt inclinatæ deorsum atque descendunt, versus alterum longiori intervallo discretum sursum spectant atque ascendunt §. 157. & seq.

2. Sed in locis inter utrumque polum interjectis, & uni polo propioribus acus magnetica virtute imbuta declinat ab illa curva, in qua illius centrum est, propiorem versus polum §. 125. Ergo acus magnetica multo magis declinat a plano horizontali terræ, quæi orbis polum versus borealem, qui in hisce regionibus est multo propior australi.

§. 139.

Quamobrem ea, quæ de inclinatione acus versus parvi magnetis polos articulo primo dicta sunt, in magnetem etiam terrestrem conveniunt. Immo etiam potiori jure, quod etsi curvæ a corpusculis parvi magnetis concentricæ & æquidistantes non forent ob eam causam, quia in polis inter se vicinis concurrunt; nihilominus ut concentricæ & æquidistantes essent habendæ, quæ a corpusculis terrestris magnetis percursum in parvam acum incurrunt, propterea quod propter axis terrestris magnitudinem nonnisi in magno ab acu intervallo convenirent. Ea ferme ratione, qua licet duæ rectæ, per quas gravia se exserunt, in centro telluris conveniant, tamen si in superficie ejusdem telluris non multum inter se distantes spectentur, pro parallelis possunt haberi, & in extrema lancis perinde gravitant, ac si ipsæ inter se parallelæ, & ad vectem perpendiculares forent. Ceterum quia hæc magneticæ inclinationis materies cum declinatione acus valde implicita est, nobis in præsentī sufficit ejus causam generatim tradidisse, alia plurima quæ ad eandem pertinent, explicaturis, cum ad declinationem ventum erit. Interim enucleatius ea tractabimus, quæ ad illius attinent directionem.

§. 140.

Ut vero id exsequamur, necesse est edisserere de modo, quo frusta ferrea virtute magnetica imbuuntur & cujus quisque magnetis contactus poli virtutem ferreis tribuat instrumentis examinare.

Qua

Qua in re jam advertimus atque probavimus cuspidem tactam polo M meridionali magnetis ad borealem telluris se convertere, si polo M ad perpendicularum imponatur §. 237. Nunc vero addo ejusdem poli acquiri virtutem a cuspidem, licet cum tangente poli acus congruat, si modo cuspis polum tetigerit. Nam corpuscula erumpentia ab M non solum antrorsum tendunt, verum etiam dextrorsum, & sinistrorsum per vim, qua recurrunt ad posteriora §. 151. & seq. Ceteroquin instrumentorum ferri longitudinem percurrere amant, ut in extremis polos sui exitus forment (l. i. cap. 4.) Ergo si acus cum poli tangente congruat, & cuspis eum tangat, corpuscula erumpentia a polo M, utpote quæ per vim recurrendi a cuspidem versus furcinulam tendunt, polum sui ingressus in cuspidem, & egressus in furcinula constituent. Sed illa eadem, quæ a magnetis polo M egrediuntur, a septentrione terrestris magnetis procedunt §. 237. Ergo cuspis ad boream dirigetur, atque ideo in illa polus erit borealis. Contra quæ corpuscula a polo S magnetis erumpentia, percurso magnete, per polum M lineas curvas describendo denuo ingrediuntur, illa a furcinula versus cuspidem tendunt, atque polum sui ingressus in furcinula, egressus autem in cuspidem ponunt. Cumque illa eadem a polo meridionali telluris proficiantur, mirum non est, si furcinula ad meridiem observatur.

§. 241.

Cum vero non omnia instrumenta ferrea sint apta, ut ad mundi polos convertantur, hac utemur nota ad polum uniuscujusque borealem a meridionali discernendum. Quod extremum trahit borealem polum acus, & repellit meridionalem, ad meridiem convertitur, & habet polum australem; quod vero trahit meridionalem, & borealem repellit, ad boream dirigetur, & polum habet septentrionalem. Nam quod extremum trahit borealem acus, illud emitte corpuscula, quæ per borealem acus ingrediuntur, & a meridionali egrediuntur §. 185. recipitque corpuscula, quæ a boreali acus erumpunt §. 188., sed corpuscula, quæ a boreali acus egrediuntur, sunt eadem illa, quæ a polo meridionali telluris procedunt §. 237. Ergo illud extremum ad australem telluris convertitur 237. & ideo polum habet australem. Mutatis quæ mutanda sunt, eodem modo conficitur altera pars. Concinit experientia, quæ docet cuspidem & extremum affricum ad eundem polum magnetis, furcinulam, & alterum extremum non affricum se mutuo repellere, cuspidem vero, & extremum non affricum, furcinulam autem, & extremum affricum se mutuo trahere. Nam extrema utriusque ferri ad eundem polum tacta, & extrema non tacta eundem habe-

re

re polum ex dictis §. 237. colligitur; & contra extremum tactum, & non tactum diversos.

§. 242.

Quo vero utrumque extremum ferrei instrumenti ad affrictum unius extremi ad unum tantummodo polum magnetis utriusque poli virtutem acquirat; opus est instrumento tantæ longitudinis, ut certam quamdam mensuram pro majori, vel minori virtute magnetis majorem, vel minorem non transgrediatur. Nam filum ferri accipi unius pedis parisiensis; & extremum A ad polum magnetis S admovi, ut ad angulos rectos polo insisteret; & notavi extremum A acquisivisse virtutem trahendi unum polum acus, qui erat borealis, repellendique alterum, qui erat australis, alterum vero extremum B nullam induisse virtutem attracticem, aut expultricem. Nam in extremo A tacto egredientia e polo S magnetis corpuscula polum ingressus constituunt, ingredientia vero polum exitus, quia etsi propter fili longitudinem hæc ad alterum extremum B non perveniant, tamen a certo aliquo fili puncto v. g. a medietate, si ad eam perveniant, usque ad extremum A ingrediuntur, ut ab A egrediantur. Quamobrem in illo extremo est polus egressus corpusculorum, quæ in borealem magnetis ingrediuntur, & ideo a boreali telluris veniunt, & polus ingressus corpusculorum, quæ a boreali magnetis egrediuntur atque ideo a meridionali telluris procedunt; quorum altero fit, ut extremum acus ad boream versum trahat, §. 237. *num.* 2. altero, ut ad polum meridianalem telluris convertatur. §. 237. *num.* 1.

2. Sed quia filum est nimis longum, quam ut meus magnes, etiam accedente majori pororum ferri facilitate, corpuscula ad alterum usque extremum ea copia mittere possit, quæ ad similem polum formandum est necessaria; hinc vel nulla corpuscula, vel admodum pauca ita, ut nullum sub sensus cadentem effectum præstare queant, ab altero extremo egrediuntur, aut in illud ingrediuntur. Nam corpuscula regredientia ad illud non perveniunt, & alioquin simul ac ferrum subierunt, ad extremum polo magnetis impositum feruntur, quia scilicet eo directæ sunt. Ex corpusculis autem egredientibus e polo magnetis sensim magna pars ex lateribus fili per ejus longitudinem effluunt, eo quod propter vim regrediendi in latera hinc inde sunt inclinata, & egressa a vorrice ad extremum ingressus rapiuntur: cumque filum nimis longum sit, copia corpusculorum poros ferri meantium exhausta jam reperitur, cum ab extremo deberet erumpere, ibique formare polum egressus. Ergo in illo extremo virtus attractrix esse non potest.

A R-

ARTICULUS V.

Continuatio ejusdem argumenti & de variis modis applicandi acus ad magnetem, & de pluribus experimentis in eam rem factis.

§. 343.

Tenebræ, quæ in hoc ostendendo mihi identidem se offundebant definituro, quem acus polum extremum sibi affrictum ad S magnetis attrahere deberet, me admonent, ut hanc materiem exquisitius tractem. Fundamentum itaque statuo definitionem polorum sive magnetis, sive acus, sive cujuscumque alterius ferrei instrumenti, quod libere suspensum ad polos quasdam sui partes convertat. Voco polum S, sive septentrionalem, qui ad septentrionem Telluris dirigitur, M, sive meridionalem, qui ad meridiem.

2. Quæ statuta nominis definitione ajo illum esse polum S, qui recipit corpuscula, quæ procedunt a polo S telluris, sive ab eo egrediuntur, sive est polus ingressus eorumdem. Illum autem esse polum M, qui e contrario recipit corpuscula, quæ procedunt a polo M telluris, sive ab eo egrediuntur. Nam directio magnetis, & acus magneticæ ab attractione proficiscitur (1010 art. 1. & maxime §. 216, 224.) Sed magnes, & acus ab alio magnete idcirco attrahuntur, quia corpusculis per unum polum ingredientibus, & ab altero egredientibus magnes & acus in contrariam partem a vi centrifuga impelluntur §. 185, & corpuscula a polo magnetis egredientia polum sui ingressus alterius magnetis, aut ferri ad se conantur dirigere (§. 216, & sequen.) ; in hisce vero regionibus inter utrumque polum interceptis tum corpuscula ab S telluris egredientia versus M telluris feruntur, tum corpuscula ab M telluris profecta polum S ejusdem telluris petunt. Ergo ille polus magnetis & acus, qui recipit corpuscula a polo S telluris egressa & profecta, ad S telluris convertitur, atque ideo est polus S, sive borealis magnetis & acus ; atque e contrario.

3. Cum vero quæ corpuscula per unum polum ingrediuntur, nisi quid obstat, illa e contrario egrediantur §. 69, hinc fit polum S magnetis, & acus esse illum, qui emittit corpuscula, quæ a contrario polo M telluris veniunt, sive esse polum egressus corpusculorum contrarii poli M telluris, & vicissim polum M magnetis, & acus &c.

§. 244.

Quibus constitutis videamus quem quisque contactus magnetis polum tribuat. Ac primo constat quod alibi ostendimus, cur cu-

De Magn. T. I.

V

spis

spis tacta polo M magnetis ad S polum contrarium telluris veratur, & furcinula non tacta ad M telluris, & contra cuspid tacta polo S magnetis ad M polum contrarium telluris vergat, & furcinula non tacta ad S §. 237. itemque cur duæ cuspides ad eundem polum magnetis affrictae, itemque duæ furcinulae non affrictae se mutuo fugiant; cuspid vero affricta unius acus, & furcinula alterius se mutuo trahant. §. 237. Ita sit ut polus S unius acus trahat contrarium M alterius, & repellat amicum S; itemque polus M unius trahat inimicum S alterius, & repellat amicum M.

§. 245.

Quod si cuspid unius acus affricetur ad polum S magnetis, alterius autem ad polum M, tum cuspides, tum furcinulae se mutuo allicient, ut experimento constat; & alterutrius cuspid furcinulam alterutrius repellent: nam si cuspid primæ acus tangit polum S magnetis, polum ingressus constituunt in eadem cuspid corpuscula, quæ a magnetis polo S egrediuntur §. 237, & in furcinula corpuscula, quæ in polum eundem S ingrediuntur §. 237; si vero cuspid secundæ ad polum M affricatur, polum ingressus in eadem ponunt corpuscula, quæ a polo M egrediuntur; & in furcinula, quæ in polum M introeunt. Item in cuspid primæ polum egressus ponunt corpuscula, quæ in S intrant, & in furcinula, quæ egrediuntur. In cuspid autem alterius polum egressus statuunt, quæ in M ingrediuntur, & in furcinula, quæ egrediuntur. Sed quæ corpuscula ingrediuntur in M magnetis, illa ab S ejusdem egrediuntur; ergo in cuspid tangente Merit polus egressus corpusculorum, quæ ingrediuntur in cuspidem, quæ tangit S. Igitur hæ duæ cuspides se mutuo trahent §. 185. Idem ostendes de furcinulis. Unde etiam inferes furcinulas, & cuspides se mutuo repellere.

§. 246.

Si autem divinari velimus, quem polum acus trahat, aut repellat filum ferri ad quemcumque polum magnetis affrictum, hæc nota utemur. Extremum affrictum ad S magnetis trahit S acus, & extremum non affrictum trahit M acus; & e contrario. Siquidem in extremo fili affricto ad S polum egressus constituunt corpuscula, quæ ingrediuntur in polum S magnetis §. 237; sed corpuscula quæ ingrediuntur in polum S magnetis, a polo S telluris veniunt §. 240, & in polum S acus ingrediuntur §. 241. Ergo ab extremo affricto ad S magnetis egrediuntur corpuscula, quæ in polum S acus introeunt. Igitur illud extremum affrictum ad S magnetis pariter trahit S acus. E contrario extremum non affrictum ad S magnetis emittit corpuscula, quæ ab S evadunt §. 237; sed corpus-

puscula quæ ab S evadunt, veniunt a polo M telluris §. 241. & polum sui ingressus in M acus habent, atque ideo illud trahunt §. 185. Ergo quæ corpuscula evadunt ab extremo ad S magnetis non affricto, illa polum ingressus in Macus inveniunt; atque ideo polum Macus ad se alliciunt §. 185.

§. 247.

Similis deinde ferrei fili, quod virtutis magneticæ sit expers, partem mediam, aut fere mediam supra polum M magnetis ita posui, ut cum tangente poli præter propter congrueret. Admovi deinceps utrumque illius extremum ad cuspidem, & ad furcinulam acus magneticæ, & ab utroque trahi cuspidem, quæ ad boream vergebat, & repelli furcinulam animadverti. Similiter idem filum polo S imposui, & ab utroque furcinula attracta est, cuspidisque repulsa. Hoc experimentum, quod non memini in aliquo auctore me legisse, est ex iis, in quibus ita rem evenire oportere, antequam periculum facerem, ex meo systemate conclusi. Sunt enim multa, in quibus tentandis ita me gessi; resque adeo successit e voto, ut mihi suaserim me incidisse si minus in verum systema, saltem in illud, quod ad verum quamproxime accedit. Hoc autem experimento ea potissimum systematis pars comprobatur, quæ ponit corpuscula e polo egredientia in omnes undequaque dividi partes, & posteaquam per curvas ad latera declinantes pro majori, vel minori vi concepta in poris magnetis plus minus processerunt, ad posteriora recurrere. Hinc enim consequitur, quod cum corpuscula egredientia a polo M versus utrumque extremum fili cum tangente congruentis æque sint inclinata, ex utraque parte dimidium fili habeant, per quod ingredi possint, ut demum exeant ab extremis, in iisdem extremis polum sui exitus statuunt, & eundem, met polum acus allicere debent, quem polus magnetis M trahit. Sed polus M magnetis trahit S acus §. 237. & repellit M; ergo utrumque fili extremum polum S acus magneticæ trahit, & alterum M repellit. Eadem vero ratione conficiemus ab utroque fili extremo tractum iri polum M acus, & repulum S, si fili medium polo S imponatur.

§. 248.

At enim cum medium fili imponitur polo M, quidni & corpuscula in polum magnetis ingredientia suos filo polos dant? Primum ajo hæc corpuscula in extremis polum exitus non posse constituere, aut si constituunt, illum esse longe debiliorem polo exitus corpusculorum, quæ e polo magnetis M egrediuntur, propterea quod eorum vis & numerus ipsa per se vi & numero corpusculorum egredientium multo minora sunt; & insuper cum quæ a dextris

recurrunt in polum M, & in brachium acus a dextris positum incidunt, sinistrorsum inclinentur, & contra cum quæ a sinistris regrediuntur, & per sinistrum brachium intrant, dextrorsum dirigantur; corpuscula a dextris venientia, & in extremum, brachiumque fili a dextris locatum incurrentia polum sui exitus in extremo a sinistris posito constituere deberent, & contra corpuscula a sinistris profecta in extremo fili, quod dexteram tenet. Unde cum corpuscula ejusdem generis in iisdem ferri poris sint, corpuscula ab eodem polo profecta; & in æqualia fili brachia æqualiter hinc inde ingredientia sibi occurrunt, se mutuo impediunt, villos in alterutram partem depressos rursus erigent, & ne libere ab uno alterum versus extremum meare possint, efficient. Quare licet ab extremis erumpant, tamen adeo pauca erunt, atque debilia, ut adversus extremorum vim polum ex. gr. borealem attrahentium, & australem repellentium, australem attrahere, & borealem repulsare nequeant. Nam corpuscula, quæ e polo tacto M egrediuntur, & in partes utrimque dispescuntur, nullo sibi impedimento sunt, eo quod corpuscula dextrorsum tendentia, meatus brachii ex parte dextra positi percurrunt, villosque dextrum versus extremum deprimunt; quæ vero sinistrorsum pergunt, brachii in sinistra collocati villos sinistrum versus extremum deprimunt. ¶ 249.

2. Potissima vero ratio, cur corpuscula dextri lateris ad extremum fili ad levam positum non tendant, & e contrario, est, quia etsi medium fili formandis polis ita aptum, ut extrema, non sit (l. 1. cap. 4.) tamen quia polo magnetis adhæret, a quo corpuscula absorbentur, necesse est, ut in illo medio fiat polus egressus corpusculorum, quæ in polum tactum magnetis ingrediuntur. Quod experientia compertum sit; nam repellit extremum acus, quod ab illo polo attrahitur.

§. 249.

Quæ cum ita se habere animadvertissem, ex meo systemate conclusi futurum fuisse, ut extrema acus; cujus medium polo magnetis aut M, aut S impositum fuisset, non ad boream, & ad meridiem, sed ad occidentem, & ad orientem converterentur. Cui enim ex superioribus intellexissem in ejus utroque extremo polum ingressus patere corpusculis ejusdem speciei, iis scilicet quæ ab eodem polo telluris egrediuntur; hinc intuli fuscinulam, & cuspidem acus a corpusculis ex. g. a borea profectis æque attractum iri, atque ideo ex Staticæ principiiis conclusi æquilibrium futurum, cum fuscinula, & cuspis, altera orientem, altera occidentem spectarent, & acus præter propter cum diametro æquatoris congrueret, sive recta secaret acum communem, quæ in fuscinula habens unum

unum ingressus polum, in cuspide alterum, ad polum terrestris magnetis dirigeretur. Res autem ita mihi successit, cum ad periculum faciendum accessi. Nam pyxide ita collocata, ut acus communi virtute magnetica imbuta alteri ex diametris pyxidis ad angulos rectos se interfecantibus a borea in austrum infisteret, posteaquam medium acus polo alterutri imposui, & ad suum stylum retuli, cum altera diametro, cujus extrema orientem, & occidentem spectabant, animadverti eam præter propter congruere.

§. 250.

In superioribus dixi fili medietatem præter propter polo imponendam; id enim necesse est, quo utrumque extremum eam attractricem virtutem, quam habet polus, eisdemque polos contrahat. Nam si filum mediocris longitudinis v. g. quatuor, aut quinque pollicum ita supra polum ponatur, ut ex altera parte sit quarta, aut quinta pars longitudinis, ex altera reliquæ, extremum fili a polo remotius polum acquirit similem polo magnetis, virtutem scilicet ejusdem acus extremi ad se convertendi, propius autem contrarium polum, atque virtutem. Cujus secundæ partis ratio est; nam de prima satis liquet ex iis, quæ jam constituta sunt. In parte fili a polo magnetis tacta fortis producit polus ingressus corpusculorum; quæ a magnetis polo effluunt, & egressus eorum, quæ in eundem ingrediuntur, ea quod ut alibi advertimus §. 248. num. 2. quæ ingressa sunt per totam fili longitudinem, ab ea tacta parte in polum magna vi abripiuntur. Quare hæc pars tacta polum acquireret, qui extremum acus ab illo magnetis polo attractum repellar, & repulsum attrahat. Quamobrem si hæc pars tacta uni extremo valde vicina sit, aut impedimento erit, quominus in illo extremo corpuscula egredientia a magnete polum egressus faciant, & ingredientia polum ingressus, eo quod corpuscula alium cursum proxime illud extremum tenere coguntur, aut etsi non omnino impediat, valde ramen debilitabit. Quo fit, ut poli partis tactæ prævaleant, & pro copia corpusculorum, quæ ab illis effluunt, extremum acus alliciant, aut repellant.

2. Atque hinc liquet, cur extrema tacta a polis majorem vim acquirant præ iis, quæ non tanguntur, quantum tamen ex meis experimentis concludere possum; quia scilicet vi magnetici poli, qua corpuscula introrsum attrahuntur, fit ut propter contactum, ingredientium in polum corpusculorum magna vis ab extremo attracto foras erumpat, & in polum magnetis se insinuet. At in extremo remoto corpuscula, quæ a magnete profecta inde erumpunt, non tanta vi inde effluere possunt, eo quod per ferrum jam dissipata fuerunt, & aliunde ab aere, qui extremis contemminus est, nul-

nulla vi attrahuntur; contraquam facit magnes, qui ad se trahit corpuscula, quæ ex parte fili tacta egrediuntur. Præterquamquod extremum tactum, ut polo adhærens, est in loco, ubi corpuscula vim habent majorem præ loco, in quo est aliud plus minus a polo distans.

§. 251.

Ex hoc, aliisque supra allatis experimentis infertur, quid causæ sit, cur filo ab uno sui extremo A usque ad alterum B supra polum ducto, extremum A primo affricum acquirat virtutem trahendi poli acus, qui a magnetico attrahitur, extremum vero B virtutem contrariam alterius poli. Nam quamvis extremum A initio virtutem induat trahendi polum acus alium, atque ille est, quem polus tactus magnetis habet §. 237. tamen cum filum media sui parte ad polum magnetis accedit, incipit virtutem contrahere attractricem ejusdem poli acus, qui a polo magnetis attrahitur §. 241. & eo plus accipit ejusdem virtutis, quo extremum alterum B ad polum magnetis fit propius. Nam ut alibi ostendimus §. 96. poli ferri contrario cursu corpusculorum magnetis mutari possunt, cui loco nonnulla brevi sum adjecturus ad eum magis magisque illustrandum. Ita etiam extremum B quamvis initio induatur virtute trahendi poli, qui a polo magnetis attrahitur §. 241. tamen cum ductu fili ad polum accedere incipit, contraria imbuatur.

§. 252.

Sed prætereundum non est aliud experimentum, quod in posterum magno nobis usui erit ad reddendam alius difficillimi celeberrimique experimenti rationem. Est autem hujusmodi. Si polum inter & æquatorem magnetis in parvo a magnete intervallo filum statuas magneti ad lineam insistentes, sed polo non insistant, nulli scilicet puncto, unde corpuscula potissimum exeunt §. 65. quod periculum cavebis, si locum sumes magnetis æquatori propiorem, extremum inferius, & magneti propius virtutem contrahit trahendi poli acus, qui a polo remotiore magnetis attrahitur; extremum autem superius virtutem trahendi ejusdem poli, quem polus propior allicit, perinde ac si filum magnetis polo ad perpendiculum imponeretur §. 240. & seq. Nam propter rationem sumram a motus directione, & ab experimentis hæcenus allatis ad illa extrema fili corpuscula magnetis se conferunt, quorum diriguntur, sive dum exeunt a polo magnetis, sive dum intrant, sive dum circa eundem magnetem rotantur. Sed corpuscula exeuntia a polo vicino magnetis ad æquatorem usque ascendunt, sive sursum versus directæ sunt; quæ vero ingrediuntur, descendunt, sive deorsum vergunt §. 169. Ergo exeuntia a polo propiori magnetis
ad

ad extremum superius pergunt, & ab illo conferta egrediuntur; ingredientia autem inferius petunt, & in eo polum exitus collocant. Ex quorum altero infertur, cur extremum superius eundem, quem polus vicinus magnetis, polum acus trahere oporteat, ex altero autem, cur inferius polum alterum acus allicere debeat §. 240.

ARTICULUS VI.

Explicatur ratio, qua alia ferri instrumenta prater acus & fila oblonga virtute magnetica inficiuntur, & in qua quique parte poli reperiuntur.

§. 253.

NOn immoror in explicanda ratione, cur filo inter utrumque polum secundum longitudinem axis collocato, quod extremum respicit M magnetis, illud trahat polum acus, qui ab S magnetis attrahitur, & e contrario quod extremum polum S spectat, polum attrahat acus, quem allicit alter polus M magnetis. Nam ex cursu corpusculorum ab altero ad alterum polum id clare deducitur. Ac præstat examinare rationem, qua virtus magnetica cum instrumentis ferreis alterius figuræ communicatur. Qua in re quod pertinet ad laminas quadratas, aut altera parte longiores, id pro certo statuere possum in singulis quatuor earum angulis polos formari, si modo ita longæ non sint, ut corpuscula ad angulos pervenire non possint. Maxima diameter laminarum, quas adhibui, semipedem parisiensem non superabat, & sive angulus aliquis, sive alia quæcumque pars ad magnetis polum affricaretur, semper observavi polos in omnibus angulis existere, & ex eo colligi, quod & majorem ferreæ scobis portionem, quam laterum aut laminæ quodlibet aliud punctum, alliciebant, & extrema magnetice acus potissimum aut attrahebant, aut repellebant. In definiendo autem quem quisque angulus polum acquireret, satisfacere mihi non potui, tamen plura tentatim experimenta. Nam ex causa cum medium circiter laminæ polo imponerem, tres anguli ut plurimum virtutem acquirebant trahendi illius poli magneticæ acus, quem polus magnetis alliciebat. Sed quandoque aliter accidebat; fortasse autem ea res erat causa, quod plus magnetis uni laminæ angulo foret propior, cum illa virtute magnetica imbuebatur; quod iis consentaneum est, quæ §. 250. n. 2. animadversa fuerunt. Nichilo secius varie se habebant experimenta, cum ad unum laminarum angulum polum admovebam magnetis. Quare totam hanc rem aliis diligentius tractandam relinquo, qui majorem numerum magnetum ad manus habentes fortasse certi aliquidi eruent.

§. 254.

Nec minus intricata est materies de annulis virtute magnetica inficiendis. Id innum. statuo, quod pluribus experimentis mihi exploratum est, partem polo tactam virtutem acquirere trahendi polum acus, qui a tacto polo magnetis repellitur, alteram autem e diametro oppositam virtutem comparare trahendi poli ejusdem, qui a polo tacto magnetis allicitur. Usus autem sum annulis diametri dimidii pollicis, & ex filo rotundo constantibus. Cujus rei hanc puto esse causam. Dum una pars annuli polo imponitur, egredientia e polo tacto corpuscula, & in utramque didita partem se utrimque per longitudinem fili annuli, scilicet per duos semicirculos æqualiter insinuant, æquali tempore æquale fere spatium conficiunt, ideoque fere in fine semicirculorum, nimirum in loco parti tactæ e regione opposito sibi metipsis occurrunt, impediuntque, quominus major illorum pars ultra excurrat. Quo fit, ut viribus æqualibus contrariis in mediam lineam coalescentibus magna copia foras erumpant. Quod idem valet in corpuscula regredientia in polum tactum magnetis, quæ in parte tacta annuli sibi occurrere debent, atque ideo foras erumpere magnetem versus, cuius meatus facilius tranant, quam aeris, percita nimirum attractrice vi, quæ est in magnete.

2. Aliquid simile in emissione electrici effluviî contingere ex Grayo notat Musschenbroechius *Essai de Phys.* §. 505. his verbis e gallica lingua in latinam translatis, „Idem auctor alio experimento examinavit, an electrica effluvia in orbem circa circulum manarent. Ad hunc finem usus est circulo diametri pedum 2, 1 : 2, atque illum suspendit fune ex villis contexto 4 pedes longo, subiusque circulum frustula bracteolarum auri posuit. Cum vitreus tubus affrictus & calens intra circulum propius ponebatur summum extremum, in distantia tamen aliquot ab eo pollicum, frustulum auri ad imum circuli extremum accurrebat ejus attractum virtute. Sed cum tubus propius imum extremum ponebatur, nullum in eodem extremo indicium exstitit attracticis virtutis. Cum extra circulum tubus ad funem admovebatur etiam in aliqua distantia a loco, ubi funis cum circulo necitur, ad imum extremum statim vis electrica se se. prodebat. Ex hoc primo circulo alius minor diametri pedis 2, 1 : 2. appensus est ex filo ita longo, ut inferior circulus a superiore duos pollices abesset, atque subtus imum minoris circuli extremum collocata fuit auri bracteola, quæ fuit attracta, simul ac intra circulum primum ad extremum superius tubus admovebatur, minime vero cum ad extremum inferius. Hactenus Musschenbroechius de hoc phænomeno, quod iidem utitur causis. Nam etiam

etiam electrica effluvia ab aliquibus corporibus magna vi trahuntur, ut facile se per eorum interiorem substantiam, quoquolibet extendatur, insinuent, & ex. g. per chordas ex cannabe se ad magnas distantias secundum longitudinem porrigant, cum in latitudinem solum ad aliquot pedes diffundantur, cujus simile jam notavimus in effluviis magneticis, cum incurrunt in extensam & longam subtilemque laminam ferri §. 28. Immo conveniunt etiam in ea parte phaenomeni, quod electrica quoque ex extremis, ex angulis & ex apicibus majori profluunt vi, ut supra notavi §. 138. Quare si tubus ad summum circuli extremum appellitur, effluvia utrimque & æquali celeritate se per semicirculos diffundunt, iisque tamquam spatiis æqualibus æquali tempore peragratis in se vicissim ad extremum inferius incurrunt, ne ultra per interiorem circuli substantiam procedentia se mutuo impediant, & ita qua velocitate eo pervenerunt, illa ex circuli mentibus effluunt, subiectatque bracteolas extremum versus alliciunt.

3. Sed in praesentis superque sit de hoc loco, qui nobis nunc porissimum propositus non est, & in quem duos ob fines orationem induxi, primum ut magis magisque fieret perspicuum magneticas attractiones corporeo quodam effluvio perfici, cum electricas eandem in multis iisque singularibus phaenomenas similes eodem perfici teneamus; alterum ut significaremus in hac differentia inter corpora, quorum alia magna vi trahunt electrica effluvia, alia exigua aut fere nulla, multum esse momenti in explicatione electricorum phaenomenorum, in quibus tam præclare versatus est, ut multas novas leges protulerit, Cl. Beccarius in Taurinensi Academia Philosophiæ Professor, tum in Opere inscripto *Dell' Eletticismo Artificiale e Naturale*, Taurini edito 1753. tum in Epistola inserta tom. IV. Comm. Bononiensium.

§. 255.

Quo loco juvat asserre etiam causam illius experimenti, quod attulimus §. 66. globum scilicet ferreum affricatum ad polum magnetis, & ab eodem avulsum nullam aut fere nullam virtutem magneticam retinere. Nam corpuscula, quæ nimis dispersa e ferro egrediuntur, nullam vim magneticam exferere conspiciuntur. Sed e globo ferreo nimium dispersa egrediuntur; nam in sphaera nulla est longitudo, ut in annulo, quæ cursum corpusculorum unam versus partem potius, quam aliam promoveat, eo quod omnes partes æqualiter longæ sunt, nullum est extremum, unde porissimum effluant, quod in circumferentia sphaeræ nec principium, nec medium, nec finis est ullus. Adde quod propter causas easdem ab omnibus partibus indiscriminatim corpuscula exeunt, & in omnes

De Magn. T. I.

X

in-

indiscriminatim ingrediuntur §. 203. Quo fit ut cum minimæ vires in unam magnam non coalescant, sed contrariæ sint, globus ferrens nullas in partes moveri debeat §. 207. At enim si res ita se habet, globus nec ab ipso magnete trahi poterit, ad eumque adhærescere. Sed aliud est globus avulso a magnete, aliud est globus magneti conjunctus; nam ex magnete, & ex globo componitur corpus oblongum, & corpuscula e polo tacto magnetis egredientia magna vi se insinuant in ferrei globi poros, ad ejus superficiem undique perveniunt, ex eadem magna vi erumpunt, & globum in contrariam partem polum versus impellunt. Ad hoc autem impediendum effectum egressa corpuscula non æque facile in omnes globi partes ingrediuntur, quod & ea, quæ a polo magnetis perpetuo foras propelluntur, impedimento sunt, & a magno vortice magnetico partim ad posteriora magnetis abripiuntur cum iis corpusculis, quæ recurrunt §. 185. partim ad partem tactam globi cum iis, quæ in eam continue ingrediuntur.

2. Sed urgebis. Si ergo fit in globo polus aliquis aut egressus, aut ingressus corpusculorum, cum adhuc magneti conglutinator est, cur in avulso non perseverat? Præsertim cum ob eandem rationem, qua in annulo, pars tacta fieri possit polus exitus corpusculorum quæ in magnetis polum tactum ingrediuntur, altera e regione sita polus exitus corpusculorum, quæ tactus magnetis polus emit. Cujus ut intelligamus solutionem, memoria repetamus ea, quæ alibi statuta sunt a nobis causam inquirentibus, cur ferrea instrumenta a magnete divulsa parum vis magnetica, quam habent magneti copulata, retineant. §. 95. Hanc enim causam ab ea re petivimus, quod villi ferri cum nimium mobiles sint, & in omnes partes facile versari possint, permiscuntur ac perturbantur, & in omnes partes disjiciuntur ab ipsius magneticis effluviis, quæ ferro adhærent, quæque a recto tramite ab altero ad alterum polum declinant. Cui causæ major lux ex iis, quæ modo dicta sunt, accedet; nimirum cum ferrum magneti adhæret, magnus est ad latera ipsius vortex corpusculorum, quorum pars posteriora magnetis petit, pars polum ingressus ferri. Quare si ferrum repente avellatur a magnete, necesse est multa ex corpusculis ad latera rotantibus in eadem latera se insinuare, nec amplius impedita ab iis, quæ a polo magnetis continuo summittebantur, nec abrepta a dictis vorticibus. Hoc autem fieri non potest, quin ordo & depressio villorum ab altero ad alterum polum magnum detrimentum capiat, atque ideo vis attractrix, quæ magnum in iis momentum habet §. 185. Quod si in ferris, quæ oblonga sunt, & habent extrema quæ vim magneticam juvant, vis attractrix tantum immi-

nui-

nuitur, cum avelluntur, quantum alibi vidimus; mirum esse non debet, si in sphaera, in qua nulla longitudo est, nullumque extremum, quod eam promoveat, omnino intereat.

3. Alibi aliam afferemus rationem, cur in ferro avulso minor permaneat vis, petitam cum ab eo, quod villi ferri facile omnes in partes versari queant, tum quia in avellendo ferro a magnete multa et polo objecto ferri, & e poris abripiuntur corpuscula, quae ab eo polo alium versus feruntur, & ideo villos ferri perturbant, & in aliam, ac esse deberent, partem inflectunt.

ARTICULUS VII.

De tempore infusio in imbuendis virtute magnetica ferreis instrumentis, & de differentia inter attractionem & directionem acus in plano posita, ac acus supra stylum aequilibrata.

§. 256.

Quod ad tempus attinet, quo ferrum virtute magnetica, atque suis polis instruitur, Fayus (*Mem. de l'Acad. an. 1730. pag. 153. edit. Paris.*) testatur numquam tanta velocitate ab altero ad alterum polum armati magnetis acum a se duci potuisse, quin polos situi convenientes acquireret. Verum id intelligendum est de acubus, aut ferri filis, quae polos nullos habent, aut si quos habent, hi poli in iis extremis siti sunt, in quibus esse debent pro ratione modi, quo instrumenta ferrea ad magnetem iterum admoventur. Nam si postquam alterum extremum A fili polo M magnetis impositum acquisivit virtutem trahendi M acus §. 240. scilicet furcinulam, quam pono meridiem spectare, alterum autem extremum B non tactum virtute contraria trahendae cuspidis, scilicet poli borealis acus induta est; tum extremum B non tactum polo eidem M magnetis obvertas: nec quaecumque distantia, nec quodecumque tempus, quae ad polis induendum filum nondum polis instructum antea satis erant, ad eum finem sufficiunt, ut in obverso extremo B polus trahens cuspidem antea productus corrumpatur, & novus, qui propter contrarium fili situm alius, atque prior, esse debet, exsistat. Cum enim ab extremo obverso fili tunc egrediantur corpuscula ejusdem generis, ac illa, quae a polo S vicino magnetis emittuntur, haec in extremum obversum B conantur se intrudere, & filo percurso ab altero S se proripere, itaque mutare polos ferri. Sed in eo faciendo tria habent contraria, quae superent, vorticem corpusculorum similium, quae ab illo extremo B effluunt, & per aerem ad posteriora recurrunt, ut iterum ingrediantur.

diantur, quibus pars corpusculorum egredientium ab M ad alterum ingressus extremum abripiuntur; tum motum corpusculorum, quæ in ferri poris sunt adhuc, quæque contra cursum corpusculorum e magnete erumpentium moventur, & illorum progressui per ferri meatus impedimento sunt; denique seriem villorum, qui cum ab iis corpusculis, quæ antea per extremum A ingressa egrediebantur a B, ab A versus B dispositi, atque depressi fuerint, nunc extremo B ad polum M converso erigi, & in contrariam partem deprimi debent, antequam iisdem corpusculis a B versus A per ferri poros cursus pateat §. 94. & seq.

2. Quibus omnibus perficiendis nec exigua vi & copia effluviolum est opus, nec ita brevi tempore. Hinc cum extremum obversum B in distantia unius pedis a polo mei magnetis etiam per non exiguum tempus tenerem, imminuta quidem fuit illius extremi vis in trahenda furcinula acus, eo quod ab effluviis e magnete per illud extremum ingredientibus aliqui villi in contrariam partem inclinari fuerunt, sed non omnino corrupta, quod in illa a polo distantia virtus mei magnetis nimium debilis erat, quam ut illa tria contraria tolleret. Cum vero in exiguo unius pollicis intervallo breve temporis spatium, ut unum minutum secundum, extremum B maneret, pariter de vi ejusdem quidpiam deductum est, non autem omnino corrupta fuit, quod aliquo non ita exiguo tempore ad id faciendum est opus.

3. Sin autem spatio temporis majori extremum B prope polum M maneat, & postea retrahatur, fieri potest, ut eo nimirum instanti amoveatur, quo major villorum pars erecta est, non autem in contrariam partem depressa, & in quo scilicet corpuscula e polo M egressa, & prima vice in filum per A ingressa cum ejusdem generis corpusculis secundo per B ingredientibus paribus quasi viribus configunt. In quo posita est ratio, cur aliquando mihi contigerit, ut extremum illud vim omnem sub sensus cadentem in trahenda furcinula amitteret, nec tamen aliquam aut illius repellendæ, aut cuspidis attrahendæ compararet. Quia nimirum poli, per quos corpuscula ab altero ad alterum extremum transire debent, ut in iis conferta vim attractricem acquirant, impediti sunt villis erectis, nec quæ, amoto magnete, restant in filo corpuscula, virtutem habent, qua villos in aliquam omnino partem inclinent; præsertim quia configentia corpuscula remanserunt.

4. Quod si majus adhuc tempus in ea distantia extremum tene-rem, tunc alter in alterius extremum polus migrabat; quodque extremum A antea M acus trahebat, S acus allicere observatum est; & contra in extremo B res se habebat.

§. 257.

Atque hinc noscitur ratio discriminis, quod intercedere animadverti inter directionem acus plano impositæ, & inter directionem acus supra stylum pyxididis collocatæ. Qua de re mihi animus est fufe disputare, propterea quod etsi ad directionem potius acus ad magnetis polos pertinere videatur, tamen magnam afferet toti huic materiæ lucem, & ad directionem etiam acus ad telluris polos penitus agnoscendam conducere infra ostendetur. Discrimen autem in eo positum est, quod etiam si polus acus stylo impositæ illi objiciatur magnetis polo, a quo repelli debet, is semper repellitur, & alter attrahitur; haud tamen sic semper accidit, cum acus supra planum jacet: nam si postquam cuspidem acus, quo sarcinatores utuntur, tetigeram polo M, cui acus ad perpendicularum insistebat, acum plus, aut minus a polo removebam, & in situ collocabam, aut parallelo tangenti poli M, aut ita, ut cuspis quasi per angulum semirectum ab ea declinaret, & tantumdem recta cruna ad polum inclinaret, sive acus cum parallela tangenti angulum fere semirectum faceret, tunc nihilominus cuspis a polo M attracta ad eum, repulsa cruna, convertebatur. Sin autem cruna ad polum conversa magnetis, aut polo ad perpendicularum immineret, aut cum parallela tangenti poli angulum semirecto non valde majorem faceret, illa eadem ad polum alliciebatur. Hoc tamen discrimen est, quod cuspis statim ac obiecta est polo, attrahitur, & quidem a loco unum pollicem distant; at cruna non allicijtur nisi post temporis spatium, quod sub sensu cadit, & in distantia solum quadruplo circiter minori.

§. 258.

Causa vero, cur polus acus stylo impositæ semper ad suum magnetis polum convertatur, non autem polus acus supra planum jacentis, petenda est a magna facilitate, qua illa ob æquilibrium moveri potest, quæque non est in hac altera, cujus gravitas, qua planum premit, & frictio cum eodem motum illum conversionis valde impediunt. Ita fit, ut in illa ante fiat poli ad suum magnetis polum conversio, quam situs polorum acus mutetur; ad illud enim opus est spatii temporis valde majori, quam illud, quo polus a suo polo magnetis attrahitur §. 256; in hac autem ut poli mutantur, priusquam contra resistentiam gravitatis, & frictionis ad suum quique polum magnetis vertantur. Quia vero cum alibi ostendimus extrema magneticæ acus ad polos magnetis converti, hæc extrema ad suum quæque polum potius, quam ad alterum conversa posuimus; idcirco nunc speciatim ostendendum est, hanc fieri conversionem, etiam si extrema polos, a quibus repelluntur, re-

respiciant. In eo siquidem est, ut constabit, difficultas.

2. Ordior ab acu CF (fig. 15.) magnetica imbuta virtute, quæ situm habeat tangenti poli S parallelum. Hinc enim gradus ad alia facilius erit. Sit hæc acus æquilibrata in z, & furcinula F attrahatur ab S, & cuspis C repellatur, scilicet poli S & F sint binomines, & S arque C pariter binomines §. 201. Unde fiet, ut corpuscula ingredientia in F proficiscantur ab S, describantque curvam SF secundum ordinem litterarum S, F, R §. 170. ingredientia autem in C ad S se conferant, & curvam percurrant OCS secundum ordinem litterarum O, C, S. Quare illa dum ingrediuntur in F attracta a majori facilitate percurrendorum ferri meatuum, & a vortice jam eo intrante a suo cursu declinant, & aliam curvam lineam describunt a partibus inferioribus sursum directam, per quam in F se insinuant, & propter causas alibi expostas extremum F partem in contrariam, scilicet deorsum impellunt. Contra res accidit in extremo C; nam corpuscula ex. causa profecta ab O, & versus S tendentia per rectam OCS, dum sunt in C, abripiuntur a vortice in ferri poros, aliamque curvam describunt a superioribus partibus deorsum inclinatam. Unde fit, ut brachium zC sursum pellant. Vires igitur tum corpusculorum, quæ evadunt e polo S, tum corpusculorum, quæ ingrediuntur, conspirant in brachio zF polum versus pellendo, & in repellendo a polo brachio zC. Quare polus F acus ad S convertetur, & post aliquas utrimque oscillationes, quarum similis causa est causæ oscillationis statæræ æqualium lancium, acus tandem in eo loco æquilibrii quiescit, quem alibi definivimus.

3. Res eadem ratione conficitur, cum polus F sursum desceat, C autem polum versus magnetis inclinatur. Vires enim etiam in eo situ consentiunt in deprimendo F, & attollendo C, idque peragunt, antequam alter in alterius locum polus concedere compellatur.

§. 259.

Major autem difficultas occurrit in reddenda ratione conversionis extremi F (fig. 16.) ad polum borealem S magnetis, cum acus CF polo S ad angulos rectos incumbit, & quod extremum C repellitur ab S, illi propius est, & inferiorem locum tenet; quod vero F attrahitur, longius abest, ac tenet superiorem. Nam nec antequam poli ab uno in alterum extremum transeant, nec postquam transiere, acus ab eo loco & situ amoveri debet. Non antequam transeant; quia tunc acus CF se habebit, ut alter magnes, cujus polus F corpuscula admittat quæ ab S egrediuntur. Quemadmodum ergo magnes CF ab SVM repelleretur, ita etiam repelli debet fer-

ferrum CF, & quidem sursum recta. Cum enim stylus, & centrum acus in axe MS producto positum fuerit, a corpusculis ingredientibus in F ex omnibus partibus per curvas similes, ac similiter positas acus sursum trahi debet per rectam cum axe congruentem, ideoque per centrum obice impeditum transeuntem, quemadmodum si polus F inferiora teneret, per eandem rectam lineam acum trahi deorsum alibi ostendimus §. 216. 217. Quod idem ostendi potest de corpusculis in magnetis polum S ingredientibus; hæc enim per polum ingressus C se insinuant, & acum recta, tametsi minori vi, deorsum trahunt. Igitur antequam poli mutantur, acus in eo situ consistere debet, atque se habebit ut vectis continuatus, cuius centrum immobile N, brachia in æquilibrio NA, NO usque ad F, & C continuata. Ut vero poli ab uno in alterum extremum migrarent, multo minus ab eo situ acus discedere potest §. 216. quod extremum inferius C a corpusculis ab S effluentibus tunc attrahatur.

§. 260.

Huic difficultati ut satisfaciam, aliqua primum a me tentata experimenta proponam. Experimentis didici a majori intervallo eundem polum magnetis virtutem exferere convertendi suum acus extremum, quam mutandi polos acus ejusdem, si quod repellitur extremum, polo objiciatur, & per aliquod tempus etiam non exiguum vi eo in situ cohibeatur. Nam ex causa meus magnes ad unius pedis, & amplius distantiam suam ad se convertebat acus extremum; non tamen poterat polos transponere, nisi ex intervallo multo minori. Instrumenta autem ferrea ad eundem magnetem affricta id præstare non poterant, etiamsi poli acus, & instrumentorum se repellentes alter ad alterum affricarentur. Quorum causa ex superioribus petitur; nam poli convenientis conversio valde facilis est; quod & acus optime æquilibrata cuicumque vi facillime obsequitur §. 256. 257. & corpuscula utriusque in acus versione concurrunt §. 257. & aliud nihil facere debent, quam eo se insinuare, qua via jam patet & aditus, & sinere se abripi a vorticibus acus in suos quibusque polos ingredientibus. At in mutatione polorum alia via munienda est, corpusculorum cursus in contrariam partem torquendus, villi acus magneticæ in contrariam partem dirigendi. Ad quæ facienda opus est corpusculis multo majore vi percitis, quam corpuscula vorticis acus percillantur. Sed corpuscula in magna a magnete distantia, atque habita mei ratione in distantia unius pedis vim magnam non habent: nam vires multum decrescunt, tametsi proportio adhuc non constet. Ergo poterunt quidem conveniens acus extremum convertere, non autem

autem polos jam factos mutare, sed ad illud etiam faciendum multo minori intervallo opus habebunt. Quia vero amotis a magnete instrumentis valde illorum vis imminuitur §. 95. idcirco nullum ad magnetem affricatum polos acus transponere poterat, quamvis alterius polus ad alterum repellendum affricaretur.

2. In hac itaque distantia unius pedis, ad quam corpuscula mei magnetis polos acus corrumpere nequibant, polum magnetis, qui furcinulam repellebat, furcinulæ eidem ita obiecti, ut acus polo ad angulos rectos insisteret, & cum axe producto congrueret; furcinula polo remansit obversa; cujus causam esse positam in ratione nuper allata §. 259. inde concluditur, quod si S polus magnetis ad lævam aut ad dexteram ab axe retrahatur, etiam in majori intervallo illico furcinula repellitur, & cuspis ad polum accurrit. Deinde polum in axe statutum supra eundem axem quam diligentissime poteram, paulatim ad furcinulam obversam admovi. Quod si in itinere videbam furcinulam aliquantisper declinare aliquorsum, & cuspidem ad polum incipere verti, illico polum magnetis aliquantisper furcinulam versus in contrariam partem ducebam, donec polorum axis denuo cum acu congrueret. Sed in accessu poli ad furcinulam ad eum tandem locum polus veniebat, in quo nulla ratione facere poteram, quin furcinula repelleretur, & cuspis ad eum obverteretur. Hic autem locus præterpropter erat is, unde polus magnetis capisset polos acus mutare, si furcinula, ne diffugeret, impedita fuisset. Nam id certo & præcise desuere non audeo.

3. Cum vero ferri filii magnetica imbuti virtute extremum illud, quod furcinulam repellebat, eadem ratione ad eam diligenter applicui, etiam in duarum, aut in unius linearum paris. distantia contingebat, ut furcinula quæta maneret. Si vero extremum ferri filii vel tantisper a recto tramite, scilicet ab axe deflectebatur, statim furcinulam repellebat, & cuspidem attrahebat, ejusque conversio a dextris fiebat, si extremum a furcinula dextrorsum retraherem, & contra, si sinistrorsum. Quod in magnete quoque notavi, cum polus aliquorsum declinabat, quando ad locum, in quo absolute trahit, nondum pervenerat. Nam ibi modo per dexteram, modo per lævam cuspis convertebatur, quamvis animadvertere non possem, in utram partem polus tunc inclinaret.

4. Ex hac quiete furcinulæ cum eidem obijcitur vel polus magnetis magna vi præditus, sed in distantia unius pedis, in qua vis ejusdem est parva, vel ferreum filum exigua vi attractrice donatum in minima licet distantia, deducitur rationem §. 259. allatum legitime conclusam fuisse; sed in magnete propiori esse quidpiam,

piam, quod obstat ne in eum valeat. Illud autem obstat, quod cum manus admovetur ad opus, vix fieri potest quin corpuscula a magnetis erumpentia potius majori vi trahant ex una parte, quam ex altera, v. g. potius FNCO, quam FNCA, sive quia polus S ad hanc potius, quam ad alteram tamen parum inclinatur, sive quia ipsa magnetis corpuscula ad unam potius partem, quam ad alteram vergunt, sive in parte FNCO major est dispositio pororum §. 213. Quare tunc acus, ut in situ inclinato, suum extremum F ad polum S vertere incipit. Sed si adhibeatur aut ferrum pro magnetis, aut magnes in magna distantia, quia tunc parva est in corpusculis attrahentibus vis, initium conversionis lente fit. Unde provideri potest, ne omnino fiat, polo nimirum magnetis, aut ferri ita manu ducto, ut iterum axis ejusdem cum acu congruat, sive in magnetem non uniformi, ut furcinulam ita respiciat, quemadmodum ad habendam quietem est opus §. 236. n. 4. Sed e contrario quia corpuscula magnetis in parva a polo distantia magna vi polent, hinc illa tam cito cuspidem trahunt, & furcinulam repellunt, ut tardiori manus motu amplius provideri non possit, ne cuspis ad suum polum penitus convertatur; eo vel maxime quia quo magis a situ obliquo recedit, eo majori vi cuspis attrahitur, repelliturque furcinula. Quod infra ostendemus. Ceterum res declarari potest exemplo funambuli, qui si exigua vi aliquorsum impellitur, se parva in contrarium inflexione facile restituit, & super extenso fune perstat, sin autem magna, se sustinere non potest in æquilibrio, sed illorsum ruit.

5. Aliam rationem interea ex Elementis Matheseos, & ex fractionis principiis desumo. Nam duæ quantitates X major, x minor in duas singulæ proportionales partes & inæquales secantur, ut prima pars quantitatis X ita se habeat ad secundam partem, quam pono minorem prima, ejusdem quantitatis X, sicuti prima pars x se habet ad secundam x. Igitur excessus, quo prima pars major quantitatis majoris X superat secundam partem minorem majoris X ad excessum, quo prima pars major minoris quantitatis x excedit minorem partem ejusdem x, ita se habebit, quemadmodum tota X ad totam x. Unde quanto X est major x, tanto excessus partium proportionalium X erit major excessu partium proportionalium x. Quo constituto objiciatur polus S (fig. 16.) extremo C acus CF, quod ab eo repellitur, primum in magna distantia, & postea in parva. In primo situ vis extrema trahens erit multo minor vi in altero situ. Si acus sit exacte perpendicularis polo, illa vires singulæ in duas æquales partes dividuntur, quarum altera sursum trahit brachium FNCO, altera vero brachium FNCA §. 217

De Magn. T. I.

Y

Quam

Quamobrem si res ita se haberet, semper acus in eo loco consistere deberet. Sed quia vix fieri potest quin polus ad dexteram, aut ad sinistram aliquantisper declinet, ponamus in utraque distantia eum ita declinare versus FNCO, ut corpuscula æqualem inclinationis angulum cum eo brachio constituent. Tunc autem vis trahens FNCO fieret major vi trahente alterum; & quidem in eadem proportionem in utraque distantia, eo quod eundem angulum inclinationis in corpusculis ab utroque intervallo ad extremum se conferentibus posuerimus. Ergo quantum vis corpusculorum a minori distantia professorum superat vim aliorum; quæ a majori manant; tantumdem excessus virium in minori intervallo trahentium brachium FNCO supra vires allicientes brachium FNCA pariter in minori intervallo superabit excessum virium unius brachii supra vires alterius in majori distantia. Quare in hac majori distantia, cum vires ipsæ per se valde debiles sint & exiguæ, potest esse ita parvus excessus, ut hic in superanda frictionis acus supra stylum resistentia perimatur. Quo fieret, ut vires hinc inde brachia trahentes forent in æquilibrio, & acus idcirco quiesceret. At in minori distantia, cum virium quantitas ipsa per se magna est, & multis partibus aliæ alias excedunt, multo major excessus est, quique idcirco a parva frictionis resistentia vinci non possit.

6. His omnibus adde conversionem extremi F fieri, cum polus S circiter ad eam ab extremo C distantiam pervenit, in qua polorum situs inverteretur. Quod ante fieri nequit, quam acus concutitur. Concuti autem non potest, quin potius in hanc, quam in illam partem declinet. Inclinatione vero peracta conversio extremi attracti omnino obtinetur.

7. Manet igitur, applicato polo S ad parvam a C distantiam, extremum F attractum a polo S ad eum converti oportere. Quam vero parte an dextra, an sinistra conversio fieri debeat, inferri potest ex dictis, atque ex experimentis hucusque allatis, ea scilicet fieri, qua brachium majori vi deorsum abripitur; in quam vero partem polus ab axe declinat, in eam brachium superius vi majori trahi deorsum, atque ideo polum per eandem ad magnetem converti. Unde si polus S a dextris sit, & C sinistram teneat, extremum F per dextram deorsum vertitur; & e contrario, si polus S magnetis sinistram habeat.

§. 261.

Hæc omnia tum quod attinet ad rationem, tum quod attinet ad experimenta, etiam cadunt in acum *br* (fig. 12.), cujus centrum *n* ponatur in aliquo puncto diametri æquatoris producti NV, & extremum *k* attractum ab M vergat ad contrarium S, & vicissim ex-

tre-

tremum & attractum ab S vergat ad M. Nam si acus erit in situ inclinato, ut extremum, & deorsum vergat, *b* sursum, ostendimus extremum & deorsum attractum iri ab effluviis ab S. erumpentibus, & *b* sursum ab iis, quæ ab M. manant. Quare cum hæ duæ vires conspirant, & omnino convertendum ad S, & *b* ad M. inde eliciemus. Et e contrario conversionem fieri probabimus, si *b* deorsum, & sursum vergat. Quod si acus *ba* ab axe MS æquidistet, & extrema *b*, & a polis M, & S, rum magna illa distantia, ad quam poli magnetis polos ferri transmutare non possunt, distinguenda est a parva distantia, ad quam mutatio fieri potest. In magna siquidem distantia acus eodem loco consistet, quod corpusculum erumpentia ab S in acum ingrediuntur per extremum remotum *r*, idque per tangentem *ri* repellunt, manantia ab M ingrediuntur per *b* & per tangentem *ba* rejiciunt. Ostendimus autem facillime vim mediam compositam ex viribus, quas tangentes *ri*, *ba* exprimunt, perpendiculariter incidere in centrum *n* acus, ut de viribus per tangentes *rm*, *be* expressis alibi demonstravimus §. 219. Quoniam brevis acus ibi quæta consistet. Jam vero in parva distantia ex aliqua causarum, quæ superiori §. num. 4. & seq. allata sunt, acus extrema ad suum quæque polum magnetis conversum iri concludemus, antequam poli acus alter in alterius locum concedant, illudque extremum, quod a corpusculis sui poli magis attrahitur, five deorsum vergit magis præ alio, ad suum polum conversum iri.

§. 262.

Atque hoc loco compleri potest materies attractionis, & repulsionis magnetum, in quibus perficiendis aliquos tantummodo firmos consideravimus §. 206. Et primo si magnetum in cymbis natantium poli in horizonte sint, & binomines prope positi axibus circiter parallelis, ex §. 219. num. 2. in quo similem ferri situm spectavimus, aut ex §. eodem n. 3. in quo similem acus situm, intelligi potest, cur alter magnes ad alterum propellatur.

Sin autem polus B unius obvertatur polo *b* alterius, & axes sint in eadem recta constituti, ex §. 258. intelligitur, cur initio quidem, ut P. Dechales adnotat (*Mundi Math. tom. 1. tract. 9. de Magn. lib. 1.*) aliquantum se fugiant, quia sunt poli cognomines §. 198. sed quia vix fieri potest, ut alter ex iis M, aut *m* in dextram, aut in levam in repulso non propendeat, antequam extra sphaeram corpusculorum sit; hinc ad binominem B simul cum cymba convertitur, & ab eo postea attrahitur §. 186. 261. Quæ conversio fieri non potest, cum alter magnes filo per polum M e lance suspenditur.

§. 263.

At si axes paralleli sunt, & horizontales, polique cognomines juxta se positi, Dechales ait eos se fugere; non tamen alternare sileum, nisi æqualis essent virtutis; quia in cymbis convertendis non est eadem facilitas, ac in acubus stylo impositis. Quamobrem etsi acus semper convertantur, si in eo situ ponantur prope magnetem §. 258. 261. non tamen idem magnetes valet. Quamquam experimentum Dechales mihi valde dubium est, quia si magnetes æqualis virtutis possunt se convertere, quia poli in repulsu magis ad unum, quam ad alium polum inclinare debent, cur non ob eandem causam id facere debet major vis polorum vegetioris, postquam si poli viribus conjunctis polos alterius convertere cœperunt? Quare opus est aliis experimentis. Sed de his alibi fortasse enucleatus.

C A P U T IV.

Accuratus tractatur de directione acus ad magnetis terrestris polos, deque majori vi, qua duo acus brachia a magneticis effluviis trahuntur, ex quo plurimum reconditorum effectuum explicatio mira facilitate deducitur.

A R T I C U L U S I.

De directione unius acus ad magnetis terrestris polos.

§. 264.

Quæ hæcenus tradita sunt de acus ad magnetis polos directione, pertinent etiam, ut initio tractatus innui, ad directionem ejusdem ad polos telluris. Nam si pyxidem ita collocabam, ut acus magnetica, extremis ad suum quibusque terrestris magnetici vorticis polum conversis, axi pyxididis insisteret, sive cum ea congrueret; & deinceps invertebam extrema, ut nihilominus acus cum axe congrueret: hæc in eo situ quæta manebat. Quod si vel hilum retrahebatur ab axi, illico extrema ad suum quæque polum Telluris convergebantur. Quorum ratio constat ex dictis; nam cum Telluris corpuscula parvam habeant vim, quæque, ut experientia constat, & alias examinabimus, polos acus secundam finitorem sitæ mutare non potest: hinc res eadem ratione se habere debet, atque in corpusculis distantis magnetis, aut ferrei fili: idque eo facilius, quod quemadmodum duo vicina perpendiculara etiam in centro gravium concurrant, tamen in superficie Telluris pro rectis parallelis habentur, propterea quod in tanta

ta a centro distantia angulus inclinationis pro quantitate infinite parva haberi potest; ita etsi corpuscula a polis telluris profecta, in iisdem concurrerent, tamen in hisce regionibus, quæ a polis tantum absunt, lineæ ab iis peragratæ in parvo intervallo, tum in eodem horizontali plano, tum in aliis veluti parallelæ putandæ sunt. Nam inde fit, ut tam polus borealis acus australi telluris obversus a corpusculis quæ a boreali telluris proficiscuntur, per rectam centro immobili ad perpendicularum insistentem repellatur, quam australis acus borealem telluris respiciens a corpusculis, quæ australis terrestris magnetis emittit, per rectam pariter centro insistentem, atque cum alia in unam rectam congruentem rejiciatur. Ex quo concluditur acum centro immobili impeditam ab eo loco non dimoveri. §. 258.

§. 265.

Quoniam autem feci mentionem æquidistantiæ linearum, quas corpuscula terrestris magnetis percurrunt, rationem hic reddam. tum ejus, quod in superioribus affirmavi, brachia magnetici acus eo majori vi pelli, quo magis a situ obliquo recedunt, tum alterius experimenti, cur scilicet acus extrema a polis fili ferrei ab axe, retrahantur, non autem omnino ad fili polum accurrant. Nam ab allata linearum æquidistantia horum omnium, aliorumque reconditorum effectuum causam facile eruemus. Cum acus CF, (fig. 16.) cujus polum C obversum S magnetis, aut telluris nunc pono esse illum, qui ab eodem S attrahitur, ad perpendicularum insistit polo S; partes hinc inde a centro N positæ sunt NA, NO, sive totum brachium FNCO, ac totum FNCA, & tunc libra constituitur brevium brachiorum NA, NO, sive totidem sunt libæ parallelæ, quot sunt rectæ sursum, atque deorsum in acu parallelæ rectæ OA, & in æquales partes a recta CNF sectæ.

2. Sed cum eadem acus est. parallela tangenti alicui poli S, ut CF (fig. 15.) vel si ad polos terrestris magnetis referatur, a diametro æquatoris terrestris magnetis æquidistat, tunc brachia attracta longiora sunt, & illorum extrema F & C a centro æ magis absunt.

3. Quod idem accidit, cum acus CF est in situ obliquo. Quare cum hac brachiorum a centro distantia vires trahentes multum augeantur, attractio brachiorum in secundo, & tertio situ multis patribus excedere debet attractionem brachiorum in primo, quamquam ab iisdem aut magnetis, aut telluris corpusculis proficiscantur. Sed est etiam insigne discrimen inter quantitatem attractionis in secundo situ, interque quantitatem attractionis in tertio, si rationem habeamus acus, quæ a corpusculis telluris attrahitur. Nam ductis

ductis in pyxide duabus diametris sibi ad rectos angulos insistentibus, earumque altera, quam axem voco, ab uno ad alterum polum terrestris magnetis directâ, ita ut acus a polis attracta in eam cadat, sive illi suâ longitudine insistat, cum acus alteri diametro, quam voco diametrum æquatoris magnetis, insidebit, corpuscula ab utroque polo venientia in utrumque brachium recta incident. Cum enim omnia ejusdem plani horizontalis corpuscula a polis venientia lineas sibi met, & axi, secundum cujus directionem moventur, parallelas describant, diametrum æquatoris & acum cum illa congruentem ad rectos angulos secabunt. Quamobrem poli trahent hæc brachia per rectas ad eadem perpendiculares, scilicet australis extremum australe acus trahet, & boreale repellet, & contra borealis; in quo vires ut vidimus §. 254. consentiunt. At cum acus ab axe usque ad æquatorem non trahitur, tunc eadem corpuscula oblique in brachia incurrent, perque lineas obliquas allicient; & quidem eo magis oblique, quo minus digrediuntur ab axe, & ad æquatorem accedunt; eo vero minus oblique, quo longius ab axe discedunt, & propius ad æquatorem accedunt. Sed ut ex Statidæ constat principiis, vires perpendiculares omnium obliquarum tamen æqualium maxime trahunt extrema statæræ, & ex obliquis quæ minus oblique sunt, magis se exerunt. Ergo quamvis corpuscula telluris eadem sint, tamen quo magis acus ab axe recedit, & ad æquatorem accedit, eo majori conatu eam ad axem retrahere nituntur.

§. 4. Itaque extremo S acus suo axi incumbentis extremum ferri fili mediocri virtute magnetica imbuti in distantia unius circiter pollicis ita obiciatur, ut ferrum in eodem, atque acus, circiter plano horizontali sit, & si produceretur, acui ad ejus extremum ad angulos rectos insisteret. Quo facto acus ab axi retrahi debet, & extremum S filum versus rotare. Nam vires corpusculorum telluris, & poli ferrei fili contrariæ omnino non sunt, sed angulum formant. Quamobrem acus per lineam quamdam mediam in acum oblique incidentem inter polum telluris, & polum fili trahi debet, si libera foret; sed quia centrum impeditum est, filum versus rotabit. Inter hæc vires corpusculorum telluris eo majores evadunt, quo acus magis ab axe recedit, eo quod semper minus oblique sunt ad brachia, quæ axem versus sine intermissione nituntur retrahere *num.* 3. Quia vero dum brachia ab axe recedunt, ad polum fili ferrei accedunt, ideoque vires corpusculorum a polo fili egredientium eo magis oblique, & minores sunt, idcirco in ferreis instrumentis, quorum poli debiliores sunt, nec vim corpusculorum telluris valde superant, accidere potest, ut antequam brachium

chium ad filum omnino perveniat, illæ adeo accrescant, hæ vero decrescant, ut tandem ad æquilibrium reducantur, brachia in contrarias partes æqualibus virium momentis impellant, & ideo acus in loco inter polum terrestris magnetis, & filum ferri interjecto consistat.

§. 266.

Neque dixeris vires corpusculorum telluris ex debilioribus, quam vires corpusculorum sili, vegetiores fieri posse, quin aliquo tempore intercepto æquales fiant. Sint enim duæ quantitates omogeneæ, A minor, B major, quarum altera A minor dato tempore per incrementa infinite parva, & per omnes gradus interceptos ita crescat, ut tandem fiat major altera B. Ac duo sumantur hujus temporis puncta valde vicina, in quorum altero A sit adhuc minor B, in altera facta sit major. Quibus constitutis ajo dictas quantitates in aliquo instanti illius temporis esse æquales. Partire siquidem hoc tempus in duo dimidia: vel in medio puncto A est æqualis B, vel secus; si etiam, constat quod propositum erat: sin minus, sume primum dimidium, si in puncto medio A est minor B, aut secundum, si in illo instanti est adhuc major, & alterutram in alia duo dimidia feca. Atque iterum quæro utrum in medio instanti sit A æqualis B, nec ne. Si non, iterum divide alterutram ex dimidiatis partibus, cumque tempus in infinitas partes dividi possit, id tamdiu continua, quamdiu devenias vel ad illa dimidia temporis, in quorum medio A sit æqualis B, vel per infinitam divisionem ad tempus infinite parvum, in quo erit aut major, aut minor B solum quantitate infinite parva. Quod idem est, ac si esset æqualis, præsertim hac in re. Idque verum erit, si non solum A crescat, verum etiam B eodem tempore & per infinitas decessiones minuatur.

2. Neque sum nescius a Campano ad propos. 16. l. 1. Elem. Eucl. vitiosam putari argumentationem hanc, quæ usus est Brisson in quadrandando circulo, ut auctor est Aristoteles, videlicet *Transitur a majore ad majus, vel contra, & per omnia media: ergo per æquale: vel contingit reperire majus hoc, & minus eodem: ergo contingit reperire æquale*. Verumtamen ab ea sententia nequaquam deterreor. Illud enim ab homine conficitur angulo contingentiæ, quem facit rangens cum circuli periphæria, & quicum angulos rectilineos acutos, & rectos. is comparat, de quibus Peletarius, & Clavius tantum inter se digladiati sunt. Quis autem non videt angulos mixtos, & rectilineos non esse eas quantitates, de quibus hic loquimur, scilicet omogeneas, quæque inter se æquales esse possint? Cum enim anguli natura nec in longitudine linearum, nec in spa-

tio

tio comprehenso (nullum enim comprehendit) sed in divaricatione consistat linearum, quæ tota est in loco verticis infinite proximo: nonnisi illi anguli possunt dici æquales, quorum linæ congruant, sive ut commodius loquamur, æqualitas angulorum non est vera quantitas, ut quæ in indivisibili sita est, nec augeri, nec minui potest, sed est divaricationis similitudo, & congruentia linearum, quæ divaricantur. Cum vero curva non possit cum recta congruere, angulus rectilineus mixto numquam æqualis esse potest, quia nec similis, in quo æqualitas posita est. Qua de re vide quæ disputavi *tom. I. Phys. Gen. §. 67.* Igitur manet quantitates, de quibus loquimur, æquales fieri, antequam alteram altera superet.

3. Sed ut accedamus ad rem, vires corpusculorum telluris: revera dum augentur, per omnia infinita intercepta, & per omnes gradus transeunt; cum enim motus, sparium, ac tempus in infinitum dividi possint, & motu, quo brachia ab axe recedunt, vires illæ pro ratione discessus augeantur §. 265. *num. 4.* motus autem fiat per omnia infinita dimidia spatii, atque temporis; hinc illæ vires ita augentur & sunt majores viribus corpusculorum poli ferrei fili, ut per omnia infinita intercepta dimidia & per omnes infinitos gradus pertranseant. Quare antequam vires corpusculorum telluris vires superent corpusculorum ferrei fili, æquales fient iisdem, aut quantitate infinite parva distabunt; quod ad quietem acus perinde est; illa enim quantitate excessus virium illorum supra vires istorum, qui solus acum movere potest, quod vires ut æquales se perimunt, gigni non potest nisi quantitas: motus infinite parva, quæ pro nulla habetur; præsertim hic, quia resistantiam frictionis acus ad centrum, quæ quantitas finita est, quantitas vis infinite parva superare non potest. Immo nec si vis finita foret. eam resistantiam vincere posset, dummodo illa minor esset. §. 260. *n. 4.* Quod nobis suppeditat aliud argumentum quietis acus, quod a superiori theoremate non pendet.

4. Ceterum quamvis illud theorema, in quacumque proportionem vires crescant, atque decrecant, generatim verum non foret; tamen hoc in negotio, in qua virium augmentum, ac decrementum sit propter eundem acus motum, quo cum is a telluris corpusculis declinet, & ad corpuscula fili ferrei inclinetur, iis attractu redditur aptior, his vero minus, in hoc, inquam, negotio negari non potest, illas vires, antequam altera alteram superet, æquari oportere. Consulto vero dixi antequam superet; quia cum accessu magneticæ acus ad filum vis corpusculorum fili ob imminutam distantiam augeatur, fieri potest, ut quamvis ob aliud caput de viribus corpusculorum fili multum decedat, tamen ob hoc al-

te-

terum tantum accedat, ut vires corpusculorum fili viribus corpusculorum telluris multis partibus præstent.

§. 267.

Causa itaque patet, cur acus non omnino declinet ab axepolum versus fili ferrei, cuius extremum eidem obijciatur. Quod si ab hoc experimento & effectu ad causam & originem regredi velimus, eandem causam inde eliciemus. Si enim filum initio vicit corpusculorum telluris vires, quamquam ab acus extremo trahendo tunc magis abesset; cum extremum propius est factum, multo facilius superaret, & penitus extremum attraheret, nisi diversa inclinatione aliorum corpusculorum actio major progressu fieret, aliorum autem minor.

2. Quam eandem rem mirum in modum confirmant alia etiam experimenta, de quibus faciendis numquam cogitasset, nisi ratio, & consecutaria ex meo systemate pedetentim deducta me antea in cognitionem ejus, quod in hac universa materie contingere oporteret, induxissent. Quod dictum accipi nolim arroganter, ac ut gloriolam in mustaceo quæram, sed ut idem meum doctis viris systema probem, ut pote quod non solummodo facta ab aliis, & a me ipso fortuita experimenta commode explicat, sed etiam ad alia facienda facem quodammodo præfert, quidque eventurum sit, certo prævidere facit. Ita vero sum mecum ipse commentatus, antequam operi manum admoverem. Apud me est rotunda pyxis duabus diametris ad angulos rectos in quatuor quadrantes divisa; quorum singuli in 90 partes de more dispositi sunt lineolis, quæ ad singulos quosque quinque gradus designandos ductæ sunt. Supra alteram ex iis diametris tamquam supra suum axem acus insistat ad polos mundi conversa: fili ferrei extremum, quod repellit cuspidem acus ad septentrionem vergentem, & furcinulam trahit, cuspidi & axi imponatur ad angulos rectos ad altitudinem orificii pyxidis, cuspidisque repellatur, alliciaturque furcinula aut occidentem versus, aut orientem pro ratione parvæ declinationis extremi in hanc potius partem, quam aliam, ut alibi jam explicavimus §. 260. Deinde notetur distantia cuspidis, atque furcinulæ, quando quietæ sunt, ab extremo ferrei fili, sive a parte pyxidis, cui illud ad perpendicularum incumbit. Tum cuspidem versus in situ semper ad basim pyxidis perpendiculari, & in eodem a basi & a centro intervallo extremum ducatur, notenturque singulis temporibus distantia cuspidis ac furcinulæ ab extremo. Si verum est corpuscula a telluris polis profecta eo majori vi trahere brachia magneti-

De Magn. T. I.

Z

cz

cæ acus axem versus, quo hæc propius ad æquatoris diametrum accedunt; consequens est eo minorem esse debere cuspidis repulsæ ab extremo fili distantiam, quo filum ab axe magis abscedit. Quia tunc vires extremi, quæ eadem sunt, cum viribus corpusculorum telluris, quæ majores sunt factæ, citius æquilibrantur. Rem ut dixi ita apud me commentabar; experimenta autem postea facta & meas cogitationes comprobarunt, & alia etiam non prævisa patefecerunt.

3. Nam extremo ferrei fili, quod non magnam virtutem attrahendi australis acus, furcinulæ scilicet, & repellendi borealis habebat, posito supra orificium, qua imminet axi & cuspidi acus, cuspis 50 gradus occidentem versus repulsa fuit, totidemque gradus furcinula orientem versus attracta, unde furcinula 130 ab extremo fili distabat. Deinde extremum supra orificium ita manu duxi, ut spatium 10 graduum versus cuspidem, & occidentem fureret; non tamen per æquale spatium cuspis recessit a filo, & faccinula accessit, sed solum per dimidium, idest per 5 gradus. Tum vero alios 10 gradus, feci, ut extremum eodem versus progrediretur; & cuspis, atque furcinula multo minus spatium confecerunt, quam dimidium 5 graduum. Si vero alios adhuc decem gradus occidentem versus extremum transferrem, cuspis, & furcinula aut quieverunt toto eo tempore, ut mihi quidem videbatur, aut admodum parvum spatium peragrarunt. Ut vero extremum fili trigessimum ab axe gradum tetigit, cuspis tum distans minus 32 gradibus, & furcinula distans paulo plus centum quadraginta octo in contrarias partes de repente conversæ sunt, & illa orientem versus, hæc occidentem se contulit, postque nonnullas oscillationes in 30 ab axe gradu illa ultra axem habita ratione situs extremi fili, hæc citra quievit. Cui conversioni cum meo systemate quammaxime convenit. Cum enim cuspis & furcinula 57 fere gradus ab axe recesserunt, 50 nimirum in prima extremi supra axem colloca-tione, 5 prima in translatione extremi ad 10 gradum versus occasum, duos fere in secunda, & nullum aut fere nullum in tertia; parum absunt ab æquatore, in quo vires corpusculorum perpendicularares ad brachia fiunt, ideoque majores §. 265. n. 3. Et contra furcinula attracta ab extremo longius abest ab illo, quia cuspis est propior & a corpusculis magis inclinatis attrahitur: ut ex utroque capite multo minori, quam ante, vi alliciat. Possunt autem vires corpusculorum telluris tantum augeri, & vires corpusculorum fili tantum imminui, ut tandem hæc fiant illis minores; atque tunc cuspis, & furcinula ad suum axim retrahi debent. Quo cum pervenerunt, imminuta vi corpusculorum telluris denuo recedere

dere debent ab axi, illa versus orientem ab extremo fili repulsa, hæc occidentem versus ab eodem attracta. Si extremum adhibeatur minori vi præditum, regressus acus ad axem citius contingit.

4. Digna est etiam, quæ aperiatur, causa discriminis in repellenda cuspidē, & attrahenda furcinula, quæ in narratis experimentis observatur. Cum enim extremum fili axi insisteret, cuspis ab extremo fili 50 gradus recedebat, totidemque accedebat furcinula, fiebatque, ut hæc 130 gradus ab extremo distaret (num. 2.) Cum vero supra trigésimum ab axe gradum collocabatur extremum occidentem versus, cuspis de repente conversa ad orientem 60 gradus ab extremo distabat, sed tantummodo 30 a loco quietis, & furcinula totidem a loco quietis, & 120 ab extremo. Tum vero adhuc ab axe, & a cuspidē occidentem versus extremum removi per 10 gradus; atque cuspis, & furcinula paulo plus quatuor gradibus ad axem accesserunt, & hæc ad extremum accessit, illa vero recessit. Quare cuspis ab extremo tunc paulo plus 64 gradibus aberat, furcinula autem paulo minus 116. Iterum alios 10 gradus ab axe versus æquatorem, & occidentem extremum retraxi, & vix cuspis & furcinula motæ sunt. Quare tum cuspis 74 circiter gradus furcinula 106 distabant. Tum ducto extremo usque ad æquatorem, acus fere quievit. Ab æquatore autem si furcinula axem versus retrahebatur, furcinula & cuspis, illa versus orientem, hæc occidentem versus ab axe recesserunt, & furcinula aliquantum ad extremum accessit. Idem contingit, si incipiamus retrahere fili extremum.

5. Quorum omnium causa ex iis, quæ statuta sunt, facile eruitur: nam cum extremum furcinulam attrahens axi pyxidis insidet, quamquam tunc magis distet a furcinula, quam si ponatur in tertio ab axi gradu occidentem versus in loco valde minus distanti; tamen tunc nihil distat a cuspidē, quam per corpusculum eiusdem speciei, quæ ab extremo & a cuspidē egrediuntur §. 201 repellit. Quod ut planius constet, plura advertenda sunt, primo acum esse longam duos pollices paris. cum linea, & paulo plus diametrum pyxidis; deinde virtutem qua extremum furcinulam trahit, tam debilem esse, ut si in distantia ponatur duorum pollicum ab eadem furcinula, sed longe a cuspidē, scilicet in eodem plano horizontali acus, sed supra rectam in acum ad extremum furcinulæ ad perpendiculum incidentem, tunc neque unum gradum furcinulam ab axe retrahat. Quod argumento est, cum extremum cuspidē insistit, furcinulam quinque gradus ab axi amoveri extremum versus, non quia ipsa per se tantum corpusculis per eam ingredientibus attrahatur (id enim multo magis facerent,

cerent, cum extremum fili tantumdem distat, sed est ad furcinulam perpendicularare) sed quia illo compellitur a cuspidem, quam extremum vicinum valide repellit. Cum ergo in trigesimo ab axe gradu extremum a cuspidem aliquantum distet, a furcinula vero adhuc fere duos pollices, hinc noscitur ratio, cur multo minus, idest solum 30 gradus furcinula ad extremum licet propius accedat; & cur cum extremum supra axem positum ab eodem retrahimus occidentem versus, quando cuspis orientem versus 50 gradus ab axe declinat, cur, inquam, cuspis accedat ad axem, & ad extremum; tametsi multo minus, quam extremum ab eodem axe recedat. Nam ad repellendam ab extremo cuspidem 50 gradus, cum extremum insidet axi, totidem ab axi cuspidem recedere oportet, quo vires corpusculorum telluris multum ab inclinatione recedunt, & ideo magnæ sunt §. 155. Sed ut repellat 50, cum est e. g. in trigesimo ab axe gradu, cuspis 20 tantum abesse debet ab axe; in quo situ vires corpusculorum telluris minores sunt. Cum autem vis extremi fili sit eadem & eodem modo ad cuspidem inclinata, hinc cuspis tunc magis, quam 50, ab extremo debet abscedere. Ergo in retrahendo ab axe extremo non tantum progredi debet cuspis axim versus, quam extremum ab axe recedit. Cum autem extremum propius æquatorem sit, aliquo tempore acus quæta manet, quia quanto minori vi repellitur cuspis ab extremo, quod remotius factum est, tanto maiori furcinula ab eodem, quod propius factum est, allicitur. Unde fit, ut cum telluris corpuscula in retrahendis ad axem extremis eandem vim superare debeant, aliquo tempore acus quiescat, & ab axe æqualiter absit. Post æquatorem autem furcinulam trahit, quia propius illi sit.

6. Eadem experimenta aliis ferreis filiis, & in aliis etiam acubus tentavi, mihiq; e voto successerunt. Ex his unum tantum afferro. Acus pollicem, & 9 lineas longæ cuspidem polo boreali versorii stylo impositi, scilicet eidem ad angulos rectos supra axim imposui in puncto peripheriæ circuli, in cuius centro stylus est. Quo factum est, ut borealis versorii orientem versus repelleretur, & in 40 ab axe graduum distantia quiesceret. Tum ducto extremo supra circumferentiam orientem versus, & borealem versorii, quod manu tenebam, ne moveretur, quousque extremum acus perpendicularis a boreali versorii 30 tantum gradus abesset, amotaque manu notavi distantiam ab extremo acus, in qua quiescebat repulsus borealis versorii, quæ erat minor 40 gradibus. Iterum admota cuspidem acus perpendicularis ad borealem versorii manu cohibiti, ut alios 30 gradus abesset, observata est borealis repulsi distantia a cuspi-

cusptide acus adhuc minor secunda; & ita porto semper minorem observavi ad æquatorem usque, quamquam semper ad eandem 30 graduum distantiam extrema acus, & versorii admoverem. Quo confirmatur id, quod statutum est de viribus corpusculorum telluris, quæ usque ad æquatorem augentur.

Sed cusptide acus perpendicularis posita in distantia 20 ab æquatore graduum, borealis polus versorii in primo post æquatorem gradu collocatus, ut scilicet 30 gradus a cusptide inter polum telluris borealem, & pariter borealem versorii abesset, tunc repellebatur etiam per quinque gradus, & ideo 35 aberat: translata cusptide ad æquatorem, & boreali versorii ad 30 ab æquatore gradum, per 10 ipsos gradus repellebatur borealis, & in distantia 40 graduum quiescebat. Demum promota cusptide ad decimum ab æquatore gradum versus polum meridionalem, in quo furcinita esse deberet, nisi ferrum admotum fuisset, polus borealis versorii ita repellebatur ultra axem versus occasum, ut adjuncta vi corpusculorum poli borealis telluris, quæ borealem polum versorii jam ad occidentem transgressum inde ad se trahere, non adversus ferrum, sed ex altera parte incipiebant, borealis idem versorii ad boream telluris denuo conversus est. Quo concluditur vim corpusculorum poli borealis maximam esse, boreali versorii ad æquatorem translato, habita ratione non solum omnium aliorum situum, qui inter polum boreum pyxidis, & æquatorem intercepti sunt, verum etiam omnium aliorum, qui ultra æquatorem inter polum australem pyxidis, & eundem æquatorem interfunt. Nam boreali polo versorii ultra æquatorem translato, vis eadem cuspidis acus, ad eundem borealem, & simul etiam ad australem versorii applicata eo magis eundem borealem repellebat. Quod indicio est illud versorium minori vi ultra æquatorem a corpusculis telluris boream versus attractum fuisse.

ARTICULUS II.

De ratione, qua dua acus magnetica se trahunt aut repellunt.

§. 268.

Hic vero mirum dictu sit, quam facile rationem reddere possumus experimentorum, quæ a Cl. Hirio (*Mem. dell' Acad. Tom. X. pag. 164. edit. Par. sive Mem. an. 1692. edit. Amst. pag. 203.*) duabus acubus facta sunt. Primum cum utererur pyxide, cujus peripheria in 360 gradus more vulgari divisa erat, advertit idcirco polum borealem acus supra stylum positæ, & cum gradu 360 congruentis versus occidentem 43 gradus repulsum fuisse a polo bore-

rea-

reali acus supra vitrum jacentis secundum longitudinem acus inferioris, ita ut polus borealis unius propior foret boreali alterius, & australis australi, & altior solum tres lineas, quia videlicet casu polus borealis acus vitro impositæ principio ad occidentem declinaverat. Cujus rationem habes §. 256. n. 2. & 3. Oscillationum causam invenies partim in modo dictis, partim in iis, quæ §. 256. num. ult. de statera tacta sunt. Consistentiæ vero in 42 gradu in eo, quod vis corpusculorum telluris semper sit major, & ideo vitrorum acus vitro impositæ æqualis.

2. Deinde vitro acum superiorem imposuit ita, ut diametro æquatoris insideret, & borealis ad occidentem foret, australis polus ad orientem. Quo factò borealis inferioris acus 13 gradus ab axe occidentem versus, nimirum versus australem superioris, a quo attrahitur, declinavit, totidemque australis inferioris versus borealem superioris. Cur vero nunc borealis inferioris minus ab axe recedat, magis a repellente boreali superioris, & magis ad attrahentem australem accedat, exploratum habes §. antecedente num. 4. & 5.

3. Tum australem superioris, qui 77 gradus a boreali inferioris 13 gradus ab axe remotæ distabat, 10 gradus borealem versus inferioris promovit, notavitque borealem inferioris quinque tantum gradus versus australem superioris accedere, ita ut adhuc 62 gradus abessent. Quia videlicet quanto magis borealis inferioris ab axe recedit, eo minus spatium conficere potest, quod vis augetur corpusculorum telluris.

4. Præterea alios 5 gradus australem superioris borealem versus inferioris promovit, observavitque hunc ad illum ita celeriter accurrere, ut nisi simul juncti non quiescerent. Quia nimirum poli acuum tam valida in ea distantia se trahebant, ut vim corpusculorum telluris omnino superarent; nam ut vidimus in solis extremis ferri debiliorem virtutem habentis, & in distantia non exigua sit, ut poli se non conjungant, & extrema acus ad extrema ferri applicata non omnino accurrant §. ant. n. 1. & 2. quia dum polus versorii accedit ad polum forriorem fili, quamvis habita ratione majoris inclinationis vis imminuatur, tamen habita ratione minoris distantiae tantum eidem accedit, ut vim corpusculorum telluris penitus vincat.

5. Cum vero etiam superior acus imposita fuit supra suum stylum, qui stylo inferioris insisteret, & cum illo unam rectam ad basim perpendiculararem faceret, quocumque motu eas cieret, tandem quiescere observavit in eo loco, in quo boreales utriusque ab borealem telluris spectarent, sed 46 gradus a se invicem, & æqualiter

ter utrimque, idest 23 ab axe distarent. In quo experimento acus superior inferiori decem lineas altior erat. Sed si altitudo foret tantum quatuor linearum, tum recedebant quidem poli cognomines alii ab aliis 46 gradus, idest singuli 23 ab axe, si duo australes versus austrum, & duo boreales versus boream conjuncti a primo fuissent, aut parum distassent. At si binomines conjungebantur, post aliquas oscillationes copulati manebant in eo loco, in quo a principio conjuncti fuerunt. Itemque si acus valide concutiebantur, fere non quiescebant, nisi binominibus polis conjunctis.

6. Advertendum est acus ab Hirio adhibitas ejusdem longitudinis fuisse, atque, ut ego puto, ejusdem etiam gravitatis, & massæ: hoc enim ab auctore notatum non est. Sed experimenta Musschenbroechi illud docent (*Essai de Phys. tom. 1. §. 162.*) Nam is in acubus valde vicinis ejusdem ponderis ac longitudinis ad eundem magnetem affrictis æqualem ab axe magnetico declinationem observavit, scilicet 13, 1:2: si inferior foret 5, 1:2 pedum Rhenanorum longitudinis, & gravitatis 87 granorum, superior 8, 9:10 pedum, & gravitatis 232 granorum; inferior nihilominus 13, 1:2 gradus declinavit; at superior ex altera parte solum 4. Item si superior foret longitudinis 6, 3:10 ped. Rhenan., & ponderis 115 granorum, inferior pariter declinabat 13, 1:2 gradus, superior 10.

7. Itaque cum acus æquales sunt, styloque superimpositæ, & ad eundem magnetem affrictæ, æqualem virtutem habent tum eam, qua extrema ejusdem nominis se mutuo repellunt ab axe magnetico, tum eam, qua ab effluviis magneticis ad eundem retrahuntur. Unde liquet cur utraque a linea directionis æqualiter declinet. At longiores, atque maiores majorem virtutem a magnete recipiunt tum eam qua pellant alias, eo quod plura ex eorumdem extremis corpuscula erumpant, tum eam, qua a corpusculis telluris trahantur versus lineam directionis, ex eo quod polum acquirunt, per quam plura corpuscula intrare possint, & propter majorem brachiorum longitudinem facilius, & celerius trahuntur §. antec. Qua majori longitudine factum iri arbitraret, ut etiam si acus longior ejusdem, ac brevior, ponderis esset, tamen a corpusculis telluris validius trahatur. Præsertim cum notum sit, quantum celeritati corpusculorum conducit major longitudo, (l. 1. cap. 4. & alibi) nisi sit nimium magna. Quare acus longior, præsertim si gravior, minus a linea directionis, sive ab axe divertere debet.

8. Quod attinet ad acus alteri impositæ diversam altitudinem, veram attigit Hirius rationem discriminis inter experimenta. Nam ut duo extrema diversi nominis conjuncta maneant, alterutrum ex iis spectare debet polum telluris, a quo repellitur. Cum autem in

al-

altitudine 10 linearum parva sit vis, qua altera alteram acum trahit, vis corpusculorum telluris eam superat, & ad se extrema convertit ejusdem nominis, quæ idcirco a linea directionis aliquantum se expellunt, nec tamen omnino, quod in declinatione ab axe vis illa multum augetur.

9. Sed quod pertinet ad diversitatem anguli, 41 gradum, quem faciunt acus, quando superior est imposita alteri non supra styllum, sed supra vitrum, & 46, quem faciunt, cum utraque supra styllum rotatur, rem ab homine acu tactam fuisse non puto, quod causa etiam pendet ob augmento virium corpusculorum telluris in situ magis procul ab axe, quod ab alijs ignoratum arbitror. Rem itaque sic expono: ut acus angulum faciant 41 graduum, cum altera inferior est stylo imposita, altera minime, utraque tamen initio supra axim sunt, necesse est, ut cum superior moveri nequeat, ipsos 42 gradus sola inferior deflectat ab axe. Ut vero duæ mobiles acus eundem angulum faciant, necesse solum est, ut dimidium tantummodo, scilicet gradus 20, 1:2 quælibet ab axe discedat; nam utraque æqualibus ab axe viribus repellitur num. 6. Quade re minor tunc est vis corpusculorum telluris §. anteced., quæ impedimento sunt, quominus altera ab altera omnino repellatur. §. eodem. Ergo magis deflectere debent, quam cum altera est immobilis super axim; quia tunc vis impediens est major, tamen si æqualem angulum facerent. Igitur si cum vis declinationem impediens est major, angulum faciunt 41 graduum, majorem angulum facere debent eadem acus eadem vi se repellentes, quando vis resistens est minor. Cum hac junge Hirii rationem; nam altera alteram illustrat & firmat. Quo loco observa parvum esse discrimen inter angulum 41 graduum, & inter angulum 46, quia in experimento anguli 41 acus vitro imposita tres tantum lineas ab inferiori distabat; in experimento autem anguli 46 lineas 10 acus superior stylo imposita acu inferiori erat altior. Quod si par fuisset intervallum, in secundo experimento multo major angulus comprehensus fuisset, uti ex eo concluditur, quod vis impediens corpusculorum telluris eadem est, & acus, ut minus distantes, magis se expellunt.

ARTICULUS III.

De virtute magnetica & polis, qua vectes ferrei ex solo situ acquirunt a magnete terrestri, & de explicatione phenomenorum ex pluribus experimentis circa parvos magnetes institutis.

§. 269.

ANtequam vero ab hoc loco discedam, ratio mihi reddenda est celeberrimi illius experimenti vectis ferrei, qui ex situ perpendiculari vim attractricem acquirit, de quo in Actis Academiæ (ad annum 1728 pag. 366. edit. Paris.) Fayus fuisse tractavit. Summa autem est. Vectis ferreus similis qui in situ horizontali nihil trahebat, in situ verticali positus acum magneticam attrahit, ut si admoveas extremum inferius, alliciat polum meridionalem acus, furcinulam scilicet in acu a me adhibita, & repellat borealem, scilicet cuspidem; si vero extremum superius, borealem trahat, & meridionalem repellat. Cujus nunc rationem generatim afferemus, cetera, quæ in faciendo experimento contingunt, infra speciatim explicaturi. Extremum inferius meridionaleni acus trahere debet, & borealem repellere, si ab illo erumpant corpuscula, quæ a polo telluris meridionali profisciscuntur, & ingrediantur illa, quæ borealis emittit §. 239, & sequen. Item extremum superius australem acus polum repellit, & trahit borealem, si quæ corpuscula a polo boreali telluris veniunt, ea ab illo egrediantur; quæ vero a polo meridionali manant, in illud ingrediantur §. iisdem. Re autem vera a vectis ejusdem perpendicularis extremo inferiori corpuscula a meridionali polo venientia in hisce regionibus egrediuntur, & contra egrediuntur a superiori, quæ a polo boreali telluris manant. Nam illa in Europa, sive regionibus polo boreali propioribus descendunt, atque deorsum versus diriguntur, hæc ascendunt, & sursum versus spectant §. 170. Corpuscula autem ex illo extremo effluunt, quorum propendunt, dum in ferrum incidunt §. 237. n. 1, & 2. Ergo in hisce regionibus extremum inferius trahit meridionalem acus, & borealem repellit; contra extremum superius trahit borealem, & australem repellit.

§. 270.

1. Nunc vero nitamur singillatim afferre rationes eorum, quæ a Fayō circa illud experimentum scriptis tradita sunt. Hæc igitur habet is auctor. Si dum vectis est in situ perpendiculari, extremum superius sit ad extremitatem diametri æquatoris pyxidis atque ad altitudinem acus, borealis acus, ut jam notavimus, ab illo attrahitur. Sed si vectis ita attollatur, ut situm perpendicularem servet, cum virgæ medium fuerit ad altitudinem acus

sublatum, borealis acus desinet attrahi, nec tamen meridionalis allicietur, sed acus supra suum axem consistet. Si vero adhuc vectis eleveur, cum major longitudo supra acum exstat, meridionalis polus ejusdem ad vectem convertetur.

2. Cujus experimenti rationem antequam reddam, pono aliud simile experimentum a me factum. Pro vecte ferreo, qui ex solo situ perpendiculari vim acquirit extremo inferiori trahendi meridionalem acus, idest furcinulam, extremo autem superiori borealem, sumi ferreum filum duos circiter pollices longum, quod contactu poli australis magnetis eam virtutem acquiserat, & ad acum æquilibratam, & cum una ex diametris pyxidis congruentem ad alteram diametrum, scilicet ad extremum æquatoris perpendiculariter admovi. Extremum superius positum, ut supra, ad altitudinem acus, suam partem acus, cuspidem nempe ad se penitus traxit, ut hæc illi extremo recte obversa maneret. Deinde cepi filum paulatim attollere, & quoad minus circiter quarta ejusdem fili parte supra acum non extaret, cuspis in eodem loco quievit. Tum vero si adhuc filum attollebatur, cuspis a filo tantisper deflectere boream versus incipiebat, & furcinula ad idem inclinari, idque eo magis; quo centrum fili propius accederet ad altitudinem acus. Ad quam ut idem centrum pervenit, acus observata est ad pristinum situm suum pervenisse, in quo utrumque acus extremum & a filo, & ab ejus extremis æque distabant, & tam filum, quam acus, illud in plano verticali, hæc in horizontali ad angulos rectos alteri diametro insisterant. Cum vero in acu elevanda fili centrum eminere incipiebat, tum cuspis amplius recedere a filo, & furcinula ad illud accedere, non ita tamen, ut eo statim accurreret, sed paulatim atque sensim, quousque tres fere partes hujus fili non exstiteret. Ut enim ad eam altitudinem filum elevatum est, illico vidi furcinulam accurrere ad filum ferri, cum eoque ad angulos rectos se accommodare.

3. Non temere ad acum jam æquilibratam, & cum una diametro congruentem admovi filum ita, ut ad angulos rectos alteri diametro insisteret, & iccirco æqualiter ab utroque acus extremo utrumque distaret. Si enim posuissim in situ propiori cuidam ex acus extremis, concipiebam animo rem aliter ex parte eventuram. Quod cum experientia consentire postea deprehendi. Nam, acu æquilibrata, in loco propiori furcinulæ filum ad angulos rectos posui; ut extremum superius cuspidem trahens ad altitudinem acus initio foret. Sublato paulisper filo, illud primum discerni inter superius, & hoc experimentum esse observavi, quod in hoc majorem partem acus, quam in illo, exstare oportebat, ante-

antequam cuspis a filo declinare inciperet. Quod discrimen secum hæc alia duo trahebat, ut hic multo plus & dimidia fili parte, & tribus ejusdem partibus supra acum prius esse deberet, quam aut utrumque acus extremum æque a filo dislerent, aut furcinula ejusdem ad filum penitus accederet.

4. Quorum rationem ex hæcenus dictis erui posse nemo non videt. Cum enim extremum fili superius, quod cuspidem trahit, est ad altitudinem acus, cuspidi multo propius est, quam extremum inferius, quod furcinulam trahit, eidem furcinulæ: hinc corpuscula ab illo erumpentia corpusculis prævalent ab hoc erumpentibus, & adversus eorum vim, quibus furcinula attrahitur, ideoque cuspis repellitur, cuspidem trahunt, ac ideo furcinulam repellunt; idque omnino, proptereaquod extremum superius tanta virtute magnetica imbutum est, ut ad dictam a cusptide distantiam possit eandem ad se omnino pellicere etiam contra vim corpusculorum telluris, quæ acum in eo situ firmiter tenere contendunt §. 265. Arque eandem ob causam cuspis pergit directe filum spectare, quoad minus circiter quarta acus parte supra acum non sit:

Verum si magis etiam filum attollatur, extremum superius semper magis a cusptide digreditur, & inferius contra semper magis ad furcinulam accedit; ac ideo quo tempore semper quidquam decedit de vi corpusculorum in trahenda cusptide, eodem semper accedit quidpiam vi corpusculorum furcinulam attrahentium. Quo fit, ut accedentibus etiam telluris corpusculis, corpuscula ab extremo inferiori prodeuntia ad se furcinulam trahant; sed non ita, ut cuspis & furcinula ad pristinum redeant locum, in quo ad polos terrestres nuclei se dirigunt, & a ferreo filo æqualiter distant. Tunc enim centrum fili ferrei nondum est ad altitudinem acus, idque solum fieri debet, cum filum in eo situ est. In eo enim utrumque fili extremum æqualiter a furcinula, & a cusptide distant, itemque propter eandem ubique ferri crassitiem, & æqualem pororum dispositionem, æqualem circiter vorticem, ideoque virtutem trahendi habent. Quocirca æquali vi furcinulam, & cuspidem in contrarias partes trahunt, & ideo ab eo situ, quem acus propter telluris corpuscula tenet, non repellunt.

5. At si plus dimidia fili parte supra acum existeret, tum corpuscula extremi inferioris, utpote quod propius est a furcinula, majorem ejusdem trahendæ vim habent præ corpusculis, quæ a superiori egrediuntur, & cuspidem ut remotiorem minori vi trahunt. Quare furcinula ad filum in eo situ collocatum magis accedere debet, quam cuspis.

6. Quæ autem de filo ferreo dicta sunt, ad vectem ferreum a Fayō adhibitum transferri possunt. Eadem enim ratio est; quæ facit, ut nullus dubitem, quin antequam centrum virgæ ad altitudinem acus perveniret, jam cuspis recedere paulisper a filo & accedere furcinula incœperit, & priusquam alterum extremum ad altitudinem acus pertingeret, furcinula ad filum accedere, & cuspis paulatim discedere cœperit.

§. 271.

Atque hæc de filo, aut vecte ferreo, quæ in loco pyxidis ab utroque extremo acus æquilibratæ æque distant ponantur. Sin autem ferrei fili centrum statueris ad altitudinem quidem acus æquilibratæ, sed furcinulam propius; tum furcinula in eo situ quiescere non debet, in quo utrumque ejus extremum ab utroque fili extremo æqualiter absint; siquidem in eo situ esse non posset, quin abesset ab ea linea, quam vi corpusculorum telluris tenere nititur; proptereaquod filum in eadem ab ejus extremis distantia minime possum fuit. Quare telluris corpuscula eam ad suum situm retrahere conantur, & revera quamvis non omnino, saltem aliquantisper retrahunt. Nam quæcumque aliquorsum directæ vis addita libræ brachiis, quæ æqualibus utrimque ponderibus in contrariam partem trahentibus examinantur, ea brachia movere potest, ut ex Staticis constat. Sed si acus extrema æqualiter hinc inde ab extremis fili distant, æqualibus viribus in contrarias partes trahuntur. §. antec. Ergo si præsto sit alia vis, quæ brachia illa in eandem partem trahat, ea vis prævalere debet, & extrema acus magneticæ ab eo situ retrahere. Est autem hæc vis in corpusculis a polis telluris erumpentibus, quæ acum ab axi suo distantem ad eundem retrahere conantur §. 264. & seq. Ergo acus ab eo situ, in quo æqualiter ab extremis fili distet, suum versus axem recedere debet.

Non tamen omnino, quod dum acus ad suum axem propius accedit, telluris corpuscula eo minori vi extrema trahunt. §. 264. & seq. Contra vero vis corpusculorum ab extremo inferiori erumpentium & attrahentium furcinulam ob minorem ab extremo distantiam augetur. Vis autem corpusculorum ab extremo superiori erumpentium, quæ cuspidem trahunt, tum propter majorem inclinationem, tum etiam propter majorem distantiam perpetuo immittitur. Sed ut tota res magis perspicua fiat, fac centrum fili esse ad altitudinem acus in 30 ab axe gradu prope furcinulam in plaga orientali, & acus extrema æqualiter ab eo centro, & ab extremis fili distare. Quare furcinula erit in occidentali plaga in 60 ab axe gradu, & inter illam, interque extremum inferius

axis

axis intercedet: unde inferius eam trahet in eandem, ac telluris corpuscula, plagam. Cuspis autem erit in occidentali in 60 ab axe gradu inter extremum superius, & axem; ergo superioris corpuscula, & telluris eam in contrariam partem impellent. Quamobrem ex altera parte tres sunt vires, quæ consentiunt in illis extremis axem versus pellendis, 1. extremi inferioris, 2. corpusculorum poli australis telluris, 3. corpusculorum poli borealis: ex altera vero una tantum extremi superioris in acu ab axe retrahenda; quæ vis est æqualis soli priori. Ergo furcinula ad axem, & ad extremum inferius accedere debet: item cuspis ad axem accedere, sed digredi ab extremo superiori; quod illæ tres vires hac una prævalent. Non tamen furcinula ad extremum inferius & ad axem omnino accedere potest, eo quod quo magis accedit ad inferius extremum, a quo attrahitur, eo etiam propior sit ab extremo superiori, a quo idcirco magis repellitur. Et interea vis corpusculorum telluris valde imminuitur; extremis acus ad axem continuare accedentibus.

§. 272.

Sed ut ad experimentum Fayi revertar, ex his constat ratio eorum omnium, quæ ab homine notata sunt; nam in locum fili, quod in utroque extremo polos habeat circiter æqualis virtutis a magnete mutuo acceptos, virga similis substitui potest, quæ eodem propter solum situm a terrestri nucleo accipiat. Undecumque enim poli originem duxerint, res perinde se habet, dummodo alia omnia sint eadem. Inde etiam concluditur ratio alterius experimenti ejusdem auctoris, cur nimirum si extremum aliquod sit altero densius, & medium longitudinis sit ad altitudinem acus in æquatore, nihilominus attrahitur borealis acus, si extremum densius existet, meridionalis, si infra sit; & acu sublata in prima collocatione, demissa in secunda, usque ad gravitatis centrum neuter polus ab axe retrahatur. Quia scilicet extremum densius utpote quod majorem numerum corpusculorum colligit, atque celerius emittit §. 209. virtute trahendi altero præstat, atque ideo elevatione, si supra sit, demissione, si infra, ab extremo attrahendo removendum est, quoad cum viribus alterius æquilibretur.

2. Immo vero ex datis inferuntur etiam rationes aliorum, quæ ab eodem observata non sunt, cur in elevatione vectis accessus poli meridionalis, scilicet furcinulæ ad vectem sensim fieri oporteat, quod ego expertus sum instrumentis oblongis, tum rotundis, tum latis, & exiguæ crassitie, quæ ex solo situ eam virtutem acquirebant; & cur posito superiori extremo non ad æquatorem in æquali utrimque ab axe distantia, sed propius furcinulam, ea om-

omnia contingunt, quæ in filo ferreo notavi, quæque etiam in instrumentis ex solo situ vim acquirentibus eodem modo collocatis experimento deprehendi.

3. Hic vero addo unum experimentum a me factum oblongo instrumento, quod in altero extremo parvam virtutem habebat trahendæ furcinulæ, etiam si in situ horizontali ad æquatorem collocaretur. Hujus extremum ea virtute donatum si in æquatore ad altitudinem acus, longitudine infra posita, statuebatur, cuspidem attrahebat, quia vis corpusculorum poli borealis telluris in dirigendis sursum versus villis vim majorem corpusculorum australis, quæ antea ab extremo superiori effluebant, superabat. Quod autem hæc minor foret, exinde colligitur, quod illud extremum, virga horizontaliter collocata, furcinulam quidem ab axe retrahebat, sed non omnino ad se convertebat. At in situ virgæ perpendiculari omnino convertit cuspidem. Si autem virgæ in situ perpendiculari posita longitudo supra pyxidem exstaret, furcinula ab illo extremo alliciebatur, sed vehementius, quam cuspis; quod ut quæ antea intrabant corpuscula, & quæ propter situm superveniunt, idem versus extremum directæ sunt, & idcirco in eo polum faciunt majoris virtutis; cum in altero situ quæ ante inerant, sint contraria iis, quæ superveniunt, & aliqua ex parte sibi mutuo obstant.

4. Non immoror in explicando, cur idem extremum modo trahat cuspidem, si superius sit, modo furcinulam, si inferius. Id enim plane intelligitur ex facilitate alibi fusius exposita §. 96. quæ villi ferri versus aliquod extremum directi ac depressi, a contrario cursu eorundem corpusculorum erigi, & in contrariam partem deprimi possunt. Unde mutatio existit polorum §. 96.

5. Verumtamen etiam hac ratione poli constantes, qui situ mutari non possint, gigni queunt, si nimirum oblonga instrumenta ferrea calefiant, & in situ verticali refrigerant. Tunc enim etiam in situ horizontali extremum, quod cum refrixit, erat imum, furcinulam attrahit; quod autem summum, cuspidem. Quod Fayus pluribus conficit observationibus, & experimentis (*Mem. de l'Acad. 1728. pag. 356.*) quæ, ne longum faciamus, omitimus. Nobis enim satis est rationem asserre. Verum nec in ea multum longius facere est opus, cum ex §. 102. atque ex sequentibus satis superque liquet. Eam itaque paucis concludimus: calor, & ignis reddunt oleosas particulas molliores, atque magis flexiles §. 101. & seq. Cum igitur corpuscula venientia a polo boreali ad extremum superius virgæ perpendicularis continuo pergant, dum refrigerant, quæ vero ab australi, ad inferius, molliores villos, & magis flexiles extrema versus magis dirigunt, atque deprimunt, majoremque

il-

illorum copiam §. 105. Quo vegetiores poli gignuntur, qui a solis terrestribus effluviis destrui nequeunt, quique etiam in situ horizontali perseverant. Omitto explicationem aliorum experimentorum, quæ in percutiendis, atque frangendis virgis ferreis sibi contigisse refert citatus auctor; nam ex rationibus §. 100. allatis ita clare colligitur, ut pluribus verbis opus non sit, præsertim cum de hoc aliisque similibus locis nobis sit alias ex professo differendum, ut reconditiora quædam terrestris magnetici vorticis phænomena in lucem proferre possimus.

6. Concludo hanc materiem duabus animadversionibus, quarum altera a commeantibus ad hemisphærium australe jam confirmata est, ut infra videbimus, ab extremo superiori virgæ perpendiculariter sitæ in plagis polo meridionali propioribus, surcinulam attractum iri, & cuspidem ab extremo inferiori, contra quam accidat in boreali hemisphærio: nam etiam corpuscula contrarium cursum tenent, scilicet ibi borealia deorsum, meridionalia sursum vergunt §. 170. altera vero est, quod ex æqualitate virtutis duorum polorum vectis ubique similis & in situ verticali positi, quam indicant experimenta Fayi, colligi posse videtur contra ipsummet Cl. Auctorem polos borealem atque australem terrestris magnetici nuclei æquali virtute præditos esse; de quo tamen non audeo sententiam ante proferre, quam alia plurima examinentur.

ARTICULUS IV.

De situ polorum magnetis in telluris visceribus.

§. 273.

ORitur hic nobis magna quæstio de situ polorum magnetis, cum adhuc est in telluris visceribus, quem scilicet polum telluris respiciat polus ille magnetis, qui cum est in superficie terræ, ad austrum dirigitur; ac ideo australis vocatur, & cuspidi affricæ virtutem se dirigendi ab boream dat; quem vero polum telluris alter magnetis polus respiciat. Auctores fere omnes, qui de magneticis agunt, in eam convenere sententiam in telluris visceribus australem ad boream, borealem ad austrum esse conversum, hac scilicet ducti ratione. Tellus est magnes; sed quæ corpuscula ab altero ad alterum polum intra poros magnetis se conferunt, illa circa superficiem ad eundem regrediuntur. Ergo id etiam contingit in tellure, scilicet quæ corpuscula per cæcos terræ meatus ab austro ad boream contendunt, illa eadem a borea ad austrum in superficie telluris regrediuntur; & contra. Unde consequens est partem magnetis obversam boreo polo in sinu telluris esse

esse polum ingressus iisdem corpusculis, quæ supra superficiem ab austro ad boream tendunt, ac ideo ad austrum converti §. 237.

2. Sed cum principium, quo hoc ratiocinium innititur, nuper, uti ex dictis de nucleo, & ex dicendis amplius constabit, summo opere desiderabam, ab experimentis certius aliquid eruere. Sed quamvis diu multumque quæserim, nullum invenire potui. Immo ex Dissertat. tom. X. Comment. Acad. Paris. allata §. 81, 82 liquet Academicos quoque Parisienses spe frustratos fuisse situs cognoscendi illius magnetis frustrorum, quæ in arce inventa fuerant, arce jam diruta, cum illud per litteras percunctati sunt. Quapropter intelligo mihi in solis rationibus esse sistendum.

3. Quem in finem primum experimentis & rationibus confirmo id, quod §. 119, & seq. ostendi. In iis scilicet telluris interioribus partibus, in quibus nucleus magneticus non est, quæque a nucleo absunt; eadem corpuscula, quæ in superficie telluris, ab uno ad alterum polum tendunt. Nam experientia compertum est in subterraneis specus intra terræ scissæ, aut effossæ viscera delata pyxide, furcinulam, & cuspidem ad alios telluris polos nequaquam converti; sed si tota tellus foret verus magnes, & quæ corpuscula in superficie ab uno polo ad alterum diriguntur, ea in terræ poris contrario motu ferrentur; scissæ & excavata tellure acus extrema converti deberent. Nam ex latere partis lacunæ, quæ vergit ad polum australem, effluerent corpuscula, quæ a polo australi intra terræ viscera versus borealem feruntur, & novum ibi polum borealem progignerent, eum scilicet, ex quo exeunt corpuscula e polo boreali terræ erumpentia. Nam interjecto aere motus corpusculorum erumpentium ex utroque latere foveæ retardaretur. Quare pars illorum propter parvam utriusque lateris distantiam ab uno ad aliud pervenirent, pars a corpusculis ejusdem speciei in superficie regredientibus ad suos ingressus polos abriperentur. Translata igitur in eam foveam acu, cuspis ad austrum dirigeretur, quod in eo loco quæ corpuscula a borea ad austrum ante effossionem in superficie tendebant, & cuspidem versus boream convertebant, illa erumperent ex latere, quod a parte australi foveæ est, & boream versus ferrentur, pars quidem omnino, quod in aliud latus ingrederetur, pars vero aliquantum, usque dum scilicet motus corpusculorum extra magnetem retardaretur, & a vortice corpusculorum regredientium ad austrum per superiorem telluris superficiem eodem abriperetur. Vicissim furcinula ad boream converti deberet. Revera si magnes secundum æquatorem in duas partes secetur, nonne in illa dimidia quæ habet polum borealem, existit novus polus australis, qui furcinulam,

lam trahit, & in altera novus borealis, qui cuspidem? Idque non propter aliam rationem, nisi quia corpusculorum cursus alius est in superficie, alius in poris magnetis, & quæ ante egradientia in aerem a polo boreali magnetis totius cuspidem ad se dirigebant, deinceps cum exeant ex parte excisa dimidia, quæ habet polum australem, cuspidem in contrariam partem, nimirum ad se convertere debent.

4. Cum itaque extrema acus ad inferiores terræ partes translata eosdem telluris polos respiciant, quos antea spectabant, id argumento est quæ corpuscula a polo australi ad borealem, & contra, in superficie telluris feruntur, illa etiam in iis telluris inferioribus locis, in quibus nucleus magneticus non est, sed terrestri materia, aut a ferrea substantia diversa, eundem propemodum cursum tenere.

5. His constitutis venio ad propositam quæstionem; & primum ajo sententiam communem veram esse, si magnes ad superficiem deferendus ex ipso nucleo decerperetur. Ratio enim allata efficacissima est. Siquidem in illo quæ corpuscula ab australi ad borealem polum feruntur, ac ideo villos boream versus direxerunt, & polum regressus in partibus ad austrum spectantibus formant: eadem in superficie nuclei a boreali ad australem regrediuntur, ac propterea magnetis decisi partem, quæ erat ad austrum conversâ, ad se dirigunt atque convertunt §. 237. propterea quod ex ea parte versus oppositam ipsis aditus patet. Et contra res accidit in aliis corpusculis.

6. At si loquamur de magnetibus, qui e fodinis quotidie eruuntur, quique, ut constat, cum nucleo magnetico copulati non sunt, alia terrestri materia intercepta, tunc aliter sæpenumero rem se habere mea sententia est. Si enim ferrea massa, ex qua magnes effectus est §. 81. 82. fuit, aut a sui centro versus omnes partes æqualiter fusa, aut si longior altera sui parte, longitudinem ab uno ad alterum polum aut directe aut oblique habuit, extrema magnetis ad superficiem translata eosdem polos respiciunt. Nam cum ferrum est in longitudinem porrectum secundum cursum effluviuorum magnetis, poli ingressus, & egressus in extremis constituuntur, ut innumerabilibus constat experimentis. (l. 1. cap. 4.) Cum vero ferrum est ubique latum æqualiter, uti sphaera, aut nulli poli sunt, nulla generata trahendi vi §. 66. 255, aut siqui, gigni debent in partibus oppositis, quæ sunt secundum eorundem effluviuorum cursum. Cum enim tunc extensio similis non exigit, ut in una potius parte, quam in alia, poli excitentur, & cursus effluviuorum requiratur, ut in partibus secundum eum cursum positis poli existant

De Magn. T. I.

B b

stant

stant, eo quod tunc ab uno latere ad aliud diriguntur corpuscula; quæ a polo boreali australem versus feruntur, in terræ gremio in dictam massam incurrent, polum sui ingressus in parte septentrionali obversa, & egressus polum in obversa austro formabunt, & contrarium efficient corpuscula a polo australi ad borealem tendentia. Sed in superficie telluris cursus effluviæ est versus easdem plagas. Ergo corpuscula a boreali polo ad austrum tendentia pergunt ingredi in partem obversam illius massæ, & eam ad se dirigere; & e contrario corpuscula, quæ ab austro ad boream in superficie telluris contendunt. Sed quos polos effluvia magnetica formabant in ferro, iidem restant in ferro, quod & in magnetem modo fusc explicato §. 81, & sequent. conversum est; immo ex mutabilibus in immutabiles convertuntur. Ergo dictus magnes e telluris sinu ad superficiem eductus suis polis easdem respicit plagas; & quidem retinet eundem omnino situm, si longitudo erat præcise secundum effluviæ cursum; aliquantisper vero situm mutare debet, si longitudo non congruit cum linea directionis effluviæ, sed eam ad acutos angulos secat; quia tunc nihilominus poli sunt secundum ferri longitudinem, quamvis illa non omnino congruat cum linea directionis eo pacto, quo excitantur in ferri extremis, si eadem extrema oblique polo magnetis imponantur §. 225, & seq. Quare magnes eductus e loco, in quo liber non est, in locum, in quo liber sit, obsequetur corpusculis, & se se eorum directioni §. 225. accommodabit §. 216.

7. Sin autem longitudo sit in situ aut perpendiculari, aut aliquantum inclinato, tunc res aliter evenit in hemisphærio australi, aliter in boreali; nam magnete ad superficiem translato, in boreali extremum inferius ad boream, superius ad austrum converti debet; & contra in australi. Siquidem in boreali corpuscula a boreali venientia polum sui exitus in extremo superiori constituunt §. 269, & ideo per inferius extremum, perque alias partes superius versus ingrediuntur. (l. 1. cap. 4.) Ergo cum in superficie telluris eadem a boreali ad austrum tendant, extremum inferius, utpote polum sui ingressus, ad boream convertere debent. Corpuscula vero a polo australi venientia polum sui exitus in inferiori §. 269. constituunt, ac ideo polum ingressus in superiori aliisque partibus summum versus (lib. 1. cap. 4.) Unde & imum ad se convertere, scilicet austrum versus dirigere debent. E contrario res debet usuenire in hemisphærio australi. §. 170.

8. Si vero longitudo ferri in magnetem vertendi sit parallela horizonti, aut potius plano puleym tangenti a polis utroque extremo æqualiter

liter distat, & ab oriente occidentem versus directo axim corpusculorum terrestris magnetis, & lineas omnes parallelas §. 264 ab iis in superficie ejusdem magnetis descriptas ad angulos rectos secet; tunc definire non possum, ad quodnam ejus extremum polus borealis esse debeat, ad quodnam australis, quia tunc corpuscula utriusque poli indiscriminatim ad quodlibet extremum contendunt, ut inde effluant, & eodem ingrediantur, eo quod omnia ad angulos rectos in ferri superficiem incurrunt. Cum vero corpuscula hoc pacto sibi mutuo officiant, hic situs magneti producendo ineptus esse videtur. Id quod experimentis a me factis postea confirmabo. Si enim vectis eum situm tenens valide concutitur aut percutiatur, tantum abest ut vim magneticam acquirat, quemadmodum induit, si percussio eum in aliis sitibus & præsertim in perpendiculari offendit, ut potius eam quæ ante inerat, omnino corrumpat §. 100. Sed de hoc alibi ex professo.

9. Interim hanc materiem concludo observatione Cabeï, qua nucleis terrestris systema confirmatur. Is itaque notat magnetes e profundioribus terræ fœdibus erutos, ceteris paribus, viuti majore præ iis, qui e loco minus profundo effodiuntur. Quod inde oritur, quia magnetes ut plurimum generantur e ferro adminiculo tum salium, atque caloris, tum vero corpusculorum magnetis terrestris, quæ ab uno polo ad alterum continue pergunt. Sed in locis profundioribus, ut quæ incluso nucleo magnetico propiora sunt, hæc perpetuo fluentia corpuscula majorem vim habent §. 265, & seq. Ergo ferrum in magnetem vertendum, atque ideo magnes, in profundioribus locis a profluvio majorum virium percursum pluribusque villis magisque depressis donatum vires etiam majores comparare debet.

ARTICULUS V.

*An idem ferri extremum possit vi attractrice & directrice
utriusque poli donari.*

§. 274.

ANequam vero ab hoc loco discedamus, videndum est etiam, utrum idem ferri extremum possit ita duplici virtute magnetica imbui, ut tam furculam, quam cuspidem, si iisdem admoveatur, trahat. Si enim res ita est, tenebræ huic materiæ offunduntur, & vorticum magneticorum systema si minus everti, concuti saltem atque nutare videtur. Quapropter ne quid nobis negotii ea res facesset, operæ pretium duxi in eadem vires ingenii contendere, & ad experimenta facienda summo me studio

B b 2

con-

conferre. Quod opus quantæ patientiæ sit, illi norunt, qui in huiusmodi experimentis sunt versati diutius. Sciunt enim, in quam valde lubrico difficilique loco versamur; quod cum nimis exilibus, nimisque celeritate se se moventibus, cæcosque ferri meatus, & alia corpora omnia mirifica quadam ratione nullam experiendo resistantiam, perinde ac si vacuum interpositum forer, pervadentibus corpusculis res est. Quamquam ut verum simpliciter & candidè fatear, posteaquam mei systematis corpus a me satis clare conceptum ac constitutum est, in posterum experimenta e voto plus, quam sperare potueram, successerunt. Tunc enim non amplius ad ea faciendâ cæca me fortuna ducebat; sed ratio, quæ quid usu venire oporteret, e systemate jam constituto significans ad experiendum accedenti facem præferebat. Sed hæc obiter.

2. Nunc experimentorum, quæ in hanc rem facta sunt, seriem describamus. Primum admovi ad alterutrum acus extremum quamplurima quarumcumque figurarum ferrea frustra, in quibus aut nulla, aut sensus fugiens vis magnetica foret, ut eorum extrema nullam acus partem vel tantisper pellerent. Sed si prope cuspidem, aut furcinulam quinque circiter gradus, aut minus collocabantur, tum cuspis, tum furcinula ad eadem accurrebant, non quidem statim, sed quod valde notandum est, post aliquod tempus majus, vel minus pro majori, vel minori ferri ab acus extremo distantia. Tum sumsi alia ferri frustra, in quorum uno extremo erat debilis quædam trahendæ v. g. cuspidis vis statim, ac eidem cuspidi objiceretur. Illud extremum ad furcinulam applicabam, & interdum contingebat, ut eam statim aliquantisper repelleret, interdum secus. Quodcumque eveniret, quamproxime furcinulam extremum ferri collocare nitebar, & post aliquod tempus, v. g. unius secundi, furcinulam ad ferrum accurrere videbam. Ne vero cum extremum ferri furcinulam e suo loco primum repellit, quidquam mihi imponeret vis corpusculorum telluris, quæ eandem furcinulam axem versus, ac ideo extremum ferri propius axem trahunt, ad extremum ferri positum in tertio ab axe gradu digito admovi furcinulam, ita ut hæc ab axi propior axem inter & extremum ferri jaceret, & a ferro nonnisi in partem contrariam ei, quorsum trahunt effluvia a polis telluris erumpentia, trahi posset. Nihilotamen minus post aliquod tempus ad ferrum accurrebat. Et nisi me oculi fefellerunt, & e minori intervallo ferrum tunc trahebat furcinulam, & plus temporis, antequam attraheret, interfluebat, quam cum furcinula in alio situ, uti supra suum axem, foret. Hæc autem extrema omnia tam debili virtute magnetica imbuta erant, ut ad distantiam cuspidis a furcinula

cu-

cuspidem vel nullo modo, vel parum ab axi retraherent. Adhibitis vero extremis, quæ ad eam distantiam virtute aut omnino ad se trahendæ cuspidis, aut multum ab axe retrahendæ pollerent, numquam mihi contigit, ut si digito ad alteram partem furcunculæ posito, non sinerem eam ab extremo ferri repelli, ferrumque vel quamproxime ponerem, furcinula a ferro abriperetur. Immo hoc etiam discrimen est, quod instrumenta ferrea primo, & altero loco adhibita quamprimum furcinulam contingebant, illi adeo tenaciter adhærebant, ut circa pyxidem ducta circumquaque furcinulam versarent. At quamvis hæc furcinulam manu cohibitam per aliquod tempus tetigerint, simul ac manus amoveretur, furcinula ab iisdem divellitur, & cuspis versus eadem se convertit.

3. Postquam autem ferreis instrumentis hinc inde, ut quodque se dabat, correptis, hæc sum expertus; aliis a me ipso certa quadam lege vi magnetica imbutis idem tentare conatus sum; ut horum causam ab ipso fonte repetere, deque eadem certius iudicium proferre possem. Cæpi filum ferreum mediocris longitudinis, aut aliud etiam oblongum, quamvis diversæ in suis extremis crassitie, & unum ejus extremum, quod brevitatis gratia voco A, quemadmodum & alterum appello B, ad magnetis polum, qui cuspidem trahit, ad angulos rectos affricui. Quo semper factum est ut A furcinulam, B cuspidem traheret §. 240. numquam vero, ut quamvis A quamproxime cuspidem, & B furcinulam poneretur, easdem allicerent. Deinde in distantia unius, aut alterius transversi digiti in situ a tangente poli æquidistante supra polum medium ferrum statui. Si cito retrahebam, extrema ferri suas virtutes retinebant, licet in extremo A vis trahendæ furcunculæ aliquantum debilior facta fuisset. Si nimium diu eo in situ tenebam, utrumque extremum vim trahendæ cuspidis, & repellendæ furcunculæ acquirebant. Quæ omnia cum dictis §. 247. & §. 248. congruunt. Sin autem nec nimis cito, nec serius retrahebam, sed tempore, quo quinque aut sex verba proferuntur, ibidem ferrum manere sinebam; tunc extremum A applicatum cuspidi virtutem illius cito trahendæ habebat, & applicatum furcunculæ, aut nullam ejus repellendæ, aut levem, & iis modis, qui supra descripti sunt, quamproxime illam positum post aliquod majus, vel minus tempus, pro majori, vel minori distantia ejusdem furcunculæ ab axe, eadem attrahebat.

4. Cum vero in pluribus diversisque instrumentis hoc eodem, aliisque modis experimenta sæpius repetiissem; numquam mihi inusitatum hoc magnetis phenomenon videre licuit, ut quod extremum ferri uni acus extremo applicatum, illud repente ad se tra-

tra-

trahit, idem translatum ad alterum magnetis extremum non modo non repelleret, verum & e paulo majori distantia, & cito pertraheret. Ex quibus omnibus concludo fieri posse, ut idem ferri extremum virtutem utriusque extremi acus utatur. Quod quomodo se habeat, ex ratione in singulis experimentis singillatim redenda constabit.

5. Primum omnia omnium instrumentorum extrema, quæ nullam virtutem magneticam habent, hac de causa si ad quodcumque extremum acus quamproxime admoveantur, ejusdem trahendi vim acquirunt, eo quod materiæ magneticæ vortex, qui in furcinulam ingreditur, ad aliquam licet exiguam ab ea distantiam, antequam ingrediatur, dispergitur, ea scilicet vi, quam rotatione comparavit §. 181. Quare si ferri extremum prope furcinulam ponas, a corpusculis hujus vorticis per superficiem hinc inde ferri ingredientibus, & propter suam directionem versus furcinulam tendentibus in illo extremo ferri polus exitus constituitur eorundem corpusculorum, quæ in furcinulam ingrediuntur. Quare mirum non est, si hoc extremum furcinulam trahat; idque post aliquod notabile tempus. Nam ut extremum, quod jam est instructum vortice, qui in furcinulam se insinuat, eandem ad se pelliciat; nihil opus est alio, nisi ut corpuscula ab hoc egredientia se in furcinulam insinuent. Quod propter magnam effluviarum velocitatem ita celerime fit, ut nullum inter appulsum ferri ad furcinulam, & hujus attractionem tempus oculi nostri distinguant. At quo extremum omni exutum virtute idem præstet, ante imbuatur virtute & quidem sufficienti necesse est, quam capax fiat trahendæ furcinulæ. In quo tempus aliquod quod in sensu incurrit, intercedat oportet propter exiguam eorum copiam, quæ in furcinulam regrediuntur, quæque eam virtutem extremo ferreo dant §. 96., §. 256. n. 1. dum hinc inde in filum ingrediuntur, villos extremum versus inflectunt, & inde sufficienti copia egrediuntur. Hoc vero tempus majus esse debet, quo ferrum a furcinula magis distat, propterea quod corpusculorum ingredientium in furcinulam in majori distantia minor est vortex, ideoque majori tempore opus est, antequam idoneum in extremo vorticem faciat, & quo furcinula in partem ab axe remotiorem extremum trahere debet, propterea quod tunc vorticem extremi majorem esse oportet, ut qui superare debeat majorem vim corpusculorum telluris, quæ quo magis furcinula, & cuspis ab axe distant, eo majori vi ad eundem impellunt §. 264. 265. Quod etiam est causa, cur tunc minorem necessum sit esse distantiam extremi a furcinula.

Ut vero hæc ad extremum accurrit, eidem tenaciter adhæret,
non

non solum propter corpuscula, quæ ab extremo ferri erumpunt, & in furcinulam ingrediuntur, sed etiam propter illa corpuscula, quæ a furcinula egressa in idem extremum se intrudunt, & majori, quam in aere, celeritate ibidem moventur. Idque amplius declarare opus non est, cum satis constet ex iis, quæ §. 105. disseruimus.

6. Hæc vero eadem corpuscula, quæ in furcinulam ingrediuntur, furcinulam ad instrumentorum extrema, quæ debili virtute magnetica imbuta sunt, accedere cogunt. Nam si ad furcinulam applicaverimus extremum illud, quod ad distantiam longitudinis acus aut nullam, aut parvam quamdam, & a corpusculis aliis valde impeditam virtutem trahendæ cuspidis habet; illud valde parum furcinulam a se repellit. Quamobrem si aliquo tempore ad parvam a furcinula distantiam maneat; a corpusculis a cuspidē egredientibus, & in furcinulam ingredientibus vorticem acquirere potest, qui furcinulam majori vi trahat, quam ille vortex, qui ex eodem extremo erumpens trahendæ cuspidis vim habet, & cuspidem remotiorem allicit & furcinulam repellit. Nec admodum difficile est intelligere quomodo ex uno & eodem extremo corpuscula diversæ speciei egrediantur. Cum enim corpuscula diversæ speciei & figuræ eodem tempore ab eodem egrediantur, & in idem ingrediuntur, eo quod sunt pori diversæ figuræ iis recipiendis accommodati: quid ni ob eandem rationem ex eodem erumpere poterunt, modo idem versus extremum illa corpuscula directæ sint. Sunt enim plura in eodem extremo, aut prope illud puncta, e quibus tamquam polis corpuscula & diversi & ejusdem generis tum effluant, tum influant, & in fili intimo sinu sunt plures meatus, qui a corpusculis & ejusdem & diversū generis tum in eandem, tum in contrarias plagas percurrantur. Revera corpuscula quæ in furcinulam ingrediuntur, illud versus extremum ferri, e quo jam exeunt alia corpuscula, feruntur. Ergo duplex in illo extremo vortex eorundem corpusculorum existere potest. Sed cum extremum magnam habet in trahenda cuspidē vim, tunc nec a vel minima distantia furcinulam attrahere potest, vel eidem tenaciter adhærere, propterea quod debilis ille vortex, qui ex corpusculis in furcinulam ingredientibus fit, superare non potest fortorem, qui ex corpusculis in majori copia a magnete ipso decisis antea formatus fuerat, quique trahit cuspidem, & furcinulam pel- lit. Deinde cum ad verum accedat in ferro nondum in magnetem converso poros esse æque idoneos corpusculis magneticis duplicis generis, diversæ figuræ scilicet, & magnitudinis recipiendis, qui pori propter oleosas mollesque particulas iis, quæ tunc trans-

transmittuntur, se se accommodent; quando in aliquo extremo debilis est vortex, quod pauca corpuscula erumpunt, illud plures habet liberos poros, per quos alterius generis corpuscula transmittantur: cum vero primus vortex satis vehemens est, magis pori impediuntur, ne diversæ speciei corpuscula ex eodem extremo transmittere possint. Quare cum extremum magnam habet vim trahendæ cuspidis, minorem acquirere potest vim trahendæ furcinulæ, quam cum antea debilem trahendæ ejusdem habebat.

7. At enim si dum ad furcinulam extremum applicatum fuit, vorticem corpusculorum a magnete egredientium, & in furcinulam ingredientium acquisivit majoris virtutis in trahendo, præ iis corpusculis, quæ ab eodem extremo egrediuntur, & a furcinula egredientia illam repellere nituntur; cur si illud extremum denuo prope cuspidem ponatur, eam non repellit, ut facere debet per vorticem denuo acquisitum majoris virtutis, sed ut experientia comprobatur, pristino vortice minoris virtutis etiamnum trahit?

8. Verum hæc ita me conciliare posse reor. Primum adverto me experimentis didicisse non solum extremi fili, aut furcinulæ polum non mutari, cum extremum ferri contraria vi, scilicet repellendæ furcinulæ, & attrahendæ cuspidis, & quidem non levi instructum, ut illud, quo paulo ante uti sumus, per aliquod tempus eidem vicinum manebat, sed etiam neque posteaquam extremum furcinulam per aliquod tempus tetigerat, aut ad eandem affrictum fuerat. Ut enim suo arbitrio acus permittebatur, furcinula ab eodem extremo aufugiebat, & ad idem cuspis vel omnino, vel aliqua ex parte accurrebat. Idque sum expertus pluribus, iisque diversæ figuræ, ac magnitudinis ferreis instrumentis: quæ tamen omnia ad eundem, atque acus, magnetem affricta fuerant. An vero si acus ad debiliorem affricetur, & alia instrumenta ad vegetiorem, idem accidat, nec ne, affirmare non possum, quia hujus rei periculum non feci. Ceterum in instrumentis a me adhibitis mutatio polorum idcirco facta non fuit, quia vortex egrediens a ferro, qui avulso ferro a magnete valde debilitatur, illa tria præstare non potest, quæ polis transferendis necessaria esse alibi ostendimus §. 96. Quamobrem dum furcinula alium vorticem cum ferri extremo communicavit, vorticem & polum jam in ea collocatum non corripit. Idcirco autem hic vortex majoris virtutis esse potuit, tum quia idem polus majorem in trahendo, quam in repellendo virtutem exserit §. 202. tum quia quemadmodum in ferro a magnete avellendo vis communicata valde infringitur §. 96. ita etiam in avellendo extremo ferreo a furcinula vis communicata immitti potest. Nam quæ rationes id in ferro, ac in magnete faciunt.

ciunt, eadem valent etiam in ferro, quod ab altero vim mutuatur. Quorum altero fit, ut etiam si vortex communicatus a furcinula ipse per se minoris virtutis fuerit, quam pristinus, tamen ille magis trahat furcinulam, quam hic illam repellat, quamquam si hic ad suam cuspidem applicetur, magis attrahat, quam ob eandem rationem alter repellat. Nam ut advertimus num. 2, ab intervallo cuspidis a furcinula cuspidem attrahere non poterat. Altero autem, ut quamvis vortex extremi ad furcinulam adnoti cuspidem alliciens altero prævaleat, quamdiu proxime furcinulam est; tamen illo a furcinula amoto valde debilitetur, & eodem fiat minor. Quamobrem meo systemati, & rationibus inde ductis cum experimentis convenire videtur.

8. Ad illud confirmandum alia duo experimenta summa diligentia a me facta & sæpius repetita propono, antequam huic capiti finem imponam. Ad acus subtilis & valde mobilis quatuor pollices longæ æquatorem admovi subtilis fili ferrei septem & amplius pollicum longitudinis, adeo ut situm horizontalem teneret, & si produceretur, in centrum axis magnetici ad rectos angulos incideret, extremum illud, quod trahit polum borealem acus; observavique borealem retrahi ab axe filum versus 18 gradus; tum ad alterum extremum fili applicui polum magnetis, qui borealem repellit, notavique aliquantum fuisse repulsum, sed ita ut in octavo ab axe gradu consisteret filum versus: demum manente in eodem situ magnetis polo filum removi, & borealem acus tres fere gradus ultra axem ab eodem repelli animadverti. Reposui filum, retracto prius magnete, & filum similiter, ac in primo eventui, ad 18 gradus versus se ipsum retrahere acus borealem observatum est.

Secundo loco laminæ duos pedes longæ, octo lineas latæ, & unam crassæ similiter collocatæ extremum affrictum ad polum magnetis repellentem borealem acus ad æquatorem applicui, & borealis acus 72 gradus versus extremum attracta est. Tum eodem polo magnetis tetigi alterum extremum laminæ, quo fit ut extremum vicinum virtute repellendi borealem acus imbuatur, & revera tunc borealis acus versus axem tres gradus processit; idque vi corpusculorum erumpentium a polo magnetis & per ferum se insinuantium, ut ab extremo propiori erumpant, non autem eorum, quæ per aerem usque eo contenderint; nam si polus magnetis ad dextram, aut ad lavam laminæ aliquantum removeretur, ut eam non contingeret, & nihilominus æqualiter ab acu, aut etiam minus abesset, statim borealis acus ad 72 gradus retrahebatur. Ex sanæ polus magnetis in ea distantia, virga de medio

sublata, in acum nullam exercebat virtutem. Jam vero ex his experimentis res, qua de agitur, maxime comperta fit. Nam extremum vicinum ex affricu ad polum magnetis, qui repellit borealem acus, acquirit vim illius trahendæ, eo quod ex ipso extremo erumpunt corpuscula, quæ in polum magnetis intrant, & se quoque in borealem acus insinuant §. 240. ex affricu vero alterius extremi ad eundem magnetis polum acquirit contrariam. Jam vero dum magnes extremum tangit remotum, borealis acus ab extremo repellitur per tres gradus, certe per aliqua corpuscula exeuntia ab extremo contraria iis, quæ in illud ingrediuntur, quia si polus ferrum non tangat, nihil, ut advertimus, in ea distantia se in acum exferit. Cumque acus ad suum axem non redeat, id argumento est vorticem ex illo extremo prodire, alterum fortio rem corpusculorum attrahentium borealem acus, alterum debiliorem repellentium. Immo hunc secundum nihil decerpere de virtute alterius, nisi in præsentia magnetis, ex eo colligitur, quod magnete remoto extremum virgæ borealem acus ad se denuo retraherat 72 gradus. Id quod multis aliis experimentis confirmavi.

C A P U T V.

De attractione & directione ferrea scobis.

§. 275.

DE virtute ferreæ scobis trahendæ ac dirigendæ adhuc speciatim a me disputatum non est, nec disputandi animus erat, quod ea, quæ de ferreis frustis dicta sunt, ad illam quoque pertinent, nisi Cl. Monnerius ab illius attractione quidpiam adversus magneticos vortices, & facilitatem, qua corpuscula ferri poros transmittunt, intulisset (*Hist. de l'Acad. an. 1733.*) Quo enim corpusculorum systema nulla ex parte nutare videatur, de attractione ejusdem ac directione separatim edisserere necessarium duxi, & perspicuum facere nihil inde concludi, quod nostram effluviorum hypothesim labefaceret.

A R T I C U L U S I.

Experimenta circa attractionem, & directionem scobis ferrea.

§. 276.

Quamobrem ut ordiar ab experimentis, primo polum australem magnetis, cujus alter polus erat e contraria parte, recta supposui papyro, supra quam scobis ferrea sparsa fuerat. Quo factum

factum est, ut ramenta, quæ polo recta imposita erunt, sursum ad angulos rectos dirigerentur, pluribus in longum copulatis ramentis, & quendam veluti villum componentibus. Partes vero scobis circumpositæ sursum quidem in villi formam directæ fuerunt, sed ita inclinatæ, ut superius villi extremum a polo declinaret, & cum linea, quæ ab inferiori extremo ad centrum paginæ polo impositum duceretur, villus obtusum angulum faceret plus minus, uti plus minus ramenta, e quibus villi constabant, a polo abessent. Immo etiam breviores erant. Quamobrem ob utrumque caput scobis superficies convexa apparebat, & apex figuræ rotundæ in villis centro poli propioribus eminebat. Quod contingit etiam polo in ipsam scobem immerso; nam suspensa scobs eandem figuram habet.

2. Si vero subius paginam semper ad angulos rectos polum aliquam in partem, uti dextrorsum, ducebam, perpendicularium villorum summum extremum in sinistram inclinari, & eo quidem magis, quo polus discedebat, ut denique nimium amoto polo in pagina omnino procumberent. Quod si nihilominus nondum polus tantum distaret, ut suam in illos vim exferere non posset, conglutinati supra paginam jacebant, suamque figuram tuebantur. Sin autem polus adhuc longius a scobe duceretur, ut villi extra sphaeram corpusculorum magnetis esse inciperent, forma villorum omnino evanescerebat, & quodque scobis ramentum ab aliis, ut ante magnetis applicationem, avulsam videre licebat. Interea dum polus a sinistra in dextram promoveretur, alii gradatim villi, qui polo subius transeunte sensim perpendiculares fiebant, dirigebantur, & prætergresso polo instar primorum in sinistram inclinabantur, & tandem procumbebant.

3. Deinde magnetis æquatorem ad centrum paginæ admovi; polis in situ horizontali collocatis, & præterpropter a pagina æqualiter distantibus, & ferrea scobe non modo inter utrumque polum intercepta, verum & ultra eosdem excurrente, ac tunc ferreum pulverem ita disponi animadverti. Supra æquatorem villi omnino jacebant, ab æquatore usque ad polos utrumque summa extrema alia alium versus polum propendebant, scilicet villorum, qui australi propiores erant, borealem versus, & contra; & eo quidem magis, quo minus ab æquatore distabant. Villi autem ultra polos, sed, illis propiores paginæ ad rectos angulos insitebant; remiorum autem superiora extrema semper magis a polis descebebant, quousque tandem omnino jacerent.

4. Postea magnetem subius paginam converti, idque duobus modis. Primo polum australem ad rectos angulos subius paginam ad-

eiusdem centrum a primo locarum ita verti, ut meridiani, qui esset ad æquatorem rectus, nova semper puncta ad æquatorem usque, & deinde ad alterum usque polum centrum ejusdem paginæ rangeret. In qua conficienda dimidia conversione observavi, quo magis australis digrederetur, & alter accederet, eo magis villos omnes ab australi borealem versus inclinari, ut cum æquator ad paginæ centrum perveniret, omnes inter utrumque polum intercepti jam procumberent, neque iis exceptis, qui polo boreali propiores erant. Ex quo vides quantum discrimen sit in hoc eodem situ æquatoris, quem magnes etiam in experimento num. 3 habebat, ex eo solum, quod ad scobem virtute exutam ibi æquator continuo ad centrum paginæ deferebatur, hic autem conversione poli, qui scobem jam imbut, ad idem pervenit. Ab æquatore autem usque ad borealem polum villi, subter quos polus borealis in conversione transibat, & ii, qui non valde distabant, altero sui extremo, quo antea paginam tetigerant, erigebantur, quod idem intelligendum de omnibus iis, ad quos borealis deferretur, postquam ab altero polo directi fuerant. In hac autem poli australis conversione qui ab eo valde distabant versus plagam motus v. g. dextri, si eo polus rotaretur, erigebantur quidem aliquantisper, sed omnino converti non poterant, sed recidebant aut in eandem lineam, aut in alterutram partem, quod summum extremum ab altero polo, scilicet a boreali aliquantulum attraheretur.

5. Iterum posui magnetis æquatorem subter paginam, & polos situm horizontalem semper tenentes a læva in dexteram converti, ut dimidium rotationis fieret. Observavi autem villos summo extremo inclinari contra polorum cursum, scilicet versus eum polum, qui accedebat, nimirum qui inter æquatorem, & polum borealem erant, versus australem, & contra, & polo boreali transeunte subter iis, qui inter æquatorem, & australem erant, summum extremum in imum converti, atque imum in summum.

6. Si vero postquam æquator centrum paginæ tetigit, non eum convertas paulatim, sed deorsum ad perpendicularum retrahas per aliquod spatium, & repente mutato seu polorum, nimirum conversione magnetis australi ad locum borealis, & boreali ad locum australis translati, iterum ad paginam æquatorem admoveas: villos aliquos præsertim plano æquatoris ad lineam insistentes a polo jam mutato nequaquam converti, ut extremum, quod erat superius, deorsum trahatur, sed ab eodem extremo dirigi sursum videbis: qui autem obliqui, eorum plurimum extrema in locum alterius succedere. Quare villorum, qui non invertebantur, extrema polos mutabant, scilicet quod eorum imum extremum polum ha-

be-

bebat ingressus corpusculorum poli meridionalis iisdem antea subiecti, ad eum deinde locum boreali translato polum ingressus corpusculorum effluentium e polo boreali accipiebat. His maxime duobus ultimis experimentis difficultas a Monnerio propofita diluatur, ut infra planum faciemus, posteaquam singillatim omnium experimentorum eo, quo exposita ordine fuerunt, rationem dederimus.

ARTICULUS II.

Explicantur experimenta circa attractionem & directionem ferreae scobis.

§. 278.

Primum villi sunt ex pluribus ramentis, quod in eorum, quæ polo proxime adhærent magnetis, parte contactui e regione posita polus similis polo magnetis existit, quo alia ramenta trahere possit, & sustinere, quousque gravitas ultimi ramenti superet vim, qua cum ramento proxime locato coniungitur. Nam ut constat etiam acuum experimento, quarum una e polo suspendatur, aliæ ex aliorum inferioribus extremis, quo acus a polo longius absunt, eo sit minor vis, qua cum alia conglutinantur, eo quod corpuscula ad illam usque distantiam multo minori vi pollent. §. 204. numero 2. Sed huiusmodi villi non constant tantum ramentis sibi recta impositis, sed plura etiam ramenta, immo villi transverse collocati sunt; immo ex villis transverse collocatis alii etiam transverse pendent, & ita gradatim. Quod potissimum observatur in villis, qui e polo magnetis in scobe immersi suspenduntur; nam ibi plures ordines villorum, qui continenter decrescunt, & ex aliis suspensi maioribus defleunt extremo inferiori, observantur. Quorum ratio eadem est, ac duarum acuum, quæ ex eodem polo magnetis proxime suspendantur. Idcirco enim extremis inferioribus huiusmodi acus altera ab altera plus minus declinant, quia in iis poli ejusdem nominis existunt, quique proinde se repellunt, cum interea vi poli magnetis alia extrema conjuncta, aut prope maneant. Quod si ex punctis vicinis acuum alias acus appendamus, & ex his alias, & ita porro, quousque magnetis virtus ferre potest: tunc varios extremorum se repellentium ordines observabimus. Hæc autem in scobe attrahenda a magnetis polo contingere debent, propterea quod multa in toto polo sibi adhærent ramenta, & ex omnibus scobis ubique subtus polum sparsæ locis ramenta attrahuntur, atque ideo villi diversorum ordinum, minores tamen, atque minores, decrescente vi corpusculorum trahentium magnetis, ut modo adverti, formari debent.

bent. Quod autem villi transversi cum eo, qui polo insistit, possum versus obtusum angulum facere debeant, patet ex eo quod extrema inferiora, si scobs polo subjecta sit, suprema, si scobs summum obtinet locum, non omnino se repellere possunt propter exiguam vim, ut etiam in duobus acubus contingit, & propterea quod ab aliis circumpositis villis, polisque eorum cognominibus undequaque repelluntur.

2. His vero compertum fit, cur magnete ad tantam a pulvere distantiam amoto, ut amplius in illum virtutem non exserat, paulo post textura villorum omnium solvatur, & pulvis ad pristinam redeat formam. Nec difficultatem facere poterit, quod etsi abeunte magnete virtus communicata in ferro valde debilitetur §. 95. non tamen omnino evanescit; & acus etiamtum cum altera copulata manet, aut illam quamvis minore vi adhuc trahit. Quidni ergo etiam in scobe villi aliqui saltem suam formam tueantur? Verum ex dictis, inquam, res comperta fit: nam si ad acum, aut ad scobem ex polo boreali alterius acus suspensam polum borealem magnetis admoveas, acus, atque scobis villi illico recidunt, proptereaquod cum polus borealis magnetis ad borealem acus appellit, polus acus destruitur, & australis existit, sed in tempore, ut ab experimentis concludimus §. 256. scilicet vis poli borealis primo debilitatur, inde perimitur, demum novus australis gignitur: in illo autem temporis puncto, quo polus borealis acus peremptus est, nullus autem alius adhuc formatus, acus, aut scobis ramenta, ut ab altera acu nulla vi attracta, recidere sua gravitate debent. Cum ergo ex descriptione compositionis villorum scobis liqueat multos esse sibi vicinos in extremis villorum cognomines polos, qui se repellunt, cessante vi magnetis, qua conglutinantur, necesse est, ut alij ex villis aliorum ramenta divellant. Quo villorum forma continuo corrumpitur. Neque dixeris ferrum alterius ferri polos haud posse destruere §. 274. n. 8. nam in scobe id non accidit, in qua nimium facile poli debilitari & corrumpi possunt etiam ab altero ferro, eo quod habita ratione exiguae molis in ipsa est etiam exigua magnetica vis; de quo vide experimenta §. 272.

3. Hoc constituto ratio cur, polo australi ad angulos rectos paginæ ad centrum subjecto, villi recta impendentes paginæ superiori superficie ad perpendicularum insistant, patet ex iis, quæ de recta acus ad centrum poli directione §. 217. n. 4. statuta sunt; nam eadem ratio est. Cur vero qui hinc inde a polo sunt, eo, qui dictus est, modo inclinentur, concluditur ex simili acus ab axe utrimque abductæ inclinatione, quæ major fit, quo magis ab axe acus distat §. 229. 230. quousque in locis nimium distantibus axi in-

insistat ad perpendicularum, atque ideo a plano, quod polum tangeret, & ad axem perpendicularare foret, æquidistet. §. iisdem. Unde intelligitur, cur nimium a polo remoti villi omnino supra paginam jaceant. Cum vero, si extra axem in duobus punctis æqualiter ab axi distantibus, sed quorum alterum ratione habita poli altius altero sit, acus locetur, in altiori minus, in humiliori magis a polo declinet §. 230. hinc intelligi potest, cur si polus australis a contactu paginæ aliquantum per lineam ad paginam rectam deorsum trahatur, villi ad latera inclinati magis sursum erigantur. Nam etiam hoc, tametsi in historia experimentorum non relatum, continebat.

4. Cur vero ducto polo a centro paginæ aliquod versus extremum, alii subinde inclinentur, alii vero erigantur, facilius ex dictis infertur, quam ut hic explicari debeat.

5. Cum vero polis in horizonte positis æquator ad paginæ horizontalis centrum defertur, corpuscula utriusque poli in æquatore lineas percurrunt, quarum tangentes circiter axi parallellæ sunt, atque ideo etiam paginæ plano, quod in hoc situ ab axe æquidistet; ex quo intelligitur, cur circa æquatorem villi in pagina jaceant §. 225. in partibus autem ab æquatore utrimque positis curvas peragrent, quarum tangentes polum viciniorem versus inclinatæ sunt, & quo propius ad suum polum accedunt, eo majores sunt corpusculorum vires ab iis designatæ, viribus corpusculorum quæ posita sint in curvis, quarum tangentes longius absunt a polo §. 226. 227. Unde vides cur villi in parte australi inter æquatorem & polum australem collocati inferiori extremo, quod paginæ adhæreret, & a viciniore polo australi attrahitur, polum australem respexerint, superiori, quod a boreali remotius est, in borealem quoque propenderint, & e contrario villi, qui ab æquatore, & polo boreali intercipiebantur. Situs vero perpendicularis eorum villorum, qui ultra polos erant, sed iis propiores, ratio peti debet ex eo, quod §. 230. statuimus, cum explicarem, cur acus stylo a polis abducto per rectam axi producto ad perpendicularum insistentem, citius ad eum situm pervenias, in quo acus sit axi ad perpendicularum, cum acus propius abest a polo, quam si ab aliquo axis puncto, quod longius distet a polo, per rectam ad eundem axem perpendiculararem retrahas, & eo quidem citius, si ratio habeatur punctorum axis, quæ longiori distant intervallo §. eodem. Cum enim, æquatore mei magnetis paginæ centrum tangente, poli nimium distarent a pagina, quam ut ductis a polo rectis ad axem perpendicularibus usque ad paginæ puncta impenderent, in iis acus collocata axi ad rectos angulos insisteret, idcir-

circo villi, qui in iis papyri locis erant, inferiori extremo cum aliquo superiori axis puncto concurrebant, & superiori alterum versus polum propendebant; atque ideo ad planum perpendicularares non erant. Quamobrem ultra polos, & ultra illa paginæ puncta in eadem ab axe distantia, quia pagina horizontalis ab axe æquidistabat, scobs quærenda erat, cuius villi ad perpendicularum erigerentur. §. 230. Si vero alii magnetes adhibeantur, præsertim si eorum poli horizontales minus a folio distent, fieri potest, ut etiam in punctis, in quæ incidunt perpendiculares ad axem & ad polorum tangentes, villi perpendiculares appareant. Invento autem situ, in quo acus perpendicularis ad axem sit, hæc si per rectam axi parallellam promoveatur, ad punctum altius a polo, extremo inferiori demum inclinatur, & eo quidem magis, quo a polo per eandem rectam retrahitur §. 232. & seq. Quod perspicuum facit, cur in villis remotioribus a polo ultra eorum locum, qui perpendiculares erant, ima extrema versus polum inclinata forent, summa declinarent, & eo quidem magis, quo longius aberant; quousque omnino jacerent, eo quod ubi a corpusculis parum diriguntur, & eorum vi in situ valde inclinato ad paginam esse debent, a gravitate, quæ debilem corpusculorum magnetis vim, in tanta præsertim inclinatione villi, & centri gravitatis ejusdem, omnino supra paginam sternuntur. Quæ gravitas esse potest etiam causa, cur aliqui ex iis, qui prope æquatorem utrimque sunt, quique, ut uni polo propiores, aliquantum erecti esse deberent §. 226, supini jaceant.

6. Jam vero in prima magnetis conversione villi extremo superiori versus polum borealem, qui ad centrum paginæ accedit, quique illud trahit, ob expositas rationes inclinari debent, & extremo inferiori alterum versus, qui digreditur. Cum vero æquator ad paginæ centrum pervenerit, quamplures jacere debent etiam ex iis, qui polo boreali valde propiores sunt; quamquam in experimentis modo expositis accidat contra. Discrimen est, quia cum illico æquator paginæ subjicitur, ut primo fecimus, nullum antea ramentum virtute magnetica imbutum erat, nullusque ex iis villos formatus. Quamobrem ut quæque cuique polo proxima sunt, ita cursui corpusculorum uniuscujusque obsequuntur potissimum, & sursum, aut ad angulos rectos eriguntur, aut ad obliquos. Sed cum magnetis æquator eum situm acquirat continua poli australis a centro paginæ horizontem versus conversione, jam villi ex ramentis compositi sunt, quorum extremum, aut inferius, cum adhuc erecti sunt, aut polum respiciens australem, cum jacent, ut polus ingressus corpusculorum a polo australi venientium, ab iis deorsum polum

polum versus, qui conversione descendit, attrahitur, & cum iidem villi jam jacent, etiam in locis boreali polo propioribus impedimento est, quo minus corpuscula poli borealis per alterum extremum ingradientia, & illud contra paginam, ut eorum directio postulat num. 1. pellentia attollere possint. Nisi polo australi tantum digrediente, & boreali accedente, vis, qua extremum spectans polum australem præditum est, adeo debilitetur, & illa, qua extremum ad borealem vergens, ita augeatur, ut altera alteram vincat, & vis poli borealis extremum australem rursus a pagina avellat, & sursum dirigat. Sive id fiat ad angulos obliquos, cum polus borealis adhuc aliquantum abest, sive ad angulos rectos, cum perfecta dimidiata circulatione, centro paginæ, & villis, qui antea a polo australi erigebantur, recta subjicitur. Atque hinc perspicuum fit, cur quod extremum antea summum erat, nunc imum factum fuerit, quia scilicet cum sit polus ingressus corpusculorum, quæ a boreali procedunt, ad eum dirigi debet, & propterea ad papyrus adhærescere. Mutationem tamen aliquam in villis esse oportet, quod licet antea non notatum sit, experimentis tamen comprobatur: nam cum villi consent ex aliis pluribus transverse collocatis, quique, polo australi subiecto, sursum spectant, & cum reliquo villo polum versus obtusum angulum faciunt §. super. num. x. & 2. in extremis omnibus transversorum poli sunt, qui a corpusculis borealis attrahi possunt, ac dirigi. Quamobrem in superioris extremi villi ad polum borealem, dum hic accedit, conversione magis ab eo trahi incipiunt, quam alia extrema simul inter se & cum villo recto conjuncta ab australi, qui jam recessit, atque ideo accedere debent polum versus, ut quæ majori vi ad polum trahantur, quam se mutuo repellant: uti duo acus extrema similia ad polum magnetis inter utrumque positum ab aliqua distantia ad se mutuo accedunt, quod vires, quibus se repellunt, vi poli magnetis sunt debiliores. Cum vero australis omnino discessit, & borealis centro paginæ & villis recta subiectus est, inter se, & cum villo omnino conjungi debent, & alia extrema e contrario avelli, & quia cognomines polos habent, a se invicem declinare. Quo villorum mutatio aliqua existit.

7. Cur autem villi ultra polum australem siti in magna ab eo distantia aliquantisper elevarentur, sed continuo reciderent, ratio peti debet ex eo, quod in loco tam distante a polo, & axi propinquo corpuscula ab australi venientia in rectam ad axem perpendiculararem, & ad paginam, cum australis in situ horizontali est, dirigere non possunt, num. 5., cum vero infra descendit, nimium illius vis debilitatur, antequam accessu borealis vis ejusdem tam

augeatur, ut summum extremum in alteram partem nimis adhuc inclinatum ad se convertere penitus queat. Quamobrem suo pondere recidere debet. Quia verò aliqua est etiam vis, qua borealis illud trahit, inde fit, ut in sinistram, aut in dexteram perpæ cadat.

8. Motus denique villorum, cum magnes altero modo subtus paginam vertitur, eadem propemodum sunt rationes, atque hæcenus explicatæ. Quamobrem ne eandem recoquam crambem, solum declarabo discrimen, quod in directione villorum inter utroque polos interceptorum intercedit, cum æquatore centrum paginæ tangente, & polis in horizonte sitis, boreali ad lævam, australi ad dextram, conversione horizontali eorumdem paulatim borealis ad dextram, & australis ad lævam transfertur, & cum retracto deorsum magnete ad non modicum intervallum, & mutato situ polorum, scilicet boreali ad lævam, & australi ad sinistram translato, denno æquator ad centrum paginæ statim appellitur, antequam villi dissoluti fuerint. Ibi enim omnia omnium villorum, qui intercepti sunt, extrema ad suum quæque polum convertuntur, hic autem nequaquam, sed eorum tantum, qui valde obliqui sint. Ratio autem petenda est ex discrimine alibi explicato, §. 260. inter conversionem acus stylo impositæ, & conversionem illius, quæ supra tabulam jaceat, cur nimirum si acus supra tabulam jacentis cuspis repulsa a boreali magnetis eidem recta objiciatur, polus eam non repellat, & crinam, in qua polus est ingressus effluviolum, quæ ab ipso manant, non convertat, & alliciat; contraquam accidit in acu supra stylum æquilibrata: sin autem cuspis valde obliqua sit, & crina non parum ad suum polum vergat, tunc acus convertatur. Valer enim etiam in villos a polo australi ad dextram ita formatos & directos, ut eo retracto polo reciderent, extremo inferiori, quod ab australi attrahitur, versus dextram, & superiori, quod a boreali allicitur, sinistram versus vergente. Nam boreali ad sinistram translato, quæ recta illum respiciunt, statim converti non possunt, propter causas loco citato expositas, quamvis objectum polo extremum ab eo repellatur, & alterum attrahatur. Interea autem ut in acu, ita in villo ferreo poli mutantur & ideo tunc extremum objectum sit polus ingressus corpusculorum poli borealis, & alterum extremum ingressus corpusculorum meridionalis. Qui vero valde obliqui sunt, ii facilius verti possunt, antequam novi in iis poli excitentur. At in transferendo boreali ad dextram conversione magnetis, quæ paulatim fit, paulatim quoque ad suum quæque polum extrema convertunt: in quo non habent locum causæ a nobis eo loci allatæ, cur acus converti non possit. Et
re-

revera si polo australi, qui crunam trahit, eidem objecto, ut acis aliquantum distans, ne ad polum accurrat, illi ad angulos rectos insistat, magnes circa centrum convertatur, ut poli continuo situm habeant horizonti parallelum, & paulatim australis ab acu discedat, & borealis ad eam convertatur, paulatim quoque eandem acum converti videbimus, & quando borealis ad locum, in quo prius erat australis, jam pervenerit, cuspidem polo obversam, & acum rursus in situ perpendiculari observabimus.

9. Quibus omnino diluitur id, quod in Hist. Academiæ a Monnerio fuit objectum ad an. 1733. quodque ita se habet. Si materia subtilis circa magnetem rotatur, scobs alio modo disponi debet, cum subtus paginam ponitur, ac ducitur polus australis, alio cum borealis. Sed eodem semper modo progreditur, scilicet in aliam, ac magnes ducitur, plagam, sive polum australem, sive borealem scobi supponas. Id autem contingere non oporteret, si materies magnetica erumperet ex altero polo, & in alterum ingrederetur; idque sive vortex simplex sit, sive duplex. Auctores, qui ab uno vortice stant, hæc cum suo systemate conciliare nitantur; hoc enim mea nihil interest, qui duplicem volo, & supra rationibus suasi, & in posterum aliis suadebo. Quod vero mea refert, illud primum assentior Monnerio pro diveritate poli, qui subtus paginam ducitur, discrimen esse oportere in scobis ferreæ dispositione. Sed nego in eo motu positum esse debere, in quo esse ponendum opinatur Monnerius, quod ex dictis satis plane conficitur, cur vili in contrariam partem semper disponi, scilicet extremo superiori inclinari debeant; & quale discrimen intercedere necesse est, illud observari contendo. Siquidem, uti vidimus, non idem illorum villorum extremum ab utroque polo trahitur, atque dirigitur, sed, uti ex systemate consequens est, omnino diversum, si poli subtus paginam paulatim & sensim convertantur. Quod si in amotione magnetis a pagina, & subita delatione poli borealis ad eum paginæ locum, in quo antea erat australis, quidam non convertantur, id non sine ratione, & exemplo contingit, ut explicavimus. Ad hæc autem puto Monnerium non advertisse, quod posteaquam subtus paginam polum australem ab uno paginæ extremo ad alterum duxit, & antequam eadem ratione polum duceret borealem, expectavit aliquantisper, dum villi omnes solverentur, & ad pristinam pulveris formam redirent. In quo sane nullum apparere debet discrimen, quod ab utroque magnetis polo ferrum similiter attrahatur.

Alia plurima in ferreæ scobis motu mihi superessent examinanda, quorum omnium etiam quantum ad minima adjuncta facilis

ratio ex constituto systemate eruitur. Sed dicendi finem numquam facerem, si omnia persequi vellem. Quamobrem orationi sit modus, præsertim cum ex dictis satis appareat, quam omnibus magnetis phænomenis explicandis nostrum systema accommodatum sit, & ex dicendis in sequenti capite magis etiam sit appariturum.

11. Unum tamen & alterum adungere volo, solutionem videlicet alterius difficultatis, quam idem Cl. Auctor a directione scobis ferreæ contra systema effluviurum petivit, & rationem, quam ex attractione scobis pro magnetico vortice Kraftius elicuit. Nam primus ita ibidem ratiocinatur, nisi memoria me fallit; nunc enim liber ad manus non est. Si cum magnes alter alterum trahit, effluvia ab altero erumpunt, & per interjectum spatium in alterum ingrediuntur, magna effluviurum copia inter utrumque esse deberet. Re autem vera non esse ex hoc evincitur experimento. Supra paginam scobs ferrea dispergatur, & subtus duo magnetes ponantur, quorum poli binomines, atque ideo se attrahentes, & nisi fallor, in situ horizontali obversi sint, & aliquod intervallum distent. Quo factò videbimus scobem inter utrumque polum interceptam ita disponi, ut locus paginæ, quod ab utroque polo æqualiter distat, fere vacuum relinquatur. Id autem esse non oporteret, si magna effluviurum portio ab uno ad alterum polum ea transiret. Ergo ab uno ad alterum magnetis polum effluvia non migrant, quæ attractionis sint causa.

12. Verum ex §. 185. patet, cur in loco medio minor esse debeat vis effluviurum. Quod scilicet eorum quæ a primo magnete egrediuntur, pars hinc inde a vortice regrediente abripitur, pars vero utrumque, non per rectam omnino viam, vortice in secundum magnetem utrumque ingrediente, eo abripitur. Quo fit ut si poli non valde vicini sint, pars aliqua in medio vacua debeat esse.

13. Ceterum ex quibus attractione & directione ferreæ scobis Monnerius rationes contra effluviurum systema collegit, Cl. Kraftius in Prælect. in Physicam Tubingæ editis an. 1750. non leve pro eodem stabiliendo argumentum erui posse existimavit. Hæc enim habet tom. 1. §. 270. *Favere quidem his effluviis magneticis videntur duo experimenta; unum, quo oriuntur arcus illi vorticosi, qui conspici possunt, cum magneti charta spissiori imposito leviter scobs ferrea & rara circumspargitur; qui iidem arcus melius adhuc apparent, si infra chartam, cui talis limatura ferri rara aspersa est, magnes armatus circumducatur. Alterum experimentum, quod stabilienda materia magnetica aptum esse videtur, est hoc: magnetis armati aut inermis axis admoveatur acus chalybea sic, ut hæc illum ad angulos rectos secet; tum acus sibi relicta non quiescet, sed rapide circumagatur, donec*
axi

axi magnetis fiat parallela. Simile argumentum præbet quoque illo effectus, quo acus chalybea filo tenui suspensa, ab alterutro polorum attrahitur, fugatur vero ab altero, eodem fere modo, quo eadem acus fluido moto immissa ab eodem protruditur. Pertinet huc quoque illud, quo due claves ferrea, vel duo filamenta ferrea parva supra polum magnetis suspensa, adhærent sibi mutuo, etiamsi magnetem non attingant. Optandum esset, ut ex his reliqua phenomena possent explicari omnia; quod cum secus sit, phenomenon hac annumeramus, nondum vero phenomena per ea explicamus. Hactenus Cl. Auctor, cujus voto cum iam a nobis fuerit satisfactum perspicua omnium phenomenon ope magnetici effluvii explicatione, eorum præsertim, quorum rationem hoc pacto reddi posse idem negavis §. 214. concluditur in experimentis ab homine allatis magnum poni posse momentum pro magnetico vortice, qualis in superioribus est constitutus.

C A P U T VI.

Referuntur experimenta Musschenbroechii sumpta ex dissertatione de magnete, ope effluviorum explicantur, & difficultatibus inde erutis ab auctore satisfist.

§. 278.

AD hunc usque locum hujus de magnete tractatus perveneram, cum occasione autumnalium vacationum iter aggressus, longam, atque eruditam Cl. Musschenbroechii de magnete disquisitionem jamdiu a me expetitam inveni in libro inscripto *Physica Experimentales & Geometrica ... Dissertationes*, & Lugduni Batavorum impresso an. 1729. Cumque in ea perlegenda multa mihi occurrerent, quæ in hanc disputationem conferenda esse viderentur, anceps aliquandiu fui, utrum suis quæque locis disponerem, an vero hic unam in summam redigerem. Sed quia laboris jam exanthlati pertæsus novum in retexenda, ut propter nimiam rerum copiam opus erat, Disputatione suscipere nolui, idcirco hic de iis acervatim agere institui, & simul ostendere, quantum constituti magnetici vortices iisdem explicandis idonei sint.

A R T I C U L U S I.

Referuntur & explicantur experimenta capituli I. (pag. 28.)

§. 279.

ORdior ab experimento XIII. capituli primi, in quo de actione magnetum in se mutuo tractat. Hæc autem habet. *Magnetem*

tem majorem rotundum immobilem posui in mensa: aliumque Magnetem parallelepipedum, quo usus fueram in experimento V, suspendi ex libra brachio, quo prius ope ponderis lanci injecti reducto ad æquilibrium, repulsionis magnitudines observavi sequentes

Repulsiones ad distantiam

poll.	linear.	æquales granis medicis
14	0	$\frac{1}{2}$
13	0	$\frac{3}{4}$
11	9	1
10	9	$\frac{1}{2}$
10	4	0
9	10	0
9	4	$\frac{1}{4}$
9	0	$\frac{1}{4}$
8	3	$\frac{1}{4}$
7	9	1
7	6	$1 \frac{1}{2}$
6	9	2
6	4	$2 \frac{1}{2}$
5	9	2
5	4	2
5	2	$2 \frac{1}{2}$
4	9	3
3	10	1

sive simplex æquilibrium, uti ante instituta Experimenta

Quando Magnetem adhuc propius admovebam, non amplius repellebatur, sed attrahebatur; nam ad distantiam trium pollicum (intellige Rhe-nolandicorum) 6 linear. erat attractio equalis 7 granis. Nescio an quidem aliquid plus anomali observari possit, quam repulsionis hæc demonstrant, quæ in magna distantia 14 pollicum sunt notabiles, in minori equali 10 pollicibus observabatur nulla; tum iterum in propiori distantia usque ad 4 poll. crescebat, dein in propiori decresebat, tum mutabatur in vim attrahentem: Poliniervius in *Experient. Physiq.* pag. 279. etiam adnotavit quod polus magnetis, qui acus nautica extremam repellebat in majore distantia, eam attrahebat, cum propius admovebatur.

2. Sed

2. Sed antequam horum aggrediar experimentorum rationes, alia a me sumita proferam, & exponam, quæ iisdem non parum afferent lucis. Ad parvi magnetis armati polos, sive pedes, quorum extremæ partes pollicem cum sex lineis fere distabant, valde subtile filum ferreum, tres pollices longum, ita applicui, ut æquales ab utriusque poli armamento fili partes extarent, & erant longitudinis 9 linearum, ut ex proportionem distantiarum polorum, & longitudinis ferrei fili concludi potest. Tum digitis fili medium arripiens celeriter a polis avulsi, & facere conatus sum, ut omnes fili partes tempore eodem ab utroque polo divellerentur. Deinde filum admovi ad aciem magneticam, & quatuor in illo polos adverti: ad extrema polos trahentes eadem acies extrema, quæ a polis magnetis, qui propiores iisdem fuerant, attrahebantur; circa vero fili partes, quæ extimas armamentorum retigerant, polos contraria extrema allicientes, ac repellenes. Nec aliter rem oportebat ulovenire. Quod ut explicem, perspicuitatis gratia voco M polum magnetis, qui attrahit M aciem, & B repellit, B polum magnetis, qui allicit B aciem, & M rejicit, quamquam contrario nomine donandi sint, si ad polos telluris referantur § 237, 239. Igitur corpuscula erumpentia ex M magnetis a tacto fili puncto ad extrema se conferunt § 237. quemadmodum & corpuscula erumpentia ex B magnetis a puncto tacto ad extrema se dirigunt. Sed ad suum quæque vicinum extremum pervenire possunt, inde ut evadant, quia inter extrema vicina, & polum magnetis, unde effluunt, nullus alius intercipitur polus, quo cursus eorum cohibeatur. Ergo in iis polum faciunt similem poli magnetis, unde effluerunt, atque ideo eadem acies extrema, quæ a polis magnetis attracta sunt ac repulsa, attrahentem, ac repellentem § 239. At effluvia, quæ a polis magnetis ad extrema fili remotiora contendunt, usque eo pervenire non possunt. Nam effluvia, quæ a polo B manantia ad extremum remotius per ferri poros se conferunt, cum ad alterum polum M magnetis, & ad partes a polo M tactas pervenerunt, corpusculis in polum M ingredientibus, & per totum brachium, quod existat, ab ejus nimirum extremo ad partem usque a polo tactam se insinuantibus occurrunt, eo quod sunt corpuscula ejusdem speciei, & eisdem meatibus traiciunt. Quo fit, ut sibi mutuo impedimento sint, quominus in ferri poris ultra progrediantur § 246. accedente præsertim vi poli incumbentis, a quo attrahuntur § 243, & seq. atque ideo, ut conglomerata inde erumpant, & polum egressus constituent corpusculorum, quæ in polum superincumbentem magnetis ingrediuntur, ideoque ab altero remotiore egrediuntur. Ex quo demum concluditur

cur

cur illa fili pars alliciat polum acus, qui a polo incumbente magnetis repellitur, & repellat eum, qui allicitur. Quæ paucis mutatis conveniunt in partem fili tactam ab altero polo.

3. Sed quæcumque sit horum causa quatuor polorum, certum est experientia eos dictis in locis formari. Nam si extremum, quod fuerat prope polum M magnetis, ad æquatorem pyxidis in orientali plaga ita collocabam, ut filum esset in eodem circiter horizontali plano acus, eidemque acui parallelum, M acus omnino attrahebatur. Si levi motu, & super eodem plano filum versus M acus ducebam, ut alia fili puncta subinde infisterent æquatori, acus gradatim convertebatur, & cum illa circiter pars, quæ M tetigerat, æquatori impendebat, tum B acus illud punctum omnino respiciebar, a quo puncto usque ad centrum fili, B acus semper propius filum manebat. Cum vero centrum erat in æquatore, acus extrema a filo æquidistabant. A centro autem usque ad portionem a polo B tactam M accedebat ad filum, & illam circiter portionem, sive aliquod ejus punctum recta spectabat. Denique ab hac portione usque ad extremum vicinum tota acus rursus convertebatur. Demum cum extremum ad æquatorem pervenerat, B acus illud recta spectare observabatur.

4. His peractis alio modo fili extremum B ad pyxidis acum applicabam. Filum in situ horizontali ad altitudinem acus, in eamque ad rectos angulos incidens, si produceretur, collocabam, & extremum B, quod scilicet ex polo B magnetis, cui proximum fuerat, vim trahendi B acus acquisierat, ad extremitatem diametri æquatoris admovebam ita, ut circiter pollicem a polo B acus distaret. Quo pacto contigit, ut non polus B acus attraheretur, & repelleretur M, quemadmodum fieri oportere videbatur, sed e contrario accessit M, & discessit B; idque profecto virtute poli acus polum M trahentis, qui iuerat in filo in distantia 9 circiter ab illo extremo linearum. Si vero dictum fili extremum ad polum acus B propius fieret, quam ad polum M intervallo circiter duarum linearum, polus B, quemadmodum oportebat, attrahebatur, & rejiciebatur M.

5. Hujus autem ratio discriminis in majori, & minori intervallo mihi videtur ex eo peti posse, quod ipso Musschenbroechio teste magnetis poli vis trahens fortior est repellente, sed hæc ad majorem distantiam pertinet §. 201, 202 ob rationes, quas ibidem expendi. Quamobrem in majori pollicis intervallo primas in operando obtinebant corpuscula poli M fili, qui in distantia 9 linearum ab extremo admoto vigeat, præsertim si is major altero foret §. 246, atque ideo majori vi repellebant B acus, quam ab extre-

extremo attraheretur; sed in minori duarum linearum intervallo corpuscula attrahentia extremi B fili, quorum idcirco vis vim repellentium, eo quod in minori intervallo illa fortior, retundebat.

6. Alia etiam adhibui ferrea fila, & mihi sæpe res e voto successit; sed cavere debebam, ne vel nimis longis uterer, vel nimis brevibus. Tunc enim experimentum e sententia non eveniebat, quod in his alter polus nimium ab extremo distaret, in his autem unicus tantum gigneretur, isque trahens polum acus, qui a polo qui prope fuerat, magnetis repellitur § 246.

7. Ceterum quoniam in hunc locum sermo inductus est, supervacaneum haud erit alia quoque referre hujus generis experimenta, quibus idem mirifice illustratur. Itaque filum ejusdem crassitie, & paulo majoris longitudinis eodem modo, ac in superiori experimento, magnetica virtute imbuebam, & quatuor illi poli dicti in locis exsistebant. Hujus deinde ferri extremum, quod attrahebat B acus, & a quo plus 9 lineas polus trahens australem acus distabat, ad polum B acus applicui, ut valde propior esset a polo B, quam ab M, filumque situm horizontalem, non inclinatum versus alterutrum extremum obtineret; tuncque omnino polus B attrahebat. Sed si filum inclinabat ad M, tunc quia polus eum trahens aliquantum accedebat, uterque acus polus attrahebatur, & neuter ad suum fili polum accurrebat, sed vel in situ parallelo consistebant, vel in obliquo pro ratione intervalli utriusque poli fili ab utroque acus extremo.

8. Si fili diametro æquatoris ad perpendicularum insistentis extremum trahens B ab uno ad alterum illius diametri caput ducebam, fere nullus polus attrahebatur, quia vires poli in extremo positi, ut minores viribus contrarii poli ad distantiam plus novem linearum ab illo extremo constitui, e minori intervallo æqualiter ferre attrahebant B acus, & repellebant M, ac vires alterius e minori alliciebant M, & B rejiciebant. Et revera si extremum fili suo polo B acus, & deinde aliam partem a magnete tactam suo pariter polo M applicabam, hæc citius & ab intervallo duplo majori suum polum M ciere videbatur.

9. Cujus ratio in eo posita est, quod pars instrumenti ferrei tacta a polo magnetis, ceteris paribus, majorem debet virtutem acquirere, quam partes non tactæ. Quamvis enim pars tacta virtutem acquirat corpusculorum in magnetis polum ingredientium, pars non tacta egredientium, vortex autem illorum vortice istorum valde minor sit §. 197. n. 4. tamen quia extremum distat a polo, eaque pars cum eo conjuncta est, idcirco corpuscula, quæ in filum ingressa sunt, antequam ad polum perveniant, magna vi a

De Magn. T. I.

E e

poris

poris ferri in polos magnetis se insinuant, & ideo magna quoque vi ab ea fili parte se prorumpunt. §.248.

10. Si denique extremum ad æquatorem positum, filo constituto in plano horizontali, sed paulo altiori, quam planum acus, ita ut diametro æquatoris parallelum sit, ab extremo diametri æquatoris usque ad centrum acus ducebam, nullus fere polus acus trahebatur; sed ut prætergressum est centrum, tum B acus ad illud accessit, & M ad polum partis extremo vicinæ, quæ adhuc citra centrum erat. Tunc enim neuter fili polus alterum impediēbat, ut antequam prætergrederetur. Quod uti clarum per se non declaro.

11. Porro ex his intelligimus, quomodo ad extremum aliquod ferri possint exsistere duo contrarii poli, quorum alter in majori distantia se exferat, alter in minori, vel qui fere æquales vires in polos acus exferant, atque ideo neutrum alliciant, atque repellant. De quo etiam disputavimus §.273. & seq. Quod si hujusmodi filum aliquod in magnetem converteretur, ut revera sæpe accidit §.81. & seq. tunc haberemus magnetem, in quem plura caderent eorum, quæ in ejusdem fili experimento contingere. Et revera sunt aliqui magnetes, qui pluribus iisque contrariis polis donantur. Quare si contrarii poli nimium vicini sint, id quod diximus, præstabunt. Et sane in telluris visceribus e ferro exsistere possunt magnetes, qui pluribus polis iisque vicinis instructi sint. Nam si polo magnetis in centro laminæ quadratæ, aut parallelogrammæ collocato pro angulorum numero quatuor existunt poli, quorum unus saltem est contrarius polis etiam eorum, qui prope sunt §.253. : quidni idem contingere possit in ferro plures angulos, eosque vicinos habente, dum in telluris sinu ab effluviis magneticis nuclei terrestris pervaditur? Nam ex multis figuris, ac sitibus, quæ ad hanc rem accommodata possent excogitari, seligamus ferreum planum triangulare referens triangulum isoscele, cujus anguli æquales brevi latere inter se distent, & ponamus latus inæquale in terræ visceribus ad horizontem perpendiculare plures annos mansisse, angulumque, cui latus inæquale subtenditur, polo boreali telluris obversum fuisse. Eo in situ inferior angulus virtutem acquirit australis poli §.269. superior autem borealis, ideoque contrarios polos induunt, eosque vicinos, præsertim si anguli atterantur, & corporis circumferentia minuatur. Cum enim ductus pororum ejusdem speciei, quibus poli constituuntur, ab extima ferri aut magnetis superficie in intimam eorum substantiam se insinuent §.145., imminuta circumferentia imminuatur oportet intervallum partium illarum superficiē, in quibus poli diversi generis insunt.

2. Ad

2. Ad seriem autem attractionum, & repulsionum experimenti Musschenbroechii ego arbitror, sex in illo parallelepipedo superiori magnete, aut in inferiori rotundo, aut partim in uno, partim in altero polos fuisse, quæ corpuscula eandem versus partem projicerent. Primum repulsionis, cujus corpuscula ad maximam perveniebant distantiam. Secundum attractionis, cujus corpuscula ad intervallum 10 pollicum Rhénolandicorum, & 9 linearum perveniebant, erantque causa, cur ab illo intervallo repulsionis minores existerent, & tandem viribus exæquatis in distantia 10 poll., & 4 lin., itemque 9 pollicum, & 10 lin. omnino perimerentur, & æquilibrium existeret: tertium autem repulsionis, cujus corpusculis fieret, ut secundus polus attractionis alterum magnetem ad alterum non propelleret, cujusque vires a distantia 9 poll. & 4 lin. usque ad distantiam 6 poll., & 4 lin. tenerent. Quartum attractionis, qui ab hoc intervallo usque ad intervallum 5 poll., & 4 lin. de quantitate virium expultricium quidpiam detraheret. Quintum postea repulsionis, cujus vis usque ad 4 poll., & 9 lineas augeretur, & ab eo loco imminuta cum omnibus aliis viribus repellentibus in distantia minori 3 poll., & 10 lin. omnino evanesceret. Denique sextum attractionis, qui a dicto intervallo ad magnetem usque una cum aliis attractionis polis regnabat. Res fortasse paucioribus polis fieri poterat; sed nisi magnetes ad trutinam revocentur, nihil certi statui potest. Quamobrem hæc pro conjecturis tantum haberi volumus, quibus in explicandis aliorum experimentis necesse est uti sæpissime, proptereaquod non illa omnia tentare, & experiri solent auctores, quæ ad causam ab alio excogitatam e tenebris eruendam sunt opus, nec omnia, quæ ad illud conducunt, observare, ac litteris tradere. Ita fit, ut agredientem similium experimentorum explicationem multa oporteat divinari. Ut exemplum e multis huc afferam ab allato Musschenbroechii experimento petiitum, nonne in hominis potestate erat observare & notare, utrum causa tantæ varietatis in attrahendo, ac repellendo foret in uno tantum lapide, an in utroque, & iis modis, quibus polorum in cognitionem venimus, experiri, ac videre, an plures eosque vicinos polos detegere posset? Quod non eo dico ut aliquid detraham de laudibus tanti Philosophi, qui in experimentis faciendis suam omnibus industriam, ac diligentiam probavit; sed tantum ut intelligatur, quantum discriminis in reddenda experimentorum ratione interlit inter aliorum, & propria.

13. Sed quo revertar, unde sum aliquantum digressus, ex meis etiam experimentis confirmatur id, quod citato auctori venit in mentem, in subducenda ratione quantitatis virium attractricium ha-

bendam esse rationem etiam earum, quæ repellunt. Nam, uti vidimus, altera alteri obest, & altera alteram perimit, aut de illa detrahit quidpiam.

§. 280.

Hinc intelligitur, cur tanta sit varietas in tabulis ab auctore descriptis ad virium proportionem in diversis intervallis examinandam, & cur nullam constantem rationem detegere potuerit. Quo loco non video, quantum contra systema corpusculorum momenti sit in eo, quod in Præfatione (pag. 5.) animadvertit præstantissimum Wisthonum, profiteri se nullo modo mechanice explicare posse *phenomena magnetica*, neque meditando invenire se potuisse ejusmodi motum fluidi subtilis, quod vim Attractricem in proportionem illa, qua inter Magnetes a se sejunctos obtinet, operaretur, & maximos in arte viros, qui nostra ætate quamplurimum opera in explicandis geometricis effectibus magnetis posuerunt, fluido tamen ad id usos vehementer suum torfisse animum inani opera, & frustra laborare, atque adversus Hydrostaticas leges incessisse, neque tamen adhuc sibi ipsis satisfecisse. Non video, inquam, quantum contra systema corpusculorum in eo momenti sit. Nam quænam est hæc proportio, cujus ratio in systemate corpusculorum reddi non possit? Constans non sane; nam nec ipse solertissimus investigator tot experimentis eum in finem factis invenit. Variabilis ergo: at quod pertinet ad illam, nonne generatim scire & intelligere possumus a varia commixtione corpusculorum, quæ a pluribus, diversisque polis eandem versus plagam mittantur, eam oriri? Speciatim vero quid, amabo, præstare possumus, nisi numerum, diversitatem, ac vim polorum cuiuscumque magnetis primum teneamus? Quod vero ad Hydrostaticas leges aliorum systemata quam bene cum iis componantur, non discuto. De meo vero quantum illi cum dictis legibus conveniat, spero neminem esse revocaturum in dubium. Nihil enim asserere contendi, quod ad eas quammaxime exactum non videretur §. 185. & seq. In quo siquid offendi, multa autem facile est ut offenderim, spero futuros alios corpusculorum assertores, qui melius causam hanc tueantur.

§. 281.

Sed pergamus asserere experimenta Musschenbroechii. In Experimento V adnotat trium magnetum attractionem in contactu æqualem fuisse, quamquam vires primi forent valde bonæ, secundi mediocres, tertii valde debiles, & revera si in æqualibus ab alio magnete distantis ponerentur, attractio secundi, & multo magis tertii minor erat vi attractrice primi. Unde aliud non leve argumentum contra effluviarum systema concludit his verbis (pag. 24.)

Si

Si pendeat actio magnetum duorum in se ab effluviis mutuis, tum eo erit actio major, quo effluvia sunt copiosiora, & hac copia majori effluent ex magnetibus generosioribus, quam ex languidius; quamobrem multo plura exiissent effluvia ex iis, quibus usus fui in experimento primo, & quinto, quia hi praeftabant altero in experimento tertio adhibito: in immediato contactu tamen omnium vires aequales sunt notatae. Primum itaque adverto fere usuvenire, ut qui magnetes ab aliquo intervallo majores exerunt vires, ii etiam in conjunctione majorem praeferant virtutem. Quamobrem id fere contingit, quod ex systemate effluviolorum consequens esse merito affirmavit Musschenbroechius. Quod si aliquando res aliter cadat, non ideo systema effluviolorum continuo proscribendum est, sed potius in suspicionem veniendum aliquid esse speciatim in quibusdam magnetibus, quod facit, ut a communi lege eorum attractiones discedant. Revera in secundo, ac in tertio magnete quidpiam esse, quod causa esse queat, cur in copulatione aequalem vi primi attractricem vim habeat, vidit etiam & significavit hic auctor. Licet enim omnium contactus in puncto fiat, tamen quia primus sphaericus alterum sphaericum contingebat, secundus, & tertius planam magnetis parallelepipedum superficiem, cujus alia puncta tactum circumambientia a sphaerici magnetis contacti superficie minus distant, quam ab eadem puncta alterius sphaericae superficiei distarent: idcirco fieri potest, ut propter minorem partium sphaericorum magnetum distantiam ab alterius parallelepipedum partibus debiliores magnetes in copulatione eadem, qua fortior, attractrice vi polleant.

2. Sed in hac una responsione non conquiesco, quod satis non intelligitur, cur cum in secundo, ac in tertio fuerit aliqua plana superficies, nihilominus in copulatione forent attractiones aequales. Quamobrem alio me verto. Aliqui auctores, immo idem Musschenbroechius (*Essai de Phys. cap. 18.*) litteris tradiderunt interdum usuvenire, ut qua parte duo se magnetes repellunt, cum alter ab altero sejunctus est, ea si se contingant, arte inter se copulentur. Cuius hanc peto ex meis principiis explicationem. Magnetes ideo se repellunt, quod corpuscula erumpentia e polo magnetis, qui polo alterius objicitur, per vicinum polum obversum ingredi nequeunt, sed percurso magnete per alterum oppositum se intrudunt, ab eo ad polum vicinum proficiscuntur, ab eodem erumpunt, & ex Hydrostaticae legibus magnetem in contrariam plagam impellunt, atque ideo ab altero magnete remonent. Id autem fit, quia columnae fluidae inter utrumque magnetem interceptae incurrunt in partes solidas illius poli, unde eruperunt §. 198. Et quamvis ad polum contrarium sint aliae columnae, quae dum in-

incurrunt in partes illius consistentes, magnetem ad alterum versus impellunt, tamen quia illarum vis harum vi minor est §. 198., idcirco hæ prævalent, & magnes repellitur. Quamobrem si harum columnarum vis aut de medio tollatur, aut valde debilis, sive uno verbo vi aliarum minor fiat, tunc magnetem ad alterum versus trudi necesse erit. Hoc autem in copulatione polorum fieri potest. Si enim tot unius solidæ partes in tot alterius pariter solidas incidant, ut quæ columnæ in alias non copulatas incurrunt, illæ minore vi utantur præ iis, quæ ad polum remotum in solidas partes incurrunt, tunc unus magnes ad alterum adhætescat oportet. Nam inter puncta magnetis repellendi, & alterius, quæ se contingunt, columnæ se insinuare non possunt, atque ideo nec in contrariam partem unum magnetem repellere. Ea ferme ratione, qua si cubus ligneus fundo valis aqua pleni non ita adhæreat, ut aqua inter basim cubi, & fundum penetrare non possit, sursum repellitur, scilicet in contrariam gravitati aquæ plagam, quod columnæ subiectæ basi cubi majori vi sursum pellant eam basim, quam columnæ incumbentes superius cubi planum deorsum trudent. At si penetrare non possit, tum cubus majori vi, quam ejus gravitas postulet, fundo adhæret, quod a columnis subiectis non pellitur sursum, a superincumbentibus autem deorsum premitur. Sed hanc materiem, atque rationem suo loco fatis illustravimus, cum in causas inquireremus, cur unum ferrum alterum a magnete divellat, aut magnes debilius a fortiori. §. 212, & seq. Unde hic pluribus ea declaranda non est.

3. Hæc ita constituta, reliquum est ut videamus, quo spectent. Magnes ille parallelepipedus in secundo, ac tertio experimento adhibitus erat unus ex iis, quibus auctor in V experimento, cujus explicationem supra dedimus, usus erat. At ex illa tanta attractionum, & repulsionum varietate deduximus eorum polos ita esse commixtos, ut eandem versus partem corpuscula diversæ speciei, atque ideo attrahentia simul & repellentia a magnetibus manerent. Quamobrem si hujusmodi magnetis polus polo binomini objiciatur alterius, quousque sejuncti manent, vires attractrices ab expultriciis non parum debilitabuntur. Unde fit majorem esse attractionem magnetum rotundorum primi experimenti, attractione magnetum secundi, ac tertii. Sed cum poli magnetum copulantur, tunc propter plurimarum partium contactum expultrices vires in attractrices possunt converti. Quo mirum videri non debeat, si secundus, ac tertius magnes tanta vi cum illo parallelepipedo conjungitur, quanta primus rotundus cum altero rotundo magnete. Nam ex dictis consequitur fieri posse, ut tenacius etiam conglutinetur.

4. Quod si eadem attractio est secundi, ac tertii magnetis, quam

quam idem parallelepipedus magnēs adhibitū fuisse videatur, ratio oriri potest ex aliqua simili qualitate tertiū magnetis, quam nos subodorare possumus, ille qui magnetem tractavit, detegere potuisset.

ARTICULUS II.

*Referuntur & explicantur experimenta Capitis II. Dissertationis
Musschenbroechii.*

§. 282.

EX primo capite aliud nihil afferimus, propterea quod alia quæ ibi tractantur, fere cum iis congruunt, quæ alibi expendimus, & exposuimus. Quamobrem ad secundum caput progredimur, quod de actione Magnetis in ferrum inscribitur. Ac primo ex tabulis attractionis ferri, ac magnetis apparet ferrum e lance suspensum a subiecto magnete, aut magnetem e lance suspensum a subiecto ferro semper attractum fuisse, ac quo intervalla minora fuerunt, attractionem semper crevisse. Utriusque rationem alibi attulimus §. 203.

Nec iis, quæ ibi statuta sunt, obesse possunt magnetes, qui vicinos habeant polos diversi nominis, a quibus in eandem plagam exeunt corpuscula diversi generis, & in quos pariter ab eadem plaga ingreditantur. Nam cum idem ferrum præsertim crassum diversos ex eadem parte polos acquirere possit § 273 § 274, tam egredientia e duobus polis vicinis magnetis polos ingressus in obversa ferri parte alteram versus, & polos egressus in altera remotiori sibi formarent, quam ingredientia e contrario. Quamobrem tantum abest, ut corpuscula diversorum polorum, qui proximi forent, sibi mutuo obstant, ut potius sibi mutuo prosint & conjunctis viribus tum in attractione ferri, tum in attractione magnetis fortius operentur.

§. 283.

Quod una ex causis, quæ alibi explicatæ sunt, esse potest, cur ex iisdem tabulis majores appareant attractiones ferri, ac magnetis, quam ejusdem magnetis, cum ad alterum admovebatur. Nam propter polorum magnetis constantiam diversi poli vicini sibi impedimento esse possunt. Nam fingamus in primo magnetes duos esse proximos polos M, & B, in altero vero unum tantum M ex altera parte, & ex altera unum B, si M primi objiciatur B secundi, corpuscula a polo M egredientia secundum ad se admovebunt. Sed interea ex primi polo vicino B erumpunt alia corpuscula, quæ cum ingredi nequeant in obversum secundi polum B §. 201. ad alterum polum M contendunt, per eum se insinuant, magnetem pri-

primum versus feruntur, & ideo secundum a primo remouent. Ergo corpusculis attrahentibus poli M primi obfunt. Tunc vero alter alteri polus non officeret, quando quot in uno forent in aliqua parte ejusdem magnetis diuersi nominis proximi poli, tot quoque in obversa alterius existerent. Quod ex constituto systemate plane constat.

Hanc autem causam Musschenbroechius detexit (pag. 44.), sed ut qui nulli systemati addictus est, eam non explicauit. Ceterum attractionis discrimen ab eodem intelliges. *Magnes NO rotundus attrahebat alium vi 340 gran. in puncto contactus; sed in Experimento XVIII. idem magnes rotundus attraxit ferrum vi = 1312 granis, vel in Experimento XIX. attraxit ferrum vi = 1024 gran., & in Experimento XX. attraxit ferrum vi = 574 gran.*

§. 284.

Sed quoniam ex his tribus ferri attractionibus constat magnum discrimen ipsas inter ferri attractiones virtute ejusdem magnetis factas intercedere, progrediendum est ad aliam hujus auctoris, eamque insignem observationem circa hujusmodi rem, scilicet in his attractionibus ferri ad magnetem dari maximum, & minimum, & ferri massam definitam magnitudinis ac formae maxime attrahi a magnete definitae magnitudinis, adeo ut ferri massa major vel minor minus attrahatur, & eo quidem minus, quo vel deficiendo, vel excedendo a certa & rata massa plus abest. Quod evincit pluribus experimentis, quae apud eum videri possunt. Idem observat atque confirmat novissime in altero libro *Essai de Phys.* §. 556. dum optimum docet armandi magnetis modum. Scilicet crurum, pedum, & ferri e pedibus appensi definitam esse crassitiem pro qualitate magnetis armandi, quo magnes maximis viribus instruat, eamque multiplici tentamine esse eruendam; qua si minor detur, aut major, magnes vi minori uti observatur: figuræ quoque rationem habendam esse, quod infra examinabimus. Nunc generatim existimo rationem hujus insignis effecti ab ea proprietate corpusculorum magnetis in primis esse petendam, quam l. i. cap. 3. deteximus, qua dum oblique in magnetis poros ab aere aliisque corporibus transeunt, refringuntur, & ad perpendicularem accedunt: cum vero a ferri poris in aerem transmittunt, a perpendiculari discedunt. Nam si pro qualitate figuræ ferri talis sit ejus crassities, atque ideo triplex extensio, ut per legem refractionis corpuscula eo colligantur, quo maxime ad attractionis negotium utile est, facile hinc intelligitur, non dari ferrum illius figuræ majoris, aut minoris crassitiei, quod æqualiter, nedum fortius a definito magnete trahatur. Cujus exemplum habemus in radiis lucis, qui propterea quod re-

frin-

fringuntur accedendo ad perpendicularem, dum ab aere in vitrum, in aquam, aut in alia liquida transeunt, & contra, si pro qualitate lentis vitreae, quæ ad foramen cubiculi optici ponitur, eo colliguntur; ubi ad maxime distinctam imaginem objecti describendam potissimum opus est, non datur lens vitrea majoris, aut minoris convexitatis, per quam si transierint, distinctiorem imaginem in eadem pagina æqualiter ab oculo distante depingere possint. Idem accidit in vitro oculorum. Opportunissimam autem vitri convexitatem, aut concavitatem definire hac ætate non difficile est; partim quia scimus situm maxime utilem, quo radii colligantur, in cubiculo optico esse adversam foramini paginam, in oculo vero retinam in fundo oculi expansam; partim quia radios solares propter maximam telluris a sole distantiam in eadem terra parallelos esse omnes norunt; partim quod inter sinum anguli incidentiæ, sive inclinationis, & sinum anguli refractionis proportionem Philosophi certis experimentis, & ratione definierunt. At crassitiem atque figuram ferri, quibus sit maxima attractio; ratione conicere nimis arduum opus est; quam ut eam rem suscipere audeam. Nam effluvia magnetica a magnete egrediuntur inclinata, & multifariam lib. 1. cap. ultimo. Proportio autem sinuum adhuc detecta non est, nec facile detegi potest. Nihilominus si quis diligentissime experimentis proportionem indagaverit, quæ inter facilitatem, qua hæc corpuscula ferri poros percurrunt, interque eam, qua aeris & aliorum corporum meatus pervadunt, rem acu tangere posset. Celeritates enim sunt directæ ut facilitates; sinus autem angulorum sunt ut celeritates, ut docet Wolphius *Elem. Mat. tom. 3. Dioptr. §. 36.* Denique nec difficultate caret situm determinare, in quo colligi corpuscula oporteat, eum in finem, ut maxima ferri attractio habeatur. In quo statuendo ego putarem talem ferri crassitiem pro definita figura desiderari, quæ accommodatissima sit, ut circa angulos, in quibus poli potissimum existunt, corpuscula colligantur. Cum enim trahendi vis in polis potissimum sita sit, & in aliis etiam partibus, sed virtute vorticum, qui a polis egressi circa magnetem & ferrum rotantur §. 185. hinc quo major copia corpusculorum eo confluent, majori ferrum virtute trahendi instruetur. Nam in angulis corpuscula sive egrediendo, sive ingrediendo colliguntur etiam ob aliam causam, quam l. 1. cap. 4. fuisse exposuimus. Quare si huiusmodi sit ferri crassities, atque figura, ut plurima corpuscula propter accessum ad perpendicularem in iis præcise conjungantur, vis poli multum augebitur, atque ideo etiam vis attractrix magnetis. Sed aucta vi attractrice augetur etiam vis, qua trahi possit; nam quo plura corpuscula erumpunt ex polo, qui trahit, eo plura egre-

Dr. Magn. T. I.

F f

diu-

diuntur ex alteto, quo ferrum trahitur. Sin autem corpuscula colligantur, aut antequam ad illos angulos perveniant, aut eo ante perveniant, quam colligantur, debiliorem esse polum oportet, quod in utroque eventu ad angulos, in quibus poli aliam ob causam commode fiunt, nimium dispersa perveniunt; ut in radiis lucis contingit, qui non in retina, sed aut citius, aut tardius colliguntur. Ceterum cum ad explicationem optimi modi, quo magnetes armanrur, venerimus, aliqua in hanc eandem sententiam adjiciemus.

§. 185.

Interea pergamus in medium afferre observationes ejusdem Muschenbroechii, quas ex suis experimentis elicit. Is itaque illud etiam ex suis experimentis concludit pag. 45. a valde majori intervallo se attrahere duos magnetes, quam magnetem, & ferrum, itemque magnetem, & versorium antea affricum magneti, quam magnetem, & versorium minime affricum. Nam cum hoc ad 9 pol- l cum distantiam nondum converteretur, illud ad distantiam 4 pedum a magnete rotundo dirigebatur. Simile experimentum memini me attulisse in acu, quæ tabulæ imposita primo non affricta, & postea affricta, polo magnetis objiceretur. Sed facile est horum omnium rationes afferre. Nam cum magnetes se attrahant, quando ii poli objiciuntur, e quorum altero egrediuntur unius generis corpuscula, in alterum vero ingrediuntur, corpuscula egredientia a polo primi magnetis antequam ad alterum perveniant, in vorticem ingredientium ejusdem se insinuant, & ab illo abripiuntur, uti facilius in polum secundi magnetis se intrudant, & magnetem alterum versus impellant. Unde vortex ingrediens alteri quodammodo obviam fit, & manu quasi prehensens in polum objectum inducit, & pertrahit, etiam si fortasse vi, quam a suo polo accepisset, utque eo pervenire non potuisset. Sed in ferro aut non est hujusmodi vortex ingrediens, si nulla sit virtute magnetica imbutum, aut valde debilior est magnetico §. 95. & ad tantum a ferro interval- lum non pertinet. Quare ferrum a magnete trahi debet e multo minori intervallo, quam magnes alter ab altero. Eadem conveniunt in ferrum affricum, si cum nondum affricto comparetur. Præter- quamquod in magnete, & ferro affricto villi ab uno polo ingres- sus alterum versus depressi jam sunt, ut faciliem aliis ingredientibus corpusculis aditum præbeant; contra in ferro nondum affricto poros obstruunt, omnes in partes directi sunt, atque ut unam in partem dirigantur, quemadmodum ad vim magneticam opus est §. 96., non adeo exiguam vim corpusculorum magnetis requirunt. Quo fit ut non quæcumque distantia sufficiat, tamen si alioquin satis fit alteri magneti attrahendo, aut acui pyxididis dirigendæ:

§. 186.

Deinde pag. 49. auctor modum refert, quo Hauskbejus, Nob. Brook, Taylor, & Wisthonius usi sunt in consiciendis tabulis attractionum ferri, & magnetis. Sed cum hi ceteroquin præstantissimi Philosophi non animadvertissent acum magneticam, quo plus ab axe removetur, eo majoribus viribus illuc attrahi, experimenta sumserunt cum acu a magnete ad varia intervalla distant. Quamobrem ex iis nihil certi colligi potest. Nam proportionem omnem turbare debet diversa illa in diversis ab axe distantis magneticæ acus positio, §. 266. & seq., quam primum a me detectam, & experimentis, ac ratione confirmatam credebam. Sed cum ad hunc Muschenbroechii locum perveni, eum mihi saltem in aliquibus prævisse deprehendi. Quæ hominis doctrina cum effluviis systemati, quod ab eo multis, iisque non levibus rationibus refutatum est, multum favere mihi videatur, propterea quod rem sub oculos ponit exemplo cujusdam fluidi, quod corporum genus, ut magnetis effectus explicandis ineptum, ille ab attractionis magneticæ negotio penitus proscripsit: idcirco totum hunc locum hic describam. Verum in hac methode (inquit auctor refellens dictum modum explorandi proportionem attractionum pag. 53.) explorandi vires magneticas difficultas quadam latet. Agitur magnes, aut acus nautica viribus duabus a se distinctis; una attractrice, alia directrice versus quosdam in terra polos: vi directrice acus in hoc experimento quoque dirigetur ad polos. Cum magnes acui opponitur ad diversas distantias, eamque a directione priori deflectit, tum vi sua attractrice agit in vim directricem acus; atque eam deflectit, donec vis directrix in eam obliquam positionem agens æquilibrium inveniat cum vi attractrice magnetis: adeoque non ita detegitur quantitas virium se mutuo attrahentium in Acu, & Magnete, sed longe quid aliud; concipiamus enim acum rotatilem supra pinnam fixam, positam in medio flumine quodam, dirigique juxta ejus cursum; & lateraliter cuspidem acus trahi per funem annexum ripam versus ita, ut funis semper sit perpendicularis ad acum, tum ut inflectatur in angulum, non modo potentia trahens agit in acum, sed in fluvium quoque, & superandam habet vim fluminis in illam incurrentis lateraliter, eamque propellentis recta, juxta sui cursus determinationem; estque fluminis incurrentis vis semper eo major, quo acus fuit flumini plus oppositum accipit; vir trahens, & inflectens acum agit hic igitur in acum, & simul in vim directricem fluminis, & non in acum solum, quatenus est corpus movendum. Eodem modo acus rotatilis magneti afflicta a vi directrice universali versus suos in Terra polos agitur, aq̃ue in hanc, ac in acum Magnes in Experimento vi attractrice agit, haud aliter

ac in superiori exemplo potentia ope intermedii lori traheret acum in flumine: cum hac vi directrice aequilibrium ad varias distantias, & varias obliquas positiones Magnes agit: unde ex his experimentis non potest concludi, quanta vi attrahuntur per solam vim attracticem duo magnetes ad se, vel Magnes ad acum ferrumque. Hactenus Musschenbroechius. Ex his autem concludi potest vires directrices polorum telluris, atque ideo attractrices, unde illæ pendent, in corporeo fluido inesse, quod uti vires alterius fluidi se exerunt, si quidpiam momenti est in illa ratione Musschenbroechii, qua vires magnetum non esse corporeas concludebat, quod alio, ac corpora, modo operantur §. 214.

§. 287.

Missis igitur horum tabulis Philosophorum, veniamus ad rationem, quam suis Musschenbroechius concludit. Concludit autem vires attractrices in ferro, ac in magnete pag. 46. esse fere in ratione inversa distantiarum, a qua proportionem tamen, ipso fatente, abludunt attractiones in minoribus, & in majoribus factæ distantiiis. Ex quo etiam conjicit pag. 48. vires magnetum se invicem trahentes, ac repellentes esse in eadem ratione, id autem experimentis non confici, quod se mutuo turbant attractiones simul, & repulsiones, quæ eodem tempore fiunt. Et quoniam auctor putat fluidum quodcumque accommodatum non esse perficiendæ attractioni in ea proportionem, quam magnetica phænomena ostendunt: videamus an definitam utcumque proportionem inversam distantiarum mechanice per effluvia explicare possimus. Ponamus primo ea, quæ magnetes emittunt, haud comprimi posse. Quod sine exemplo non assumitur: nam etiam fluida crassiora, uti aqua, exhantelato aere, a prementibus corporibus in angustius spatium non rediguntur. Quod si Musschenbroechius urgeat id assumi pro libito, non ostendi, homini in antecessum dico me hic non affirmare rem ita esse, sed solum ita esse posse, itaque explicari, quod satis est ad coarguendam illam ejus sententiam, corpore fluido non posse magnetica phænomena, & attractionum proportionem exponi. Præterquamquod neque certa est, ipso fatente, definita ab illo proportio. Sinat igitur in probatione rei dubiæ dubiis uti argumentis, ac tunc solum ex adverso oriatur, si quæ non cohærentia, aut certis legibus motuum contraria asciscantur.

Sed pergo exponere meam sententiam. Si igitur fluidum magneticum comprimi non potest, vi centripeta ejusdem fiet quidem, ut a magnete non diffugiat, & circa illum rotetur accedente vi centrifuga; sed non fiet, ut in partibus centro propioribus compressum magis reperiatur; ut in fluido gravi compressionis non

capaci accideret, si circa gravium centrum collocaretur. Si res igitur ita foret, in sphaera magneticorum effluviorum omnes partes æque densas haberemus.

2. Massa expensa celeritatem consideremus, seu vim centrifugam inde profectam, qua ferrum ad magnetem propelli statuimus. Si vortex circa magnetem motu circulari rotaretur, eademque in omnibus distantis velocitatem haberet, res omnino confecta foret; nam vires centrifugæ corporum ejusdem massæ, quæ in diversis peripheriis moveantur, sunt in ratione distantiarum inversa. Vortex autem magneticus eandem ubique densitatem, sive massam habere positus est. Ergo in ferrum datæ massæ ad quamcumque distantiam constitutum eadem ingreditur, & ideo trahet massam magnetici corporis. Quocirca vires centrifugæ, quibus illud ferrum trahitur, atque ideo attractiones forent in ratione distantiarum inversa. Sed non ita facile est imaginari, qui fieri possit, ut corpuscula a magnete, & ab ipsius polis, a quibus attrahuntur, magis distantia, eadem, qua corpuscula viciniora, celeritate rotenentur. Verum proportio inversa distantiarum tantum ab ipsis Musschenbroechii tabulis abludit, ut eodem fere jure concludi possit frustra ferrea ad magnetem abripi in inversa ratione quadratorum distantiarum. Nam sæpe numeri tabularum ad hanc rationem accedunt. Hæc autem ratio accedit ad id, quod postulant vires centrifugæ vorticum in æquilibrio constitutorum; ut in *Lectionibus Physicis* ostendit *lect. 4. prop. 16.* Molierius. Verum experimenta aliis, atque aliis magnetibus sumta ita varia sunt, ut nihil ratum inde elici queat. Ipse Musschenbroechius in novo opere §. 547. aliam obtrine inter duos magnetes deprehendit, scilicet eam ut vires attractrices sint in ratione quadrupla inversa spatiorum vacuorum, quæ inter sphaeras intercipiuntur. Hanc proportionem tenere, si globi ferrei sint æquales magnetico, pluribus hisque accuratis experimentis probavit Cl. Gellertus tom. XII. *Comm. Acad. Petrop.* in disquisitione, quæ inscribitur *De viribus attractionis Magnetica Experimenta*, non vero si globi ferrei sint magnetico majores, aut minores. Nonnulli auctores in minoribus distantis minorem rationem inversa distantiarum, in majoribus majorem inversa duplicata deprehenderunt. Quod fortasse oriri potest etiam ex eo, quod in majoribus intervallis corpuscula, quæ minus a magnete attrahuntur, a corpusculis terrestris magnetici vortices facilius abripi possunt. Quo eorum vis magnetem versus valde imminui debet. Unde etiam concluditur quam difficile sit constantem proportionem asserre, & quam a ratione alienum putare ex tam variis incertisque experimentis aliquid effici posse contra sic ex omni parte communis systema effluviorum magnetis. §. 288.

Descriptis, atque expensis tabulis attractionum, ad narrationem progreditur auctor aliorum experimentorum, quibus summopere nititur evertere systema magnetici fluidi. Ut nunc omittam experimentum 24, & 25, unde magni momenti argumentum infra resutandum contra illud systema concludit, ad experimentum 26 pag. 66. refert cylindros ferreos, aut virgas ad exactissimam lancem expensas, tum antequam magneti affricarentur, tum posteaquam affricæ fuerunt, semper ejusdem ponderis a se fuisse deprehenfas. Unde hæc infert. *Dentur igitur effluvia magnetica ex hypothesi; hac suum pondus habebunt, quemadmodum omnia alia corpora hætenus nota gravitate donantur: effluant ex Magnete, ingradientur ferrum, hujus pondus tantillum necessario augetur, manente ferri eodem volumine; sed nec incrementum, nec decrementum ullum ponderis observatur; quo igitur jure effluvia corporea hic adesse dicuntur?*

2. Quo satisfaciam objectæ difficultati, non produco exempla effluviolum lucis, aut eorum, quæ in sensum narium incurrunt, & efficacissimam ex meo systemate repeto solutionem, quæ ita se habet. Terrestrium gravitas corporum a mutua ipsorum proficiscitur attractione, ut pluribus docui tom. II. *Phy. Gen.* §. 502. Quamobrem illa corpora gravia non erunt, quæ se invicem non allicient. Magnetica vero effluvia nec trahunt, nec attrahuntur ab aliis terræ corporibus præterquam a magnete & a ferro, & ab iis aliis, in quibus ferri particule dominantur. §. 50. & seq. Ergo magnetica effluvia esse non possunt gravia, nec ideo ferri gravitatem augere. Nec ob stare potest, quod auctor observat omnia corpora alia nobis nota suo pondere esse donata. Cum enim ex altera parte videamus cetera corpora a crassioribus impediri, ne eadem, atque per aerem, facilitate transmittant, id quod oritur a vi in interiori substantia repellente, in quam degenerat vis in distantia attractrix tom. I. *Phy. Gen.* §. 201. ex altera vero nullum prorsus impedimentum ab aliis terræ corporibus præterquam a magnete & ferro iisdem effluviis obijci certis experimentis teneamus: a ratione alienum non est iis omnibus corporibus, in quibus est attractio & ideo gravitatis origo, gravitatem tribuere, effluviis magneticis, quæ illius esse expertia docent experimenta, negare.

3. Majus negotium mihi facessere potest contraria sententia Wilsoni, qui ut est apud Musschenbroechium citato loco, ex suis experimentis ferrum ex affricu ad magnetem fieri levius ostendit. Quod nobis adversatur, qui eadem effluvia tum gravitatis, tum levitatis expertia putamus. Cui difficultati ut faciam satis, do experimenta, quæ in dubium vocat Musschenbroechius, & sic rationem

con-

concludo. Vis qua borealis polus deprimitur in hisce regionibus, undecumque hæc priatur, tanta est, ut acus, si antequam magneti affricentur, stylo horizontali e centro gravitatis appensæ, in æquilibrio sunt, magneti deinceps affricæ extremo boreali deorsum inclinentur, & cum horizontali plano angulum quandoque 70 graduum faciant. Cur igitur vis tam sensibilis a polo boreali telluris subter lancem posito profecta, & borealem acus, aut cujuscumque alterius ferri, quod lanci impositum horizontalem habeat situm, deorsum trahens, momentum aliquod in sensum cadens non addet? Nonne magnes infra lancem collocatus & extrema ferri deorsum trahens illius gravitatem plus aut minus auget?

4. Sed mihi plura hac in re distinguenda esse videntur. Vel enim attendimus ad vim, qua corpora magnetica imbuta virtute deorsum a terrestri magnete trahuntur, vel ad vim, qua ad telluris polos diriguntur atque inclinantur. Si ad primam, nego illam esse idoneam ad gravitatem ita augendam, ut discrimen gravitatis inter ferrum virtute electrica imbutum, interque illud, quod eadem caret, sub sensu cadere possit. Idque duas ob causas, quarum altera in eo posita est, quod vis terrestris magnetici nuclei in tanta superficiei telluris ab eodem distantia nimis exigua est, quam ut augmentum pressionis illa genitum crassioribus nostris libris deprehendi queat; altera vero, quod in hisce regionibus valde a polis distantibus utrumque acus ex. g. extremum per lineas tam parum inclinatæ deorsum trahitur, ut inde momentum valde exiguum & sensus effugiens terrestri accedat gravitati. Contraquam contingat in particularibus magnetibus, qui si ferro in parva distantia subjiciantur, non leve momentum gravitati addunt, tum quia vis ipsorum ibi magna est, tum quia cum gravitatis directione valde congruit.

5. Sin autem animum advertimus ad vires directionis & inclinationis, eas esse hujusmodi, ut in sensum incurrant, nemo negaverit. Nam quod attinet ad directionem, res manifesta fit ex iis experimentis, quibus §. 266. & seq. confecimus acum nauticam eo plus, quo longius a magnetico distat meridiano, resistere alteri vi particularium, quam esse valde sensilem & cum gravitate comparandam omnes norunt. Similiter vim inclinatoriam exiguum quidem esse, sed sub sensu cadentem Musschenbroechius elicuit ex hoc alio experimento Wiltthoni. *Acus quatuor pedum, que Londini 75 gradibus 10 minutis inclinabat, erat ponderis 4012, 3 : 8 granorum; hac in æquilibrio sive horizontalem situm redibat, appenso 1, 1 : 8 grano; idemque eruit ex aliis a se institutis.* Qua vero de causa in sensum incurrant hæ duæ vires, non autem attractio, unde eas oriri jam docuimus §. 216. non difficulter erui posse crederem ex vectis na-

natura, in quo distantiam a puncto fixo mirifice augere vires notius est omnibus, quam ut hic explicari debeat. Nam cum unum extremum magneticæ acus deorsum a polo boreali & versus septentrionem, alterum sursum a meridionali & versus meridiem trahantur ac dirigantur, quis augmentum virium in distantia extremorum a puncto fixo non videt? Et revera quod attinet ad directionis vim, jam supra docuimus eam esse obnoxiam aliis vectium legibus, quæ volunt eo vim esse majorem, quo ad angulum ad rectum propius accedentem cum brachiis concurrunt.

6. His positis videamus qua ratione sumsit experimenta Wisthonus; is præsentæ Hauksbejo virgam 4 pedes longam ponderis 4015, 3:8 granorum, antequam affricaret, post applicationem ad magnetem in altera mobilissimæ libræ lance posuit, & 2 granis decrevisse animadvertit, in alia vero granorum 4584, 1:8 pondus duobus granis cum 5:8 multarum fuisse, in tertia 14792, 1:1 duobus cum 1:2, in quarta denique 65726 granorum ipsis 14 granis observavit. Nec aliter esse debere ex dictis consequi videtur. Cum enim virga in horizontali lance posita situm habeat diversum ab eo, quem vis inclinatoria terrestris magnetis in hisce regionibus desiderat, ab eadem extremum australe a polo australi sursum trahi debuit, & hoc pacto vis gravitatis aliquantum diminui. At enim si extremum australe virgæ a polo meridionali telluris sursum impellitur, tantumdem boreale ejusdem a polo boreali telluris deorsum impelli opus est. Ergo hæc vis nec augere, nec minuere potest gravitatem. Verum ex Mechanicæ legibus perspicuum eruo hujus ad speciem gravissimæ difficultatis solutionem. Si virgæ in lance positæ alterum extremum deorsum manu premo, hic non se exserit nisi vis absoluta a me exercita, nec sentitur nisi absolutum ipsius momentum; eo quod, omnibus virgæ punctis cum lance cohererentibus, nulla est a puncto fixo distantia, quæ vim absolutam augere possit; at si alterum extremum sursum traho, pondus virgæ plus minuitur, quam vis postulat absoluta, & quidem dimidiata sui parte, si talem adhibeo vim, ut unum extremum prorsus elevem, altero tantum cum plano coherente. Id quod ex communibus Mechanicæ principiis compertum sit. Quibus positis plane constat vis poli borealis, quæ virgæ extremum boreale deorsum trahit, id solum in virgam & in lancem subjectam se exserere debere, quod ipsi absolute consideratæ convenit; vis autem poli meridionalis, quæ virgæ extremum australe sursum impellit, momentum ob id ipsum augeri debere, quia se explicat in illud virgæ punctum, quod distat a fixo, circa quod conversio, sive conatus ad conversionem fieri debet. Jam ve-

ro absoluta vis polorum telluris minor est, quam ut parte sub sensus cadente gravitatem possit augere, vis autem relativa & adminiculo distantiae a puncto fixo incrementum accipiens id præstare potest. Ergo consequens est vi poli borealis gravitatem virgæ in lance horizontali positæ auctum non iri, vi autem meridionalis eam iri imminutum.

7. Quamobrem fides abroganda non est experimentis Wisthoni, quæ ob summam diligentiam in iis instituendis adhibitam nec ipse Musschenbroechius audet falsitatis arguere. Quod si in hujus experimentis res alio modo se habuit, crederem id originem ducere ex ratione, quam in examinandis virgis homo usurpavit. Non enim is posuit virgas in altera lance, ut situm horizontalem tenerent, sed ex filo æneo suspendit (pag. 68.), in qua positura dum unum extremum ab uno polo telluris elevatur, alterum non offendit fixum aliquod punctum, cujus ope ipsa per se nimis exigua polorum vis ita augeatur, ut effectum in sensus incurrentem generare possit.

8. Ceterum utcumque hæc se habeant, nulla est hinc elicita a Musschenbroechio difficultas contra profluvium magneticum. Nam ob allatam initio causam hæc effluvia ipsa per se nec gravia, nec levia sunt; sed ferrum gravius, aut levius facere possunt ob id unum, quod illud aut sursum, aut deorsum trahunt. Quod si mordicus velit omnia corpora esse gravitate donata, non tamen idcirco causam obtinebit, cum ob exempla similia, quæ supra indicavimus, tum vero ob hanc rationem, quod jam vidimus §. 211. n. 8. & alibi discrimen inter inter ferrum non affricum ad magnetem, & aliud affricum non esse positum in eo, quod primum magneticis careat effluviis, hoc autem præditum sit, sed in hoc altero, quod etsi utrumque habeat vires, quibus trahit effluvia terrestres magnetis, tamen circa primum non est illa ordinata & constans conversio, a qua vires pendent attractrices & expultrices bene vero circa secundum. Ex quo multo luculentius eruitur ipsa per se magnetica effluvia causam esse non posse differentiae, quæ sub sensus cadat, gravitatis inter ferrum utrumque.

§. 289.

Manet igitur ex his experimentis nihil certi adversus effluviolorum systema concludi. Nec majorem vim habent experimenta 27, & 28 pag. 69., quæ eodem collineant. Nam quod versorio in capsula incluso, & magnete ad aliquod intervallum e regione collocato vehementissimus in intercepto loco excitatus artificialis aut ventus, aut ignis non ita cursum effluviolorum perturbent, ut inde mutatio aliqua in attractione versorii conspiciatur, systema effluviolorum mi-

De Magn. T. I.

g

ni-

nime evertit. Vis enim hujus argumenti, & aliorum omnium similitum in eo posita est, quod vires magneticæ eo modo se exerunt, cujus nullum in corporibus exemplum habemus, quique valde alius sit, atque ille, quo omnia alia corpuscula operantur. In eo totus est hic auctor, hoc semper urget, hoc uno se causam obtenturum existimat. Verum huic difficultati jam satisfeci §. 214. & paulo ante rationem attuli, cur singularis & magnetis proprius sit modus, quo suam illius effluvia virtutem explicent.

ARTICULUS III.

Continuatio argumenti de experimentis Musschenbroechii circa ferri & magnetis attractiones.

§. 290.

EXpositis experimentis, quæ systemati effluviolorum contraria sunt, transit auctor ad XXIX. pag. 72. quod a magnetis, & ferri attractione vires universales attractrices Nevvtoni profligare fateatur hic auctor, & optime ostendit. Est autem celeberrimum illud magnetis, qui si aliquot horarum spatio candescat, & inde refrigerit, vim attractricem amittit. In eo tamen dissentit ab aliis, qui idem experimentum fecerunt, quod alii crediderint vim omnem attractricem interire. Is autem id negat, & arbitratur erroris causam fuisse, quod illi magnetem ad scobem tantum ferream, cujus nullam attrahi partem viderunt, admoverint, non autem ad magneticam acum, ad quam si applicuissent, virtutem aliquam superstitem deprehendissent. *Nam magnes a nobis examinatus (inquit) ad intervallum dimidii digiti a versorio 6 pollices longo, mobilissimoque manifesta superstitum virium edidit signa id movendo, ad se adducendo, repellendoque.* Verum in hoc experimento alia ab homine notata fuisse cuperem, ut certius aliquid inde inferri posset. Nam quod attinet ad attractionem, si magnes dimidium digitum ad versorium admotum attraxit extremum vicinum, non quidem statim, sed post aliquod tempus, id argumento est nullas superfuisse vires attractrices, sed tantum aliquam pororum dispositionem, qua vim attractricem aliquam ab illo extremo versorii, in nostra scilicet sententia vorticem corpusculorum mutuari potuit. Nam etiam ferrea frustra omnis vis experta, immo & illa, quæ aliqua vi expultrice imbuta sunt, si ad versorii extremum aliquod prope admoveantur, eam vim attractricem parvo tempore acquirunt §. 274. Sin autem statim, ut inter admotionem, & accessum versorii nullum tempus interponi videretur, argumentum inde ductum suam vim habet. Quamobrem id notandum erat, siquid cer-

vi

ri concludi volebat. Quæ distinctio temporis in repulsione quoque attendenda est: nam si continuo magnes repulit extremum vicinum acus, id argumento est etiam ante admotionem fuisse vorticem, & corpuscula, quæ dictum acus polum repellerent. Quod si tempus aliquod in sensus cadens intercessit, id indicio est non fuisse vorticem aliquem, sed tantum poros qui vortici & effluviis ab extremo vicino acus recipiendis forent accommodati. Neque dixeris quæ ferrea frustra vim tantum ab acu nostris in experimentis §. 274. n. 2. recipiunt, ea solam attractricem vim mutuari. Nam discrimen est inter ferrum, interque magnetem, qui postquam ignitus fuerit, refrigerit. Siquidem ferrum cum molles habeat villas, & in omnem partem versatiles, cursum corpusculorum acus deturbare non potest. Quamobrem quæ ab acus extremo vicino egrediuntur, in extremum vicinum ferri se insinuant, & alterum versus ferri extremum contendunt; quæ vero ingrediuntur, per ferri superficiem se intrudunt, & extremum ferri acui proximum petunt, ab eoque egrediuntur, atque ideo acum attrahunt, non repellunt, quod repulsio perficitur illo genere corpusculorum, quæ ab eodem polo acus evadant §. 201. At in magnete refrigerato villi duriores sunt, atque in omnem partem versari haud facile possunt. Quamobrem si illa pars magnetis, quæ ante ignitionem extremum M acus repellat, eidem obiciatur, corpuscula, quæ ex polo M erumpunt, per illam ingredi nequeunt, sed solum egredi; quæ vero ingrediuntur in polum M, per eam solum ingredi, non autem egredi possunt. Quare in illa formabitur polus egressus eorumdem corpusculorum, quæ ab M egrediuntur, atque ideo polus repellens M. Sed hæc infra magis declarabuntur.

2. Interim patet vi ignis virtutem attractricem magnetis saltem valde debilitari. Ad quod phænomenon ante præstat audire, quæ habet Musschenbroechius, quam ejus rationem explicemus (pag. 73.) *Attamen restat hic aliquid obscurissimum, quidnam nempe sit illud in lapide, in quo vives sedent? Et quomodo id ab igne agitur mutaturve, ut ex agenti fiat iners? hic mentis acies hebescit, hoc solo autem intellectu omnis magnetum effectus, & operationes cognoscuntur. Si id corporeum sit, & ex magnete exeat, quando operatur, darentur effluvia, a quorum affluxu, aut refluxu omnia phænomena orirentur. Verum superius monuimus, quibusnam effluviis doctrina difficultatibus urgeatur, adeunt hoc statui nequeat. Si corporeum sit, & ex Magnete non exeat, quomodo tunc corpora ad multorum pedum intervallum agitabit, movebit, ad se alliciet? Neque hoc animus ullo modo comprehendit. Verum an non est stabilita lex Natura, atque a Creatore impressa omnibus corporibus, ut possitis his sibi propinquis,*

vel ad aliquod intervallum se attrahant, ad se accedant, & cohareant, quamvis nihil extrinsecus pellat, nihilque in intermedio spatio sit, quod ea attrahat, an posita hac lege magnes non accedet ad magnetem, aut ad ferrum omnesque ejus operationes inde fluent? Quamvis hujusmodi legem a Creatore latam esse concessero, non tamen vi ejus fluent, aut ex ea explicari poterunt phænomena, quæ Magnes conspicienda præbet. Quippe siue igni commissus fuerit, siue ex fodina modo ante erutus sub eodem volumine manente ejus eadem massa corporea, eadem quoque vires attrahentes obtinerent: in Natura legem ignis non egit, nec eam immutare, nec destruere potuit. Ignis tamen potissimum virtutis ex Magnete fugavit. Verum pluribus obnoxia est hæc sententia difficultatibus: constantis enim est observationis, Magnetem fortiter malleo percussum, ita ut omnes contremuerint partes, aut in pulverem contritum, rubigine obductum, aeri humido diu expositum, situ inverso in Meridiano suo jacentem, prope alium fortioribus viribus donatum, virtute orbati, infringi, debilitari. In omnibus his occasionibus lapidis manet eadem substantia, eadem magnitudo, adeoque vi legis innata non minorem attractionem exerceret. Nec tempestatis, aerisque vicissitudines minimam viribus discrepantiam afferrent, quemadmodum tamen contingere annotavit doctissimus Derrhamus in *Philos. Trans. N.º 303*. Egregius enim ille magnes, qui penes Regiam servatur Societatem Londinensem, aliquando ferrum suspendit, ut alteri adhæreat, ad intervallum 8, 9, 10 ped.; aliquando id sustinet in distantia trium, vel 4 pedum. Legi natura tempestates mutationem afferre nemo facile dixerit. Quamobrem hanc non esse causam Magnetis effectuum liquido patet. Postremo negat se in tanta rerum difficultate ullam afferre posse.

3. Integrum hunc locum afferre volui, ut intelligatur primum in attractione magnetica attractioni universali Nevvtoni locum non esse, idque constare rationibus, & experimentis, quæ ab insigni Philosopho Nevvtono additissimo proposita sunt; deinde contemnendum non esse nostrum systema, in quo perspicuam rationem proferre possumus experimentorum tam difficilium, ut summum in physicis virum causas indagantem in desperationem adduxerint, & simul tantæ utilitatis, ut uno eorum solo intellecto omnia magnetis effecta, & operationes iri cognitum idem vir fuerit arbitratus. Nam si memoria tenemus quæ de ferro, quod virtutem attractricem ignitione amiserit, edisseruimus, liquebit etiam causa, cur magnes quoque eandem amittat. Siquidem etiam in magnete sunt oleosæ particulæ, uti alias ostendimus, & experimentis vincit etiam Musschenbroechius (*Essai de Phys. tom. 1. cap. 10.*) Illæ tamen flexiles non sunt, ut in ferro, quia in unum sulphuris cor-

corpus cum spiritibus acidis concreverunt; quamquam in eo similes sint, ut ab uno ad alterum polum directæ ac depressæ magneticis corpusculis aut tantum ingressum, aut tantum egressum ex uno polo permittant §. 126. Magnes ita comparatus vehementissimo igne candescat. Quid inde fiet? Particulæ igneæ celerrimo motu quoquoeversum percitæ, & se per reconditores magnetis poros intrudentes dissolvent materiem sulphuream pororum parietibus adhærentem, ejus partes quoquoeversum percellent, & ordinem villorum qui ab altero ad alterum polum directi sunt, perturbabunt, in quo ordine posita est attractionis magneticæ causa. Nam si aut e nulla parte ferri & magnetis porissimum solum egrediantur corpuscula, aut in nullam solum ingrediantur, sed indiscriminatum in quodcumque magnetis punctum alia ingrediantur, alia vero egrediantur, eaque corpuscula præter propter æqualia sint, ferrum ad magnetem non abripietur; quia quantum ab uno genere corpusculorum magnetem versus propelleretur, tantum ab alio in contrarias partes tendentium repelleretur §. 211. n. 8. Hinc est, ut cum de ferri ad æquatorem magnetis positi attractione disputavimus, non a corpusculis, quæ ab æquatore, aut a partibus vicinis erumperent, aut eo ingrederentur, causam petierimus, quod inde corpuscula indiscriminatum evadunt, & illo egrediuntur §. 228. & seq. sed a vortice, quo multæ simul particulæ ab uno ad polum alterum tendunt, & ab ejus centrifuga vi sursum directæ §. 185. & seq. Ecce revera ob similem causam lignum in summa aqua stagnante a vortice corpusculorum aquæ in gyrum non abripitur, quia cum illa in omnes partes, & alia in alias tendant, sibi invicem obstant, & lignum in nullam partem movere possunt §. 180. Movebunt autem, si plures particulæ bacillo circumductæ in unum vorticem torquebuntur. Atqui villi oleosæ sulphureæque materiæ ii sunt, qui si ab una magnetis parte alteram versus directi, depressique sunt, corpuscula per unam tantum potissimum ingredi partem egressi §. 185. 186. & seq. atque ita circa magnetem ab uno ad alterum polum omnia simul rotare compellunt l. 1. cap. 4. Ergo si igne vehementi, cujus motus est quoquoeversum, villi omnes in partes indiscriminatum propellantur, etiam corpuscula magnetis indiscriminatum ex omnibus æque partibus effluent, & in omnes se intrudent. Quare tunc trahendo ferro fieri inepta. Quia tamen fieri potest, ut ignis non omnino hanc turbæ dispositionem villorum, atque propterea corpusculorum cursum, hinc fieri potest, ut secundum experimentum Musschenbroechii virtutem omnem magnes non exuat. Nisi forte ita experimentum succedat, uti nos observavimus. Tunc enim dicere licet villos ab eo
fitu,

situ, quem habebant, deturbatos, ad eundem facilius redire posse, quam ad contrarium: quamobrem si extremo M acus obijciatur ea magnetis pars, quæ antea repellebat M, facilius est corpuscula egredientia ab M ingredi per aliquos poros, qui adhuc aperti manent in aliqua parte remotiori magnetis, atque ad partem obversam se conferre, pristinum situm aliquibus villis restituere & ex eadem parte magnetis effluere. Quæ cum eadem sint, ac illa, quæ a proximo polo M erumpunt, polum M a magnete repellere debent. §. 202.

4. Nec minus facile est rationem asserre aliorum experimentorum, quæ dicto loco Musschenbroechius in unum congerit. Missis iis, de quibus alibi disseruimus, venio ad illud virium magnetis, quæ subinde mutantur, de quo non solum Derrhamus, verum alii etiam plures testantur. Quos inter Cl. Fayus caussani illius mutationis producere difficillimum esse fateatur. Verum ex iis, quæ modo dicta sunt, & ex aliis jamdudum propositis sua veluti sponte consequitur. Ac primo ex superioribus colligitur, cur apud Musschenbroechium in experimento. 3. cap. 1. saltem ab intervallo 11 pollicum Rhenol. ad contactum usque vires attractrices magnetum superarent semetipsas in experimento 2, in quo iidem magnetes, eodemque modo adhibiti fuerant. Quia scilicet tertium hyeme factum est die 24. Decemb. an. 1725., secundum autem factum fuerat æstate die 11. mensis Julii ejusdem anni. At major æstatis calor, sive ignearum copia particularum se in poros magnetis intrudens propter rationem supra allatam vim attractricem magnetis imminuere debet. Nisi hyeme aliis de caussis eadem imminuta fuerint. Nam acidorum particulae alio tempore plus dominantur, & ultro citroque feruntur, alio minus: fac igitur paulo ante, quam sumatur experimentum, eas se in magnetis poros insinuasse; quod propter majorem pororum tum temporis dilatationem facilius fieri poterit in maximis æstatis caloribus, quam in summo frigore brumæ. Profecto plus, vel minus pro majori, vel minori copia acidorum vis attractrix imminuta fuerit necesse est. Nam sicuti spiritus acidi ferri poros subeuntes aut omnino tollunt, aut saltem imminuunt ferri virtutem, qua trahi potest, eo quod illi spiritus a particulis oleosis, quicum conjungi amant, comprehensi poros obstruunt, villis quaquaversum dispergunt §. 70. & seq. cursumque effluviourum magnetis perturbant; ita etiam hic res eodem modo se habet, & his spiritibus acidis virtuti magneticæ officitur: nisi quod ferro facile vis omnis eripitur, non autem magneti. Cujus rationem dum inquirō, magis perspicuum fiet, cur acidi spiritus virtuti magneticæ ferri impedimento sint. Acidorum spirituum motus
in

in omnes partes est, ut per se constat, & concluditur ex iis experimentis, quibus globos metallicos excavatos, aqua intus plenos, si nive sale commixta cooperiantur, aut dissilire, aut dilatari Academici florentini experti sunt. Quamobrem dum in ferri & magnetis se intrudunt meatus, & cum particulis oleosis conjunguntur, eas a recto situ, & dispositione, qua ab uno polo alterum versus diriguntur, ac depressæ sunt, deturbant, & pro natura sui metus morus quoquoersum indiscriminatim impellunt ac dirigunt. Ergo sicuti hac de causa magneticae virtuti corpuscula ignis obsunt, ita etiam spiritus acidi obesse debent.

5. Illud tamen discrimen erit, quod experimenta docent. Scilicet ferrum quod ignitione virtutem attractricem amiserit, refrigeratum facile acquirit, & ab alio magnete adhuc valide trahi potest; non autem ferrum, quod propter acidum spiritum illius jacturam fecerit. Contra magnes ignitione eam facile magna amittit ex parte, nec facile recuperare potest; acidi autem spiritus, qui per aerem volitant, non ita facile illam, ut in ferro, destrui possunt. Quorum omnium rationem dabimus. Acidi spiritus dum oleosas particulas quoquoersum dissipant, duriores etiam faciunt, quod cum iis in unum sulphuris corpus concrescunt §. 92. 116. Quamobrem ab effluviis magnetis non ita facile denuo ab uno ad alterum polum dirigi queunt, ut virtuti magneticae necessarium est, num. 3. nisi accedat ignis, qui alias illius sulphuris partes solvat, alias a ferri meatibus extrahat. At in ferro solus ignis eas solidiores efficere nequit. Quare donec ignis in ferro dominatus fuerit, non est in ferro vis attractrix, & valde imminuta est virtus, qua trahi potest, ut infra videbimus; sed abeunte igne, cujus particulae, nisi aliae perpetuo summittantur, facile avolant, denuo a corpusculis magnetis molles particulae possunt ab uno ad alterum polum inflecti atque deprimi; quo ferrum suas vires recuperat. In magnete autem, cujus villi solidiores sunt, postquam ab igne emolliti, & quoquoersum dissipati fuerint, igne denuo refrigerescunt, & uti cera, ad priorem soliditatem revertuntur, non vero ad pristinum situm; quia ut ad soliditatem revertantur, ratio in eorum natura est; ut vero ad situm, nulla. Quamobrem ab alio magnete suam virtutem attractricem difficulter recuperabit. Ab hac autem villorum magnetis duritie oritur causa, cur vehementior, & diuturnior ignis necessarius sit virtuti magnetis destruendae, quam virtuti ferri. Tandem cum in magnete pauciores sint oleosae particulae, & ex iis quae restant, plurimae cum acidis jam fuerint copulae, solidioresque factae, acidi spiritus cum villis magnetis §. 90. minus facile, quam cum villis ferri, concrescunt, atque ideo magis

gis difficiliter virtutem magnetis dissipabunt.

6. Quo loco me continere non possum, quominus Musschenbroechium, aliosque Nevvtonianos compellam his verbis; fieri ne potest, ut hoc systema effluviourum, villorumque magnetis, ac ferri tam mire cum tot minutissimis magneticorum corporum effectis cohæreat, quia tamen ab his effluviis ea proficiantur? Profecto si res ita se habeat, tanta in minutissimis quibusque rebus cohærentia aut casu intercessisset, aut Dei consilio, qui voluerit attractiones magnetis, ac ferri ita perfici, perinde ac si a corpusculis orirentur, tamen si nullum a magnete erumperet, aut a ferro. Alterum absurdum est, nisi cum Epicureis velitis casum esse sapientissimum Artificem. Alterum autem a Philosopho, qui continuo ad causam primam sine magna ratione confugere non debet, asserendum non est, nisi vere eas attractiones corpusculis fieri non posse demonstraret. Quod sane nec tunc Musschenbroechii præstitit, ut ex facili solutione plurium tuarum difficultatum jam data liquet; & ex aliarum danda infra liquebit. Quamobrem siquid apud te valet, uti valere debet, maxima systematis effluviourum cum magnetis effectis cohærentia, iisdem effluviis vim causæ in hujuscemodi attractionibus negare non potes.

S. 291.

Verum ut ad alia experimenta in adducto loco Musschenbroechii citata pergam, ajo impulsioni partium villosarum quoquoersum, quæ aut forti percussione mallei supra magnetem, aut spiritibus acidis, qui in magnetem aeri humido expositum, ut ex rubigine colligitur, ingrediuntur, tribuendam esse amissionem, aut diminutionem vis attractricis. Quod attinet ad magnetem in pulverem contritum, veram attingit rationem Lemeryus in Actis Academiæ, dum illud oriri affirmavit ex eo, quod particulae illæ continuatæ non sunt, sed poros habent interceptos aere plenos. Quo fit ut materia fluida non circa totam massam pulveris, sed circa quodlibet minimum granum rotetur, atque ideo nullam fere virtutem attractricem habeat. Sed aliud aliquid huic rationi addendum esse ostendent duo experimenta, & ratio afferenda. Pulvis ferreus intra vacuum cylindrum coniectus, atque compressus talem a magnetis virtutem acquirat, qua & ipsum alia instrumenta ferrea deinceps attrahere queat. At si supra paginam effundatur, & inde rursus intra cylindrum comprimatur, non tamen virtutem retinet attractricem, sed aliam tantum acquirere potest, si magnetis polus rursus applicetur. Quorum ratio hæc est. Cum pulvis ille virtutem accepit a polo quoddam magnetis objecto, particulae pulveris in villos conjunguntur ab una ad alteram partem directos, se invicem suis

suis extremis contingentes, quorum partes omnes obversæ polum habent ingressus corpusculorum, quæ ab illo erumpunt, aliæ aversæ polum egressus §. 277. Quamobrem corpuscula ab uno in alium villum pulveris transcuntia omnia ad alteram pulveris extremitatem contendunt, & ex ea postquam in aerem evaserunt, propter attractionem pulverem versus, & polum ingressus in postica parte ad posteriora recurrunt (l. 1. cap. 4.) At pulvere supra tabulam diffuso, & iterum in cylindrum coniecto, & compresso, turbatur ordo particularum, villi, & fila dissolvuntur, ibid. n. 9. & quæ puncta granorum erant polus egressus corpusculorum, non cum punctis aliorum, quæ sunt polus ingressus, ut antea, sed aut cum punctis pariter egressus, aut cum aliis, prout casus fert, connectuntur. Ita fit, ut vires sibi mutuo obstant; tantum abest, ut in unum conspirent. Res pariter succedit in magnetis comminutione. Fieri nequaquam potest, ut omnes particulae comminutæ eundem, ac antea, situm habeant. Unde licet comprimantur, & quantum fieri potest, aerem excludant, ac se contingant, tamen vim attracticem, ut prius, non habebunt, quod poli egressus aliquarum particularum cum polis egressus aliarum, & poli ingressus cum polis ingressus conjunguntur.

2. Quod demum de amissa, aut debilitata dicitur virtute magnetis, qui in suo meridiano contrario situ jacuerit, id evincit nec in magnete villos esse omnino solidos, & inflexiles. Inde enim concluditur effluvia magnetica, quæ a polis telluris prodeunt, quæque ceteroquin magna vi non utuntur, ingredientia per polos obversos sui egressus, perque alias partes, villos ita in contrariam plagam dirigere, ut effluviorum ab uno ad alterum polum cursus aut omnino, aut bona ex parte impediatur.

ARTICULUS IV.

Ex eodem capite II. referuntur & explicantur quædam chymicæ operationes circa magnetem & ferrum.

§. 292.

SUNT, deinde in eodem capite aliqui, ut ipse vocat, processus, quibus chymicas circa magnetem operationes auctor diligentissime persequitur (pag. 77.). In iis propositum habuit, partem inertem, sique foret, separare ab illa, in qua vis attractrix resideret; & quamquam id, quod sperabat, non omnino consecutus sit, tamen aliqua inde homo elicit, quæ magneticis viribus lucem afferre possunt. Hic duo tantum proferam; primum est aliud nihil virtuti magneticæ officere, quam sales alchalicos, & acidos,

Dr Magn. T. I.

H h

qui

qui cum magnete in pulverem comminuto, & ad vehementem ignem applicato arctissime commisceantur. Quæ res ita ab homine explicatur. (pag. 83.) *Sal magnetem vehementer attrahit, efficitque, ut hujus vis in se terminetur, nec proinde in alium magnetem agere possit. Constanter id obtinere didici ex omnibus experimentis, quod nihil præterquam salem vim magnetis impedit, quo minus ad notabilem diffundatur distantiam. Sed omnis sal ejus virtutem cohibet, aque sal ammoniacus, quam Marinus, Gemma, vitrum, ut in sequentibus constabit. Est igitur ita aliquid hic admirandum inter salem, ac Magnetem eo prohibente aliquid, quod nec Metalla, Gemma, lapides, vitra, ligna, Terræ prohibere potuerunt. Sed in superioribus clare exposita fuit causa, cur sales attractionem impederent; cumque alia corpora cum particulis ferri ac magnetis crassis & oleosis non ita facile concrecant; hinc magnoeticam virtutem ab illis non valde impedire posse deducitur.*

2. Alterum est nullam ab eo in magnetis analysi ab aliis actio-
nis separatam esse partem ita inertem, ut salibus spoliata a ma-
gnete non attraheretur. Nam quod processu 12 (pag. 92.) ait pul-
verem illum separatam a tinctura, perfecte pellucida, spissa ta-
men coloris ex viridiusculo flavescentis, quæ sale nitro 16 dierum
spatio digesta educebatur, atque vi ignis in pulverem rubicundum,
latioris ruboris, quam terra rubra esse solet, conversum nec attra-
xisse versorium, nec a polo fortissimi magnetis attractum fuisse;
id nihil est. Nam infra hæc narrat: *Vere igitur dixerim me hoc
modo separasse ex magnete partem aliquam inertem ex ea, qua vir-
tute pollet; sed hac pars non nisi mera esse terra videbatur; quam aliis
visus forte immutare non possem. Sublimavi eam quidem cum sale am-
moniac, qui penitus volatilis factus est; ipsa manente fixa, & co-
loris multo obscurioris, quam antea fuerat, sal nihil ex ipsa reddi-
dit volatile: postea materiam magneticam lavi, atque edulcoravi aqua,
ut siquid salis a prioribus operationibus relictum fuisset, id omne om-
nino tolleretur: pulvis exsiccatu colore referebat obscurum, qui a
magnete in initio parum attraheretur, sed qui cum semel vim ma-
gnetis leniter supraducti subolfecerat, vehementissime omnium pulve-
rum attractus fuit, atque ad notabilem a magnete distantiam eleva-
batur. Quamobrem etiam in hoc pulvere salibus exuto superstes
est nisi vis attractrix, saltem virtus, qua vel maxime omnium
pulverum attrahi potest. Nec aliter vis supererat in tinctura, quæ
quoque nisi salibus spoliaretur, a Magnete trahi non poterat. Uri-
nam Musschenbroechius ostendisset in parte solum oleosa ferri aut
magnetis, aut in ea tinctura, quæ oleo potissimum constat, vim
attractricem, & virtutem qua trahi potest, residere. Inde enim*

ma-

magis fieret perspicuum, cur magnes, ferrum, & alia etiam corpora, in quibus illud oleum abundaret, non autem alia a magneticis corpusculis traherentur. Posset enim fieri, ut inter oleum, & magnetica corpuscula foret illa attractio mutua, de qua §. 50. disserrimus, non inter eadem effluvia & alia quæcumque corpora terræ. Si quod vero corpus foret ab huiusmodi oleis ita penetratum ac veluti contritum, ut inter oleosas particulas forent exilissimæ solidi particule, quæque per vim, qua oleosæ ciantur, facile moverentur; inde concluderemus illud solidum, non autem alia, in quibus aut non est huiusmodi oleum, aut non ita ubique diffusum, ab iis corpusculis attractum iri. Inde etiam reliqua omnia magnetis phænomena eadem facilitate inferremus. Quem in finem vide etiam, quæ §. 185. & seq. commentati sumus. Sed cum pars imersa ab actuosius partibus separari adhuc non poterit, id argumento est, aut non in solo oleo virtutem hanc residere, aut huiusmodi oleum cum partibus terrestribus ferri, ac magnetis esse arctissime copulatum, ut arte humana seungi non queat.

§. 293.

Ad hunc locum pertinent etiam aliquæ chymicæ operationes, quas auctor fecit circa ferrum, quamquam nonnisi post historiam multorum alterius generis experimentorum eas referat. (pag. 123.) Quamobrem in iis aliquid observare animus est. Primum auctor multas Lemeryi operationes a nobis allatas §. 68., & seq. confirmat novis aliis, quæ eodem recidunt. Deinde monet se in Martis vitriolo, qui ad acum longissimam applicatus fuerat, minimam virtutem attracticem deprehendisse, non autem, si ad vulgarem acum, ac breviorum admoveatur. Quod causam fuisse notat, cur Lemeryus nullam eidem attribueret (*Hist. de l'Acad. an. 1706.*) Id autem facile ex dictis explicari potest §. 287. n. 5. Postea ex scintillis igniti ferri, quæ collectæ vitreæ sunt, & nullum signum dant attractionis, conficit terrestrem ferri portionem, unde illæ constant, non esse subjectam virtuti magneticæ aut agentis, aut patienti materiem. Quod confirmant ea, quæ paulo ante de subjecto magneticæ virtutis attulimus. Præterea massam illam siccam, & nigram, atque friabilem, quæ ex colcotar imposito igni vehementissimo in crucibulo superstes est, advertit a magnete, & ab acu nautica vehementissime attrahi, & ad longe maiorem, quam limatura ferri alliciatur, distantiam; unde concludit, nec in sulphure, nec in salibus, quibus frustra ferrea abundant, residere vim magneticam, sed in aliquo alio, quod eo fortius attrahitur, quo accuratius exutum est sulphure, & sale. De sulphure Muschenbroëchio eatenus assentior, quatenus in eo plures sunt saltem particu-

læ, quæ virtuti magneticæ adversantur §. 81. & seq. Sin autem velit oleum etiam a magnete ablegare, quo fortius attrahatur, quod non puto, nequaquam mihi potest cum eo convenire. Nam in Opere recentiori *Elyai de Phys. cap. 18.* idem ipse pluribus experimentis confirmat etiam ferrea frustra duriora, virtute ignis imbuta crassis oleosisque particulis fortius, quam ante, a magnete allici, tum plures materias; quæ per se a magnete non attrahuntur, etiam si ad ignem candescant, tamen si oleosis crassisque particulis ignis adminiculo penetrentur, apta fieri, ut deinceps a magnetibus attrahantur. Quod ab ultima quoque ejusdem operatione concluditur. Nam denique siccam illam materiem, quia videbat cohærere adhuc cum materia solida, virtutis magneticæ omnino experti, quantum is ex vitrificatione collegit, spiritu nitri solvit, & ad superficiem emergere vidit pulverem album, pinguiusculum, qui sæpe aliquandiu candorem tuetur, aliquando fulvus fit, quique probe exsiccatu vi adhuc majori, quam massa præcedens, a magnete, aut a lamina chalybea attrahitur. Quod album corpus Musschenbroechio videtur id solum esse, quod causa attractionis magneticæ in ferro est, quodque mixtum cum aliis corporum generibus, ut inde ferrum existat, vires exserere suas aliquo modo impeditur. Sed pinguiusculum illud ex sicca terrestri materie elicium sub oculos ponit oleaginosas, & crassas in illa superstites particulas, unde pinguedo ducit originem. Quod si materies illa, quæ ex colcotar dissoluto superfuit, fortius, quam limatura ferri recentis, attracta fuit, causa esse potuit non minor portio oleorum in illa superstitum, major in hoc, sed potius major copia salium, quæ in ferro est, minor autem in illa materie, propterea quod vi luculentissimi ignis extracti fuerant.

ARTICULUS V.

Continuatio argumenti experimentorum Musschenbroechii circa attractionem inter magnetem & ferrum.

§. 294.

SEd revertamur ad seriem experimentorum, quæ inter operationes chymicas circa magnetem, interque tentamina chymica circa ferrum interponuntur. Experimento 31 (pag. 96.) ad examen revocat singulare illud experimentum Cl. Hirii (*Hist. de l'Acad. an. 1692.*) virgæ ferreæ sex pollices parisienses longæ, quatuor lineas crassæ, quam cum ad præstantem magnetem aliquoties applicuisset, nullas, aut valde debiles vires accepisse memorat, cum ceteroquin cum virgis tenuioribus non parum viâ communicaretur.

Ex

Ex quo argumentatur ferrum definitæ crassitie requiri, ut ei magnes vim aliquam impertiri possit, idque conficit pluribus experimentis, quæ eodem recidunt, ac illa ejusdem auctoris, quæ §. 284. a nobis explicata sunt. Quamobrem diu in his non immorabor. Rationes etenim ibi allatæ huc etiam valent. Atque illa tantum ex hisce experimentis memorabo, quæ tribus cylindris ferreis altera parte in acutum desinentibus, & æqualem 4 pollicum Rhenolan. & unius lineæ longitudinem habentibus facta sunt. Omnium autem conorum altitudines fuerunt 2: 10 pollicis. Primi omnia crassissimi cylindri diameter erat 50: 100 pollicum, secundi 16: 100, tertii 12: 100. Tum aliquoties super eundem polum magnetis ab uno ad alterum extremum singuli ducti fuerunt; postea horizonti ad perpendicularum suspensi, ac primum infra positæ circularibus basibus, deinde singulis corporum apicibus; ac tribus eorum partibus acus applicatæ fuerunt, planæ superficiei basis circularis, peripheriæ ejusdem basis, & postquam cylindrus inversus est, apici conorum. Superficies circularis primi vix sustinebat acum, cujus pondus nondum erat grani unius, secundi sustinebat acum grani unius, tertii quoque acum grani unius: peripheria, sive aliquod peripheriæ punctum primi ferebat acum grani unius, secundi & tertii non solum suspendebat eam acum, sed etiam attrahebat. Demum apex primi gestabat acum ponderis 1, 9: 10 grani, apex secundi aliquot acus, quorum omnium gravitas fuit 7, 1: 8 granorum, apex tertii plurimas acus, quarum omnium pondus erat 8 granorum. Unde superficies circulares minimum omnium pondus gestant, apices maximum, peripheriæ puncta mediocre.

2. Cui optime convenit cum iis, quæ alibi statuta sunt de proprietate corpusculorum magnetis, quæ in extremis colliguntur. Inde enim oritur planam superficiem esse minime omnium accommodatam iis colligendis, atque ideo recipiendæ vi attractrici, quæ in iis sita est, apicem vero coni esse accommodatissimum omnium, peripheriæ demum puncta inter hæc duo esse constituta, quod in iis est aliquod extremorum commodum. Singula illorum puncta non eamdem habuisse vim, tametsi Musschenbroechius id ponere videatur, ex nostris experimentis concludi potest, quibus ostendimus etiam in aliquibus circularis superficiei punctis polos existere, qui majorem præ ceteris vim habeant, tum in versorii extremis attrahendis, tum in scobe ferrea sustinenda. §. 254.

Cum autem Hirii virga & valde crassior esset, & nullum angulum haberet, qui colligendis effluviis, itaque collectis a se emittendis peripheriæ quoque circulari prodesse potest, dum collecta regrediuntur, hinc intelligitur, cur vix aliqua pulveris ferrei grana gestaret.

3. Ex quibus multo magis liquet, cur sphaera ferrea saltem magis nullam omnino vim acquirere observatae sint §. 66. & 265. num. 3. quod in iis nullum propemodum extremum, aut latus, quod extremi vicem gerat, inveniatur. Nam de parvis dubium facere possunt ea, quae de definita ferri crassitie virtuti magneticæ suscipiendæ aptissima differuimus. Quocirca res in iis quoque tentanda foret, cum saltem globus a Gellerto adhibitus fuerit una semilibra hollandica paulo minor.

4. Ceterum angustiores ferri instrumentorum partes non solum magis præ latioribus idoneæ sunt illi magneticæ recipiendæ virtuti, qua trahere possunt alia ferri frustra, verum etiam illi, qua eadem a magnete trahuntur. Inter multa experimenta, quibus id confirmatur, hoc unum affero, quod satis est ad huiusmodi rem extra omne dubium ponendam. Est apud me oblonga ferri lamina latitudinis unius pollicis & crassitie paulo plus unius lineæ, ponderis autem semilibrae; medio latæ superficiei laminæ in plano jacentis imposui non semel aut iterum, sed compluries ambos polos mei magnetis, qui aliquantum eam attrahebat, sed numquam sublevare potuit, dum magnetem elevabam. Imposui medio lateris dictæ crassitie, & continuo lamina magna vi cohæsit cum lapide, eumque in altum sublatus sine ulla difficultate sequebatur. Ex quo duo sequuntur, alterum etiam ferreos globos parum attrahi posse a magnetes; quo magis infirmatur difficultas §. 255. proposita, alterum in hoc negotio plus esse momenti in partium ferri minori crassitie propter rationes alibi expensas genii corpusculorum magnetis tendendi ad angulos, atque ad apices ferri frustorum, quam in majori propter contractum in pluribus punctis, de quo disserui §. 213. num. 7. quia pedunculi ferrei mei magnetis magna ex parte exstabant ex angustiori latere, cum latæ superficiei omnino cohærent, & nihilominus per illud laminam sursum trahebant, per hanc autem nequaquam.

§. 295.

In experimento XXXVI. (pag. 103.) Si ferrum affrictum (inquit) forti liberalique Magneti vim magnam acceperit elevandi aliud ferrum, tum rursus ducatur super polo magnetis debiliorum virium, plurimum de vi accepta priori amittet, multo minus ferri elevabit, gaudens tantum virtute, quam cum eo debilior magnet communicasset. Quod experimentum si factum est ita, quemadmodum factum fuisse videtur, ut super polo ex. g. M fortioris ferrum ab extremo A usque ad B duceretur, & inde super polo M debilioris pariter ab extremo A ad alterum B, hanc reddo rationem. Ex primo ductu ferri supra polum extremum A virtutem comparavit poli M, scilicet

licet corpusculorum ab M erumpentium, & B virtutem poli S §. 240. & seq. sed dum iterum extremum A imponitur polo M, statim communicatur cum illo virtus poli alterius S, quo fit ut corpuscula ab S erumpentia ab extremo B versus A inflectant, ac dirigant villas, qui ab effluviis poli M ante in contrariam partem directi fuerant, atque ideo statim vis amittatur communicata a polo M fortioris magnetis. Item ob similem rationem destruitur vis poli S in extremo B aut continuo, si ferrum nimis longum non sit §. 246. & seq. aut si hæc longitudo nimia foret, dum ferrum ab extremo A usque ad extremum B supra polum ducitur. Nam quousque polus M magnetis non valde proximus fuerit extremo B, semper illi extremo vim summetipsum impertietur §. 246. Sed posteaquam polus M aliquantum recesserit ab A, vim suam, idest eandem, ac antea, habebat, sed non æqualem extremum A recuperabit, quia vis poli M major antea communicata a polo M vegetioris magnetis destructa est; alter aurem debiliior non potest nisi debiliorem virtutem villis minus deprimendis & minorem vorticem impertiri. Quæ ratio valet etiam in alterum extremum, cum polus ad illud pervenerit. Q. E. O.

ARTICULUS VI.

Continuatio ejusdem argumenti præsertim in definienda quæstione, an decrescant vires magnetis, ad quem plura ferri frustra affricta fuerint.

§. 296.

AD experimentum 38 se expertum esse ait nihil propemodum virium magneti fuisse detractum (pag. 104.), explorato magnete statim, ac ad plurima ferrea instrumenta affrictus fuerat. Quod incredibile videtur, ac magneticis corpusculis contrarium. Si enim vis magnetis in vortice corpusculorum sita est, dum communicatur vis, pars aliqua corpusculorum a magnete in ferrum transeat, atque ideo vis magnetis minuatur oportet. Sed in opere recens edito non audet affirmare id in omnibus magnetibus obtinere, & ait solum sibi dubium esse, utrum magnetes quidpiam virium amittant, quia de viribus suorum magnetum nihil esse detractum observavit, tamen alii auctores contrarium experti sint. Multis enim doctus experimentis novit contraria in diversis magnetibus contingere, nec continuo fidem abrogandam observationibus aliorum, quod tuis adversari comperias. Sed de hac re etiam alias §. 317. n. 6.

2. Nunc horum ratio investiganda est, quo cum systemate corpusculorum ea conciliare possimus. Alibi jam ostendimus etiam in fer-

ferro, quod virtute magnetica adhuc imbutum non sit, quamplurima esse magnetica corpuscula, quod in ferro, non in aliis telluris corporibus est vis attrahendi corpuscula terrestris magnetis, quæ ubique terrarum sunt, & ab uno ad alterum polum perpetuo progrediuntur (l. 1. cap. 4.) Nam etsi virtutem magnetis tunc non habeat, non inde tamen infertur: expers esse corpusculorum, in quibus ea posita est, sed solum ea corpuscula non ferri illo motu, qui attractioni necessarius est. Nam, ut alibi ostendimus §. 288. n. 3. si corpuscula ex nulla speciatim parte effluant, aut in nullam speciatim ingrediantur, sed ex omnibus indifferenter emanent, & in omnes indifferenter introeant, nihil attrahere possunt. Quia vero corpuscula terrestris magnetis debiliora sunt, quam ut ferri villos aut succussionibus, aut vi ignis, aut alia de causa omnes in partes dissipatos, & erectos unam in partem insistent, atque depellant, in quocumque situ ferrum sit; hinc ferri quidem poros pervadunt, sed quia olei particulae quoquoeversum spectant, etiam corpuscula quoquoeversum moventur, & ideo omnibus ex partibus ferri indiscriminatim exeunt, & in omnes se intrudunt §. eodem. Manet igitur in ferro quamplurima esse, atque moveri magnetica corpuscula, quod magis illustratur ac confirmatur ex eo, quod omne ferrum oleo pervasum penitus sit; in quo aut solum, aut potissimum vis attractrix sita est §. 291. 292. & terrestris illius materies contrita, atque in exilissimas particulas, quæ frequentissimos ac magnæ copię corpusculorum terrestris magnetis admittendis accommodatos meatus intercipiunt, dispecta est. Inde enim infertur eo plura corpuscula in ferrum ingredi oportere, quo major est in illo facilitas, atque spatium corpusculorum capax, & quo majori vi attractrice terrestris magnetis effluvia ab eodem trahuntur. Unde ex corpusculis terrestris magnetis multa undequaque concurrent in ferri, ac magnetis meatus, donec vires omnes sint ad æquilibrium redactæ, & sublato aliqua de causa æquilibrio, aut vi terrestris magnetis aliqua vorticis ferri, ac parvi magnetis corpuscula a corpusculis telluris abripiuntur; si vires vorticis terrestris alias superabunt, aut si majores sunt vires, quibus ferrum & magnes parvus ad se corpuscula trahunt, vorticis terrestris corpuscula undequaque ad ferrum, atque ad magnetem, & ad sphaeram corpusculorum utriusque corporis statim confluent, quoad æquilibrium restituyendo satis sunt. Ex quo etiam concluditur circa ferrum, ac magnetem plura esse corpuscula, quam in aliis telluris locis; nam circa ferrum, & magnetem corpuscula sunt cum attracta vi terrestris magnetis, tum attracta vi, ac facilitate dictorum corporum. Alibi autem detinentur sola nuclei magnetici. vi.

3. His ita constitutis ad experimentum veniamus. Cum ferrum nulla virtute præditum magnetis polo applicatur, multa quidem corpuscula quæ ab illo polo evadunt, per objectam ferri partem se in ejus meatus intrudunt, villosque oleosæ materiæ alteram, versus inflectunt, atque deprimunt; sed hæc una eum corpusculis, quæ ante in ferro inerant, quæque ab iis abripiuntur, ad remotam ferri partem contendunt, ab illa egrediuntur, & ad posteriorem recurrunt, parsque in polum ingressus ferri, qui in parte tacta situs est, denuo regrediuntur; pars autem ad alterum usque polum magnetis a vortice abripitur §. 185. Cumque major sit in ferro, quam in magnete facilitas, major etiam copia corpusculorum in ferri polum, ingressus, quam in magnetis similem polum, se insinuabit. Quod fortasse esse poterit causa, ut remotus a ferro magnetis polus tunc minori vi uratur. Illud sane ab aliquibus memoria proditum est de magnete debiliore, qui in valde vegetioris præsentia non trahit ferrum. Sed antequam quidquam certi statuatur, certiora experimenta facienda sunt, & singula notanda, quæ intervenerint. Postquam vero ferrum a magnete avelli cæprum est, continuo vis polorum ferri imminuitur § 96, & vi polorum magnetis sit minor. Cujus rei aliqua causa etiam ex hoc ipso loco repeti potest, ut magis declararetur id, quod §. modo citato ostendimus. Tam vortex magneticus ferri trahit ad se magnetis corpuscula, quam vortex magnetis; sed quia villi magnetis inflexiles sunt, ab ejus poris in contrariam partem corpuscula extrahi nequeunt, atque ideo in magnete restat eadem dispositio; at quia in ferro sunt mobiles, idcirco etiam corpuscula quæ ab obverso extremo ferri ad alterum intra ferrum contendunt, in contrariam foras abripiuntur; & perturbato situ atque directione villorum ferri, vis attractrix valde imminuitur, atque debilitatur. Quamobrem magnes tantum de suis corpusculis, aut de similibus, quæ in ferro sunt, a ferro abeunte abripiet, atque ad se trahet, antequam ferrum extra illius sphaeram reperiatur, quantum ejus vis postulat, atque æquilibrium, quod inrer ejus vorticem interque terrestrem esse debet. Et licet fortasse, aut plura, aut pauciora secum traxerit, tamen virtute corpusculorum terrestris magnetis ad æquilibrium redibit, quod in illo magnete eadem vis attrahendorum corpusculorum ac partium dispositio, quæ ante applicationem ferri, esse ponitur. Si autem aut igne, aut acidis spiriribus, aut alia quacumque de causa imminuta fuisset, hoc nihil ad rem propositam pertineret, in qua quærimus, utrum per solam virium communicationem magnes quidpiam suarum virium amittat. Constat igitur, cur nullum virium detrimentum magnetès ut plurimum capiant.

4. Quia vero quapiam de causa fieri potest, ut æquilibrium non omnino restitueretur, aut non tam cito, hinc fortasse est, quod aliqui aliquam virium imminutionem experti fuerint. Quod potissimum accidere potest in magnetibus, quorum villi non valde obriguerint. In contactu siquidem ferri, a quo potissimum corpuscula magnetis abripiuntur, ne eundem, ac antea, cursum omnino teneant, fieri potest, ut quidam ex mollioribus eo versus, quo commodum non est, inflectantur; & ita vis magnetis, ac pororum dispositio, unde illa pendet, imminuatur.

5. Quæ de corpusculis ferri vi attractrice poli magnetis, dum ab eo removeretur, attractis disseruimus, suppeditare videntur causam aliquam illius incredibilis phaenomeni, quod ad experimentum 34 (pag. 102) Musschenbroechius proponit, minoris virtutis cum ferro communicatæ a magnete fortiori, quam a debiliore. Fac enim duos magnetes alterum vegetiorem, alterum triplo debiliorem ita se habere, ut vis, qua polus M primi vegetioris ex se corpuscula emittit, collata cum vi, qua eadem corpuscula ab altero polo S ejusdem magnetis attrahuntur, ea multo minor sit, quam vis qua polus M secundi debilioris corpuscula emittit, est minor vi, qua eadem corpuscula ab S secundi retro abripiuntur, idque habita ratione virium magnetum. Scilicet ex. g. vis progressionis corpusculorum poli M prioris ad vim regressus talis sit, ut ex 8 partibus vis communicatæ corrumpantur 7, & in secundo hujusmodi, ut ex 4 duo perimantur. Deinde ponamus, cum similibus & æqualibus ferreis oblongis instrumentis altero extremo ad polos M ad perpendicularum applicatis eos polos virtutem attrahendi communicare, quæ viribus eorundem respondeat; ex. g. vim a polo M primi communicatam esse ad vim communicatam a polo M secundi, ut 3 ad 1. Nam saltem in extremo ferri tacto vis regressus non obstat. Jam vero hæc duo instrumenta eadem celeritate, & per lineas perpendiculares a magnetum polis amoveantur, in aliqua extremi ferri a polo distantia vis regressus, qua particulæ a ferro abripiuntur, se se exferere incipiet; & quidem in proportionem virium. Quamobrem in primo partes vis, quæ destruuntur, se habebunt ad communicatas, ut 7 ad 8, & in secundo, ut 2 ad 4; idest in primo restantes ad communicatas, se habebunt, ut 1 ad 8, in secundo, ut 1 ad 2. Cum autem vis a primo communicata fuerit 3, vis a secundo 1, hinc ex vi primi restabit $\frac{1}{8}$ 3, scilicet fractio integri numeri 3 in 8 partes divisi, ex vi secundi reliqua erit $\frac{1}{2}$ 1, five fractio unitatis in duas partes divisa. Sed fractio $\frac{1}{8}$ 3 est minor fractione

$\frac{1}{2}$ 1. Nam prima est $= 3:8$; secunda $= 4:8$, si ad eundem denominatorem redigantur. Ergo & vis restans in ferro, quod a magnete debiliore avellitur, quæ per eam fractionem designatur, major erit vi reliqua alterius ferri, quod a vegetiori disjungitur, quæ vis prima fractione exprimitur.

6. Hoc autem, ut pater, contingere potest cum vis, qua impelluntur antrosum corpuscula, quæque cum ferro communicatur, major est vi, qua ferro abripiuntur, dummodo vis poli trahentis in vegetiori magnete minorem habeat rationem ad vim poli trahentis in debiliore, quam vis, quæ restat in ferro, quod debiliori affricum fuit, ad vim, quæ reliqua est in ferro ad vegetiorem admoto. Sit e.g. vis primi vegetioris ad vim secundi debilioris, ut $4:3$. Vis autem progressus primi ad vim regressus primi, ut $12:5$; vis autem progressus secundi ad vim regressus secundi, ut $12:10$. Ex modo dictis inferitur vim reliquam in ferro ad primum affricum esse ad communicatam, ut $7:12$; vim autem reliquam in ferro ad secundum affricum esse, ut $10:12$. Cum autem tota vis communicata a primo fuerit ad vim communicatam a secundo, ut $4:3$, reliqua in ferro ad primum affricum ad reliquam in altero erit, ut $\frac{7}{12} 4: \frac{10}{12} 3$; quæ numerorum integrorum fractiones communibus re-

gulis rediguntur ad has simplices ejusdem denominatoris $\frac{336}{144}$ $\frac{360}{144}$,

quarum prima $= \frac{7}{12} 4$; secunda $= \frac{10}{12} 3$; sed $\frac{360}{144}$ est major $\frac{336}{144}$; ergo & vis reliqua in ferro amoto a secundo debiliore magnete est major vi reliqua ferri amoti a primo vegetiore. Sed cum vis regressus est minor vi progressus, unius magnetis vis ad vim alterius habere non potest proportionem duplam, aut dupla majorem. Numquam enim fieri poterit, ut vis reliqua in ferro ad secundum affricum habeat majorem rationem ad vim reliquam in ferro primi, si vis tota primi sit saltem duplo major vi tota secundi, & quia polus regressus minoris virtutis est, plus quam dimidium vis primi residuum erit. Ex quibus phænomeni a Musschenbroechio notati ratio deducitur. Sed de his vide quæ §. 316. n. 3. scribemus.

7. Verumtamen aliam etiam causam hoc phænomenum habere potest, eam scilicet, quam habet illud alterum determinatæ ferri crassitie, & longitudinis, quo maximis viribus illud attrahatur, atque imbuatur. Cum enim quo ferrum brevius, ac exilius definitis longitudine, atque crassitie ad magnetem applicatur, eo minores vires eum eodem communicentur §. 284. fieri potest, ut quod fer-

rum ratione habita debilioris magnetis apriffimas dimenfiiores habet, atque ideo ab illo quammaximis viribus imbutur, illud admotum ad fortiorem, nimium difter a ferro definitæ longitudinis, & craffitiei, atque ideo ita exiguis inficiatur, ut vires communicatæ a primo fint majores. Nam pro ratione virium cujuscunque magnetis, fcilicet pro velocitate, & numero corpusculorum, item pro inclinatione lineatum, quas hæc corpuscula deferibunt, neceffe eft ut diverforum magnetum alia in alio loco, & in alia a polo diftantia corpuscula ferrum pervadentia coalefcant. Quamobrem acus aptæ longitudinis pro magnete debiliore, effe debet ut plurimum nimium brevis, fi ad vegetiorem referatur. Qua in te attendenda eft etiam latitudo poli; nam quo polus, unde erumpunt major copia corpusculorum, eft craffior, eo craffius etiam effe oportere videtur ferrum, quod illa omnia recipiat. Quod fi fuerit exilius, multo minorem vim recipiet, five numerum corpusculorum; fi craffius, extrema a polo exftantia admittent corpusculorum ingredientia indifcriminatim, rum egredientia, quæ idcirco fibi mutuo officiunt.

8. Hinc etiam ratio redditur experimenti 44. (pag. 106.) in quo obfervat grandem magneticam molem non exferere multum virium, cum, eadem in fragmenta plurima diffecta, exigua quædam portio reperiatur, quæ magnis viribus prædita fit,

ARTICULUS VII.

Continuatio ejusdem argumenti, præfertim in definienda quæftione, quem magnetem aut ferri fruftum ferrum inter duos magnetes, feu inter magnetem & ferrum pofitum fequi debeat, fi alter magnes ab altero avellatur.

§. 197.

O Mitto experimenta a 39. ufque ad 46. quod & facilia explicatu funt, & auctor eam reddit rationem, cui cum noftro fystemate multum convenit. Venio ad tria quæ fequuntur, proptereaquod ea refert in illorum numerum, quæ omnium minime intelliguntur. Quamquam nec neceffe foret in iis diu multumque verfari, quod cum doceant ferrum inter duos magnetes, alterum fortiorem, debiliorem alterum, aut inter magnetem & aliud ferri fruftum collocatum non raro fequi debiliorem magnetem, aut fruftum ferri, hæc materies a nobis alibi fufe tractata eft, & quomodo id cum fystemate cohæreat, demonftratum §. 212. & feq. Refert itaque experimento 50. (pag. 111.) cuspide hebetata acus magneti fortiffimo applicata, & capite virgæ ferreæ admoto ad alterum acus

acus extremum, acum. semper adhæsisse virgæ, si a magnete amoveretur: in contraria vero applicatione aliquando adhæsisse virgæ, aliquando non adhæsisse. Sin autem cuspis quammaxime acuere-
tur, in prima applicatione semper usuvenisse, ut acus virgam ferream sequeretur, in secunda, ut magnetem. Idcirco prima fronte opinabar (subdit auctor) cum aliis Philosophis acum adbarere corpori, quod pluribus attingebat punctis; attamen erroneam hanc fuisse opinionem plura me docuerunt Experimenta; nam clavis, cujus planities magna, apposita fuit plano magnetis polo, adeo contactus in lata superficie daretur: tum caput alterius clavis, rotundum applicatum fuit capiti rotundo prioris clavis, ut contactus ambarum in puncto tantum fuerit; nihilominus clavis secunda abstulit primam a magnete.

2. Antequam meam de his sententiam dicam, placet alia afferre experimenta, quæ a me sumta sunt magnete armato, & acus longitudinis pollicis paris. 1. lin. 5. Cum acus cruna, quæ pars multo crassior subtilissima cuspidem erat, ferreis forcipum laminis applicabatur, & cuspis pedi ferreo poli, plus vicies acus subjectæ laminæ adhæsit, magnete sursum retracto, eique ad perpendicularum infixa manebat, quousque quatuor circiter pollices magnes non recesserat. In contrario vero situ toties eadem acus magnetem sequeretur. Sed cum denuo crunam ad ferrum, & cuspidem ad magnetis polum transferebam, atque aliis & aliis laminæ, & poli punctis crunam, & cuspidem contingebam, quod & antea feci; acum amotæ magneti adhærere semper animadverti. Quæ res primum mihi permira visa est; sed omnibus expensis, discriminis causam detexi. Nam etsi foret ille magnes, qui 4 circiter libras e polis armatis attollebat, scobem tamen ferream ex valde parva quasi dimidii pollicis distantia commovebat. Hinc quando cruna ex contactu borealis poli B virtutem australis A acquisierat, indeque avulsa ad laminam transferebatur, & cuspis polo eidem B ingerebatur, corpuscula ex B erumpentia, & per cuspidem se intrudentia tanta vi ad alterum polum non perveniebant, ut polum ingressus, qui primo contactu factus fuerat, penitus destruerent, & novum exitus vegetum formarent. Cujus certior ex eo sum factus, quod si antequam ad polum B cuspidem affricarem, cruna acervo scobis ferreæ imponeretur, indeque attolleretur, non exiguum pulveris vim sublevabat; at affricta cuspidem ad B, cruna portionem valde parvam attrahebat, non solummodo, cum a cuspidem polus B abesset, verum etiam, quod mirabilius est, & magis ad rem facit, cum perpetuo polo adhæreret, tametsi alioquin alterum ferri extremum majorem virtutem habere observetur, quando alterum

ma-

magnete tangitur ; quod ex dictis §. 274. n. 9. lucem accipit.

3. Quamobrem ut poli crunæ viribus succurrerem, in transferendis extremis aut totam acum a cruna ad cuspidem supra polum B duxi, aut antequam crunam ad ferrum transferrem, ad polum A magnetis affricui; nam utraque ratione non exiguam acquirit virtutem poli exitus corpusculorum, quæ a polo B effluunt. Tuncque acus semper ferreæ laminæ adhæsit, quascumque ejus partes cruna contingeret. Quod si denuo cuspidem primo affricam polo A ad laminam transferebam, acus magnetem semper secuta est: Quod argumento est plurium, & pauciorum partium contractum esse causam, cur acus ferro potius adhæreat, quam magneti, aut magneti potius, quam ferro.

§. 298.

Quibus ita expositis ad causæ investigationem progredior. Jam ex iis, quæ alibi dicta sunt §. 205 & sequen. & maxime §. 213 liquet hac in re maximam habendam esse rationem contactus partium. Nam quo in extremo ferri quod alteri ferro, ut laminæ, adhæret, partes solidæ quæ alias solidas laminæ tangunt, plures sunt iis, quæ in poros ejusdem incurrunt, eo magis corpusculis a polo magnetis erumpentibus fit, ut acus laminæ apprimatur validius, quam ad magnetem trahatur. Pariter in altero extremo, quod magneti adhæret, quo partes solidæ, quæ solidas magnetis contingunt, sunt plures iis, quæ in poros incurrunt, eo a pluribus corpusculis a magnete erumpentibus ferrum magneti apprimitur. Sed habenda est etiam ratio longirudinis ferri interjecti, & virium magnetis. Nam quo ferrum longius est, & vires in majus spatium distenduntur, eo debiliior polus exitus corpusculorum a magnete erumpentium formatur in extremo ferri laminam attingente, atque ideo minus valide ferrum contra alterum ferrum ab exeuntibus magnetis corpusculis urgeri potest §. eodem 213. Arque hinc ratio constar experimenti 49 Musschenbroechii; cur nimirum si magneti præstantis virtutis adhæserit sphaerula ferrea B, atque regula ferrea tetigerit punctum sphaeræ e regione puncti, quod a magnete tangitur, regula possit a magnete sphaeram auferre, non vero si magnes debiles vires habuerit. Hinc etiam fit rationem quoque esse habendam ejus, quod in transferendis extremis advertimus. Nisi enim cruna altero polo ante tangeretur, quam ad ferrum transiret, nimium debilis polus exeuntium a magnete corpusculorum in ea existere posset.

2. Quia vero contactus fortuito fit a nobis, qui minimos poros ferri, solidasque particulas non videmus, hinc est, quod ferrea frustra non valde brevia nec nimis longa §. 212 num. 2. & ejusdem

in

in utroque extremo latitudinis; aut parum diversæ, modo infixa ferro maneant, modo infixa magneti. Scilicet modo plures solidæ partes utriusque ferri se tangunt, modo pauciores, quod pariter cadit in partes solidas magnetis, ac ferri.

3. Quamobrem dum Musschenbroechius vocat erroneam illam opinionem plurium Philosophorum, qui volunt ferrum illi corpori adhærere, quod pluribus punctis contingit, in eo homini assentior, si sententiam improbat, quæ solum numerum punctorum unius extremi ferri, quæ a punctis alterius tanguntur, cum numero punctorum alterius extremi, quæ a magneticis punctis, comparat. Id enim & experimentis convellitur, & ratione. Si enim in extremo ferri tacto ab altero ferro solida puncta, quæ in poros incurrunt, ad illa, quæ in alia solida, maiorem rationem habeant, quam numerus solidorum, quæ in altero ferri extremo in poros magnetis incurrunt, se habet ad numerum solidorum ejusdem ferri, quæ in magnetis puncta solida incidunt, ex ratione a nobis exposita concluditur fore, ut nisi quid aliud obstat, ferrum cum magnete potius, quam cum ferro cohæreat. Sin autem velit nec ullam rationem habendam punctorum, quæ in eodem extremo tanguntur ab aliis solidis, aut in poros incurrunt, illi assentiri non possum ductus rationibus, quæ hic, & alibi a me propositæ sunt. Non tamen hanc opinor ejus esse mentem; nam experimento, quod ab eodem assertur, non hoc, sed illud tantummodo confutatur.

4. Quid igitur causæ est, inquit fortasse primæ sententiæ assertores cur tam in experimentis Musschenbroechii, quam in meis acus adhæserit corpori, quod capite, & cruna crassiori ab ea tangebatur, ab illo fuerit avulsa, cujus partes sola subtilissima cuspidē tangebatur? Ecce aliam præter eas, quæ § 213 allatæ sunt. Jam alibi probatum est ejusdem Musschenbroechii experimentis definitam esse ferri crassitiem, quæ maxima virtute magnetis imbuti possit §. 284, cujus crassitiei, quo minore ceperis, eo habebis ferrum minori imbutum vi attractrice. Quo loco experimentis alibi allatis addere juvat aliud ejusdem auctoris, quod ad rem nostram quammaxime facit. Ad corollarium secundum experim. 22 (pag. 45) hæc habet. *Suspendi ex bilance ferrum adhuc multo minus, nempe pedem chalybeum pyramidalem circini vulgaris, cujus cuspis acuta in immediato contactu ad magnetis ejusdem rotundi polum attrahebatur vi = 20 granis; tum convertēbam hunc pedem chalybeum, ut parte obtusiori eundem magnetis polum contingeret, nunc attrahebatur viribus 224 granorum, adeoque multo minus, quam ultimum ferrum in experim. 17, 18, 19, 20. Hinc inferre possumus* ac-

acutissimas cuspides utriusque acus nimium exiles fuisse; si cum meo magnete & multo magis, si cum fortissimo Musschenbroechii comparentur, & a definita crassitie, quæ maximis imbuitur viribus, nimium deficiendo absuisse; caput vero, atque crunam, ut cuspidibus multo crassiora, ab eadem multo minori absuisse intervallo. Mirum igitur esse non debet, si quando cuspides ferrum tangebant, acus magnetem semper securæ fuerint a ferro divulsæ. Totâ enim ratio, cur acus ad ferrum adhærescat, in eo sita est, quod extremum tangens ferrum cum illo tenacius coheret, quam cum magnete alterum. Hæc autem major coherencia oritur a magnetis corpusculis, ut ex ratione liquet, qua id explicuimus, & iis experimentis, quibus certum sit, nimium amoto magnete, acum ferro ad perpendicularum infixam continuo recidere, aut si ab eo suspendatur, avelli. Quæ & ab aliis, & a me ipso pluribus ferreis instrumentis sumta fuerunt.

5. Quamobrem cum polus in cuspidè a magnetis corpusculis formatus, valde sit minor illo, qui in parte crassiori, & vis, qua illa attrahitur sit hac valde minor, ut ex proportionè concluditur 20, & 224, quæ est plus quam subdecupla; hinc est, quod corpuscula a magnete erumpentia, aut in eum ingredientia neque propter maiorem celeritatem, quam in ferro acquirunt §. 205., & seq. neque propter plurium cuspidis partium solidarum, quæ solidas alterius ferri partes contingant §. 205., & seq. facere possunt, ut acus ferro validius apprimant, quam easdem parte crassiori ad se trahant. Contra autem res accidit, cum caput, & cruna ferro adhærent. Quod si quandoque contigerit, ut nihilominus ferro cuspides adhæreant, aut capira, & crunæ cum eodem copulata non maneant: id argumento erit inter attractionem crassioris, & exilioris partis tantam differentiam haud intercedere, quæ ab aliis causis compensari non possit. Hæc, & alia, quæ in eadem sententiam alibi scripsimus, si legerit Musschenbroechius, nullus dubito, quin Philosophis Recentioribus, qui magneticos vortices tuentur, amplius obiecturus non sit poni quidem ab iis ferrum, aut magnetem debiliorem a fortiori majores acquirere vires, quam ipsum habeat, non autem ostendi.

6. Nolim tamen aliquis putet hæc esse contraria iis aliis, quæ alibi disputavimus de majori copia effluviorum, quæ ad angulos & apices ferri, quam eorum, quæ ad partes obrusiores se conferunt §. 66. & antec. atque seq. Est enim modus hac in re, & sunt certi fines, quos ultra citraque vis magnetica minor sit. Est enim duorum habenda ratio, primum massæ ferri, quæ maiorem effluviorum copiam ob maiorem, qua pollet, vim attracticem
cobi

bet, & etiam in majus spatium dispergit, quorum altero major fit, altero minus intensa; secundo subtilitatis & acuminis angulorum, qui ob rationes §. citatis allatas majorem effluviuorum vim colligunt, non absolute, sed ratione habita singularum æqualium ferri portionum, adeo ut apex habeat majorem vim attractricem, quam quodlibet aliud æquale ferri punctum, non vero quam omnia simul. Ex quo intelligitur, cur extremum latius si nimis magnum non sit, atque idcirco magnetica effluvia dissipet nimium, majori vi, quam acutum & exilius, cum ferro & cum magnete cohæreat. Sed de his consule, quæ §. 294. disserui.

7. Quoniam vero in superioribus advertimus plura, in quibus magneticis effectis cum electricis convenit, hic non erit abs re aliquam inter utrumque genus hoc ipso in capite convenientiam observare. Jallabertus in Actis Academiæ Paris. (*Hist. de l'Acad. an. 1747. pag. 338. edit. Amstelod.*) hoc sumit experimentum, dum Parisiis degeret „Supra stylum æquilibretur exigua ligni virga 15 „ aut 16 pollicum longitudinis, acuta ex altero extremo, & ex al- „ tero armata ligneo globo diametri circiter unius pollicis. In- „ strumentum ita præparatum admoveatur ad hominem, qui ele- „ trica virtute imbuatur, quique manu teneat frustum ligni tor- „ natum, ex altera parte crassum atque rotundum, ut dimidium „ globum diametri unius pollicis, & acutum ex altera. Si is ex- „ tremum frusti rotundum admoveat ad globum, qui est ad ex- „ tremum hujus veluti acus æquilibratæ, ut plurimum globus re- „ pellitur; e contrario fere semper attrahitur, si eidem extremum „ frusti acutum objicias. Contra res accidit, si experimentum ca- „ pitur ad alterum virgæ extremum; nam frusti electrica infecti „ virtute extremum obtusum attrahit aciem virgæ, acutum vero „ illam repellit. Affirmare non possum hoc experimentum mihi „ semper e voto successisse. Sed illud sæpe felici eventu repetiis „ id quod est satis ut dignum putetur, cujus aliquam rationem in- „ vestigemus. Quoniam scintillæ vegetiores existunt inter duas „ certi voluminis massas, quarum superficies aliquarum convexæ „ sint, id indicio est materiam electricam esse copiosiore, & ma- „ jori velocitate fluere ab altera ad alteram partem. Igitur veris- „ simum est, cum rotundum & crassum frusti extremum ad- „ moveretur ad globum, qui virtutis electricæ est expers, materiem „ effluentem ex primo, & affluentem materiam, quæ ex secundo „ egressa in primum incurrit, esse percitas sufficienti vi, qua se „ vicissim repellant: contraquam usuveniat, cum objectæ massæ „ inter se maxime discrepant; id quod accidit, cum globus est e „ regione aciei frusti lignei, quia tunc alterum ex duobus proflu-

De Magn. T. I.

K k

„ viis

„ viis altero valde debilius impedimento non est, quominus alte-
 „ rum versus rapiatur a materia affluente, quæ ab aere circumfuso
 „ venit, quæque illud impellit & movet, quod est sine obice atque
 „ mobilius. Quo id intelligamus, observandum est, cum materia
 „ electrica ex corpore effluit, sive quia foras extruditur ab inte-
 „ riori particularum motu, qui vim electricam gignit, sive quia
 „ corporis electrica virtute imbuti præsentia casu tamquam af-
 „ fluentem materiam ad se pettrahit, vacuum ab illa relictum
 „ continuo & continuare repletur a circumfuso ejusdem speciei
 „ fluido, quod per aerem perque alia corpora dissipatum reperi-
 „ tur. Itaque globus virgæ æquilibratæ in præsentia aciei frusti
 „ electrica induti virtute, aliquam patitur resistantiam ex parte
 „ materiæ effluentis, quæ ab acie ad globum contendit. Quoniam
 „ vero radii utrimque deflectunt, & pauci sunt, nequeunt supera-
 „ re impulsum materiæ, quæ ad globum confluit ex parte contra-
 „ ria, & remotiori ab acie, quo in locum succedat illius, quam
 „ globus amittit in præsentia corporis electrica imbuti virtute.
 „ Quamquam enim hæc materia denuo ingreditur, id tamen non
 „ fit sine impulsu quodam, sive dum in solidas ligni partes incur-
 „ rit, sive dum subit meatus ope frictionis, „.

8. Hactenus Cl. Jallabertus, qui repulsionem duorum extremo-
 rum virgæ suspensæ & frusti ejusdem crassitie sive magnæ, sive
 exiguæ similiter repetit ex mutuo occurso duorum ejusdem fere
 virtutis materiæ electricæ vorticum, quorum alter ex virgæ ex-
 tremo, alter ex frusti objecti egrediatur, quemadmodum nos re-
 pulsionem duorum magnetum, quorum poli cognomines obversi
 sint, ex simili fere causâ deducimus §. 201. Ex quo fortasse, ut
 id obiter moneam, non sine verisimilitudine, erui potest, etiam
 attractionem simili ratione, ac in magnetis negotio, posse expli-
 cari. Nam ideo crassum extremum frusti trahit cuspidem virgæ ex
 stylo suspensæ, quia effluvia ab illo magna copia effluentia se in
 partem obversam & vicinam cuspidis insinuant, & ex averfa ac
 remota erumpunt; acutum vero extremum primi trahit globum cum
 altero virgæ extremo junctum, quia idem globus magna vi
 attractrice effluvia ex acuto extremo effluentia ad se pellicit, ut
 per obversam partem ingradientur, & ex averfa egredientur, &
 alioquin in eodem acuto extremo est exigua vis, qua electrica ef-
 fluvia ex globo & ex aere ad se pettrahat. Sed hæc obiter, ut
 dixi. Interim alia inter magneticos & electricos effectus saltem
 ex aliqua parte similitudo conficitur.

9. Ceterum ad ea confirmanda, quæ alibi differuimus de multo
 majori vi, quæ in exilioribus partibus colligitur, hic addam ex-
 pe-

perimentum, quod memini §. 294. num. 4. Est apud me lamina ferrea, cujus crassities unius lineæ, latitudo unius fere pollicis, longitudo vero pedis cum dimidio circiter. Mei armati magnetis pedes imposui latæ superficiei circa gravitatis centrum, & quamvis magnes aliqua cum lamina vi cohaerit, tamen eam hoc pacto elevare non potuit. Imposui lateri unam solum lineam crasso pariter circa centrum gravitatis, nulloque negotio lamina sublata est, & magna vi cum magnete cohaerit. Id quod certe oriri non potest, nisi a majori effluviis vi, quæ in latere exiliori, quam in superficie latiori colligitur, proptereaquod est idem pondus, magnetis vi sustinendum.

ARTICULUS VIII.

Continuatio ejusdem argumenti; varia referantur & explicantur Experimenta.

§. 299.

Omitto experimenta 51. 52. & 53. ut quæ nihil monstrant, quod non facile possit explicari, & progredior ad 54., quod etsi non difficile sit explicatu, silentio ramen haud prætereundum est, quod eo systema effluviis labefactari Musschenbroechius arbitratur, Experimentum autem hoc est (pag. 113.). Tabulæ insitit acus ad angulos rectos attracta, & in eo loco, & situ detenta a magnetis polo, qui polus illi incumbat, & aliquantum distet: tum admoveatur alia acus transverse, ita ut inter acum perpendiculararem, & magnetis polum, sit in situ horizontali, & cuspidis producta ad angulos rectos incidat in lineam, quæ polum, & cuspidem acus perpendicularis conjungeret, sed ab ea duas circiter lineas absit. Hac altera acu ita admota, perpendicularis continuo cadit non amplius attracta. Hoc experimento ab illo brevius exposito, & simul magis perspicue, quod schemate rem oculis subjicit, hæc verba subjungit: *Quantum igitur a via sua detorqueri potest vis magnetica, imo quam facile a parva causa? nam acus FG (scilicet horizontalis) omnem vim antea determinatam secundum CD (scilicet lineam conjungentem polum, & cuspidem acus perpendicularis) abripit, inflectitque secundum FG. Quicumque aquarum motus, fluidorumque decursus cognoscit, facile perspiciet hoc phenomenon omnino respuere omnes fluidorum currentium leges, & idcirco magnetem non operari effluviis, aut fluido quocumque alio.*

2. Quibus ut occurram, aio nihil esse in hoc experimento, quod ex dictis facilem explicationem non accipiat, quodque legibus currentium fluidorum adversetur. Primo enim ratione, & experientia

K k 2

te-

tenuemus ferrum majores a magnete vires acquirere, quam ipse habeat. Hoc in armato magnete auctor confessus est, hoc ex cohæfione ferri cum altero ferro potius, quam cum magnete, conclusum fuit; hoc demum rationibus ab oleosa materia petitis confirmatum §. 209. Deinde pariter novimus duo extrema duorum ferri instrumentorum, quæ eidem polo magnetis objecta similem virtutem, sive cognomines polos mutuata fuerint, se mutuo repellere §. 245. & seq. Ex his rem ita conficio: cuspides utriusque acus eidem polo obijciuntur in experimento Musschenbroechii, quamobrem eodem polos recipiunt, sive in iis sit ingressus, & exitus eorundem corpusculorum. Sed cuspis acus horizontalis non quidem omnia omnino corpuscula, quæ antea a polo ad cuspidem perpendicularis recta ferebantur, avellit, ut quantum ad vim generatim Musschenbroechius affirmat, sed majorem tantum partem; non omnia, quia & corpuscula a polo magna vi antrorsum projiciuntur, & propter alterius acus admotionem, non omnis tollitur facilitas, qua penetrari potest acus perpendicularis, & vis attractrix ejusdem, quibus corpuscula illo abripiuntur lib. 1. cap. 4.; majorem autem, quia magneti valde propior est cuspis acus horizontalis. Quid igitur mirum, si cum illa cuspis habeat polum ejusdem nominis, ac ille, qui est in cuspidem acus perpendicularis, & fortiores tum polo ejusdem, tum polo magnetis saltem in distantia cuspidis perpendicularis, cui polo altera est propior, quam magnes, quid, inquam, mirum, si eam repellat, & ideo a situ recto, & perpendiculari deturbet? Quid quæso hoc in ratiocinio contrarium est legibus fluidorum, iis saltem, quæ mihi perspectæ sunt? Si quas ipse novit, quæ his adversari ab eo putentur, proferat, & conciliare conabor. Interim quoniam ut Newtonianus simile quid aliis in naturæ effectis desiderat, ei satisfacio. Is putat vires attractrices, & expultrices corporum electricorum in effluviis corporeis positas esse. Si itaque ad folium aureum a vitreo tubo calido expulsum digitum tantisper admoveris, continuo vis perit expultrix, & folium ad vitrum accurrit. Quod igitur hic accidit in vi expultrice, quæ ab aliquibus effluviis proficiscitur, in magnete contingit in attractrice. Quamobrem experimentum Musschenbroechii habet exemplum in aliis effluviis corporeis vorticibus.

§. 300.

In sequenti §§ experimento laminarum, quæ ad sortem affricte magnetem, & magna vi attractrice imbutæ, si malleo aliquamdiu tundantur, vim omnem amittunt, aquam sibi hæere pro ea ingenuitate, qua est, præferre non dubitat, quod toties illi usuenit, quoties præ manibus habet experimenta, quæ causam mechanica-

cam

cam virium magnetis indicant, eo quod eas vires a causis etiam mechanicis aut oriri, aut angere, aut debilitari, aut infringi, eadem sub oculos ponunt: is autem nullam mechanicam in subsidium vocare vult. Verum hoc ortum ducere ex dispersione villorum omnes in partes, quæ variis percussionibus fit, & jam perspicuum fecimus §. 100. & infra fortasse magis faciemus.

2. Ad experimentum 56. (pag. 114.) magno stupore afficitur, quod ignis validus e ferro candefacto virtutem omnem attracticem expellit; si vero inter magnetem, & versorium magna ignis ex spiritu, & ex oleo flamma accendatur, vim illa a magnete ad versorium transeuntem non infringat, atque retundat. Versorium enim nihilominus attrahitur a magnete §. 214. n. 2. Sed hujus quoque discriminis plana est in nostro systemate ratio: nam non ideo ignis e ferro vim omnem expellit, quia se exserat adversus magnetica effluvia; hæc enim ratione habita ignis nulla vi in distantia attractrice, in contactu expultrice donata sunt, quibus aut ignis in corpusculis, aut corpuscula in igne motum aliquem & mutationem efficere possunt §. ibid. n. 4. sed quia ignis vim exercet suam in crassiores ferri oleosæ particulas, eas a recto situ, qui plurium effluviis ab uno ad alterum polum transmissioni necessarius est, detorquet, omnesque in partes dispergit §. 101, & 104. Quare cum versorio in capsula incluso, & magnete ab aliqua distantia appposito, in intercepto loco, qua effluvia transeunt, magna flamma excitatur, hæc non potest per vim attractricem suam exercere virtutem, nisi ipsa per se in tenuissimis illis effluviis mutationem aliquam, eamque sub sensus cadentem efficiat. Quod facere nequit, ut alibi ostendimus.

§. 301.

In experimento 57. laminarum candentium, quarum aliæ ex affricu ad præstantis polum magnetis inermis nullam vim se acquisivisse ostenderunt, siue adhuc ignitæ, siue ubi resfrixerint; aliæ autem ad præstantis magnetis armatum polum affricæ magnam attrahendæ scobis vim contraxere, & resfrigeratæ retinuerunt; in quo præstare ait sobrie, cauteque ratiocinari (exper. 76. pag. 133.) non video, cur ex eo quod alter magnes foret armatus, atque ideo majori impetu corpuscula ejacularetur, quam inermis, concludi non possit illud discrimen oriri ex diversa vi, qua ex utriusque magnetis polo corpuscula erumpunt: quatenus in inermi minor est, quam ut villos oleosæ substantiæ ab igne quoquo versus dispersos ab uno versus alterum polum insectat, deprimat, & contra vim corpusculorum ignis in eo situ aliqua ex parte detineat, etiam cum magnes amotus est, & sola ejus corpuscula in ferro super-

perfuert: in armato autem his omnibus præstandis est satis; eo quod is majorem vim cum ferro communicat, ut contra nonnullos expertus est & ostendit idem Musschenbroechius. Vis nanique ignis infinita non est, adeo ut aliquando à vi corpusculorum fortissimi alicujus magnetis superari non possit. Quemadmodum autem cum ferro solum calefacto vim etiam ordinarius, & inermis magnes communicat, quod illius vis minor vim minorem particularum ignis, quæ in ferro solum calefacto ultro citroque discunt, vincit; ita etiam magnetis armati vis major majorem particularum ignis, quæ in ferro candente sunt, vim superare potest. Versamur enim in re, quæ intendi ac remitti potest, atque ut ajunt in scholis, suscipit magis, & minus. Si igitur virium corpusculorum magnetis, & ignis ea proportio sit, ut particulæ, & villi oleosæ materiæ, quæ ab iis magna ex parte ad angulum contrariis cientur, mediam quamdam lineam describere debeant a directione corpusculorum magnetis non valde recedentem; in ferro habebimus villos ab uno ad alterum polum, etsi non omnino inflexos, atque depressos, tamen ita, quantum est cursui plurium corpusculorum, atque ideo viribus attractricibus satis.

§. 302.

Quod ad experimenta 60. & 61. (pag. 116.) breviter dico, idcirco in vehementissima rotatione magnetis versorii extrema ad suum quæque polum non converti, sed extremum B, quod a primo respiciebat obversum polum M, initio motus aliquantum oscillare, deinde omnino quietum manere, quia nimis cito polus M redit ad situm, in quo extremo B acus propior fiat, quam polus S magnetis, nec locum reliquum facit corpusculis poli S, ut extremum A ad se alliciant. Qua in re non mihi placet, quod a Musschenbroechio affirmatur de causa, cur euspi Borealis semper ad magnetem dirigeretur, quia scilicet *polus Meridionalis magnetis, cui versorium affricum fuit, in hac regione majores attrahendi vires habet* (pag. 117.) quam Boreus: nam præterquamquod valde incertum esse, utrum Meridionalis polus sit boreali vegetior, Cl. Fayus in Actis Academiæ ostendit (*Hist. de l'Acad. an. 1731. pag. 417.*) & nos §. 272. num. 6. insinnavimus, illud extremum, quod initio motus obversum magneti reperitur, eundem magnetem semper respicere ex meis experimentis concludo, & ex significata ratione, cuius utcumque exemplum habemus in illa via candenti, quam carbone ignito in gyrum celeriter circumducto per totum spatium continue cernimus; quod ideo fit, quia priusquam cesset actio radiorum, qui ab uno loco proficiuntur, propter magnam velocitatem carbo ad eum redit. Simili ratione B acus perpetuo trahitur,

hitur, quod antequam corpuscula ab M magnetis objecto acui morus initio profecta trahere, & dirigere desinant, polus M ad eundem locum redit.

§. 303.

In experimento 66. plura sunt, quæ nostro systemati favent, nonnulla, quæ adversantur. Illud primo favet, quod ferrea scobis circa magnetem sparsa (pag. 120.) in locis polo utrique subjectis in series plerumque rectas disponitur; prout vero magis a polo utrimque disteditur, series incurvari observantur, ad latera autem omnino curvæ notantur. Illud etiam favet, quod scobis series curva utrimque linea circumscribuntur, atque ad polos præsertim ea est figura extremæ superficiei scobis dispositæ, quam §. 155. obtinere in corpusculis affirmavimus, scilicet ut longior corpusculorum series centro poli insistat, a quo subinde descendant. Quæ omnia cursum corpusculorum sub oculos ponunt. Illud autem adversatur, quod existimat Musschenbroechius gravissimum pulverem ab effluviis corporeis nequaquam cieri, quia si corporea forent, multo magis partes levissimas farinæ cierent. Cui objectorum generi jam alibi satisfactum est ita, ut nunc necesse non sit in eundem locum orationem inducere §. 214.

2. Alterum etiam adversari ab eo putatur, quod series scobis ita ordinentur, ut inter unam & aliam sit intervallum aliquod, & quidem eo minus, quo series magneti propiores sunt: intervalla autem non sint omnino sine pulvere intersperso, qui seriei alicui adhæret, & sine ordine certo usque ad seriem vicinam excurrit, idque in majori a magnete distantia magis obtineat. Idcirco autem putat id nostro systemati obesse, quod si corporeorum effluviolorum virtute disponderentur, ratio expediri non potest, cur compactæ non sint, & altera prope alteram sine intercapedine positæ. Verum tantum abest, ut clara non possit hujus phænomeni causa produci ab Astipulatoribus profluvii corporei, ut minimorum quorumlibet adjunctorum, quæ a Musschenbroechio observata sunt, nedum phænomeni generatim inspecti claram, & evidentem rationem allaturi simus: quo scilicet tandem suis ipse oculis videat Musschenbroechius systema effluviolorum phænomenis explicandis magnetis accommodatissimum esse. Nam in singulis extremis, quæ ubique existant ex villis, quibus illæ series componuntur, sunt duo poli, boreales, qui omnes polum Meridionalem magnetis respiciunt, meridionales, qui pariter omnes polum Borealem spectant Magnetis §. 278. num. 1., idque præsertim verum est in extremis villorum transverse positorum, quæ utpote non copulata cum aliis villis, quod se mutuo pellant, polum habent egressus corpusculo-

rum,

rum, quæ a polo villos dirigente effluunt §. eodem. Per hos autem polos singula illa fila ad magnetem trahuntur, sed ne accurrant, obstant tum vis resistentiæ, qua cum plano coherent, tum illud quod magnes sufficienti pro sua virtute copia scobis se oneravit. Sed cum poli cognomines illorum filorum prope sint, & eandem versus plagam directi, series illæ non solum a magnete attrahuntur, verum etiam altera alteram pellit §. eodem. Prima vi compactæ esse deberent, secunda disjunctæ. Ex quibus vis media componitur, qua fit, ut nec omnino compactæ sint, quemadmodum vis attractrix magnetis requirit, nec ita disjunctæ, ut postulat vis repellens singularum. Neque dixeris in magnete vim esse majorem; nam ferrum majorem vim a magnete accipit, quam habeat ipse magnes; præterquamquod fila sunt sibimet propiora, quam magneti. Idcirco autem in locis magneti propioribus inter series minus est intervallum, quia vis attractrix polorum magnetis, quæ ibi major est, multo magis superat vim attractricem singularum particularum, quam in remotioribus. Cum vero scobs in series disponitur, fieri potest, ut extrema filorum, quæ polum habent e. g. borealem, sint valde vicina extremis, in quibus est polus australis, & idcirco transversim illa trahant, cumque iis jungantur, & copulata permaneant, quia tunc multo majori vi sibi coherent. Quod in majoribus a magnete distantis facilius ea de causa fit, quam in minoribus, quia vires polorum magnetis hic sunt majores, ideoque, dum extrema filorum efficacius trahunt, & secundum effluviolum cursum in lineas curvas ab altero ad alterum polum dirigunt, majori impedimento sunt, quominus a viribus aliorum in transversum pellantur; ibi autem, uti minores, minus etiam impediunt. Constat igitur ratio phænomeni, & omnium adjunctorum, quæ a Musschenbroechio observata sunt.

§. 304.

Ad experimentum 73. (pag. 127.) propterea quod indica arenæ non abit in regulum, & nihilominus attrahitur a magnete, propter in eam sententiam, quod aliqua corpora præter ferrum ab eodem alliciuntur: contraquam sentit in opere recens edito, in quo ex tinctura, quam omnia corpora attracta a magnete dant, quæ similis est tincturæ ferri, ferrum, aut ferri matricem, ut alibi advertimus §. 119., in iis latere concludit (*Essai de Phys. cap. 18.*) Sed hac in re homini non valde repugno. Nam ex plurimis observationibus illud saltem colligitur in omnibus hisce corporibus magnam olei portionem inesse, aut oleaginosi, crassisque imbuta materiis apta attractioni magneticæ fieri. Quod magis nostrum de oleosa portione systema confirmat.

AR-

ARTICULUS IX.

Continuatio ejusdem argumenti. Referantur & explicantur experientia de optima methodo armandi magnetes.

§. 305.

NArrationem chymicarum operationum circa prædictum pulverem sequitur descriptio methodi, qua magnetes armandi sunt. Quæ in re cum in nuperrimo opere diligentius versatus sit §. 553. 556. rationem inquiram potissimum eorum, quæ ibidem ab homine in armando magnete servanda traduntur. Totus igitur est in investigando modo, quo magnes optime armari potest. Ut vero causas teneamus eorum, quæ auctor eum in finem præcipit, illud tamquam fundamentum statuo id hæc in re potissimum spectari oportere, atque eo cogitationes omnes referri, ut quammaxima corpusculorum copia ex pedibus armamenti egrediatur, & in eosdem se intrudat. Cum enim vis idcirco augeatur in armando magnete, quia per ferri poros corpuscula majori vi transmittunt §. 209. & ferrei pedes ii sint, e quibus onera attrahenda suspenduntur; hinc quo plura corpuscula ad pedes deferantur, & ab iisdem erumpant, eo plurium corpusculorum magnetis vis augebitur, atque idcirco magnes plus attrahet. Ex quo primum consequitur pedes esse polis imponendos, quod major corpusculorum vis & ex iis egreditur, & in eosdem ingreditur (l. 1. cap. 4.) Sed prius optime polos esse poliendos lævigandosque perfricatione lapidis plani, fabulo, aqua, frusto speculi vitrei una cum aqua, & petra jutlandi ignita, Musschenbroechius advertit: quia scilicet quo magis ferrei pedes ante cum polis coherant, & plura illorum puncta cum polorum punctis copulantur; eo minus aeris, & aliorum corporum interponitur, quæ velocitatem corpusculorum a magnete egredientium imminuant (lib. 1. cap. 2.), & eo facilius corpuscula a magnete ad pedes transeunt, atque illa corpuscula, quæ a magnete egredientia in solida puncta obversa superficie incutunt, & eam repellunt, eo pauciora sunt.

2. Quod vero ad magnetis figuram pertinet, experimentis confirmari ait satius esse superficiem inter utrumque polum complanare, quam curvam relinquere. Cuius rei hæc reddo rationem. Quo plura corpuscula ab uno pede in alterum ingrediuntur, eo magnes fortius armatur; & quo pauciora, eo debilius. Atqui curva superficie interjecta plura ex corpusculis, quæ ab uno effluunt pede, & ad alterum pedem, & polum rapiuntur, dum in superficiem curvam se in intercepto spatio extollem incurrunt, in ejusdem

De Mag. T. I.

L I

ob-

objectos poros ingrediuntur, & pauciora ad pedem se conferunt. Quod non ita facile fit in plana, quia corpuscula per lineas curvas, quas ab uno ad alterum polum describunt, ab ea digrediuntur, & ejusdem poros facilius effugiunt.

3. Deinde monet in servanda axis longitudine majorem esse adhibendam diligentiam, quam in servandis iisdem altitudine, & crassitie. Quod idcirco est, quia poli natura & vis in eo posita est, ut aut ex ipso solum effluant ejusdem generis corpuscula, aut solum ingrediantur, saltem maxima ex parte; facile autem potest usvenire, ut si partes extrimas, in quibus sunt poli, decidamus, in interiori nucleo non sit ea copia pororum, quæ unius tantum speciei corpuscula aut transmittat, aut recipiat, eo quod per interiores magnetis recessus ob refractionem (lib. 1. §. 60.) explicatam corpuscula omnes in partes discurrunt.

4. Hic nihil dico de illa antiqua armandi ratione, qua secundum longitudinem axis perforato magnete, virgam ferream inferebant; nam quantum is modus ineptus sit, plura ostendunt, atque illud in primis, quod magneti adimitur nucleus, quem potissimum recto motu corpuscula percurrunt §. 145.

5. Neque pariter immoror in eo, quod auctor animadvertit de ferro mollissimo, non duro, & multo minus chalybe eligendo; nam hujusce rei causæ fuerunt alibi expensæ §. 211.

6. Porius investigandam suscipio causam, cur pedes copulari esse debeant cum latis laminis, sive suis cruribus, quæ latera utrumque magnetis operire debent, atque complecti; unde fit ut ita fere longa esse debeant, quemadmodum altitudo, itaque lata, ut magnetis crassities: atque hanc esse puto. Cum corpuscula per longitudinem ferri percurrere, & ad ejus extrema fluere ament (lib. 1. cap. 4.) corpuscula, a lateribus magnetis quæ erumpunt, & in eadem se indiscriminatim intrudunt, per ferri longitudinem statim, ac appositum est, currere incipiunt (ibid.), atque ideo majori copia, quam antea, ad polos, & ad pedes, quibuscum crura ferrea conglutinata sunt, concurrunt. Quod fieri non potest quin polorum vis augeatur. Neque dixeris magnam etiam corpusculorum vim ad alterum crurum extremum deferri; nam primo ne major copia eo confluat, aliquanto rotunda fieri debet, ut auctor advertit, superior laminarum extremitas, & ita quantum fieri potest, omnes anguli, & acuta extrema tollenda sunt. Cum enim ex iis corpuscula erumpere ament, nimium magna copia per angulos dispergeretur. In superficie autem aliquantum rotunda quamminimi anguli, & extrema reperiuntur. Deinde crus, quæ parte cum pede conjungitur, crassius sit, eoque magis, quo ad pedes propius

pius accedit : in eum scilicet finem, ut corpusculorum major copia a majori attracta vi attractrice ferri longioris illorum confluar. Demum illud etiam prodest, quod corpuscula ad superius laminæ extremum se conferant majori vi, quam ad alias magnetis partes, exceptis pedibus. Quia scilicet non omnia corpuscula, quæ a pede v. g. boreali egrediuntur, se conferre possunt ad australem, sed quæ ab eo valde declinant, aliorum petunt. Quamobrem utile erit, ut præter pedem australem sit aliud ferrum, quod illa condenseret, quatenus ad se, atque in angustiore locum abripit illa corpuscula, quæ a diversis, & latioribus magnetis partibus abrepta magis dissiparentur. Sed huic fini nullus est accommodatior locus præ lateribus: cum enim superficies crassitie magnetis earum magnetis partium, quæ ad pedem borealem usque pertinent, illa sit quæ maxime omnium ab australi abest, eique e regione posita est, corpuscula, quæ valde inclinata ad illas superficies a pede egrediuntur, a polo meridionali abripi non possunt, quemadmodum facilius abripi queunt corpuscula, quæ in alias minus a meridionali distantes partes propendent. Quamobrem cum illa ab altero pede colligi non possint, satius est, ut a crure colligantur, ne in amplius spatium dissipata nimium suæ vis amittant.

7. Ex quibus compertum sit cur inutile sit armare ferro aut superficie crassitie inter unum, & alterum polum intersectam, aut latitudines utrimque magnetis; quia videlicet per vim, qua corpuscula egredientia a boreali ab his ferreis laminis abriperentur, nimium averterentur a cursu, quem versus meridiem tenent, & in majus spatium dissiparentur. De superficie autem crassitie opposita e regione superficie inter utrumque polum intersectæ quæstio esse potest, an prosit illam armare, nec ne. Sed fortasse utile non erit, immo inutile, quod in loco nimium a polis distant corpuscula propter ferri facilitatem congregarentur, nisi fortasse lamina illic ponenda cum cruribus ita foret copulata, ut angulis omnibus quam maxime evitatis corpuscula ad pedes usque deferrentur. Quo posset etiam evitari crurum superior extremitas, unde corpuscula effluent. Tunc autem ab extremo inferiori unius pedis magnetis usque ad extremum inferius alterius curva magnetis superficies esse deberet, quo lamina curva sine ullis angulis ex utroque extremo cum pedibus conglutinata, cum illa quammaxime cohæreret. Sed his in rebus sine adminiculo experimentorum præstat caute ratiocinari. Quare ad alia progredior, quæ Musschenbroechius experimentis detexit.

8. Quod ad figuram pedis pertinet, monet ita fieri oportere, ut paulatim subtilior, & subter rotundus fiat, & latitudo minor ma-

jori subtilior sit 1:3, aut 1:4. Quia scilicet corpuscula in locis angustioribus facilius colliguntur, & magis conglobata exeunt (l. i. cap. 4.) atque majorem ideo virtutem exerunt.

9. Quod vero ad situm pertinet, præter ea, quæ jam statuta sunt, animadvertit oportere, ut pedes inclinent non extra magnetem versus crura, sed intra alter alterum versus, quod experientia sibi monstravit magnetem, cujus pedes extra se exporrigebant, debilius attraxisse ferrum, præ magnete, cujus pedes intro spectabant, quamquam crura, & reliqua omnia eadem forent. Cujus hanc assero causam. Cum magnes adhuc inermis ad eam formam redactus est, ut ex una parte & in eodem plano duo poli valde vicini sint, quod interjecta seque attollens magnetis portio abscissa fuerit, ex altera vero multo magis distent, quod magna corporis magnetici portio intercepra est; corpusculorum, quæ a polo boreali e. g. profecta, & antrorsum progredientia virtute poli australis retro abripiuntur, major pars per minus interpositum spatium ad polum meridionalem se conferret, ut quæ majori virtute ob illius poli viciniam illo pertrahitur, minor autem extra magnetem rotabit, totum circa illius corpus converteret, & ad polum meridionalem ea perveniet: propterea quod poli ex ea parte propiores sint, & magis præ aliis magnetis punctis corpuscula abripiunt §. 140. Quare si pedes intro spectent, majorem in se recipient horum copiam corpusculorum, quam si extra, quod illi loco subiciuntur, unde potissimum corpuscula erumpunt num. 1. Sed quo pedes majorem effluviorem copiam a magnete accipiunt, eo majorem celerius transmittunt, & eo magis virtutem augent magnetis num. 1. Præstat igitur ita collocare pedes, ut intro spectent, non extrorsum.

10. Experimentis deinde confirmat definitam esse pro quolibet magnete crassitiem crurum, & pedum, itemque eorundem pedum altitudinem, & latitudinem, ut magnes viribus omnium maximis corpora pelliciat. Qua in re videnda sunt ea, quæ alibi in eadem sententiam scripsimus §. 284.; inde enim ratio constabit hujus effecti.

11. Demum transit ad ferrum e polis suspendendum, unde alia pondera suspendenda sunt, & plura observat, ac præcipit. Primum illud latius esse oportere, quam inferior basis pedum. Cujus rationem antequam reddam, investigandum est, cur illud ferrum adhibendum sit. Quod ita patet ipsum per se, ut multis declarari opus non habeat. Scilicet ut virtus duorum polorum in uno corpore colligatur, ex quo pondera suspendantur. Unde patet illud aptissimum esse, quod viribus maximis a polis attrahitur. Ex quo etiam concluditur ratio ejus, quod ex Musschenbroechio modo ob-

fer-

servavimus. Siquidem ubi hoc ferrum minus crassum erit, quam superficies inferior magnetum, non omnia, quæ ex singulis eius punctis, & potissimum angulis pedum corpuscula evadunt, in illud se insinuabunt, ut ad pedes apprimant; quod facilius fieri poterit, cum majorem, ac pes, crassitiem habebit. Quo etiam redditur ratio alterius observationis, cur nimirum hoc ferrum distantia polorum quatuor, aut quinque lineis longius esse queat, non vero brevius. Quia scilicet corpuscula, quæ exirorsum excurrunt; & ad terura contendunt, ut vidimus num. 4. in ferrum brevius se insinuare non possunt, ut illud trahant, quemadmodum se intrudunt in illud, quod ultra pedes aliquantum excurrit. Qua in re ait auctor se ferrum paulatim ita decurtasse, ut tandem extrema, nisi ad mediam basim inferiore pedum, non pervenirent, & minus semper pondus attolli animadvertisse: quamquam interior pars pedis fortius attrahat, cujus rationem ex superioribus pete num. 9. Quod vero ad figuram, crassitiem, atque ad alias dimensiones ferri aliud nihil statuere possumus, nisi illa esse aptissima, quibus obrinemus, ut in angulis potissimum effluvia colligantur §. 284. Unde intelligitur, cur sit aptior illa figura, quam Musschenbroechius determinat, quæque requirit, ut inferiores anguli minus præ superioribus excurrant, quia videlicet polis magis recta subjecti sunt, ut corpuscula inde in rectum exeuntia, in iis facilius colligantur.

12. His alia multa adjicit, quæ quia nunc hoc, nunc illo modo se habere debent, quo majus pondus sustineatur, difficulter ab eo explicari possunt, qui experimenta repetere nequit, & ad adjuncta omnia, quæ lucem afferre solent, animum advertere. Unum tantum seligo. Nonnulli Artifices in definiendo loco foraminis oblongi ferri, unde corpora appendenda sunt, putarunt habendam esse rationem proportionis, quæ inter virtutes polorum intercederet, ita ut si forent æquales eorundem vires, in medio ferri loco foramen aperire oporteat; si inæquales, quantum vis unius vim alterius excederet, tantumdem propius fortiori. Quorum rationem hanc fuisse puto. Cum aliqua virga ab extremis sursum a duabus viribus trahitur, si ab illo puncto, quod sit centrum virium, deorsum alia vi trahatur, pelli deorsum non potest, nisi vis deorsum utramque vim sursum omnino perimat, eo quod solum motu recto tunc deorsum virga agi potest, ut Mechanici ostendunt. At si extra centrum virium propius unum extremum, quia tunc deorsum oblique agitur, non utraque vis omnino perimi debet. Quare tunc minor ad virgam movendam requiritur, maxima vero omnium, cum e centro virium impellitur. Sed centrum virium in ferro a polis attracto debet esse in media parte, si vires polorum, qui fer-

rum

rum sursum trahunt, sint æquales, & si inæquales, tanto propius uni polo, quanto vires illius vim alterius excedunt. Ergo maximum ex loco ita definito pondus feretur, atque ideo foramen, unde suspendatur, in eodem aperiendum. Optima sane ratio, & ex certissimis Mechanicæ legibus ducta, sed perperam usurpata, uti monstrant experimenta Musschenbroechii, & quas iisdem subiiciemus rationes. Auctor enim ait se observasse modo oportere foramen esse in medio loco, modo propius pedem debiliorem, interdum propius fortiolem. Cujus diversitatis multæ causæ esse possunt; uti diversitas mollitiei, figuræ, crassitie & aliarum dimensionum inter ferri partes, quibus fieri potest, ut una sit altera apertior, quo magis trahatur §. 298. n. 9. Sed nos hanc potissimum nunc consideramus. Alibi advertimus ferrum inter magnetem & ferrum, aut inter fortiolem ac debiliorem magnetem collocatum magneti adimi a ferro, quod fortius cum ferro, & polo debiliore magnetis conglutinetur, atque coherentiæ causam esse in corpusculis a magnete tum egredientibus, tum in eum ingredientibus, habita tamen ratione contractus, & longitudinis ferri interjecti. §. 212. & seq. §. 297. & seq. Hic igitur etiam fieri potest interdum, ut pro ratione distantie unius pedis ab altero, & contractus ferri cum utroque pede, a corpusculis egredientibus a polo fortiori, & per ferrum ad debiliorem progredientibus, idem ferrum debiliore validius apprimatur, quam ab iisdem corpusculis pars racta a pede, unde effluunt, eundem versus trahatur; interdum autem fieri potest contrarium. Nam polus vegetior ad polum vicinum debiliorem ejusdem magnetis ita se habet, ut magnes vegetior ad debiliorem. Ex quibus, & ex mechanica ratione modo allata concluditur, cur modo propius unum polum, modo propius alterum foramen esse oporteat: unde obiter duo concludo, quibus huic materiæ finem impono. Alterum valde hoc ferrum etiam prodesse, quod ex uno polo ad alterum multa corpuscula, quo per eum ingredientur, se conferant num. 2. alterum valde etiam conducere idem ferrum quod ex utroque polo suspenditur, quia illud majori vi per se a corpusculis ab uno polo egredientibus contra alterum urgetur, quam ad pedem, unde fluunt, attrahatur. Quod si ex utroque polo pondera sejunctim appenderentur, propter interjectum aerem, & ex eo quod corpuscula utriusque a ferreis instrumentis, quæ polis adhærerent, magis abriperentur, non tanta corpusculorum copia ab uno ad alterum polum contenderet.

C A P U T VII.

Referuntur & explicantur experimenta Musschenbroechii sumpta ex Capite 3. dissertationis de magnete circa acus magnetica & magnetis directionem.

§. 306.

TAndem pervenimus ad Caput 3., in quo de directione magnetis, & ferri super ipsum ducti tractatur. Initium vero ducit auctor ab iis observationibus, quibus compertum sit plures in quibusdam magnetibus polos existere. Quia vero ex iis, quæ de communicatione virtutis magneticæ sive per corpuscula magni terrestris magnetis §. 270. sive per corpuscula parvi alicujus §. 245. & seq. liquet, qui plures poli in ferro plus, quam duobus angulis constanter §. 253., aut tantum ratione habita situs §. 246. & 272. n. 3. formari queant: magnetes autem in telluris visceribus ex ferro existunt aut per sola terrestris magnetis corpuscula §. 80., & seq. item §. 170. aut etiam per alicujus parvi, qui ferri sodinam proxime sit: idcirco hac de re nihil hic speciatim edissero, & omisissis experimentis duobus, quia nihil asserunt, quod non ante explanatum fuerit, ad 83 progredior (pag. 139.). Del Porta in *Magia Natur.* & postea Ridley in *Treatise of Magnetic Bodies Ch. 9* in dubium adduxerant illam observationem, quod si magnes per æquatorem, seu per planum ad axem perpendiculare dividatur, in extremis iidem, qui antea, poli B, & M permaneant, in novis autem planis polus *b* in segmento, in quo est polus M, & *m* in segmento, in quo est polus B, & circiter punctum aliquod axi vicinum existat. Nam B, & M polorum locum mutari affirmarunt, & M fieri B. Quibus non valde cum nostro systemate conveniret, & præcipue cum iis, quæ de magnetico nucleo totam magnetis substantiam a polo ad polum pervadente §. 145., deque rigiditate villorum magnetis alibi disseruimus. Verum Musschenbroechius hæc omnia componit, & primo suis experimentis extra dubium ponit dictam observationem, quæ cum nostro systemate optime congruit deinde respondet memoratos auctores, si quid contrarium experti sunt, cuneo fortasse Magnetem fidisse, & nimia vi illata polorum situm mutasse, sive, ut ex nostro systemate illud interpretemur, in contrariam aliquam partem villos, atque ideo cursum corpusculorum torxisse. Non enim villi magnetis ita rigidi, & inflexiles sunt §. 116., ut magna quadam de causa in contrarium infecti aliquando non possint, uti corpusculis alterius cujusdam for-

fortioris magnetis §. 113., ac vehementi mallei percussione §. 290. Quo vero Musschenbroechius suam conjecturam confirmet, hæc adjicit. *Observavi enim quando filum ferreum in partes ope lima lente, sed penitus secabam, directivæ vim in omnibus segmentis mansisse eandem: cum vero partes fili tantummodo usque ad medium lima separaveram, & reliquum inflectendo frangebam, vel cuneo, malloque findebam, polum australem mutatum esse in semiboreum, imo aliquando penitus in boreum.*

2. In sequenti experimento confirmat (pag. 140.) nostram illam sententiam, quod totus polus non in uno puncto sit, sed in parte aliqua lata, quæ centrum virium habeat. Hæc enim scribit: *Magnetis rotundi AB EF (fig. 17.) axis sit CD, C polus australis, D boreus; dividatur Magnes bifariam sectione per axem transiente, habebit pars COABPD polum australem in O, boreum in P; segmentum CXEFZD habebit polum australem in X, & boreum in Z.* Unde inferat totum latus EXCOA esse polare, quemadmodum & totum FZDPB; idcirco autem in magnete integro polos apparuisse in C, & in D, quia erant concursus virium, sive centrum polorum ab utroque latere. Non tamen inde falsitatis arguitur illa nostra sententia, qua voluimus aliquod poli punctum ipsum per se uti posse majori vi, alia utrimque posita minori, & eo quidem magis, quod plus ab illo absunt, sive ab aliquo puncto majorem vim corpusculorum effluere, ab aliis minorem, quamquam etiam contra res se habere queat aliquando, immo & sæpe, quia magnetes irregulares regularibus multo plures esse possunt, & sunt. Nam etsi ex punctis C, & D a magnete integro major numerus corpusculorum, quam ex aliis inter A, & E, interque B, & F interjectis erumperet: tamen secto magnete adhuc plus minus poli, sive illa puncta, ad quæ versorium recta diriguntur §. 217. in segmentis a punctis C, & D utrimque recederent. Siquidem versoria recta spectare debent punctum illud, quo spectat centrum virium corpusculorum, quæ versorii quodlibet extremum trahunt, & dirigunt §. 217. & seq. Sed quamvis ex puncto C major numerus corpusculorum, & velocius erumpat, quam ex alio quolibet inter A, & C, non tamen in C potest esse centrum virium effluentium corpusculorum, sed in alio quolibet puncto O, quod recedat a C, & pro ratione proportionis virium aliorum punctorum, ad vires puncti C, plus minus accedat ad A, ut liquet ex Mechanicis, & ex iis quæ alibi diximus, & ex hoc etiam experimento. Si ducimus magnetem australes poli, alter fortior, alter debilius duos v. g. pollices prope collocentur, extremum versorii ab aliqua distantia iuxta duos interpositi a fortiori omnino non attrahitur, sed punctum aliquod interceptum polo vegetiori pro-

pius

pius recta respicit, & si obex amoveatur, ad illud fertur. Huc pertinet etiam experimentum 86 (pag. 141) ejusdem auctoris duorum magnetum prismaticorum, quorum poli boreales, alter in uno angulo prismatis, alter in alio angulo sit, itemque meridionales. Nam si prismata ita jungantur, ut massam parallelepipedam faciant, & poli ejusdem nominis ex eadem superficie parallelogramma sint, & in angulis e diametro oppositis constituti, poli ad mediam superficiem transmigrant, quod scilicet vires utriusque in eo loco, tamquam in centro, conjungantur.

§. 307.

His, & aliis nonnullis de polis, deque directione magnetum observatis, quæ in constituto systemate facile explicari possunt, & multa ex iis, quæ jam statuta sunt, confirmant, progreditur ad polos, & ad directionem ferri, & in experimento 90 singulare phenomenon proponit. Si extremitas fili ferri solum apponatur polo magnetis, indeque statim avellatur non affricta, filum acquirat in diversis per totam longitudinem locis diversa puncta polaria, quibus filum secundum longitudinem prope versorii extremum aliquod ductum modo illud trahit, modo repellit, aut si versorii polus aliquis secundum longitudinem fili stylo impositi ducatur, modo trahit, modo repellit. Quo modo sumtum a Musschenbroechio experimentum in filo 12 pollicum ita successit, ut apex a polo boreo alterius versorii attraheretur, locus 1 pollice distans repelleretur, post sex pollices denuo attraheretur, inde alternatim tres aliæ plagæ darentur, & denique alterum extremum repelleretur. Quare in hoc filo erant sex puncta alternatim attracta, & repulsa, & in extremis diversi poli existerant. At si polum australem ducebat secundum hujus fili longitudinem, tria tantum puncta & aliis in locis observabat; nam prima extremitas usque ad distantiam 1, 1:2 pollicis repellebatur, tum sequebatur attractio exigua, sed ad finem fere perdurans, deinde fortissima attractio. Ex Desagullicrio, & ex Nob. Taylora in Philos. Transf. N. 368. alia describit experimenta, quibus constat modo quatuor, modo quinque dari hujusmodi puncta, modo sex, modo septem, nunc in extremis esse eadem, sed rarius, nunc diversa, aliquando alternatim sibi succedere, interdum, sed rarius duos ejusdem speciei, alterum debiliorem, fortiolem alterum consequi.

2. Quæ omnia phenomena verosimile putat oriri ex spinis, quæ in omni ferro, & chalybe sunt, quæque sunt quidem ferrum, sed durius ac diversum a reliquo, & aliquando ita distinctum, ut nodus ligni ab eodem; & quia hæ spinæ nullo sunt ordine positæ, ideo & puncta distantias æquales, aut in eadem proportionem non

habere animadvertit. Verum qua ratione hujusmodi spinæ horum effectorum sint causæ, in systemate corpusculorum facile intelligi potest. Nam cum ferrum valde breve est, aut super magnetis polum affricatur, quamvis sint spinæ aliquæ effluviis transmittendis magis præ aliis ferri partibus resistentes, eo quod duriores sunt, & minorem habent in poris olei portionem; tamen quia tunc corpuscula magna vi ab uno usque ad alterum extremum contendunt, eas transmittunt, duosque tantum polos, alterum ingressus in extremo affricto, alterum egressus in remotiore, si sint egredientia corpuscula; si vero sint ingredientia, alterum ingressus in remotiore, alterum egressus in vicino facere possunt. At si filum nimis longum, ut illud 12 pollicum rheuol. solum polo applicetur, & inde statim avellatur, corpuscula a magnete exeuntia minori vi ingrediuntur in extremum appositum, & propterea si in aliquam spinam incurrant, quæ iis magis obsistat, perinde ac si ferri terminus ibi foret, attracta a majore facilitate poli ingressus regredi incipiunt, cumque per eosdem ferri poros trajici nequeant, foras erumpunt, & alium, atque ille est, qui in extremo reperitur affricto §. 237. polum efficiunt. Cum vero spinæ non occupent ipsam ferri crassitiem, alia corpuscula motum suum per ferri longitudinem continuare possunt, & cum in aliam spinam, sive minus defœcatam ferri portionem incidunt, alium ibi polum exitus facere. Quæ omnia cadunt etiam in corpuscula, quæ magnetis polum ingrediuntur. Ex quo hi diversi in tota longitudine poli existant necesse est. Quam rem exquisitius tractare non possumus, nisi exquisitius experimenta fiant, & adjuncta omnia noverentur.

§. 308.

Quamobrem non video, (pag. 144.) quantum momenti sit in eo, quod infert ex sequenti experimento contra communem, & alibi a nobis probatam Philosophorum sententiam, qui volunt polum borealem unius acus attrahere australem alterius, & contra. Versorio enim 12 pollices, 1:2 longo, quod varia ad polos magnetis applicatione plus quam duobus polis instruxerat, expertum se esse ait, polum boreum alterius versorii fugare australem illius. Ac quid inde? nonne ex iis, quæ §. 274. diximus liquet interdum extremum aliquod versorii repelli, aut attrahi ab alio fili extremo applicato, non propter polum in extremis positum, sed propter alium polum in parva ab extremo distantia collocatum? fac igitur esse in cuspide dicti versorii debiliorem polum boreum, vi cuius, & aliorum borealium in eodem brachio, aut aliorum etiam vegetiorum australium in altero, ad polum Telluris boreum dirigatur: prope cuspidem vero esse validiorem polum australem, qui tamen

cu-

cuspide ad polum australem telluris convertere nequeat, eo quod ejus vis impeditur virtute aliorum polorum borealium, qui in eo brachio sunt, aut virtute vegetiorum australium, qui in altero brachio, & potissimum in cauda reperiuntur; nam ut alibi advertimus, & constat ex Mechanicis, quo pars tracta magis distat a centro, eo majori cietur vi. Si itaque ad hujusmodi versorii apicem borealem admoveas australem polum alterius, repelli videbis, non quia corpuscula, sive generatim vires australes polum borealem ipsæ per se, & natura sua repellant, quomodo intelligenda est communis Philosophorum sententia, sed propterea quod prope est validior polus australis, qui idcirco majori vi a corpusculis, sive viribus alterius australis repellitur.

Sed facile res ita se habere potuit in experimento versorii 12, 1:2 pollicum, in quo plura duobus loca polaria ipsemet Auctor advertit. Quod si ejus mentem in narratione experimenti, & omnia adjuncta melius cognoscerem, fortasse rem oculis, uti in illo experimento a me facto §. 274. subjicere possem. Ad hæc si attendas, intelliges etiam causam generalem anomalie experimentorum, quæ ab Hambergero, & ab ipso Musschenbroechio facta sunt, quæque pag. 146. & 147. referuntur.

2. Illud præterendum non est, quod Musschenbroechius negat sibi umquam contigisse, ut acus quocumque modo virtute magnetica a se imbuta fuerit, a meridiano magnetico declinaret; contraquam in mea mihi acu observatum fuisse alibi animadverti, §. 249. & Hambergerus in sua se observasse fatetur his verbis, quæ a Musschenbroechio afferuntur. *Acum in superficie superiori polo magnetis boreali strinxi ab extremitate versus centrum; hac imposita stylo, nec sese sponte versus septentrionem dirigebat, sed in quovis fere situ quiescebat; aliqualem tamen conatum versus septentrionem sese dirigendi observabam.* Verum puto omnes omnium observationes ita conciliari posse. Idcirco acus, ad cujus medium polus positus fuerit, a meridiano magnetico divertere debet, & altero sui extremo orientem, altero occidentem respicere, quod cum similes, & æquales poli ingressus in utroque extremo formati fuerint, æquali vi a corpusculis ejusdem poli telluris trahuntur, atque ideo ad neutrum omnino accedere debent. §. 249. Neque illi directioni obstat polus ingressus corpusculorum alterius poli, qui in medio sit §. 248., eo quod æquales ejus partes ex utraque styli parte existunt, atque ideo pariter neutra a corpusculis ejusdem poli trahi debet. Hæc autem omnia in illo meo experimento accidebant, quod & ad medium acus præcise polum magnetis posui, ut partes a stylo hinc inde tactæ æquales forent, & æqualis vis in

extremis æqualiter ab illo medio distantibus circiter produceretur. At si alter ex iis polis ingressus valde alterum superat, aut pars recta a polo inter stylum & unum extremum intercipiatur, tunc pro ratione virium polorum aut nihil, aut plus minus a meridiano magnetico declinare debet, quod unum ex iis extremis a corpusculis unius poli magis attrahitur, propterea quod aut major in illo est polus ingressus, aut in altero brachio est unus polus ingressus corpusculorum alterius poli telluris, quod proinde brachium, viribus extremorum ut æqualibus elisis, a corpusculis illius poli trahi, & dirigi debet. Ita se habent versoria Musschenbroechii, & Hambergeri, quod vis cum iis ita communicata fuerit, ut polus ab altero extremo ad medium duceretur, quo certe fit, ut illi extremo tacto maiorem vim magnes, quam alteri, impertiat. Quamobrem aliquis conatus sese ad septentrionem dirigendi in versorio Hambergeri observabatur. Deinde incertum est, utrum ad medium præcise polum duxerat. Quia vero versorium Musschenbroechii, ut nimis longum, pluribus polis hac illac dispersis donabatur, hinc facile contingere potuit, ut poli unius brachii aut vi, aut numero, & distantia a centro alios superarent. Mea vero acus brevis erat. Demum fieri posuit, ut versoria Musschenbroechii propter causas §. 256. examinatas non declinarent.

§. 309.

In sequentibus duobus experimentis 94 & 95 nihil est, quod alibi non fuerit explicatum. Quamobrem transeo ad 96, in quo refert hoc experimentum Polinierii (pag. 149.) Acus nautica in aqua scyphi innatans, si polus B magnetis obvertatur, recta suo polo M respicit polum B magnetis; converso magnete ita, ut alter polus acus obvertatur, describit curvam similem illi, quam ferrea scobs circa magnetem facit. Quod notandum Musschenbroechio visum est, quia *videretur . . . se modo conversura* (inquit) *supra centrum gravitatis, veluti Acus nautica supra stylum rotatur.* Sed nihilominus cur id fieri non debeat, ratio nobis in promptu est, eamque suppetunt tum mechanicæ leges, tum quæ de acus extremorum ad polos inclinatione statuta sunt. Itaque supernatet aquæ scyphi acus $a_1 b_1$ (fig. 18.) cuius polus borealis b_1 a polo australi A_1 magnetis rotundi AB recta trahetur, ut $a_1 b_1$ congruat cum axe $A_1 B_1$ §. 217. Quod si acus non amplius ad polum A_1 accedit, id argumento est superficiem aquæ, infra quam, ut Galilæus ostendit, aliquantum subsidit, obfistere, ne motu recto: moveri queat. Convertatur magnes circa centrum C secundum ordinem litterarum A_1, A_2, A_3 &c. 3 qua conversione fit, ut polus A_1 discedere incipiat a b_1 , & B_1 accedere ad b_1 , quem repellit, & ad a_1 , quem trahit

trahit. Quare b_1 recedet ab eo loco polum versus A_2 , atque ideo versus b_2 , & a_1 ab eo loco polum versus B_2 , atque ideo versus a_2 , non per lineas rectas, quod aqua illi motui obstitit, & neque cum omnino polus A_1 obversus erat polo b_1 , illum a loco recta trahebat, sed per curvilineas; sed quale debeat esse punctum acus b_{1a1} , circa quod conversio fiat, nunc inquirendum. Si acus sui centro foret imposita stylo, quo recessus illius puncti ab eo loco penitus impediretur, profecto circa illud acus converteretur, quod illo solo penitus impedito, reliqua omnia libera forent, & conversioni obsequi possunt. At aqua nullum omnino impedit, quia verti possit in gyrum, & quantum ad eam pertinet, omnia æqualiter impedit, primum, quia motu recto impedito non idcirco penitus etiam curvilineo, qui facilior est, obstititur, alterum autem, quia æqualis est in omnibus aquæ partibus resistentia, præsertim si pro acu filum ferreum cylindricum, & usquequaque similiter lavigatum, aut asperum adhibeatur. Quamobrem a natura vitium, quæ brachia, sive extrema b_1 , & a_1 trahunt, hujus solutio questionis petenda est.

Lana (*Magist. Nat. & Art.*) experimentis compertum fieri docet longum parallelepipedum supra planum aliquod collocatum, si extra centrum propius uni extremo impellatur, converti, & rotare quodam sui puncto, quod ad alterum extremum eo magis accedit, quanto punctum propulsatum est primo extremo magis vicinum. Quod facile explicari potest ex indole communicationis impetus, qui si centro gravitatis parallelepipedi imprimatur, quia æqualis ejus portio utrimque ad æquales massas dimanar, facit, ut corpus recta moveatur, quod æquales utrimque massæ vi percussæ equali, ut in gravi e centro suspenso, sibi mutuo obstant, quominus alterutra prævaleat, atque præcurrat. At si extra centrum parallelepipedum impellatur, major massa magis resistit motui præ minore, atque ideo incipit antrorsum moveri, atque converti minor, cum adhuc altera quiescit, & præsertim in remotioribus punctis. Quod præsertim verum est in corporibus, qualia nunc sunt, poros habentibus, & flexilibus; ad quorum extremas partes impetus tempore transit, & viciniore impetui ante flectuntur, quam aliæ moveri incipiant. De qua re aliud nihil nunc ajo, quod tom. III. Phy. Gen. satis de eadem accurate disputavimus, præsertim §. 193. 238. ubi Bernullianam in medium protulimus theoriam, qua facillime punctum conversionis in corpore extra centrum percusso, & curva percursa definiuntur; atque ad promissam explicationem devenio. Cum rotatione polus A_1 discedere incipit a b_1 acus, & B_1 accedere v. g. A_1 in locum A_2 migrat, & B_1 in locum B_2 , extrema

rema b_1 , & a_1 a suis polis trahuntur, ac diriguntur, b_1 versus A_2 , a_1 versus B_2 . Cum autem polus A_2 extremo suo b_1 valde adhuc propior sit, quam polus B_2 suo extremo a_2 ; centrum virium, quibus utrumque extremum trahitur, cadet in punctum valde propius extremo b_1 , quam a_1 . Quamobrem perinde est, ac si illa acus traheretur per punctum extra centrum gravitatis & inertiae, multo propius extremo b_1 , quam a_1 ab initio, & ex eorum praescripto, quae ibi differuimus, centrum rotationis esse debet in aliquo puncto propiori extremo a_1 , & virga paulatim ad situm b_2a_2 transire debet. Cum vero continua polorum conversione centrum virium perpetuo ad centrum s virgae accedat; hinc etiam rotationis punctum ab extremo b_2 centrum versus discedere debet. Cum poli B_3 , & A_3 aequaliter a virga b_3 a_3 distant, centrum virium in centrum gravitatis cadit, & in eo instanti nulla rotatio est. Cum denique A_4 magis digreditur, & B_4 propius accedit; centrum virium discedit a centro s versus alterum extremum a_4 , atque ideo acus b_4a_4 convertitur circa aliquod punctum propius extremo b_4 ; quousque B_4 perveniat ad locum, in quo erat A_1 , & acus ad pristinum situm, sed extremis altero in alterius locum translatis.

C A P U T VIII.

De Magnetibus Artificialibus.

§. 310.

Serie atque ordine experimentorum Musschenbroechii, quem superioribus capitibus sum secutus, demum invitatus trahor ad acus nauticae declinationem ab orbis terraeque polis, invitatus, inquam, quod nec eo sum ingenio, ut in re tam difficili quidquam sperem asserre, quod operae pretium futurum sit, nec tot observationes etiamnum litteris consignatae fuerunt, quae certo alicui systemati stabiliendo sint satis. Sed quoniam in aliis fere omnibus magnetis proprietatibus versatus sum, ne hanc, quae aliis dignitate non conceditur, utilitate praestat, intactam relinquam, in ea quoque vires ingenii contendam. Verum editus recenti memoria liber de artificialibus magnetibus meas ad manus pervenit, postquam superiora & multa ex iis quae sequuntur, scripseram, qui me aliquantum moratur, & cogit, ut antequam propius accedam ad acus declinationem, paulisper hoc verser in loco, qui cum iis, qui haecenus tractati sunt, magis aptus est atque connexus. Hic autem liber inscriptus *Traité sur les aimans artificiels Traduits de deux ouvrages Anglois de L. Michell & I. Canton par le P. Rivoire de la*

la C. de I. à Paris 1752. multa continet nova eaque maximè usus, facilem rationem tum construendi magnetes artificiales, quorum vis longo intervallo vim naturalium superet, tum intendendi naturalium virtutem, eorumque polos mutandi, facilemque modum cudendi nauticas acus præstantiores iis, quæ vulgo usurpantur, & cum iisdem vim majorem diuturnioremque communicandi. Itaque puto me operæ pretium esse facturum, si referam ea, quæ hic complectitur, meas ad illa observationes adjungam, & ex constituto systemate eorundem explicationes eliciam.

ARTICULUS I.

De Magnetibus Artificialibus Knightii, Duhamelii & Antheaumi.

§. 311.

Interpres in longa præfatione ante explicat artificiales magnetes Knightii, Duhamelii & Antheaumi, quam ad alios Michelii & Cantoni se conferat. Quo illius ergo vestigia sequamur, exscribemus ea, quæ narrat de Knightio pag. V. præf., Knightius, Scierate præfente, eduxit ex theca duas laminas chalybeas longitudinis 15 pollicum; quæ inter se æquidistantes interposita discerniebantur norma lignea fere æqualiter longa. Ita dispositæ erant, ut polus borealis unius, & australis alterius ad idem extremum reperirentur, earumque extrema duobus mollis ferri frustis terminabantur, quemadmodum indicat schema subiectum (fig. 27.).

1 & 2 laminæ magneticæ ex chalybe politissimo atque durissimo, qualem dat temperatura, cui nulla succedat recoctio, quæ ferrum temperatum emollit.

3 & 3 poli boreales laminarum; 4 & 4 meridionales.

5 & 5 frusta ferri politi atque mollis, quæ ad utrumque extremum laminas claudunt, quæque cum iisdem ob unam attractionem fortiter cohærescunt.

6 Norma lignea, quæ laminas disjungit, impeditque ne se ad latera vicissim contingant.

Lineolæ indicant circulationem magnetici fluidi. Cumque duæ laminæ ex theca leniter translatae fuissent ad tabulam, in qua ita jacebant, quemadmodum expositum est, Knightius alterum ex frustis avulsit, & laminas tamquam circinum aperiens, in linea recta collocavit ita, ut cum fortiter inter se cohærent, polus borealis 3 unius polum australem 4 alterius contingeret. Tum Knightius cubum accepit valde boni magnetis ponderis semiuncie; cumque adminiculo acus magneticæ situm, quem quisque polus. in eodem tenebat, certo monstrasset, eum interposuit inter utramque laminam

nam ad illa extrema, in quibus, ut dixi paulo ante, se congingebant, itaut utrique extremo polos repellentes idem magnes obijceret; cumque in ea positione illum tempore 30 secundorum tenuisset, ope ejusdem acus sub omnium oculos posuit, polos commutatos fuisse, & alterum in alterius migrasse locum, eamque accepisse directionem, quam poli laminarum habebant. Experimentum sæpius repetiit, cumque magnetis angulos ex diametro duabus laminis objecisset, ipsius poli semper mutati sunt.

Idem postea duas exhibuit acus nauticas, easque temperatas, sed altera post temperaturam calefacta non fuerat, ne remollesceret, altera ad ignem posita, tincta fuerat cæruleo colore, quem adhuc retinebat. Utramque magnetica virtute imbuat. Vide fig. 18.,

1 & 1 poli boreales duarum laminarum; 2 & 2 meridionales

3 acus nautica supra laminas ita collocata, ut centrum, quod perforatum est in eum finem, ut trajici possit stylus, qui torqueri queat in gyrum, directe impendeat lineæ, in qua duæ laminæ se contingunt. Acu sic disposita, ipsius centrum deorsum compressum fuit, atque hinc & inde laminæ extractæ fuerunt, eas ducendo secundum acus directionem, quæ maximam virtutem ratione habita massæ hac frictione acquisivit.

Verumtamen Knightius ostendit vim ab acu ex chalybe durissimo comparatam esse duplo majorem ea, quæ observata est in acu ex chalybe recocto & cæruleo. Nam ex duobus ferri ordinarii frustis, quorum quodlibet erat ponderis 3:4 uncia; secunda acus unum tantum elevare potuit, prima vero utrumque elevavit, posteaquam bases utriusque fuerant copulatæ.,

2. Hactenus Interpres, qui pag. 12. ad id monstrandum, quantæ virtutis sint hujusmodi artificiales magnetes, primo advertit laminas, quæ ad manus Reaumurii pervenerunt, longitudinis trium circiter pollicum cum dimidio, supra duas aut tres lineas cum dimidio quadratas, ponderis trium scrupulorum, & 36 granorum, elevasse pondus ferri unciarum 3, granorum 12; laminas vero Buffoni dimensionum fere ejusdem rationis, sed ponderis scrupulorum 4, granorum 54, elevasse pondus unciarum 3 & scrupulorum 4 cum dimidio.

3. Deinde monet pag. 13. hoc pacto cum chalybe communicari vim fortiolem ea, quam vel optimus magnes, uti est Londinensis Academiæ, impertiri potest, & diutius permanentem, ut experimenta monstrant, si tamen hæc observentur, 1. ut numquam altera tantum ex vagina educatur; 2. numquam se ad latera contingant; 3. cum iis usus es, instar circini sunt aperiendæ, seque in polis binominibus, & attrahentibus, numquam in cognominibus

bus & repellentibus contingant oportet; 4. a magna ferri massa longe arcendæ, nec sine diminutione virtutis aut valde magnum ferri pondus ab iis elevatur, aut poli naturalis magnetis mutantur, nisi hic magnes ad laminas se habeat, uti 1 ad 15.

4. Tum observat hîsce laminis acus chalybeas durissimas virtute magnetica imbui duplo majori, ut volunt, illa, quam magnes Societatis Londinensis etsi præstantissimus tribuere potest, & longum tempus permanente, cum ordinarii magnetes sufficientem virtutem acubus ex durissimo chalybe impertiri nequeant, sed solum acubus ex chalybe recocto, quæ ut mollioribus constantes particulis paulatim magnam suæ virtutis portionem amittunt, & minus idoneæ maritimis usibus fiunt, nisi identidem ad magnetes affricentur, atque ad acum hujusmodi perfecte imbuendam opus habeant magna diligentia & pluribus ejusdem ductibus supra magnetem, ut aliquando 120 sibi opus fuisse Musschenbroechius fateatur, contraquam contingit in laminis, quæ una operatione & affricu maximam virtutem tribuunt.

5. Cum vero Knightius celasset rationem, qua tantam laminis vim tribuisset, pag. 26. monet ei rei suppetias tulisse Duhamelium, ex cuius Commentario incluso in *Acta Acad. Paris. ad an. 1745.* hæc describit. „Cepinus extremum laminæ acinacis, longitudinis unius pedis, latitudinis pollicis in parte ima, cum ex summa in aciem obusam defineret. Hoc extremum, sive frustum laminæ, quod erat

4 unc. 2 scrup. 36 gran.

virtute magnetica imbutum est quamoptime fieri potuit generosissimo magnete, sed vulgari modo, ipsum ducendo secundum longitudinem supra magnetis armati pedes. Cum vero ex hac lamina paulatim pondera ferri appensa fuissent, eadem ad summum acquisivit vim sustinendi

4 unc. 2. scrup. 0. gra.

quæ lamina deinceps *media* appellabitur.

Tum aliam summisus laminam acinacis ex chalybe temperato & polito longitudinis 2 pedum, 7 pollicum, 8 linearum, latitudinis unius pollicis, atque definentem in extrema fere æqualiter lata, quæ in posterum vocabitur *maxima*. Ipsius pondus erat

10 unc. 2 scrup. 45 gr.

Cum more communi ad eundem lapidem fuit affricta, sustinere potuit

10 unc. 2 scrup. 45 gr.

His perfectis mediam laminam supra maximam posuimus ita, ut acies mediæ per longitudinem 4 pollicum exstaret ex altero ma-

De Magn. T. I.

N n

ximæ

ximæ extremo, & altera alteram per longitudinem 8 pollicum conringeret; polusque borealis primæ polo meridionali altetius responderet.

Rebus ita dispositis periculum fecimus vis mediæ laminæ, quæ observata est

7 unc. 1 scr. 0 gr.

Ita ipsius vis ob id unum, quod cum maxima colligata fuit, aucta est

2 unc. 7 scr. 0 gr.

Deinde peticulum fecimus vis maximæ, quæ deprehensa est solum

4 unc. 2 scr. 0 gr.

Sed mutationi polorum fortasse hoc discrimen acceptum ferre debemus. Ad id dijudicandum utramque laminam sic colligatas ad magnetem affricuimus ita, ut ab extremo maximæ ad extremum usque acutum mediæ lapidem duceremus. Postea disjuximus, ut earum virtutem seorsim exploraremus. Media sustinuit

7 unc. 3 scr. 36 gr.

Ex quo sequitur eam hoc pacto affrictam sustinere pondus

3 unc. 1 scr. 36 gr.

maius illo, quod sustinet, cum more usitato sola affricta fuit, &

0 unc. 2 sc. 36 gr.

maius illo, quod sustinet, cum maximæ coheret, & antequam de-nuo affricentur.

Tandem vis laminæ maximæ inventa est 8 unc. 1 scr. 46 gr.

Unde amisisse comperitur 2 unc. 0 scr. 71 gr.

Cumque media acquisierit 3 unc. 1 scr. 36 gr.

Apparet superare 1 unc. 0 scr. 37 gr.

quo dici possit, quantum accessit mediæ, tantumdem decessisse de maxima. „

6. Hactenus Duhamelius, cujus experimentorum rationem interpres pag. 33. eruit ex libro Michellii, positam in eo, quod cum maxima lamina sit tamquam fulcrum mediæ, ejusdem virtutem intendere debet; cum vero media ratione habita maximæ sufficiens fulcrum esse non queat, de maxima aliquid virium decedere oportuit. Verum ex proprietatibus magnetis in antecessum explicatis perspicuum infra faciemus, cur id debeat usuvenire.

7. Refert deinde cum eodem successu & cum intensiōe virtutis in minori lamina & remissione in majori in eadem fere proportionē, reperita a Duhamelio fuisse experimenta cum dicta media lamina, & cum altera, quæ appellatur minima, ponderis 5 scrupulorum, longitudinis 4 pollicum, & latitudinis in altero extremo 10 lineatum, cum alterum in aciem defineret.

8. Cum autem dictæ tres laminæ ita invicem conglutinatæ fuissent,

sent, ut maxima ad unum foret extremum, minima ad alterum, media medium locum teneret; subiungit has tres laminas ita colligatas ad magnetem affricatas fuisse, indeque separatas minimam sustinuisse solum illud pondus, quod sustinere observata est, cum magnetica virtute imbura fuit, quando cum sola media conjungebatur, scilicet

1 unc. 4 scr. 36 gr.

mediam autem sustentasse pondus 2 unc. 2 scr. 0 gr. majus illo, quod in prima operatione sublevavit, scilicet

9 unc. 5 scr. 36 gr.

cum antea solum ferret

7 unc. 3 scr. 36 gr.

cuius augmenti in media, non autem in minima rationem ex supra indicata causa deducit, quoniam mediæ uterque polus suorum, tametsi inæquale, in duabus laminis habebat, cum minimæ solum alter polus fulcro uteretur.

9. Tandem advertit pag. 38. ex laminis ita affricatis supra laminis majoribus constructos a Duhamelio fuisse artificiales magnetes, qui, saltem quod attinet ad effectus, ad laminas Knightii magneticas quamproxime accedebant.

10. Atque hæc quod attinet ad excerpta ex dicto Commentari; transit inde ad alterum, cuius excerpta, quæ continent experimenta facta ab eodem una cum Anthsaumo, multasque eorundem observationes, & methodos construendi hos magnetes, pag. 41. refert interpres ex Mercurio Gallico ad an. 1750. & inter alia hæc ex gallica in latinam linguam translata. „ Summus debilem „ magnetem unius pollicis quadrati, & trium linearum crassitiei „ atque ponderis unius uncie, qui vix exiguum clavum sustentabat. Notatis polis, eos contraria virtute magnetica imbuimus „ (ope videlicet laminarum magneticarum, quas ratione supra descripta construxerant) & continuo poli alter in alterius locum „ migrarunt. Quo vis lapidis valde aucta fuit, quia tunc sex uncias ferebat. Denuo magnetem ad laminas affricuimus, sed contraria ratione; quo rursus poli mutari sunt, & vis lapidis aucta. „ Hæ operationes sæpius repetitæ fuerunt, tantumque vis lapidi „ accessit, ut cum paulatim oneraretur, par foret sustinendis 22 „ uncis. Alius parvus lapis, qui solum 10 uncias ferebat, cum inter duas laminas ad extrema positus fuisset, de repente potuit „ sustinere 28 „. Cum vero pro acinacibus, quorum superficies convexa ampliorem prohibet inter magnas & parvas laminas contactum, adhibuissent laminas planis superficiebus contentas, subiungit hoc pacto ab ipsis constructos fuisse magnetes artificiales, qui laminas Knightii virtute longe superabant. Ratio autem eas construendi sic ex Mercurio describitur. „ In promptu esse debent

quatuor magnæ laminæ, & duæ parvæ, omnes ex optimo chalybe anglico. Magnarum longitudo erit 2 pedum cum 6 pollicibus, latitudo inter 12 & 15 lineas, crassities autem 5, aut 6 linearum; oportet etiam ut sint dura temperatura, & bene lævigatæ. Utile erit extremum, in quo est polus borealis, signare littera N, alterum in quo est australis, littera S. Parvæ autem ad usus artificialis magnetis destinatæ habeant longitudinem 8, aut 10 pollicum, latitudinem 6 linearum, & crassitiem 4. Essẽ debent ea temperatura, quæ valde magnam inducit duritiem, optime læves, sine aliqua iterata coctione, quarum extrema similiter litteris S & N distinguantur. Sit etiam in promtu exigua norma ligni ejusdem, ac parvæ laminæ, longitudinis & crassitiei, latitudinis vero trium, aut 4 linearum; quæ norma inter parvas laminas, ne se contingant, interponenda est. Accedant duo parallelepipeda ferri mollis 6 aut 7 linearum latitudinis, quorum crassities sit æqualis crassitiei parvarum laminarum, & longitudo æquet latitudinem earumdem atque etiam normæ ligneæ inter easdem intercipiendæ. Quoniam hæc frustra sunt collocanda ad extrema laminarum, a nobis contactus appellabuntur.

More solito ad magnetem affricabuntur duæ magnæ laminæ, quas dicimus A, ut eas distinguamus ab aliis duabus, quas B (*vide fig. 29.*) Laminis A ita aliquantum affricatis, super magna tabula collocentur duæ laminæ B parallelæ, discretæ ligneæ norma, & ad extrema N, S contactibus terminatæ, ita tamen ut extremum N unius, & S alterius ex eadem parte reperiantur. Deinde ad duo extrema adijunge laminas A jam, ut diximus, virtute magnetica aliquantisper imbutas, verumtamen ita ut extremum N laminæ A1 contingat parallelepipedum e regione extremi S unius ex duabus laminis B. Similiter colloca laminam A2, ut ejus extremum S contingat parallelepipedum e regione extremi N laminæ B.

Rebus ita dispositis, ter, aut quater duc armaturam N magnetici lapidis ab extremo S laminæ A1 usque ad extremum N laminæ A2, ita ut per totam laminæ B1, quæ magnetica virtute imbuenda est, longitudinem eadem transeat armatura. Id satis est, quo lamina B1 in altera ex suis faciebus magnam accipiat magneticam vim. Eadem præstanda sunt circa laminam B2.

Ad id autem obtinendum invertẽ laminas A, & admove ad contactus, ita ut extremum N laminæ A1 contingat parallelepipedum e regione extremi S laminæ B2, & extremum S laminæ A2 e regione extremi N laminæ B2. Rebus ita constitutis, ter, aut quater duc armaturam N magnetis ab extremo S laminæ A1 usque ad extremum N laminæ A2: quo lamina B2 perfecte existet virtute magnetica infecta,,.

11. Hactenus Duhamelius atque Anthaeumus, qui præcipiunt, ut simili ratione aliæ facies laminarum B virtute magnetica imbuantur, & ita sequuntur „Laminis B ita sufficienter imbûtis, commutabuntur laminarum loca, & laminæ A in locum laminarum B, & B in locum A migrabunt e regione contactuum. Tum supra duabus faciebus, ut jam explicatum est, duæ laminæ A virtute magnetica inficiuntur.

His perfectis quatuor laminæ sufficienti virtute magnetis erunt donatæ: nihilominus vis intendetur, si eadem operationes ter, aut quater repetantur, alternatim collocando in medio laminas A, & deinceps laminas B. Nam constanti experientia didicimus, eo maxima virtute magnetis chalybem donari, quo plurimum affricatur.

Cum vero quatuor magnæ laminæ semel onustæ sunt magna virtute magnetis, opus amplius non est magnete, quo cum laminis 9, 10, 12 pollicum longitudinis, similibus iis, quas Knightius usurpavit, vis magna communicetur „.

12. Quibus ex Mercurio descriptis sic pergit interpretes finem operationis exponere paucis mutatis „ Adeas contingendas Duhamelius præcipit, ut hæ parvæ laminæ super tabula collocentur eadem ratione, qua is duas magnas, de quibus locuti sumus, collocavit, discretæ scilicet norma lignea, & habentes contactus, sive parallelepipeda ferrea ad extrema. Adversus contactus ponuntur duæ magnæ laminæ, & ad eam rem debiliores seliguntur, ut ex-gr. laminæ A (fig. 29.). Tum magneti substituit alias duas laminas, quæ antea appellabantur B cum extremis N, & S, nunc vero appellabuntur b cum extremis n & s ad confusionem vitandam. Statuuntur autem in medio super lamina parva B₁, adeout ad perpendicularum insistant, extremo n laminæ b₁ locato versus extremum S parvæ B₁, & extremo s laminæ b₂ versus extremum N laminæ B₁. Deinde centro factò in extremis n, s, quæ se contingunt, ut schema indicat, & laminam etiam B₁, tamen si schema id non repræsentet, instar circini laminæ b aperiuntur, atque hinc inde super laminas ducuntur, quousque b₁ perveniat ad extremum S laminæ A₁, & b₂ ad extremum N laminæ A₂. Quæ operationes ter, aut quater repetentur circa duas facies parvarum laminarum, & hoc pacto obtinebimus laminas B quammaxima vi magnetis instructas; si modo sint confectæ ex chalybe valde duro, atque ad virtutem magneticam recipiendam accommodato „.

13. Nam interpretes pag. 60. ex eodem Duhamelio advertit aliquando rem non bene succedere, vel ob materiam, ex qua fiunt parvæ laminæ, vel ob modum, quo construuntur, atque ad hujusmodi

modi incommoda vitanda hæc suggerit. 1. usurpari debet chalybs in fasces conformatus, quia constat ex materia maxime idonea: 2. cum laminæ sunt fabrefactæ, commode cadit eas indurare exiguis mallei ictibus, prout magis magisque refrigerunt: 3. cavendum est ne laminæ frigida in rectam lineam dirigantur, quando igni denuo sunt committendæ ad eas temperandas; fabri enim advertunt easdem rursus incurvari.

14. Quod si nihilominus aliquæ laminæ se ineptas præbeant vi magneticæ suscipiendæ, subjungit pag. 63. eas cum suis contactibus per aliquot dies inclusas in sua pyxide teneri oportere, & inde rursus affricandas, additque Duhamelium didicisse quoddam chalybis genus non imbui, nisi lente, virtute magnetica, certumque tempus esse necessarium, quo eadem intra illius meatus sibi muniat viam, quam primæ operationes aperire non potuerant, idque ab homine duobus experimentis fuisse confirmatum.

15. Tandem pag. 64. hæc ex Mercurio exscribit verba, quibus Duhamelius suo Commentario finem imponit. „Cum quæ magnæ laminæ a nobis collocantur ad extrema parvarum, quibuscum virtutem magnetis sumus communicaturi, eadem virtute quam optime imbutæ sint; profluvium magneticum ab altera magna lamina ad alteram transmittit per meatus parvæ interceptæ, torrensque in exiguis eo majori fertur celeritate, quo massa primarum massarum secundarum magis excedit, idemque torrens eo major esse debet, cum aliæ duæ laminæ bene magneticæ super magnas ad extrema positas, & super parvas in medio collocatas ducuntur. Fieri tamen potest, ut is aliqua ex parte a contactibus interrumpatur, suspicamurque partem profluvii a parva, super quam aliæ laminæ ducuntur, transire ad aliam parallelam, quæ nondum affricatur „.

16. Tria addit interpretes, primum pag. 66. laminas pro artificialibus magnetibus ab hisce Physicis confectas ponderis 6 unc. 3. scr. cum dimidio sustinuisse 36 unc. 2 scr. duasque alias ponderis 14 unc. 2 scr. portasse 44 unc. 2 scr., cum laminæ Knightii ponderis 12 unc. 3 scr. non sustinuerint, nisi 28 unc. 2 scr. cum dimidio; quamquam id fortasse oriri potuerit ex eo, quod laminæ Knightii longe ante fabrefactæ aliquam suæ virtutis partem amiserint: alterum pag. 68. acus maritimas eadem ratione, ac duas parvas laminas, ab iisdem fuisse affricatas ad alias majores jam eo modo virtute magnetica imbutas.

17. Tertium denique Antheaumum sine ullo particulari magnetice confecisse has magneticas laminas sola earumdem dispositione in situ accommodato ad ea recipienda magnetica effluvia, quæ

cit-

circa telluris superficiem circaque terrestrem magnetem convertuntur; qua de re alias disputabimus ex professo.

ARTICULUS II.

De Methodo Michellii in conficiendis magnetibus artificialibus.

§. 312.

Interpres suam concludit præfationem iis, quæ methodo Michellii ad eam perficiendam addidit Duhamelius & Antheaumus, de quibus aliquid fortasse dicemus, posteaquam eam methodum exposuerimus. Interim ex eodem monemus hanc id proprii habere, quod cum chalybs magnam progressu temporis suæ vis partem amittat, ratio Michellii valde commoda est ad eandem vim restaurandam.

2. Interim missis iis, quæ Michellius habet in Introductione, venio ad methodum ipsam, quæ sic exponitur pag. 4. operis & seq. Para 12 laminas chalybis, singulas circiter ponderis 1 unc. cum 3: 4, longitudinis 6 pollicum, latitudinis dimidii pollicis, & crassitiei paulo plus 2 linearum. Cum formantur ad ignem, qui esse non debet nec nimis intensus, nec nimis remissus, quia utrumque magnetico nocet negotio, ipsarum extrema, cum adhuc calent, ictu scalpri notanda sunt ad eadem internoscenda. Postquam temperatæ sunt, opus est earundem extrema polire marmore, aut mola. Hoc pacto fiunt magis aptæ ponderibus elevandis, & etiam fortasse acubus virtute magnetica imbuendis. Necessarium tamen non est eas prorsus expolire, immo fortasse inutile.

3. Quoniam hisce laminis formari possunt magnetes majoris atque minoris voluminis, in promptu esse debent plures, quam 12, & inter has aliquæ ceteris dimidio pollice longiores, aut breviores. Ex omni chalybis genere fieri possunt, ut auctor expertus est, si modo idonea temperatura donentur; quod sit iterum majori, aut minori calore laminas toties temperando, quoad utantur maxime accommodata temperatura; refertque auctor pag. 8. se habere laminam, quæ erat maxime debilis omnium, nunc est maxime fortis, postquam sexies, aut septies temperata fuit.

4. Præsto etiam sit pyxis talis formæ & magnitudinis, quæ sint idoneæ ad 12 laminas includendas. In fundo sint in eadem linea conjuncta duo parva ferri frusta quammaxime lævigata, inter se quinque pollices cum dimidio distantia, singula altitudinis perpendicularis circiter pollicis, & crassitiei quadratæ unius quartæ partis pollicis & paulo plus: quæ altitudo responderet crassitiei sex laminarum, quæ magnitudinem pollicis non debet excedere. Lami-

næ, quæ pius more ordinario ad magnetem affricandæ sunt, ut ad unum extremum habeant borealem polum, ad alterum vero australem, contra hæc frustra collocandæ sunt, sex ex una parte, & sex ex altera, atque ita, ut ferreis frustis suæ crassitie latus obiciant. Sex laminæ ex eadem parte collocatæ habeant invicem conjuncta extrema, in quibus omnibus sint poli ejusdem nominis, sex vero aliæ iisdem obiciant extrema, in quibus sint poli nominis contrarii. Cavendum est etiam, ne omnes, aut plures simul ejusdem partis laminæ aut in pyxide collocentur, aut inde educantur, sed alternandum est, quo species quædam æquilibrii inter vires discrepantium polorum servetur.

5. Laminis ita, ut dictum est, præparatis, curandum est ut polus australis sit in extremo signato, in altero borealis. Ad id obtinendum sex ex his laminis in rectum dispone secundum longitudinem, ut poli Nord-Sud lineam forment, & extremum primæ non signatum tangat extremum secundæ signatum &c. omniaque extrema signata septentrionem respiciant, non signata meridiem; ut AN^{no} (fig. 30.) sit prima lamina, inter *on* & *mr* sint secunda, & tertia, quia conspectus divisionis impeditur, *rmyn* sit quarta; denique inter *yn*, & SB sint quinta & sexta. AN sit extremum non signatum, & ideo polus N, *no* quatenus pertinet ad primam laminam AN^{no} sit extremum signatum, & ideo polus S; quatenus vero pertinet ad secundam, sit extremum pariter non signatum, & ideo polus N, & ita porro res similiter se habeat in omnibus aliis usque ad BS extremum ultimæ, quod erit signatum, & ideo polus S. Ex parte BS sit septentrio, ex parte AN meridies, quo fiet, ut omnia extrema signata & ideo poli S laminarum respiciant boream, non signata meridiem. Tum armati magnetis duos polos statue super una ex his laminis v. g. super AN^{no} ita, ut polus Nord, qui brevitatis gratia dicatur N, spectet extremum non signatum, scilicet AN, quod accepturum est virtutem poli Nord, quod dicitur N, & polus S alterum extremum signatum *no*, quod virtutem poli S. Deinde magnetem super lineam laminarum ter aut quater duc ab altero ad alterum extremum, idest ab AN ad BS, & vide ut omnes tangantur. Post hanc primam operationem laminas medias in locum extremarum transfer, & extremas in locum mediarum, servata eadem dispositione, si habeatur ratio extremorum, quæ signo notata sunt, aut secus. Tunc similiter magnes ducatur, sed solum super quatuor in medio positas, non super extremas; quia si magnes etiam ad eas perveniret, tantum abest, ut plus virtutis, quam in prima operatione acceperunt, recipiant, ut etiam quod attinet ad jam acquisitam, detrimentum aliquod fortasse capiant.

Hæc

Hac de caussa laminæ, quæ a principio extrema tenebant, ad medium sunt transferendæ. Denique laminas inverte, ut inferiorem partem magnetica virtute possis imbuere. Id quod præstabis, si prius ad medium transferas, quæ in prima operatione ad extrema delata fuerunt, & super easdem tantum magnetem ducas.

6. Si magnes armatus ad manus non sit, laminis similiter in lineam rectam dispositis, alterius non armati polum S colloca super extremum signatum laminæ extremæ, in quo extremo esse polum S jam diximus num. 5, idest super BS, & duc usque ad alterum extremum AN super integra linea laminarum. Postea inverte magnetem, & polum ipsius N statue non super extremum, sed fere super medium laminæ AN^{no}, quæ in primo magnetis ductu ultima tacta fuit, ducque iterum usque ad medium primæ BS. Rursus inverte polum, & semper illum in medio laminæ collocans, usque ad extremum laminarum duc. Id quod quater aut quinques repetes. Tum ad medium transferes duas laminas, quæ usque nunc extremum locum ultro citroque tenuere, & polum S magnetis statuens super extremo notato duarum hujusmodi laminarum, ducas magnetem super easdem usque ad alterum minime notatum extremum, & contra polum N statuens super extremo non signato, usque ad signatum similiter ducas, idque ter aut quater præstabis. Tandem lineam laminarum inverte, ut super imam eam superficiem eadem facere possis.

7. Postquam vero Michellius pag. 17. advertit, si ad manus sit tantum magnes adeo debilis, ut sufficientem vim cum singulis laminis communicare non possit, easdem facilius virtute magnetica imbui, si ante ad magnetem affricantur, quam temperatura indurentur; pag. 18. pergit exponere modum, quo magnetes arte fiunt. Sex laminis aliqua parva virtute magnetica hoc pacto imbutis, alias sex similiter colloca in recta AB (fig. 30.) & primas sex in duos partire fasciculos CD, & EF, singulos ex tribus laminis constantes, qui summa sui parte in se vicissim nitantur, ima vero laminæ mediæ insistant, sed inter se distent spatio unius decimæ pollicis & paulo plus. Quo vero in eo situ permaneant, frustum ligni, aut alterius corporis, dummodo ferrum non sit, intercepti poterit. Immo si virtus laminarum nimium est debilis, minus etiam spatium interesse quit inter fasciculos, dummodo se non contingant. Tres laminæ fasciculi CD habebunt in parte ima extremum signatum & ideo polum S, & in summa extremum non signatum & ideo polum N; e contrario vero tres fasciculi EF. His perfectis has sex laminas ita dispositas, tamquam verum magnetem, ut dici possunt, duc ter aut quater ab altero ad alterum extremum,

De Magn. T. I.

O o

quem-

quemadmodum supra factum est in imbuendis virtute magnetica sex laminis AB ope magnetis, & alia omnia præstata, tum quod attinet ad laminas extremas ad medium transportandas, tum quod attinet ad affrictum imæ laminarum superficiei, quæ idcirco ante invertendæ sunt.

8. Si primæ sex laminæ CD, EF sufficientem a magnete vim in prima operatione acceperunt, valde majorem cum sex secundis AN SB ope ipsarum affrictis communicabunt. Quamobrem ope secundarum, quæ in duos fasciculos dispositæ in locum primarum transferendæ sunt, ratione, quam exposuimus, denuo affrica primas, quæ in rectam lineam collocandæ sunt, & in locum secundarum succedere debent, quo etiam primæ majorem acquirent virtutem, quam secundæ; idque alternatim, modo primas usurpando pro magnete, & secundas pro corpore virtute magnetica imbuendo, modo contra, toties præstata, quoad nihil virtutis laminis amplius accedere observabis, eo quod eam acceperit, quam retinere possunt.

9. Quibus positis auctor pag. 24. duo advertit, alterum laminas sex pollicum magnetica virtute hoc pacto imbutas & bene temperatas, idoneas fieri ferendæ uni libræ ferri & fortasse paulo plus, sexque ex his laminis perfecte suam communicare vim cum aliis æqualibus, si præscripta methodo solum ter aut quater super eas ducantur, exceptis extremis, quæ ante ad medium sunt transferendæ; alterum vero nunquam omnes simul tres laminas, ex. gr. CD, quæ habent polos ejusdem nominis copulatos tum in ima parte, tum in summa, esse in eo loco ponendas, aut ab eo removendas, aliis tribus manentibus, sed alternatim unam ex singulis fascibus esse in eo situ collocandam, aut ab eo deturbandam, quia poli ejusdem nominis sibi vicissim obsunt, nisi huic incommodo provideatur; providetur autem, eo quod tribus polis N laminarum CD in summo positis obijciuntur tres æquales poli S laminarum EF, quorum virtute virtus aliorum sustinetur, & quodammodo ad æquilibrium redigitur. Addit aliter & brevius consuli posse, si omnes laminæ prius conjungantur ima parte, quam sex laminis jacentibus imponantur, & tunc aperiantur, aut prius pariter copulentur, quam ab iisdem removeantur.

10. Quærit deinde rationem pag. 27. cur extremæ laminæ AN^{no}, & SB valde minus virtutis accipiant, quam si ad medium prius transferantur & inde affricentur. Sic autem se explicat paucis mutatis. „Sex laminæ CD, EF, quibus utimur ad subjectas virtute magnetica imbuendas, cum parte laminæ, quæ in ipsas inclusa non est, communicare nituntur magneticam vim in directione contraria directioni laminæ, quæ inter easdem inserta est. Quoniam
vero

vero hæc ultima directio nobis debet esse proposita, inde sequitur hunc primum conatum nobis esse contrarium, nostroque fini imbuendi subiectas laminas virtute magnetis obfuturum, si minime præoccupetur. Duo nobis ad id possunt prodesse; alterum est virtus chalybis usque ad certum gradum resistendi iis externis viribus, quibus vis magnetica aut illi tribuitur, aut adimitur. Secundum autem positum est in quodam virtutis principio, quod residet in laminarum magneticarum extremis. Quoniam vero huius vis est expers unum extremum utriusque laminæ, quæ lineam laminarum utrimque concludit, scilicet extremum AN & SB, atque ideo hæc extrema nequeunt satis resistere contrario nisiui laminarum CD, EF, quæ ad virtutem magneticam cum illis communicandam usurpantur; ideo fit, ut virtutem acquirant multo minorem, quam aliæ interjectæ, quæ plus resistentiæ huic nisiui obijciunt. Quamquam autem in linea laminarum ANSB, quibuscum vis communicatur, quælibet lamina unam tantum habeat, quæ illam fulciat adversus nisiui contrarium sex, quibus in vi communicanda utimur; & ob id unum sufficientem habeat resistentiam, quam conatui sex opponat: nihilominus vis laminarum intenditur, cum ad quodlibet extremum utimur aut majoribus laminis magneticis, aut pluribus ejusdem voluminis, si modo polus S hujusmodi fulcrorum, qualia in posterum vocabuntur laminæ, quæ ad extrema sunt, obijciatur polo N laminæ virtute magnetica imbuendæ, & polus N fulcri ad alterum extremum polo S laminæ ejusdem. Ne vero plures poli aut N, aut S conjuncti sibi vicissim obstant, inter plures laminas copulatas unius extremi, quæ ibi munere fulcri funguntur, si habeant polos S, interponatur polus N laminæ alterius, & inter plures alterius extremi, quæ habeant polos N, polus S alius interjiciatur.

11. Si ad laminas sex pollicum virtute magnetica inficiendas plus, quam sex magnetes ejusdem voluminis, adhibeantur, nisiui contrarius procul omni dubio major erit, ideoque minus virtutis cum iisdem communicabitur, quam si usurpentur pauciores, nisi ad laminas sustendendas majori fulcrorum numero quis utatur. Ex quo sequitur cum sex laminis ope sex laminarum communicari multo majorem vim, quam adminiculo octo, eo quod unum ex utroque extremo fulcrum satis non est sustinendo octo magnetum nisiui. Verumtamen quia octo æquales magnetes majori utuntur virtute, quam sex, certum est fore ut octo majorem eidem laminæ vim impertiant, si modo satis fulcrorum præsto sit. Hac de causâ quærere aliquis potest, cur non fuerimus sufficientia fulcra commenti, quo magnetibus octo uti possemus. Responderem ex meis experimentis me didicisse, sex magnetes plus quam satis esse cum la-

mina ejusdem voluminis sine difficultate communicandæ multo majori vi, quam retinere possit; futurum etiam, ut non minus virtutis quatuor magnetibus cum eadem communicetur; duos quoque idoneos futuros ad aliquid paulo minus communicandum, tametsi aliquanto minori facilitate.

12. Verumtamen si quis uti vellet octo magnetibus, aut etiam pluribus, quamquam non adeo facile est invenire fulcra, quæ idonea sint contrario nisi majoris numeri sustinendo; tamen sequenti ratione poterit valde exiguum laminam magnetibus, quot ipsi libuerit, virtute magnetica imbuere. Super laminam imbuendam colloca tot magnetes, quot tibi placuerit, ea ratione, quam descripsimus in sex imponendis, idest dimidiam partem versus unum laminæ extremum cum suis polis S imum locum tenentibus, & alteram dimidiam alterum versus extremum cum suis polis N imum pariter habentibus. Quod in laminam locus non est aptus omnibus alio post alium collocandis, duplicato ordine disponantur in quatuor distributi fasciculos, imponendo laminæ dimidium utriusque fasciculi, & permittendo ut aliud dimidium extra latera excurrat: ne vero sibi mutuo obstant, summis extremis in se invicem non nitantur, sed effice ut se sustineant ex latere ope duarum laminarum ejusdem longitudinis, ac illa, quæ imbuenda est, de quibus infra loquemur. Tunc hi fasciculi, sive magnetes, tum ii, qui polos N deorsum versos habent, tum ii, qui polos S, ita proximi esse debent, ut eos fere in medio se contingentes possit quis gradatim alios ab aliis remove, & singulos versus suum laminæ extremum retrahere.,

13. Hæcenus Michellius, qui deinde pag. 36. monet hanc methodum appellari posse duplicis contactus, eo quod laminæ magneticæ dispescuntur in duos fasciculos, quorum unus contingit laminam imbuendam suis polis S, alter vero suis polis N, sibi que experimentis constare multo plus virtutis hoc pacto communicari, quam ante experimenta suspicatus fuerat, & adjungit rationes petitas ex eo, quod in simplici contactu, si una sit laminæ magnetica, satis virtutis communicare non potest; sin autem plus una, quo plures sunt, quibus utimur, eo plus sibi nocent conjuncti ejusdem nominis poli, adeo ut aliquando se vicissim prorsus corrumpant; in duplicato autem tot adhiberi possunt, quot cuique libuerit, quæ tantum abest, ut sibi obstant vicissim, ut etiam facilius nistibus contrariis, & æqualibus se sustinentes suam vim tueantur. His de causis vult acus magneticas ex chalybe bene temperato & duro, non molli nec recocto eadem duplicis contactus ratione imbui oportere, si modo ad extrema satis habeant fulcrorum.

14. Atque hæc tradit auctor pro laminis sex pollicum magnetica virtute imbuendis. Pro laminis vero majoris voluminis pag. 55. incipit docere regulas, quæ observandæ sunt, & qualis pro quaque lamina numerus laminarum magneticarum sex pollicum ad eam affricandam, aut fulcrorum ad eam sustinendam sit necessarius. Qua de re ne nimis longum faciamus, duo tantum hic delibabimus. Primum in hoc positum est. Quia in singulis fasciculis poli cognomines sunt conjuncti, & ideo, nisi provideatur, sibi vicissim obstant, ideo supra traditum est eisdem fasciculos summa sui parte in se invicem niti debere, eo quod tres poli S unius fasciculi summum locum tenentes sustinent & juvant tres polos N alterius, qui pariter summum occupant. Verum id commode cadit, si iidem fasciculi ex tribus tantum laminis constent, quia singuli poli S satis proximi sunt singulis N, non autem si ex valde majori numero componantur. Ideo pag. 63. docet auctor duos hujusmodi falces summa sui parte conjungi oportere frustis ferri mollis, quorum alterum extremum bene politum tangat omnes polos S unius fascis in summa parte laminarum locatos, alterum autem polos omnes N pariter positos in summis extremis laminarum alterius.

15. Alterum autem est sequens tabula pag. 83.

Pedes Pollices	Libræ	Unciæ	Laminæ magneticæ	Fulcra
1		$0 \frac{1}{64}$		
2		$0 \frac{1}{10}$		
3		$0 \frac{2}{17}$	2	1
4		$0 \frac{3}{5}$	4	2
5		$1 \frac{1}{13}$	6	2
6		$1 \frac{2}{4}$	6	2
8		4	10	4
10		7	14	5
1	0	11	18	6
1	6	0	36	12
2	0	4	56	19
2	6	7	74	24
3	0	12	96	32
4	0	25	170	57
5	0	45	246	82
6	0	73	350	110 in

in qua prima columna continet longitudinem laminarum, quæ virtute magnetica imbuendæ sunt, in pedibus & pollicibus; secunda docet, quale debeat esse ipsarum pondus, quod dividitur in libras & uncias Londinenses, quæ ad Parisienses se habent, uti 63 ad 67. Tertia significat numerum laminarum sex pollicum, quæ ad virtutem magneticam communicandam sunt necessariæ; quarta demum numerum laminarum similium, quæ fulcrorum vice fungantur. Advertit tamen hanc tabulam non valde magna subtilitate fuisse confectam, sive quod attinet ad fractiones, quæ non exacte computatæ sunt, sive quod attinet ad experimenta, quæ majori diligentia facta fortasse majorem aut minorem postulabunt numerum laminarum, sive earum, quæ vices magnetis, sive earum, quæ fulcrorum gerunt.

16. Antequam huic articulo finem imponam, duo juvat addere sumpta ex supra commemorata præfatione, quibus Duhamelius & Anthæus Michellii methodos perficere conati sunt. Primum hi auctores pag. 87. sic disponunt 44 laminas magneticas in duos divisas fasciculos. AA (fig. 31.) sunt quadraginta quatuor laminæ magneticæ. BB duo parva frustra lignea, quæ laminas in duos disperciunt fasciculos, adeout 22 ex utraque parte habeantur, & 16 utrimque reperiantur majores, & sex pariter utrimque minores. CC frustum ferri mollis, quod operit omnes laminas tam majores, quam minores. Huic armaturæ duo sunt adjuncti tali, qui usui sunt laminis majoribus continendis & armaturæ contra laminas premendæ. DD contactus ferri mollis, quod semper cum fascibus coherere debet, cum iis non utimur, idque in eum finem, ut magnetici profluvii inter unum fascem, & alterum, interque superius armamentum communicatio servetur; quod maximo est usui in eorum vi conservanda, geritque vices contactuum, qui ad extrema laminarum Knightii aptantur. Unus fasciculus habet polos S in summa parte, & alter polos N, ut eadem litteræ ibi appictæ significant, & e contrario in ima. Ad hæc omnia denique simul continenda pro compage ex tabulis ligneis a Michellio usurpata utuntur forti filii vieta, qua illa devinciunt.

17. Alterum vero pertinet ad vim magneticam cum laminis operaliarum communicandam. Qua in re & suæ & Michellianæ methodi commodis abutuntur. Nam laminas B₁, B₂ (fig. 29.) virtute magnetica imbuendas collocant inter contactus, & laminas majores A₁, A₂ eo modo, quem supra descripsimus §. 310. num. 10. Tum laminæ B in medio imponunt duos fasciculos Michellii ea ratione, quam is præcipit, atque retrahunt in partes contrarias, alterum usque ad extremum N laminæ A₂, alterum vero usque ad extremum S laminæ A₁. Quo affricu super utramque laminam B₁, & B₂ & super
utram-

utramque ipsarum imam & summam superficiem ter aut quater repetito, obtinentur laminæ B₁, B₂ summæ vis, & longe majoris, quam illæ, quæ una Michellii, aut Duhamelii & Antheaumii methodo haberi possunt.

ARTICULUS III.

De aliis, quæ a Michellio in Praefatione & alibi sparsim traduntur.

§. 313.

Sunt alia multa partim in Introductione pag. 108. partim in libro Michellii digna, quæ cognoscantur, ex quibus ea quæ magis utilia judicabimus, hic referemus. Primum itaque auctor in Introductione hoc refert experimentum. Summi fuerunt duo magnetes artificiales, sive ex chalybe duro in semicircularum perfecte æqualium formam constructi, quorum singuli erant circiter ponderis duarum unciarum. Posteaquam extremis copulatis circum efformarunt, ratione supra exposita affricti fuerunt; quo tanta vi cohæserunt, ut ad eos disjungendos opus foret pendere sex aut septem librarum; posteaquam vero rursus copulati sunt, tres aut quatuor libtæ satis fuerunt. Ibidem adjungit hoc alterum. Affricta est parva lamina armata, ad quam tempore affrictus admotus erat cuneus ferri; hæc lamina ita conjuncta cuneo sustinuit pondus quintuplo majus eo, quod sustinere potuit, postquam cuneus iterum ad illam admotus fuerat.

2. Ex quibus experimentis pag. 109. hæc infert. „Inde clare consequitur hanc vis diminutionem non oriri neque ex vitio methodi, quæ in artificialibus magnetibus formandis adhibetur, neque ex eo, quod plus virtutis cum lamina communicatum non fuerit, quam eadem conservare non poterat, sed acceptam ferri oportere defectui materiæ, ex qua constabat, quæ plus virtutis retinere non poterat. Si conjungantur duo magnetes cum polis ejusdem nominis, sibi vicissim nocebunt, multumque suæ virtutis amittent. Quod si plures hoc pacto collocabuntur, aliqui non solum sua spoliabuntur virtute, verum etiam polos acquirunt contrarios. Hinc etiam colligi potest, si magnetem imaginemur in plures divisum partes sectionibus ab axi æquidistantibus, quamlibet in id niti, ut aliis omnibus noceat. Verum si ponamus chalybis duritiem esse aptam & accommodatam ad resistantiam aliquam huic nisi contrario obijciendam, inde clara & evidens ratio peti poterit, cur chalybis frustum magneticam virtutem usque ad certum gradum tueri possit, non autem ad majorem, quia tandem hæc vis adeo magna fieri potest, ut longe superet resistantiam, quæ a duritie chalybis or-

ortum ducit. Ita fiet, ut chalybs servare non possit nisi tantum vis, quantum cum resistentia æqualibus momentis atque contrariis æquilibratur, & illam omnem amittat, quæ cum eadem in æquilibrio non est.

3. Si hæc ratio bene concluditur, perspicuum est chalybem minimum temperatum esse quoque minimum aptum servandæ virtuti, & maxime idoneum illi amittendæ. Unde frustum chalybis temperatum atque recoctum ita, ut colorem cæruleum induat, minus virtutis, quam chalybs solum temperatura maxime induratus, retinebit. Minus etiam retinebit chalybs mollis, & ferrum, quod etiam mollius est, vix aliquid tuebitur. Sed eadem causa facit, ut virtutem magneticam suscipiat ferrum facilius, quam chalybs mollis, chalybs mollis facilius, quam temperatus & recoctus; denique temperatus & recoctus facilius, quam chalybs durissimus & solum temperatus. „ Hactenus Michellius, qui hæc suadet experimentis in libro expositis, & hoc altero in Introductione. Cape duos magnetes æquales, alterum ex chalybe temperato & recocto, alterum ex chalybe solum temperato; simulque conjunge nominis ejusdem polos utriusque, & alterum ad alterum perfrica per aliquod tempus. Quo fiet, ut virtus chalybis recocti diminuatur, aut etiam prorsus corrumpatur, cum virtus alterius solum temperati nihil subeat mutationis, „

4. Hactenus auctor, qui paucis interjectis pag. 116. nonnullas explicat vis magneticæ proprietates; missis duabus primis, de quibus jam a nobis luculenter tractatum est, venio ad tertiam, quæ his verbis effertur „ Quilibet polus trahit aut repellit accurate in distantis æqualibus in qualibet directione „ Ad quæ verba hanc notam appingit „ Qui putant magneticam vim a subtili fluido proficisci, nollent hanc admittere proprietatem, quæ ipsorum hypothesei prorsus adversatur. Nihilominus quamplurimis confirmatur experimentis, cujus cognitionis defectus multos idoneos accuratissime observatores in errorem induxit „ Ex quibus in medium producit Gilbertum, qui ex nonnullis a se captis experimentis conficiebat a magnete acum non trahi, sed solum in orbem torqueri adminiculo vis, quam is disponentem appellat, quamque sub forma atmosphæræ lapidi circumfusam esse ponit. Quod quale sit, videbimus infra.

5. Quarta magnetis proprietas ab auctore allata est contraria iis, quæ ex Muschenbroechio, & ex aliis alibi attulimus; estque hujusmodi. Attractio & repulsio magnetica sunt altera alteri prorsus æquales. Errorem vero eorum, qui aliter senserunt, immo putarunt attractionem & repulsionem nec iisdem accessionis, aut decess-

decessionis legibus esse adstrictas, in subjecta nota monet oriri ex eo, quod non adverterunt ad diversos vis gradus, quam pro diversitate adjunctorum magnes habere observatur, hæcque scribit. „Duo magnetes, qui polos se invicem attrahentes habent vicinos, experiuntur virium augmentum; sin autem polis repellentibus se contingunt, de illorum vi multum decedit. Ita augmentum, aut decrementum vis in majori, aut minori gradu, pendet ex eo, quod magnetes alter ab altero majori, aut minori absunt intervallo: & experimenta in hanc rem facta conficiunt plus aut minus attractionis, aut repulsionis a longiori vel breviori distantia pendere magnetum, quibus usi sumus; & effectus magnetum aliorum in aliis tantus est, ut si poli repellentes vegetioris magnetis & debilioris se contingant, polus imbecillioris repellens in attrahentem sapius convertat. „

6. In proprietatum magnetis numero hanc aliam recenset, quam apud neminem alium invenio, quod magnetes suos habent polos non in extremis, sed in exigua ab extremis distantia, ut plurimum majori in chalybe molli, minori in solum temperato.

7. Mitto ultimam proprietatem positam in augmento virium in ratione inversa duplicata distantiarum, eo quod ipsemet fatetur se non confecisse tot experimenta tantaque diligentia, ut id pro certo statui queat, & potius adverto eum initio libri vocare polum Sud illum, qui ad Nort convertitur, quoties magnes libere se potest movere, & contra polum Nort, qui ad Sud; in quo sequitur Gilbertum aliosque Anglos auctores, qui ad eos ita nominandos ducti sunt ea ratione, quod quæ pars magnetis ad septentrionem convertitur, illa tribuit ferri extremo, quod ab eadem rangitur, vim se dirigendi ad meridiem §. 237. & e contrario. Nos vero sequentes Gallicos auctores, partem magnetis, & acus, quæ se ad boream vergit, vocamus polum boream, sive Nort; quæ vero ad meridiem, polum meridionalem, sive Sud §. 237. In hoc capite ubi de methodo Michellii sermonem habebimus, poli S & N in sensu auctoris sunt accipiendi.

8. Duo tantum hic addo excerpta ex eodem Michellii libro, primo auctorem pag. 105. & sequentibus docere modum, quo virtus magnetum naturalium ope artificialium augenda est, deinde pag. 129. eundem monere massam ferri, qualis educitur ex fodina, si virtuti magneticæ suscipiendæ sit apta, esse materiam magis idoneam, quam ipse temperatus chalybs, virtuti magneticæ conservandæ.

AD finem operis Michellii, est opusculum Joannis Cantoni ab Anglica lingua pariter translatum in Gallicam, in quo suam is exponit methodum sex chalybis temperati laminas virtute magnetica, quammaximam suscipere possunt, tempore solius horæ dimidiæ imbuendi, idque sine ope ullius naturalis magnetis, referturque pag. 143. unam ex duabus hisce laminis longitudinis 10 pollicum cum dimidio, crassitie & latitudinis unius semipollicis, ponderis circiter 10 unciarum, uno extremo sustinuisse pondus 79 unciarum, præsentè Ellicotio: alteram laminam semicircularem adminiculo ferri extremis appensi elevasse pondus 90 unciarum (*Poids de Frey*), & eodem præsentè mutasse polos naturalis magnetis, collocando eundem magnetem in directione inversa inter polos contrarios duarum laminarum, quæ ad aliquam inter ipsas distantiam in eadem linea fuerunt collocatæ; idque etiam in distantia unius quartæ partis pollicis laminarum a magnete.

2 Modus autem hos magnètes formandi sic exponitur pag. 146. Cape 12 laminas, quarum sex sint ex chalybe non temperato, longitudinis trium pollicum, latitudinis unius quartæ partis pollicis, & crassitie 1 : 20, cum duobus frustis ferri æqualiter latis & crassis, sed dimidio brevioribus; & aliæ sex ex chalybe durissimo, qualem temperatura dat, longitudinis 5 pollicum cum dimidio, & 3 : 20 poll. crassitie cum duobus ferri frustis, quæ ad has laminas sint in eadem ratione, ac prima ad suas. Oportet etiam alterum 12 laminarum extremum esse undequaque notatum. Insuper cape contum fornarium, & forcipes focarias, quæ instrumenta eo meliora sunt, quo majora & longiori usu trita. Tum comprehendere contum inter genua, ut perpendicularem habeat situm, & versus summam ipsius partem applica unam ex laminis, extremo signato deorsum spectante, & fortiter astringe, ne se possit movere, circumvoluta vitta, cujus capulum manu sinistra tenebis. Deinceps manu dextra forcipem sume aliquanto infra dimidium, eumque in situ fere perpendicularly conservans, ipsius extremo perfrica laminam, ipsum semper ducendo a parte ima laminæ ad summam. Qua operatione decies repetita dictum extremum acquireret magneticam vim idoneam tum ad clavim exiguam sustinendam, tum ad se dirigendum versus N, sive boream, quam ob causam dicitur habere polum N, sicuti & alterum extremum polum S, nostra loquendi consuetudine, non Michelliana §. 312. n. 7.

3. Communicata hoc pacto cum quatuor laminis ex chalybē non temperato magnetica virtute, alias duas VOR, NOR (fig. 32.) supra tabulam colloca cum frustis ferri AB, DC, quæ ad eas laminas pertinent, ita ut parallelæ sint, & altera ab altera 1:4 pollicis distet, atque poli N unius, & S alterius cum eodem ferri frusto coniungantur. Deinceps cape duas ex aliis quatuor laminis jam affrictis, simulque conjunge, ut unam veluti laminam duplæ crassitie forment, & polus N unius polum S alterius contingat, & pone duas alias hinc inde supra primas, ita ut secundum longum & latam superficiem se contingant, & simul sint duo poli S & duo N. Demum inter unum ex duobus harum laminarum extremis interjice crassam acum sutoriam, qua polus N separetur a polo S; hocque extremum deorsum versum ad lineam statue super medium unius ex laminis horizontalibus, ut schema indicat, ita ut polus N perpendicularem polo S horizontalis respondeat. His omnibus ita dispositis, due ter aut quater verticales super horizonti parallelam ab altero usque ad alterum extremum, & easdem retractas a medio horizontalis transfer ad alteram horizontalem, super quam eadem omnia præstabis; tum inverte easdem horizontales, & ad alteram earum superficiem perpendiculares similiter affrica. His perfectis alterna locum duarum horizontalium, & duarum verticalium, sed exteriorum, ita ut secundæ migrent in locum primarum, & primæ ad situm perpendicularem transferantur, sed ita ut interiorem occupent locum, formatoque simili quatuor laminarum fasciculo similiter affrica duas, quæ horizonti parallelæ evaserunt. Quæ omnia repetes, quoad omnes laminæ quater aut quinque affrictæ fuerint. Id quod iisdem maximam vim magnetis impertiet.

4. Quo hisce laminis eas, quæ sunt ex chalybe temperato, imbuas virtute magnetica, ex sex non temperatis forma fasciculum similem illi, qui ex quatuor factus, ita scilicet ut tres in imis extremis habentes polum N ope acus interpositæ separentur ab aliis tribus, quæ habeant polum S, & duas laminas temperatas in plano horizontali jacentes, parallelas & una quarta pollicis distantes, atque suis ferri frustis ad extrema positis conclusas modo, quem supra docuimus, affrica fasciculo sex; tum alias duas temperatas eadem ratione tracta: duas vero reliquas ope harum quatuor, quæ in fasciculum similem primi dispositæ sint, similiter imbue. Iterum hic advertendum est laminas ex chalybe temperato & perpendiculares ima sui parte prius disjungendas non esse, quam laminas horizontales tetigerint, nec ante ab iisdem removendas, quam rursus conjunctæ fuerint: itemque eorum intervallum in eadem in-

fina parte esse oportere æquale duabus decimis unius pollicis. Quibus omnibus observatis singulæ ex his laminis iterum aut tertio affricandæ sunt ratione explicata in iis, quæ temperatæ non sunt.

5. Quoniam vero perpendicularis laminarum contactus omnem illam virtutem, cui suscipiendæ laminæ aptæ sunt, tribuere nequit; singulis laminis horizontalibus alias duâs impone pariter horizontales, aut fere, sed ita ut quælibet ex duabus fere dimidiæ parti suppositæ insitât; quin se in medio contingant, tum eam quæ habet polum N, retrahere versus illud subjectæ extremum, quod habet polum S; eam vero quæ polo S donatur, versus alterum extremum, in quo residet polus N. Quæ operatio ter aut quater repetenda est in duabus uniuscujusque laminæ superficieribus, advertendo ut semper laminas, quibus ad fricandum uteris, ad medium subjectæ referas, quin tamen se contingant, antequam a frictione singularum superficierum desistas.

6. Quibus ex laudaro auctore descriptis sic opusculum ipse concludit. „Hoc pacto lamina in plano jacens maximam, quam comparare possit, acquirit virtutem, ut colligitur ex eo, quod major communicari non queat, sive illam affricando perpendiculari contactu majoris numeri laminarum, sive horizontali ope earum, in quibus sit plus virtutis. Hæc omnia spatio dimidiæ horæ perfici possunt, & cum qualibet ex hisce laminis ex chalybe temperato adeo magna virtus communicari quit, ut idoneæ fiant sustinendis unciiis 28. Cum hæ laminæ bene imbutæ sunt, alias temperatas & similes tanta virtute, quantam suscipere possunt, tempore duorum minutorum inficiunt. Quamobrem votis & necessitatibus nautarum & Physicorum satisfacere queunt multo melius, quam naturales magnetes, qui, ut omnes norunt, satis virtutis ad imbuendas laminas temperatas non habent. Quæ laminæ per longum tempus suam tuentur vim, si theca includantur ita, ut poli ejusdem nominis numquam conjuncti sint, & duo frustra ferri tamquam tertia supra collocentur „.

C A P U T IX.

Explicantur phenomena, quæ in consciendis artificialibus magnetibus observata sunt, & quadam ad eorum perfectionem adjiciuntur.

§. 315.

EX iis, quæ ex supra citatis auctoribus in antegresso capite descripsimus, satis superque constat ratio consciendi magnetes artificiales, eosque, quantum fieri potest, perfectos; quamquam ad
eos-

eisdem magis magisque perficiendos aliquid fortasse adjici potest; de quo paulo post. Nunc restat, ut rationes investigemus singularium phaenomenorum, quæ in eisdem conficiendis observata sunt; eorum præsertim, de quibus in superioribus adhuc verba non fecimus. Quoniam Michellius in sui operis Introductione quoddam theoriæ specimen exhibet, de iis mihi arbitror esse præfandum, eo quod continet aliquid magneticis vorticibus contrarium.

ARTICULUS I.

De nonnullis Michellii principiis circa virtutem magnetis.

§. 316.

Michellius putat tertiam ab ipso observatam magnetis proprietatem, de qua locuti sumus §. 312. num. 4., in eo positam, quod quilibet polus trahit aut repellit accurate in distantiiis æqualibus in qualibet directione, esse contrariam iis, qui ad fluidum quoddam subtile in magnetis negotio confugiunt, quique volunt magneticam aciem in orbem a magnete torqueri vi quadam disponente, non vero attractrice. Verum ut ut res se habeat de aliis, qui magneticos vortices defenderunt, id mihi certe nihil negotii facessere potest; qui a §. 216. usque ad §. 236. luculenter docui directionem ab attractione pendere; & per quas in quoque loco posita acus circa magnetem lineas versus eundem trahi, & si impediatur, dirigi debet, & præsertim §. 224. planum feci discrimen esse ponendum inter parvos magnetes, & inter magnum, qualis est terrestris num. 2. & 3. & ideo aciem super aquam jacens ab effluviis terrestribus solum dirigi, non trahi, ab effluviis vero particularis cujusdam & dirigi & trahi deorsum, quia illorum vis non est idonea superandæ frictioni, bene vero illa, qua particulares magnetes uruntur num. 7. & jam §. 288. hujus ad speciem mirabilis phaenomeni reconditorem atruli rationem. Quamobrem arbitror satis constare nihil inde posse deduci, quod ~~meæ~~ causæ adversetur.

2. Quod attinet ad magnetis proprietatem ab auctore notatam §. 312. num. 5. ipsius sententia fortasse conciliari potest cum Muschenbroechiana & aliorum, quam nos quoque adoptavimus §. 202. Nam magnetes duobus in statibus considerandi sunt, primum antequam ad se invicem ita accedant, ut vortex unus in alterius vorticem incurrat, deinde posteaquam accesserunt. In primo statu vortex in æquilibrio esse debet, scilicet circa magnetem ita rotari, ut vires centrifugæ ex motu rotationis ortæ, atque centripetæ a vi attractrice magnetis se æqualibus momentis compensent necesse sit. Nam etsi ab initio id non foret, tamen progressu pro-

na.

natura cujuscumque fluidi maxime in orbem conversi paulatim ac sensim ad æquilibrium perveniretur, parte vis a portione fluidi, quæ majorem habet, transmissa ad alias portiones, quæ minori donantur. Quia vero in stratis fluidi magneti propioribus major est vis centripeta, sit quoque in iisdem oportet major centrifuga, quam in remotioribus, quo altera alteram sustinere possit. Quamobrem ex æquilibrio non oritur vis æqualis in omnibus omnium stratorum particulis, sed solum in iis, quæ ad stratum pertinent æqualiter in singulis punctis a magnete distans. Immo fieri potest ut versus alterum polum materia extrorsum se in longius spatium protendat, quam versus contrarium; quemadmodum æquilibrium in fluido gravi, quod si motus circa centrum in gyrum sit experts, est sphericum, si circa centrum rotetur, non solum id non impedit, immo postulat, ut quæ partes æquatori conversionis propiores sunt, altius assurgant; quæ autem polis, sint demissiores propter majorem in illis, quam in his vim centrifugam. Quamobrem etsi magnes foret rotundus, facillime fieri potest, ut ad polum exitus vortex magis antrorsum excurrat, quam ad polum introitus, quia vis & celeritas, qua particule ex illo polo foras erumpunt, longius illas propellit, antequam a vi attractionis retrahantur; qui motus attractioni contrarius cum in polo ingressus non sit, particule ibidem vi attractrici facilius obtemperant, & ideo minus a magnete discedunt.

3. Hæc tamen non obstant, quominus si magnetes in secundo statu considerentur, attractio fortior appareat repulsionem, sed ad minus spatium se extendat, ut docent experimenta Musschenbroechii §. 202. idque non propter unam Michellii rationem. Nam ex eo quod magnetes, qui obversos habent polos binomines atque se attrahentes, se vicissim juvant, qui vero cognomines, sibi mutuo obsint, intelligitur quidem cur attractio sit fortior repulsionem, non autem cur ad minus spatium pertineat. Quamobrem id usuenit vel propter unam causam, quam ibi exposuimus, vel etiam quia repulsionem efficiunt obversi poli cognomines, & effluvia ejusdem generis emittentes, quæ ad majus spatium perveniunt, quam unus polus emittens & alter admittens corpuscula ejusdem speciei, quibus attractio accepta ferenda est §. 185.

4. Quod attinet ad illam proprietatem, quam §. 313. num. 6. explicavimus, nescio quibus nixus experimentis eam Michellius induxerit. Varia tentavi, ex quibus nescio an potius colligi id possit, quod lib. 1. cap. 4. §. 66. & §. 265. 294. & experimentis & rationibus statui de polis ferri & chalybis, qui in ipsis extremis, tamquam in parte ferri maxime idonea ad eos formandos, resideant.

Ea

Ea referam, ut quisque suo utatur iudicio in definiendo, quid ex iisdem sequatur. Sumsi chalybeam acum sutoriam, cuius aciem asfricui polo magnetis. Ad acum magneticam valde mobilem in suo axe quiescentem ira admovi aciem, ut acus sutoria foret in eodem horizontali plano, ac magnetica, axi magnetico sua longitudine insisteret, & cum altera acu lineam rectam, si aliquantum produceretur, formaret. Cum acies utriusque se invicem attraherent, quantumcumque admovebantur in linea recta, in eadem perstabant, si ve in valde exiguis, si ve in maioribus intervallis, nec umquam mobilis acus ad dexteram, aut ad laevam declinabat. Idem prorsus mihi contigit in aliis ferreis instrumentis in acutum desinentibus, etiam si aliqua ex iisdem non æqualiter ex omnibus partibus crassa forent, ut in cultris, forficibus, brachiis circini & huiusmodi. Deinde manubrium forficum conformatum in ellipticam zonam tetigi in ea parte, quæ apici ellipsis responderet, eamque in valde exigua distantia cuspidi acus magneticæ objeci in linea recta ita, ut axis ellipsis productus cum acu congrueret, & acum attractam in eadem permanere observavi. Pedi magnetis non apicem, sed extremum diametri minimæ imposui, & ad motus apex, ut ante, ad cuspidem acus, hæc aliquantum a linea recta deflectit versus illud extremum, quod tactum fuerat, eo quod in eodem foret polus, ut etiam ex eo collegi, quod illud aliquam scobis portionem attraxit, alia puncta non item. Tum aciem acus sutoriæ, aut aliorum instrumentorum, quæ oblonga sunt, admovi ad cuspidem magneticæ in parva distantia, adeo ut acus & alia instrumenta in eodem plano, ac magnetica acus, ut antea forent, sed eidem productæ ad angulos rectos insisterent, semperque factum est, ut cuspis ad aliquod majus aut minus intervallum ab acie declinaret alterum versus extremum, tamen si hoc vi repellendæ cuspidis donaretur, & in aliquibus brevioribus instrumentis, ut in sutoria, in ea foret distantia, in qua suam posset vim in cuspidem explicare.

5. Si laminæ quadratæ aut rectangulæ angulum admovebam ad cuspidem, ut similiter lamina foret in eodem horizontali plano, & unum ejus latus acum magneticam ad angulos rectos secaret, semper usquevenit ut cuspis ab angulo vicino alterum versus deflecteret, & sæpius multo, magis quam in oblongis instrumentis. Sin autem laminam in eodem plano ita invertebam, ut circiter ejus diagonalis cum acu magnetica in eadem linea recta congrueret, tunc acus ibidem quæta manebat, & laminæ angulum ipsi vicinum recta respiciebat.

6. Virtute acierum & angulorum hoc pacto explorata, deinde illa in scobem ferream merli, cuius major pars mihi semper visa est

est cum apice utrimque coherere, ut etiam l. i. cap. 4. §. 18. jam observavi. Immo in angulis præsertim laminarum aliquando observavi fere nullum scobis tamentum conjungi cum eo aliquantum a vertice distanti puncto, quod cuspidis magneticæ acus recta spectare observata est.

7. Quibus positis experimentis arbitror non constare, quod contendit Michellius, polos, sive polorum centrum esse in parte ferri ab acie aliquantum distanti. Nam recessus cuspidis acus ab extremo fili, quod in situ horizontali ita ponitur, ut acum secet ad angulos rectos, non oritur ex eo, quod centrum poli in extremo non sit, sed aliam ob causam. Nam cum polus non sit in puncto situs, sed in parte aliqua plus minus crassa §. 141. in instrumentis ferreis in acutum delinientibus polus non erit in solo apice, sed etiam ad partes ultro citroque pertinebit; sive ex apice corpuscula in rectum procurent, ex aliis vero partibus hinc inde se in anteriora protendent quidem, sed aliquantum in utramque plagam deflectent instar aquarum ex angusto foramine exilientium. Ex quo sequitur, si extremum fili ita e regione ponatur cuspidis acus magneticæ, ut utraque sint in eadem recta continuata; acum in eo situ perstituram ob ea, quæ ostendimus §. 216. de acu; quæ polo magnetis insistit ad perpendicularum: si autem dictum extremum prope cuspidem ponatur in altero situ, quem supra explicavimus, cuspidem ab extremo vicino alterum versus extremum esse declinaturam. Tunc enim in cuspidem non incurrunt corpuscula; quæ antorsum recta ab acie fili egrediuntur, sive non totidem ex utraque aciei & centri poli parte, quæ acum per lineam rectam aciem versus dirigere ac trahere possint, ut ibi docuimus, sed ea solum, quæ ex altera aciei parte prorumpunt, & quidem eodem versus inclinata, adeo ut curvas describant in eandem plagam deflectentes, quarumque convexum aciem respicit. Cum vero acus directioni curvarum, quantum fieri potest, se accommodent §. 216. & seq. & curvarum quæ ab hisce corpusculis peraguntur, tangentes non in extremum incident, sed in partem aliquam ab extremo vicino alterum versus aliquantum remotam; necessario consequens fit, ut acus ab extremo fili in eo situ collocati aliquantisper declinet, tametsi in eodem extremo verum poli centrum reperiat. Quod confirmatur ex eo, quia si extremum ponatur in minori a cuspe intervallo, cuspidis minus ab eodem declinare observatur; si in majore, magis. Id enim suadet declinationem oriri ab ea curvarum proprietate, propterea quod in cuspidem propiorem incurrunt curvæ; quæ a puncto minus ab extremo fili remoto procedunt, in remotiorem autem, quæ a longius distant. Quod si in chalybe molli

li contingeret, ut cuspis ab extremo magis deſcenderet, in duro & temperato minus, quemadmodum fortaſſe ut plurimum obſervavit Michellius, & inde polum in primo formari in majori ab extremo diſtancia, in altero vero in minori collegit, crederem id ortum ducere ex majori villorum chalybis temperati duricie, & inde proſecta majori antrorſum velocitate corpusculorum ab extremo erumpentium, qua fiat ut curvæ minus ab extremo declinent, & ideo minus ab eodem cuspidem retrahant. Ceterum major copia villorum ferræ ſcobis quæ ab extremo elevatur, præ illa, quæ utrimque attrahitur ab aliis partibus, & aliquando ab iis, ad quas dirigitur acus, quæ ſere nullam interdum elevat, quaſi ſub oculos ponunt centrum poli eſſe in extremo, & multo magis id ſuadet ſimilis utrimque eorundem villorum directio, ex quibus ii qui apici inſiſtunt, ad eundem perpendiculares obſervantur, alii vero undequaque ab extremo poſiti ſimili tenore declinant, & quidem eo plus, quo majori intervallo ab eodem abſunt. Id enim conſentaneum eſt naturæ poli, a cujus centro corpuscula a polo manantis ſimiliter hinc inde declinant. Quare tantum abeſt, ut experimentis ſuadeatur ſententia Michellii, ut contraria potius effici videatur.

8. Ceterum etſi ob allatas rationes mihi propius ad verum accedere videatur poli centrum eſſe in cuspide magneticæ acus, tamen ex allatis experimentis, adminiculo tamen eorum, quæ in antecelſum ſtatuta ſunt, rationem eruemus miri cujuſdam circa declinationem acus ejuſdem phænomeni in eo poſiti, quod eadem acus aliam alia ejuſdem diei hora & in eodem loco declinationem habet a meridiano, quodque Philoſophorum ingenia ad hanc uſque diem mirifice torſit.

9. Quod attinet ad Michelli theoriam circa ferrum & chalybem poſitam in iis duobus, quæ ex eodem exſcripſimus §. 312. num. 2. & 3., neceſſe non eſt longum hic facere. Nam primum §. 99. planum fecimus, cur ferrum & chalybs partem aliquam, dum a magnete ſeparantur, illius virtutis amittant, quam ab eodem acceperant, & quamdiu erant conjuncta, explicabant, & perſpicuam rationem duximus ex mobilitate villorum, qui & dum magnetes avelluntur, a vi attractrice magnetis, & poſtquam ſeparatus eſt, aut ab effluviis per ferrum hæc illac diſcurrentibus, aut variis ſuccuſſionibus, diriguntur in plagas illi contrarias, ſecundum quam dirigi debent ad effluvia ab altero ad alterum extremum recta transmittenda, quo polos exitus & ingreſſus forment, & ideo in vorticem circa ferrum rotantem vique attractrici & expulſtricis exferendæ idoneum diſponantur. Ex quibus aperte intelligitur, in quo poſitus ſit ni-

sus vi magneticæ contrarius, & resistentia, quæ hunc nulum sustineat, orra a duritie ferri, & ab iis villis, qui ut minus mobiles, ob huiusmodi causas minus etiam deflectuntur ab illa in rectum æquabili positione, quæ polis & vortici formandis & virtuti magneticæ inde profectæ necessaria est. Deinde a villis & ab oleosa ferri & chalybis portione rationem etiam duximus §. 211. cur quod attinet ad plus virtutis suscipiendum, ferrum molle præ chalybe temperato & recocto, & chalybe temperatus & recoctus præ chalybe durissimo & solum temperato, magis idonea sint; quod attinet vero ad retinendum, res e contrario succedat. Ex quibus patet hoc in æquilibrio non solum requiri villorum chalybis duritiem, sed eam etiam vim, qua chalybs & ferrum magnetica corpuscula trahunt, quia prima idoneum efficit ferrum & chalybem ad maiorem, vel minorem eorum partem corpusculorum, quæ secunda intra illorum meatus pertrahit, retinendam & in vorticem disponendam. Sed hac de re videtur; quæ infra disputamus §. 318. num. 2.

10. Ex iis quæ ad primum diximus, ipsa per se liquet ratio valde minoris cohesionis inter duos magnetes artificiales, siue duo frustra chalybis temperati, postquam semel avulsa sunt, & iterum coniunguntur. Nam ob causas alias in prima separationem villi hæc illac disijciuntur & in plagas diriguntur contrarias, quo vortice attractrix non parum minuitur, cum vortice denuo coniunguntur, vortice qui restat, minori percitus vi minime accommodatus est villis prorsus, ut ante, dirigendis, & virtuti priori restituendæ.

De ratione, cur lamina intercepta inter alias laminas, siue inter fulcra majori donantur magnetica vi, quam si sola affricentur,

& etiam quam extrema.

§. 317.

Sed jam veniamus ad explicandas causas, cur adhibitis hisce methodis tanta cum laminis ex chalybe temperato vis magnetica communicetur. Cum autem duo præcipue sint, quibus id assequimur, alterum commune omnibus enarratis methodis, & positum in fulcra, inter quæ laminas virtute magnetica imbuendas interponere oportet, alterum vero proprium Michellianæ, quod in duplici contactu positum est, nunc ratio est reddenda, cur hisce observatis tanta cum laminis chalybeis magnetica vis communicetur.

2. Quod attinet ad primum, maiorem virtutem laminis perfrictis, quæ inter alias, siue inter fulcra positæ diat §. 311. num. 5. quam

ex-

extimis tribui, videtur esse contrarium iis, quæ primo libro toto capite 4. disseruimus. Cum enim eo loco experimentis, atque rationibus ostenderimus maiorem effluuiorum vim, atque idcirco virtutem magneticam inde profectam, ad extrema, ad angulos atque ad apices confluere, ut inde egrediantur, aut illac se insinuent, in Michellii laminis in rectum dispositis & se per extrema contingentibus, ut unam veluti continuatam laminam forment, inde consequens est multo maiorem corpusculorum copiam ad extrema laminarum, quæ utrimque sint extimæ, debere concurrere.

3. Sed ut via ac ratione procedam, primum doceo, cur major vis communicetur cum lamina, quæ magnete fricetur, dum inter alias duas, sive inter duo frusta ferri posita sit, quam si sola fuerit, aut lamina minor ex una tantum parte habeat laminam maiorem, qua sustineatur, non ex utraque, ut constat ex Duhamelii experimentis §. 310. num. 5. & seq. Quia in re primum adverto me jam dedisse rationem, cur quamdiu ferrum cum magnete conjunctum est, tantam exserat vim, & quidem valde maiorem, quam si solum magnetem adhibeamus §. 209. & seq. postquam vero separatum est, illa vis adeo infingatur & multis partibus minor fiat §. 96. quia videlicet cum tam ferrum, quam magnes vi attractrice corpusculorum huiusmodi prædita sint, & aliunde ferrum ob villorum mobilitatem minorem habeat præ magnete virtutem sui vorticis conservandi, a magnete qui recedit, vortex circa ferrum rotans versus eundem magnetem in plagam directioni villorum contrariam attrahitur, atque hoc pacto cogitur villorum ordinem perturbare, & idcirco idem vortex valde imminuitur. At si lamina affricanda inter duas alias similes, sive inter duo frusta ferri ponatur, dum magnes ab illius medio separatur, non potest tantum vorticis & corpusculorum, quæ eidem impertit, secum in contrariam directioni villorum plagam abripere, eo quod extimæ laminæ suæ quoque vi attractrice corpusculorum, & quidem æquali donatæ, & aliunde a magnete magis distantes versus se ipsas secundum alteram plagam, directioni villorum quæ favet, alliciunt & pertrahunt, & hoc pacto vim contrariam magnetis sustentant & cohibent. Dixi autem a laminæ medio magnetem esse avellendum, quia quamvis Duhamelii, atque Michellii id non præcipiant, tamen id in sua methodo advertit Cantonus §. 314. num. 3. esse faciendum, suis nixus experimentis, quæ ex ratione a nobis allata confirmantur. Et revera in aliis etiam methodis vires æquales atque contrarias in omnes partes multum valere observabimus. Hac de causa pro ratione majoris, vel minoris virtutis, qua præditus est magnes, quo ad magneticam vim in lamina transferendam utimur, eo majoribus

bus & pluribus fulcris esse opus ex Michellio §. 311. num. 14. notavimus. Cum enim, ut diximus, vires magnetis atque fulcrorum, utpote contrariæ, se invicem sustinere debeant; ne; dum magnes a lamina avellitur, nimis magnam corpusculorum vim secum ex eadem foras abripiat; crescente magnetis vi sive ratione intensificationis, sive ratione numeri aut massæ laminarum, quas adhibemus, crescat etiam oportet massa fulcrorum atque ideo vis eorundem attractrix, quæ cum altera debet æquilibrari. Cum vero non sint notæ rationes, secundum quas augentur, aut minuuntur vires attractrices ferri, chalybis atque magnetis; inde consequitur rem hanc experimentis esse tentandam, & ex iis definiendum, qualis, data vi naturalis magnetis, sive artificialium numero & massa, a quibus ea pender, esse debeat massa tum laminæ virtute imbuendæ magnetica, tum laminarum, sive fulcrorum, quæ ad extrema illius ponenda sunt. Atque hinc puto rationem esse petendam illius miri phænomeni, de quo plures auctores faciunt mentionem, & nos §. 296. numero 5. edisseruimus, cur aliquando contingat, ut qui magnetes majori vi pollent in ferro trahendo ac sustinendo, ii minorem præ debilioribus cum data ferri massa communicent. Nam etsi primi quamdiu cum ferro conjuncti sunt, valde majorem vim, quam secundi, eidem impertiant; tamen cum separantur, tanto majorem communicatæ portionem ob allatas causas corrumpunt, ut residua ex primis a residua ex secundis multis partibus superetur. Quod si apta fulcra adhiberentur, semper observaremus, ut quisque magnes optimus est in trahendo, ita maximam ab eo vim cum ferreis frustis communicari.

4. Quibus illustratur confirmaturque id, quod alibi diximus atque consecimus §. 197. num. 4. & §. 248. de majori vi poli exitus ferri ad magnetem affixi, quam poli introitus. Cum enim ex parte ferri tacta egrediantur corpuscula, quæ in magnetem intrant, & ingrediantur ea, quæ exeunt ab eodem magnete, vis autem attractrix motui faveat corpusculorum, quæ a ferro prodeuntia in ipsum magnetem se insinuant, & ideo polum exitus faciunt, obfit vero illorum, quæ a magnete exeuntia in ferrum se intrudunt, & ideo polum introitus; inde fit, ut ea vis attractrix magnetis, quam diximus diminueret magneticam ferri vim, dum magnes ab illo disjungitur, obfutura sit quidem polo introitus corpusculorum in ferrum, non vero polo exitus eorundem.

5. Verum hæc obiter; interim liquet ratio, cur lamina inter duo fulcra posita majorem accipiat a magnete vim, quam si sola perfricetur. Difficilior est ratio alterius phænomeni, quod num. 2. tetigimus. Verum si laminam ferri omnino continuatam a pluri-

bus

bus invicem copulatis distinguamus, facile difficultatem ibi propositam diluamus. Nam in ferrum, quod sit una tantum massa, cadit quidem illud, quod observavimus, majorem scilicet corpusculorum vim ad extrema confluere, & ex iisdem tamquam ex polis erumpere, idque propter rationes suo loco jam declaratas. At si plures sint, quæ se solum in extremis contingant, in extremis etiam interceptarum sint poli necesse est, eo quod contactus adeo exactus non est, ut multæ ex partibus extremis cujuscumque laminæ aliquantisper non distent, & aerem interceptum non habeant. Quod cum accidit, vortex propter rationes ibidem expositas inde magna copia erumpat & polum formet necesse est. Rursus cum extrema laminæ interceptæ ex dictis numero quarto magis idonea sint retinendo magnetico vortici, cum magnes a ferro separatur, inde colligitur ratio, cur hæc extrema non solum polos acquirant, verum etiam majori donatos virtute, quam extrema laminarum, quæ mediam ultro citroque complectuntur. Deinde experimenta Duhamelii facta sunt in laminis ante separatis, quam singularum vis exploraretur §. 311. num. 5. Nec aliter fieri potuerunt, quia cum sunt adhuc conjunctæ, sola saltem earum, quæ in medio sunt, vis explorari non potest. In remotione vero laminarum aliarum ab aliis, ob eandem, ac cum magnes a media avellitur, rationem, eadem media majorem suæ vis partem tueri debet, eo quod quanta vi ipsius corpuscula ab utroque extremo exeuntia attrahuntur a laminis extremis, tanta etiam corpuscula ab extremis extimarum mediam tangentibus exeuntia mediam versus ab eadem alliciuntur. Unde ex hoc capite nec extremæ partem aliquam vorticis mediæ decerpere debent, nec media partem vorticis extimarum. Quæ ratio valet etiam in corpuscula ingredientia. At si consideremus corpuscula, quæ vel exeunt, vel intrant in alia extimarum extrema, ea solum attrahuntur extimas versus, atque ideo etiam versus mediam, atque ideo a nulla contraria vi cohibita vis attractrix mediæ facile potest abripere, dum laminæ extremæ separantur, atque ideo minuire illarum vorticem, & inde profectam vim attractricem. Hic tamen adverto mihi videri parum prodesse, quod monet Michellius §. 312. num. 5. dum laminæ extremæ ad medium transferuntur, & mediæ in locum extimarum migrant, tunc esse magneti affricandas solum quatuor medias, non extimas; nam ex Duhamelii experimentis colligitur ex eo solum, quod lamina media cum maxima conjuncta est, postquam ambæ seorsim affricæ fuerant, laminæ maximæ ab altera separatæ vim valde imminutam fuisse. Revera Michellius hac in re pag. 13. usurpat vocem *peut-estre*, quæ indicat id ab homine non fuisse confirmatum experimentis.

6. Sed de primo phænomeno satis sit dictum; nunc venio ad secundum. Cujus rationem jam ex Michellio didicimus in eo positam, quod in simplici contactu una lamina nimis parum virtutis cum altera communicare potest, plures autem ob ejusdem nominis contrarios polos conjunctos sibi plurimum nocent; in duplicato autem rot adhibere quis potest, quot voluerit, sine ullo detrimento, eo quod contrarii & æquales numero & virtute poli in utroque fasciculo se invicem sustinent §. 312. num. 13. Quam rationem ego quidem non respuo, sed aliam etiam in consorrium ascisci oportere contendo. Jam enim vidimus idcirco a magnetibus cum ferro & chalybe minus virtutis communicari, quia dum avelluntur, partem corrumpunt illius, quam impetierunt; id quod contingit, dum vorticem iis tributum in contrariam partem sua vi attractrice secum abripiunt. At si sex ex. g. laminæ in duos distribuuntur fasciculos, quorum unus in imo extremo habeat polos S, alter polos N, quibus lamina subjecta affricatur, vis ipsorum attractrix multo minorem copiam corpusculorum, quam si forent tantum aur poli S, aur N, ex lamina subjecta in contrariam partem avertere debent. Nam singuli poli S unius fasciculi sunt poli ingressus corpusculorum, quæ egrediuntur a polis N alterius, atque idcirco hæc ab illis alliciuntur, & e contrario singuli poli N ob eandem rationem corpuscula effluentia a polis S alliciunt. Quare saltem aliqua pars vis attractricis polorum S se exseret in corpuscula effluentia a polis N, & pars vis polorum N in corpuscula, quæ ex polis S egrediuntur. Ergo in utroque genere polorum multo minor supererit, qua vorticem corpusculorum cum lamina affricata communicatum in contrariam partem allicere, & ab illa semita, quam ad villos unam versus plagam dirigendos tenere debent, avertere queat. Ex quibus arbitror etiam constare rationem secundi phænomeni.

7. Hoc autem adeo commodum inter vires polorum æquilibrium obtineri potest, si nimis plures non sint laminæ, vel in methodo Michellii, cum extrema laminarum superiora in se vicissim nituntur, imis aliquantum sejunctis §. 312. num. 7. vel in methodo Cantoni ope acus futoriæ, quæ inter duos fasciculos interponitur §. 314. num. 3. sin autem plures, quia tunc multarum unius fasciculi laminarum poli a contrariis alterius nimium distarent, quam ut alii alios sustinere possent, tunc ex methodo Duhamelii & Antheaumi §. 312. num. 16. omnia utriusque fascis extrema molli ferri frusto cooperienda sunt. Nam ope hujus ferri quilibet vel maxime extremus unius fascis polus N cum quolibet vel maxime extremo polo S alterius necessitudinem habet, eo quod, ut alias vidimus, magnetis

tis corpuscula per ferri meatus se facile insinuant, & ad magnas distantias perveniunt.

8. Alio etiam modo duplicis contactus commodum obtineri potest, eo scilicet, quem §. 312. num. 17. ex laudatis auctoribus descripsimus. Cum enim duo fasciculi in medio super laminam B₁ (fig. 29.) ab initio ponantur, & inde unus versus laminam A₁, alter versus laminam A₂ eodem tempore retrahantur, ope laminarum B₁, A₁ & A₂, quas semper contingunt, poli N unius fasciculi cum polis contrariis S alterius communionem habent, atque idcirco dum laminam B₁ sua virtute magnetica impertiunt, alii alios perinde, ac in methodo 44 laminarum, sustinent in æquilibrio. Eam fere methodum usurpat Cantonus §. 314. num. 5. sed is duo servari vult, quorum mentionem etiam citati auctores ibidem faciunt §. 311. num. 12. alterum ut laminæ utrimque a medio laminæ horizontalis & virtute magnetis imbuendæ sint fere horizontales, eo quod verticalis situs non omnem, quam lamina suscipere potest, cum eadem communicat; alterum ut lamina superior, quæ polo N contingit medium subjectæ, trahatur versus extremum ejusdem subjectæ quod habet polum S, altera quæ polo S, versus alterum extremum, quod virtute poli N donatur. Quod pertinet ad secundum, res manifesta sit ex iis, quæ supra diximus de polis ejusdem nominis, qui se corrumpunt, si conjungantur, diversi, qui se vicissim juvant. Ergo ad vitandum polorum ejusdem nominis contactum & ad alterum obtinendum, id quod a Cantono præcipitur, esse observandum nemo non videt. Quod vero ad primum, dubium esse potest, an ea vis majoris communicatio originem ducat ex eo, quod altera lamina versus unum subjectæ extremum, altera versus alterum retrahitur, an vero ex horizontali situ; siquidem Duhamelius & Antheaumus illam methodum adhibuisse videntur, cum laminas horizontales collocando §. 311. num. 12. tum perpendiculares §. 312. num. 17. & nihilominus utrobique affirmant maximam cum lamina affricanda vim communicari. Si tamen res ita se haber, ut vult Cantonus, ajo id oriri ex eo, quod cum ex laminarum extremis corpuscula magna vi erumpant, & antrosum per lineas a primo rectas, aut parum a recta deflectentes se conferant §. 149. & seq. majori etiam vi se intrudere debent in polum ingressus alterius laminæ, si meatus ipsius & axis polorum ejusdem, cujus directionem ii meatus sequuntur, sint e regione poli egressus corpusculorum, quæ ab iisdem prorumpunt. Id quod usu venit, cum laminæ superiores super laminam subjectam a medio ipsius usque ad extrema hinc inde per lineas fere horizontales ducuntur, non vero si eidem subjectæ insistant ad perpendicularum. Nam in primo ductu

At ubi extrema laminarum, quæ super subjectam affricantur, ad extrema subjectæ pervenerint, poli egressus & ingressus tam superiores, quam inferioris erunt fere in linea recta; in altero autem rectum angulum facient.

9. Ceterum hanc methodum unum fasciculum habentem in imo polos N ducendi a medio laminæ subjectæ versus extremum S ejusdem, & alterum fasciculum eodem tempore alterum versus extremum, præstare Michelliana, qua fasciculi conjuncti ducuntur, patet etiam ex eo, quia in hac unus tantum fasciculus singulis extremis suum communicare potest; scilicet ille tantum, qui habet laminas, cujus imi poli sunt alterius nominis, ac polus extremi, quicum conjungitur, aut quorsum contendit, cum alter potius obesse debere videatur; at in altera singuli fasciculi & habent quæsitus a Michellio commodum æquilibrii, dum alius alius vorticem sustinet, non extra laminam affricandam, sed quod valde utilius est, in ipsius meatibus, & singuli cum sua quique dimidia lamina, & cum suo extremo, versus quod ducuntur, illius poli virtutem communicant, quæ cum vi poli jam in eo extremo excitata conspirat. Quod quantum omnes in partes valeat, ex iis, quæ hactenus disputavimus, compertum sit. Et revera id etiam confirmatur experimentis. Nam præter jam citata Duhamelii, Antheaumi & Cantoni sunt etiam Knightii, qui in affricanda acu nautica eandem adhibuit, utrimque ex medio acus versus extrema extrahendo duas laminas, quæ polis binominibus erant conjunctæ, affricandoque cum eadem hac methodo maximam vim communicari §. 311. num. 1.

ARTICULUS III.

Speciatim differitur de magnetibus Knightii, Duhamelii & Antheaumi, de vi majori chalybis, quam magnetis, deque ratione magis perficiendi artificiales magnetes.

§. 318.

EX quibus omnibus univérse liquidæ sunt rationes, cur hisce methodis tanta cum laminis ex chalybe temperato vis magnetica communicetur. Nihilominus ad rem magis sub oculos ponendam, idque magis magisque confirmandum magnetis phænomena ex notis mechanicæ principiis posse explicari, singulas percurrere methodos arbitror operæ pretium, & eorum etiam rationem asserre, quæ in superiori articulo tacta non sunt. Primum itaque adverto duas ex chalybe temperato laminas Knightii §. 311. num. 1. & 2. eo etiam majorem vim habuisse & per longius tempus servasse,

se, quod poli utriusque binomines, dum erant in theca, semper in utroque extremo fuerint conjuncti, atque ideo se mirum in modum vicissim iuvarint, dum vero educerentur ad experimenta faciendā, numquam laminæ ex abrupto separatæ fuerint, sed ita ut instar circini aperirentur, & hoc pacto saltem duo diversi nominis extrema aut conjuncta, aut saltem ex adverso posita manerent. Dum vero in theca parallelæ manent, se ad latera contingere non debent, sed intercepta regula lignea separandæ sunt, quod cum ferrum & chalybs magna vi trahant magnetis corpuscula, latera se contingentia nimis magnam fluidi magnetici copiam ad se pertraherent, a recto itinere secundum laminarum longitudinem averterent, & hoc pacto vim utriusque magneticam, quæ illum motum eamque directionem requirit, saltem aliquantum imminuerent. Quamquam autem per ligni poros eadem facilitate, ac per aerem, hæc effluvia transmittunt §. 15. tamen ea distantia facit, ut latera minori utantur in iis trahendis virtute, quam extrema, præsertim quia hæc conjunguntur ope contactuum ferri molliis, a quo magna vi eadem attrahuntur. Hac de causa ponuntur, ut profluvii magnetici communicatio habeatur potissimum inter duarum laminarum extrema, perinde ac si alia ab aliis proxime coningerentur.

2. Quia vero laminis tali virtute magnetica imbutis directio polorum magnetis naturalis mutari potest dicto §. 311. num. 2. & 10. immo eorum vis mirifice augeri num. eodem, & magna cum aliis ex chalybe temperato laminis virtus communicari, quæ a magnete naturali aut nullo pacto, aut vix præstari possunt; quæri hic potest, quæ de causa in chalybe temperato sit vis adeo major ea, quæ in dictis magnetibus observatur, & nihilominus vis naturalium sit constantior præ vi artificialium, & longius tempus incorrupta permaneat. Ex iis quæ disputavimus §. 209. & seq. constat ratio, cur ferrum ob majorem particularum olei, quo scatent ipsius meatus, copiam majori vi a magnete trahatur, & etiam magnes illo armatus & majorem & in multo majus spatium virtutem diffundat. Ex iis vero, quæ §. 114., 92., 87., 86. constat quoque modus, quo villi ferri, dum in magnetem vertitur, fixi & duriores atque in omnes partes minus versatiles fiunt, quia scilicet aliqua particularum olei copia virtute fermentationis cum acidis foras educitur, residuæ cum iisdem copulatæ in durius sulphuris corpus concrescunt. Quare plura sunt in magnete, quorum alia virtuti magneticæ nocent, alia vero prosunt. Huic vi certe obest minorem olei copiam in eo reperiri, & quæ residuæ sunt, non posse facile a corpusculis magnetis versus quamcumque dirigi plagam; prodest autem, quod ubi hæc residuæ particulae bique villi semel ab uno

De Magn. T. I.

R r

ad

ad alterum versus extremum directi sunt, non queunt ab illo ordine & positione, quæ ad vim magneticam valde conducit, facile deturbari. His positis videamus, in quo chalybs a ferro & a magnete differat. Qua in re Cl. Reaumurius detexit chalybem in eo discrepare a ferro, quod is majorem salium & sulphurum copiam habet, atque post plura tentamina harum molecularum salis & sulphuris cum ferro mixtione præclaram & valde utilem ferri in chalybem convertendi artem invenit, uti testatur Fouchius in Elogio Reaumurii, cujus excerpta videre licet tom.3. eximii Diarii inscripti *Esstratto della Letteratura Europea . . . a Berna*, quo recentissimæ quæque librorum extra Italiam editorum notitiæ cum literatis Italis magno scientiarum bono communicantur. Quo de loco vide, quæ differuimus num.9. §.221. quo hanc eandem materiem tractavimus. Unde in chalybe videtur esse major, quam in magnete, sulphurum & oleorum, quæ in sulphure sunt, copia, sed minor particularum ob eandem rationem durities, quamvis ob salium mixtionem sit in chalybe valde major, quam in ferro, præsertim accedente temperatura, quo particulæ magis magisque indurantur. His de causis fit, ut majorem præ magnete acquirat magneticam vim, sed quæ ob minorem villorum duritiem minus temporis integra perseveret. Quamquam rationem majoris vis in chalybe, quam in magnete, etiam ex eo peti posse mihi persuadeo, quod magnetis villi, dum ille in sinu terræ paulatim perficiuntur ex ferro, quod in eum convertit, ab altero ad alterum extremum, convertuntur ac diriguntur ab effluviis terrestri magnetis, dum ab altero ad alterum polum se conferunt §.273. villi autem laminarum a profluvio magnetico circa alterum magnetem rotante, vel etsi a primo solum ab iis, quæ circa tellurem torquentur in methodo Cantoni §.314. tamen rebus & instrumentis eo modo dispositis, qui ad villos dirigendos & ad vim magneticam communicandam est maxime accommodatus. Jam vero effluvia particularis magnetis in ipsius vicinia valde majorem habent vim, quam terrestria in tanta a nucleo magnetico distantia, & hæc ipsa modis descriptis usurpata majori utuntur virtute, quam si nullo officio præparata, sola natura duce, ad vis communicationem concurrant. Ergo jure ac merito mihi videor posse colligere artificiales ex chalybe laminas ob hanc etiam causam vim majorem, quam naturales magnetes, acquirere. Atque in ea sententia magis confirmor, quod artificialibus magnetibus non solum poli naturalium transmutantur, quo majus momentum accedit iis, quæ §.114. & consequ. disputavimus de non prorsus inflexilibus magnetis villis, verum etiam virtutis valde intensioris efficiuntur, ut qui ma-

gnes

gnes antea solum unam circiter unciam ferebat, post immutatos sapius polos villosque ope artificialium magnetum magis directos par fieret 22 unciis sustinendis §. 311. num. 10. Ex hoc enim experimento conficitur esse quidem in magnete villos oleosaque particulas idoneas ad corpuscula magnetica magna vi transmittenda, sed quia nimis duri sunt, quam ut a debili corpusculorum terrestris magnetici nuclei inflecti ac dirigi satis possint, ideo magnetes naturales valde minori virtute, quam artificiales, cieri. Nec ob aliam causam magnetes, observante Cabeo, ex profundioribus terræ sudijs eruti, ceteris paribus, vi utuntur majore præ iis, qui e loco minus profundo effodiuntur, nisi quia corpuscula a nucleo terrestri minus remota majorem habent vim, ut §. 273. num. 9. observavimus.

3. Atque hoc loco commode cadit, ut paucis exponam quid sentio circa artificiales magnetes magis perficiendos. Horum præcipui inventores, Knightius, Duhamelius, Antheumus, Michellius, atque Cantonus in eo consentiunt, quod laminæ chalybeæ etiam durissimæ, quales temperatura dat, quantumvis magna virtute magnetis donentur, tamen post aliquod tempus bonam vis, quam acceperunt, partem amisisse observantur, etiam si quæ ab ipsis præcepta sunt ad eam conservandam, accurate servemus; cum e contrario magnetes in convenienti positi situ ratione habita corpusculorum atque polorum terrestris magnetis per longissimum tempus suam vim tueantur. Id quod oritur ex eo, quod ut modo vidimus, villi chalybis etiam temperati valde minus duri sunt, quam villi magnetis. Quamobrem qui sibi propositum habeat perficere artificiales magnetes, eo spectare debet, ut villos chalybis magis induret, quam simplex temperatura facit, quin tamen ita duri evadant, ut a corpusculis magnetis dirigi ac inflecti non possint. Jam vero locis paulo ante citatis vidimus ferrum & chalybem in magnetem verti, sed per longum tempus, ope acidorum spirituum, qui subeuntes ferri & chalybis reconditiores meatus, & cum particulis oleosis conglutinati & deinceps fermentantes, eas in corpus durius convertunt. Quare simili quadam ratione indurandæ forent oleosæ particulæ chalybis vel acidis particulis commixtis cum aqua, in quam eadem lamina immergitur ad eam temperandam, vel qua ratione solertissimus Reaumurius in ferrum particulas salium & sulphuris ad illud in chalybem vertendum intrusit, eadem acidæ in chalybem intrudi possent. Quo altero modo lamina virtute magnetica facilius imbuti posset. Dum enim paulatim refrigescit, polo naturalis magnetis contingi deberet. Nam ob rationes §. 100. 105. expositas villi ipsius facile ab altero ad alterum ex-

tremum dirigi possent, etiamsi dum penitus frigidi sunt, valde magna duritie forent instructi: quemadmodum adverrente Musschenbroechio de *Magnete* cap. 3. exp. 89. magnes naturalis alterius magnetis polos mutare non potest, nec idcirco villos in contrariam partem dirigere. At si unus candentis magnetis polus cum polo cognomine alterius frigidi coniungatur, & expectetur dum prior refrigerat, poli in eo mutati & idcirco villi in contrarias partes directi deprehenduntur.

4. Si hoc pacto expendantur omnes illæ chalybeæ laminæ, quas ineptas virtuti magneticæ saltem statim suscipiendæ Duhamelius §. 311. num. 13. & 14. & Michellius §. 312. num. 3. sunt experti, nullus dubito fore ut saltem plures ex iis fiant aptæ eidem virtuti, & quidem in statu magis fixo & permanenti, quam habere soleant laminæ ex alio minus duro chalybe, quæ simul ac ad magnetem appellantur, quidpiam virtutis suscipiunt. Nam ex altera parte in huiusmodi chalybeis massis est magna particularum, quæ a magneticis trahuntur corpusculis, copia, & ex altera quæcumque acidarum aut alterius generis, quæ magneticæ virtuti subiectæ non sunt, vis cum ferreis particulis copulata reperitur, ipsa per se impedire non potest magnetis effluvia, quin usque ad moleculas ferri perveniant, eo quod ut vidimus §. 15. hæc per omnia corpora, ferro excepto, sine ulla resistantia discunt. Quare impedimentum, ut etiam vidimus §. 70. & 290. in eo positum est, quod hæc alterius generis moleculæ & simul omnes versus partes oleosas ferri moleculas disjiciunt, & eas nimium indurant, quam ut ab effluviis magneticis inflecti ac dirigi versus unam possint, quemadmodum necesse est ad polos formandos, & ad vorticem a polis pendentem §. 207. n. 1. atque idcirco ad vires centrifugas, unde attractrices & expultrices oriuntur. Quare si effluvia magnetica has offendant ferri oleosas moleculas, cum adhuc calent, & ideo molles sunt, & facile in omnes plagas versatiles, & quoad paulatim refrigerant & indurantur, eas continue secundum sui motus directionem impellant, facile quibunt inflectere atque dirigere versus eam plagam, quæ vortici formando & ideo virtuti magneticæ accommodata est. Tandem enim aliquando ad illud pervenietur temporis instans, in quo, remissa vi ignis, oleosæ particulæ non ita versus omnes plagas ab eodem disjiciantur, quin possint etiam incipere esse audientes vi corpusculorum magnetis, quæ illas conantur versus unam dirigere, nec tamen ob aliquam residuam ignis copiam etiamnum ita duræ sint factæ, ut aliquorsum a magneticis effluviis inflecti non queant. Immo residuus ille, sed parvus omnes versus plagas motus quammaxime conducet ad hoc, ut a magnetico

vor-

vortice secundum sui motus directionem inflectantur §. 100. 105. Hac eadem ratione tractandæ sunt illæ chalybis & ferri massæ; quales ex fodinis eruuntur, quas §. 313. num. 8. maxime idoneas esse virtuti magneticæ conservandæ, si tamen induere possint, ex Michellio monuimus. Nam ob allatas rationes multo plures eidem suscipiendæ aptæ reperientur, quam eas Michellius offenderit. Cum vero methodo ejusdem Michellii & Cantoni ope laminarum ex chalybe & duplici contactu multis partibus major, quam ope magnetis, cum aliis laminis communicetur, eadem materiæ calentes, atque caudentes affricandæ sunt, quoad omnino refrigerint; nullusque dubito, quin hisce observatis perfectissimos atque constantes artificiales magnetes obtineamus; atque id mihi ob hanc rationem persuadeo.

5. Si vectis ferreus in situ ad horizontem perpendiculari ponatur, vim acquirit magneticam imo extremo trahendi meridianalem acus, summo borealem, quam tamen virtutem amittit, simul ac ad situm transfertur horizontalem extremis ad orientem & occasum spectantibus §. 272. num. 1. & seq. At si expectetur, dum in situ perpendiculari refrigescat, ob rationes ibidem expositas potius constantes acquirit virtutemque trahendi, etiamsi alium quencumque situm vecti demus, ut ex Fayi experimentis collegimus. Quod si debilia terrestris magnetis corpuscula simplici ferro, quod postquam refriguit, mollibus adhuc ac valde flexibilibus olei moleculis constar, magis constantem trahendi vim impertit ob id unum, quod calens iisdem effluviis, quoad refrigeret, fuit commissum; quid ni valde fortiora terrestrium magnetum, & præsertim artificialium, & longe commodiori ratione percita ad operandum corpuscula duro chalybi & longe pluribus acidis particulis ad oleosas ipsius particulas magis indurandas imbuto, aut rigidissimis ex fodina erutis ferri aut chalybis massis, si candescant, & quoad refrigerint, affricentur, donabit trahendi vim saltem non minus constantem ea, quam in magnetibus naturalibus observamus, quæ non aliunde oritur, quam a telluris magneticis corpusculis, & a duritie, quam acidi spiritus oleosis ferri in magnetem versi moleculis conciliaverunt? Valde doleo mihi ea non superare, quæ ad id tenendum sunt necessaria, & quibus commodum est, obtestor & obsecro, ut ad periculum faciendum se conferant.

6. Sed ut ad magneticas Duhamellii laminas revertar, numero 3. cit. §. 311. is monet ad easdem conservandas præter ea, quæ supra meminimus, alia duo servari oportere, nisi ipsarum vim valde minui velimus, alterum a magna ferri massa longe arcendas, alterum vero non magnum ferri pondus ab iisdem esse elevandum. Hæc

autem duo, quæ tamen eodem recidunt, lucem aliquam afferre possunt illi quæstioni, quam §. 296. tractavimus ad concilianda contraria experimenta, quorum aliis efficitur ex affricu ferri ad magnetem magnetis vim diminui, aliis vero nequaquam. Quamvis enim villi magnetis sint magis fixi, quam durissimi chalybis, tamen etiam ipsi versatiles sunt, & revera in contrarias partes flectuntur non solum ab effluviis erumpentibus a chalybe, verum etiam ab iis, quæ aut minori vi ab alio magnete emittuntur, aut adhuc valde minori circa tellurem convertuntur §. 291. num. 2. Quare quemadmodum maxima ferri massa aut laminæ vicina, aut ad ea contacta de vi illius multum decerpit, eo quod magna vi attractrice, quæ massæ responder, prædita est; ita etiam magnes aliquam suæ vis partem amittat oportet, si ad nimis magnam ferri massam saltem per aliquod tempus affricum fuerit. Quod eo magis perspicuum fier, si ad rationem attendas, quam pro fulcris attulimus, ad majorem cum laminis vim communicandam. Inde enim intelliges magnam ferri massam præditam esse vi, qua cohibet vim magnetis, ne dum a lamina affricta avellitur, magnam vorticis partem ab eadem secum abripiat §. 317. immo & vi, qua partem magnetici vorticis trahat, & hoc pacto vim illius diminuat. Ex quo etiam fit, ut si magnes aut inermis sit, aut non armatus ea ratione, quæ illius intendendæ virtuti est maxime apta, ex affricu ad aliquas exiguas ferri massas majorem accipiat, eo quod ex altera parte ob rationes alibi expositas ipsius vortex majori percellitur celeritate, cum ferrum vicinum est, & ideo villi magis inflectuntur ac diriguntur, ex altera vero nimis exigua ferri vis exiguæ massæ respondens vorticis portionem a magnete disjungere & ideo villorum dispositionem in accessu acquisitam in recessu minuere nequit.

ARTICULUS IV.

Speciatim differitur de Magnetibus Michellii & Cantoni.

§. 319.

QUOD attinet ad Michelli methodum, quam §. 312. exposuimus, non immoror in reddenda ratione modi aut collocandi in theca, aut inde extrahendi chalybeas laminas jam affricatas, quo ipsarum vis conservetur ibid. num. 4., eo quod eadem est, atque illa, quam §. 317. enucleate explicavimus, petita a vorticum æquilibrio, quod servandum est, ne sibi laminæ noceant, & venio ad explicationem illius phænomeni, cujus ibid. num. 8. mentionem fecimus, quodque etiam in methodo Cantoni usuris-

se

se observavimus §. 314. num. 3. & 4. cur scilicet laminæ minori virtute percitæ ad alias fricandas usurpatæ multo majorem, quam ipsæ habeant, virtutem cum iisdem communicent. Ad id vero magis decidendum advertere necesse est circa quælibet ferri & chalybis multa esse magnetica effluvia, a vortice terrestris magnetis abrepta vi attractrice ferri, & chalybis, quæ in aliis corporibus non est, sed non esse idonea ad exferendam in alia ferri frustra vim attractricem & alias inde profectas, nisi ab altero ad alterum extremum dirigantur, similiter villos ferri dirigant, polos exitus & introitus forment, & eorum ope magneticum vorticem, unde existunt centrifugæ vires ejusdem, atque attractiones ac repulsionem, inde profectæ §. 288. n. 8. Ex quo sequitur ad eum finem, ut magnes ferreis aut chalybeis frustis vim magneticam impertiat, opus non esse ut partem aliquam sui vorticis cum iisdem communicet, sed illud tantum, ut corpuscula iis circumfusa & sine ullo certo ordine partim ingredientia, partim egredientia compellat eum in suo motu tenere, qui vortici generando necessarius est. Inde vero fit ut si adhibeatur is in affricando modus, qui ad eundem vorticem valde conducatur, qualem esse duplicis contactus supra docuimus, cum alia lamina possit communicari magnetica vis valde major illa, quæ in laminis fricantibus reperitur, præsertim si laminæ fricantes plures sint, quæ conjunctis viribus in unam tantum se explicent, & modus, quo adhibentur, sit hujusmodi, qui vires plurium sine ullo incommodo ad id efficiendum conjungat, qualem esse usurpatum a Michellio, aut a Cantono suis locis docuimus §. 318. 317. Igitur mirum esse non debet, si plus virium, quam sit in singulis laminis, hoc pacto communicetur.

2. Dum vero sex laminæ affricantur, Michellius §. 312. num. 5. præcipit, ut omnes poli S septentrionem respiciant, cujus ratio manifesta est; quia cum per ipsum polus S sit is, quo magnes liber ad septentrionem dirigitur §. 313. num. 7. eo quod corpuscula inde profecta in illum ingrediuntur, hic situs aptus est virtuti laminarum augendæ ope effluviis, quæ circa terrestrem magnetem convertuntur, ut in methodo Cantoni mox declarabimus ludentius.

3. Nec minus clara est ratio illius, quod præcipit num. 6. cum laminæ sunt affricandæ inermi magnete, & idcirco unius tantum poli affricu in singulis ductibus. Cum enim polus S magnetis ab extremo BS (fig. 30.) ad extremum AN primum ductus est, extremum BS acquisivit polum S, & extremum AN polum contrarium, eo quod extremum ultimo tactum a polo S vim poli contrarii adipiscitur §. 244. Quare si polus N magnetis super lami-

nas

nas ducendus est, quo eandem cum iis communicet vim, ad eum finem, ut jam acquisitam augeat, ductum ejusdem incipere oportet ab extremo AN, & in extremum BS terminare. Quia verò dum polus N ab altero ad alterum ducitur, initio cum primo extremo communicatur vis poli contrarii S, & deinceps cum polus versus alterum procedit, eadem corrumpitur, & vis inditur poli N §. 244. ideo vult Michellius, ut polus N non statuatur supra extremum AN laminæ ANno, sed super medium ejusdem sex pollices longæ, ne scilicet generatione poli S corrumpatur ille polus N, quem primus magnetis ductus eidem donavit.

4. Quod vero attinet ad Cantoni methodum, primo advertendum est forcipem focariam ima sui parte acquirere vim trahendi meridionalem acus, sive polum borealem §. 241. & quidem constantem, idque eo magis, quo plus & diutius adhibita & attrita fuerit, ut notat Fayus loco, quem supra citavimus. Quamobrem inde emittit corpuscula, quæ a polo australi telluris proficiunt. Hac de causa lamina perpendicularis semper ita affricatur imo extremo forcipis, quæ pariter situm fere perpendicularem servare debet, ut ab imo laminæ ad summum semper ducatur §. 314. Nam cum hoc pacto lamina fricatur, plura concurrunt ad eundem polum in imo extremo laminæ generandum. Nam corpuscula a polo telluris meridionali profecta ad illud extremum ob unum situm perpendicularem contendunt, ut inde egrediantur §. cir., multo vero majori copia propter attritum; imum etiam extremum forcipis, quod eundem habet polum non solum jam acquisitum ignis ope, verum etiam quæ ipsa ob unum verticalem situm acquirit, ad ejusdem in infimo laminæ extremo poli augmentum conducit, eo quod corpuscula erumpentia a magnetis polo, qui tangit unum laminæ extremum, contendunt ad alterum, ut ibi polum exitus forment §. 246. Contus vero ferreus, quicum laminam affricandam ante conjungit, quam affricet, fulcri rationem obtinet ad eum finem, ut major vis communicetur, ut ex Duhamelii experimentis competum fit §. 311. num. 5. & seq. Ex quibus patet illa omnia quæ §. 314. num. 2. exposuimus, non sine ratione a Cantono præscribi observanda. Cujus methodi reliqua cum jam in superioribus identidem fuerint explicata, necesse non est in eorum rationibus reddendis hoc loco immorari diutius, & satius arbitror ad alias transire, quæ restant proprietates magnetis, declinationem scilicet, atque inclinationem, de quibus in sequenti tomo seorsim disputabimus.

F I N I S.



610 1969

ANTICO
GOMO

Digitized by Google

